



36  
6  
112



Ex Bibliotheca  
majori Coll. Rom.  
Societ. Jesu

36.7.19  
12  
35-G-11







D. E  
LIBERA, ET PRVDENTI  
AGIBILIVM ELECTIONE  
IN MORALIBVS.  
*OPVSCVLVM.*  
A V C T O R E  
D. S T E P H A N O  
S P I N V L A  
CONGREGATIONIS SOMASCHÆ.



*Car. Spinola*

G E N V A E.

---

APVD PETRVM IOANNEM CALENZANVM.

MDCXXXVIII.

*SUPERIORVM PERMISSV.*

178

THE UNIVERSITY OF CHICAGO

LIBRARY

1215 EAST 58TH STREET

CHICAGO, ILL. 60637

U.S. DEPARTMENT OF AGRICULTURE

FOREST SERVICE

RESEARCH REPORT

NO. 1

1968

U.S. GOVERNMENT PRINTING OFFICE

WASHINGTON, D.C. 20540


FOR SALE BY THE NATIONAL BUREAU OF ECONOMIC RESEARCH

WASHINGTON, D.C. 20540



IUSTITIA ET PAX OSCULATAE SVNT IN TERRA NOSTRA







SERENISSIMO PRINCIPI  
GENVENSIS REIPUBLICÆ  
D V C I  
IOANNI BAPTISTÆ  
LOMELLINO  
AVVNCVLO COLENDISSIMO.

*D. Stephanus Spinula felicitatem.*



EXCIPE hilari fronte, qua soles me,  
Opusculum hoc meum SERENISSIME  
PRINCEPS. Fœtus est primogenitus  
ingenij nostri: Primitias autem sibi,  
vel Dij, vel Principes iure vendicant.  
Hinc munus ne putes, quod vel tuam flectere Iusti-  
tiam, vel gratiam nitatur sollicitare. Illa siquidem  
inflexibilis est, summo Vniuersæ Reipublicæ bono;  
hæc omnibus obuia, mihi vni plusquam satis est li-  
beralis. Tributum igitur est, quod vt Serenitati re-  
penderem tuæ, vel ab inuito extorsissent, Principis  
Maiestas, sanguinis necessitudo, & præ ceteris am-  
bitio, quod huic operi, in publicam lucem prode-  
unti, amicum perinde, ac augustum sydus affulgeret.  
Quod sanè illi contigisse iure potero gloriari. Quis

enim Auunculo amātius labores meos, qualeſcumque ſint, exciperet? Quis Principe auguſtius foueret, col-  
luſtraret? Sed vel alio titulo glorioſiori libellus tuus  
eſt. Exprimit hic Prudentiam rerum magiſtram agen-  
darum; & ideo te fronte debuit referre, qui Pru-  
dentiae regulatricis abſolutiſſimum eſ exemplar. Sanè  
enim par erat, vt eius ſub nomine prodiret in cartis  
Prudentia, ſub cuius perſona feliciffimè hanc urbem  
moderatur. Scit vniuerſa Reſpublica, ſciunt ſubditæ  
gentes, quàm eloquar conſona veritati. Fruuntur il-  
læ, te Principe, inter temporum calamitates, & ſedi-  
tioſas tumultuantium Regnorum procellas Pacis ma-  
lacia; & vbi finitimis è Regionibus belli vi ingruen-  
te Iuſtitia euolat, noſtras in vrbes conuolat, & ibi  
triumphat incorrupta. Adeò, vt tuo ſub regimine  
miremur, hiſce in terris impletum illud cœleſtis be-  
nedictionis oraculum, IVSTITIA, ET PAX  
OSCVLATÆ SVNT. Vale diù Sereniſſime  
Princeps tibi, & vniuerſæ Reipublicæ.

## CANDIDO LECTORI.



CUM agimus, Amice Lector, & milles actum.  
 Enimvero, cuius non astringere calamum de Conscien-  
 tia Questiones? Quis non Prudentiae legum Interpretes,  
 seu Verius, Latores? Jura quidem populis praescribere  
 Politicum Orbis regimen respicientia, solis Princi-  
 pibus reservatum; sed internam Animam cuiusque Urbem modera-  
 ri, rebelles affectus compescere, quid agendum, quid omittendum,  
 opportunis legibus edocere, quilibet litteraria in Republica, vel Gre-  
 garius consuevit. Hinc opinionum varietas: et licet quot capita, tot non  
 sint sententiae: tamen pro qualibet sententia, si auctores recenseas,  
 scribes Exercitum. Sed quem Exercitum? Inermem profecto, vel  
 solis nominibus armatum. Proh pudor? Theologicas Materias,  
 & etiam Philosophicas immo conatu exagitamur, acutissima Ingru-  
 acie plane exenteramus, rationum ponderibus omnia mecinur, leuia  
 quaque seuera Argumentorum statera expendimus; Deus Immorta-  
 lis! In quo non acriter digladiamur? Et postea Morales questio-  
 nes, veram viuendi, agendique formam adeo negligimus, ut illam  
 vix summis labijs dignemur attingere: quin immo veluti seridum phi-  
 losophantis Theologi grauitate indignum opus Summistis relinqui-  
 mus. Et ne extra chorum saltemus, quot leges Auctores, qui de  
 Conscientia typis ediderunt? At enumera, qui solidè rem tantam exa-  
 gitauerint, qui à principijs rerum sint exorsi, qui graui rationum mu-  
 nimine dicta firmauerint. Legere, quidem defatigabit oculos: at  
 non, enumerare, Memoriam. Ut cetera omittam, expende con-  
 trouersiam illam, totius practica Theologia basim, An liceat in  
 praxi sequi opinionem minus probabilem, nullus est, qui hanc qua-  
 stionem non petraetset: & iam pauci sunt, qui affirmatiua sententiae  
 nomen non dederint. Sed ob, quam male armata phalanx, quam  
 male munita telis ad bellum progreditur. Scit Candidus Philale-  
 zhus, Vir numquam melius Orbi notus, quam cum alieno rectus no-  
 mine sentiri voluit, agnosci noluit: sciunt quicumque disputationem  
 ipsius, de Opinionum Praxi, aquis Mentis oculis aspexere, quam  
 facile

facile vana nomina ad satietatem, usque licet, congesta rationum pondribus cedant. Potuit enimvero Candidus opinionem hanc, gentibus gratissimam licet, Recentiorum omnium calculo, & vniuersali penè populorum usu confirmatam, si non radicitus euellere, concutere sanè; adeo vt grauisissimi homines ique doctissimi nutare viderentur. Adeo grauius vano nominum sonitu aures implet & Mentem numerus rationum. Nutabat iam inquam communissima affirmativa sententia; & illa corruente quot, & que sequebantur incommoda, quot scrupuli, qua Angustia? AEgre ferebam, fateor, conscientias Fidelium restringi adeo, & iugum Dei, vel ipsa teste Veritate suauissimum & leue, grauisimum futurum dolebam. Acuis Ingenium dolor. Conatus sum Candidi iacula retundere, & collabentem sententiam non facile cessuris munire rationibus; vt scilicet, cui tantum ab auctoritate decus, non deesset ab armis praesidium. Addidi de dubio controuersa, simili methodo explicata: vt scholastico rigore haberes, quacumque ad Conscientiam spectant, examinata. Quid autem sum affecurus, ignoro: tu Iudex esto. Nec de his plura praefabor. Superest, vt humanitate, qua polles, hoc omnibus Titulis reue exeeipias, foveas, Opusculum: fortasse enim tua gratia rare irrigatum magnorum eris voluminum semen.

APPRO-



## A P P R O B A T I O N E S.

**C**VM opusculum Patris D. Stephani Spinulae Sacerdotis nostrae Congregationis, cui titulus est, *De libera, & prudenti agibilibus electione moralibus*, Duo eiusdem Congregationis Theologi, quibus id commissum, recognouerint, ac in lucem edi posse probauerint; facultatem damus, vt typis mandetur, seruari tamen seruandis. In cuius rei fidem &c.  
Dat. Papie in Collegio nostro S. Maioli. Pridie Idus Februarij. 1648.

*D. Io: Baptista Spinula Vic. Gen. Congregat. Somaſcha.*

**O**PUS totum, *De libera, & prudenti agibilibus electione in moralibus*, Reuerendissimo Patre Inquisitore onus demandante legi, attentè perpendi, in omnibus probavi. Id laudis Auctori debetur, quod alienam mentem proprijs non aggregauit in horreis, sed propriam replendis exposuit alienis. Inueniet lector doctrinam vberem, claram, discussam, nervosis argumentis concludentem; vnico verbo dixerim, (vt nomen sit operis omen,) leget Auctorem D. STEPHANVM SPINVLAM Congregationis Somaſchæ. SPINAM sine punctione penetrantem, eximiam veritatis CORONAM. Prodeat ergo publicæ eruditioni opus, & prælo, & communi plausu dignum, omnibus vti proficuum, sic futurum gratissimum. Ita Censeo.

*Fr. Io: Thomas Puteobonellus in Conuentu S. Dominici Læſ. Primarius.*

---

Imprimatur.  
**INQVISITOR GENVÆ.**

*[Faint, mostly illegible text, likely bleed-through from the reverse side of the page.]*

# I N D E X

## DISPV TATIONVM, & SECTIONVM.

### DISPV TATIO PRIMA.

*De rectitudine requisita in actionibus moralibus.*

**S**ECTIO PRIMA. *Quis actus, & cuius parentia sit regula rectificant actiones morales.* 188

**S**ECTIO SECUNDA. *In quo consistat, & unde desumatur rectitudo regulae nostrarum operationum moralium.* 197

**S**ECTIO TERTIA. *An & quomodo recta ratio sit idem cum conscientia.* 211

**S**ECTIO QUARTA. *An possit quis tantum probabiliter esse certus de honestate suae actionis; & an hac tantum probabilis certitudo sufficiat ad honestè operandum, & sine peccato.* 222

**S**ECTIO QUINTA. *Quo pacto debeas esse cognita materia nostrarum operationum.* 239

**S**ECTIO SEXTA. *An requiratur certitudo, & euentia de probabilitate opinionis eligenda, & non sufficiat opinio de ea.* 255

### DISPV TATIO SECUNDA.

*De probabilitate opinionum.*

**S**ECTIO PRIMA. *Quaenam sit opinio verè probabilis.* 264

**S**ECTIO SECUNDA. *An opinio putata falsa possit in sensu composito iudicari probabilis.* 281

**S**ECTIO TERTIA. *An concurrentibus opinionibus aequè probabilibus, vel probabili cū probabiliore, utraq; remaneat simpliciter probabilis.* 289

**S**ECTIO QUARTA. *An & quomodo liberum sit opinari.* 299

**S**ECTIO QUINTA. *Soluntur argumenta Candidi Philalethi.* 321

**S**ECTIO SEXTA. *Quod iudicium possit formare intellectus de utraque contradictoria in sensu composito.* 347

### DISPV TATIO TERTIA.

*De honesta electione opinionis probabilis, seu materia probabiliter opinata.*

**S**ECTIO PRIMA. *Recoluntur nonnulla in praecedentibus disputacionibus stabilita.* 352

**S**ECTIO SECUNDA. *An agens licitè operetur, & sine peccato ex hoc praeiudice, quod eligat materiam, cuius honestas ibi euidenter probabilis est.* 356

**S**ECTIO TERTIA. *Inferuntur quaedam conclusiones ex dictis.* 366

**S**ECTIO QUARTA. *An licitum sit sequi partem minus probabilem relictæ probabiliori.* 377

**S**ECTIO QUINTA. *Soluntur argumenta contraria sententiae.* 383

**S**ECTIO SEXTA. *Soluntur quaedam argumenta absurdæ.* 397

**S**ECTIO SEPTIMA. *Soluntur alia argumenta.* 403

### DISPV TATIO VLTIMA.

*De prudenti actione in dubijs, siue ut communiter dicitur de conscientia dubia.*

**S**ECTIO PRIMA. *Quid agendum in dubio iuris.* 408

**S**ECTIO SECUNDA. *An Casus reservatus in dubio sit reservatus, & quid agendum.* 427

**S**ECTIO TERTIA. *Quid agendum in dubio excommunicationis.* 437

**S**ECTIO QUARTA. *Quid agendum in dubio probabilis excommunicationis.* 453

**S**ECTIO QUINTA. *Quid agendum in dubio voti.* 463

**S**ECTIO SEXTA. *Quid agendum in dubio facti.* 473

**S**ECTIO SEPTIMA. *Expenduntur alia dubia facti.* 483

### *Errata.*

Pag. 122. lin. 20. Motius

124. 24. Et

128. 1. aliquorum

165. vk. si vel

220. 18. posse

260. 5. tolet

263. 7. illis

266. 25. nullam

288. 6. & tamen celebrat. c. g.

quis ignorat se esse suspensum

305. 30. faceret

308. 19. seruari

311. 23. Ignorantia

349. 2. in ea

346. vk. prælumit

354. 28. priuato

### *Corrige.*

Motius

U

aliquo

vel

posse

esse tolet

illis

nulla

c. g. quis ignorat se esse suspen-

sus & tamen celebrat

facere

seruare

Excommunicatio

in eo

prælumi

privati

(10-1)

2. 100

100

100

100

100

100

100

100

100

100

100

100

100

100

100

100

100

100

100

100

100

100

100

100

100

100

100

100

100

100

100

100

100

100

100

100

100

100

100

100

100

100

100

100

100

100

100

100

100

100

100

100

100

100

100

100

100

(10-2)

2. 100

100

100

100

100

100

100

100

100

100

100

100

100

100

100

100

100

100

100

100

100

100

100

100

100

100

100

100

100

100

100

100

100

100

100

100

100

100

100

100

100

100

100

100

100

100

100

100

100

100

100

100

100

100

100

100

100

# DE LIBERA

E T

PRUDENTI

AGIBILVM ELECTIONE IN MORALIBVS.

OPVSCVLVM.



T clariori, qua possumus methodo incedamus in soluendis varijs difficultatibus, quæ in hac materia occurrunt, hoc Opusculum diuidemus in quatuor Disputationes in plures sectiones subdivisas,

## DISPUTATIO PRIMA.

*De rectitudine requisita in actionibus moralibus.*

**D**E libertate agendi in moralibus acturus in præsentis opusculo, in quantum secum compatitur honestatem, & rectitudinem debitam citra peccatum; prius exagitantū censeo, quæ rectitudo requiratur ad actiones humanas; hinc enim melius dignoscetur, an & quomodo cum libertate subsistere possit. Igitur sit.

### SECTIO PRIMA.

*Quis actus, & cuius potentia sit regula rectificans actiones morales.*

**C**VM actus humani habeant indifferentiam ad rectitudinem, vel prauitatem, necessaria est aliqua  
A regula,

2 DISPUTATIO PRIMA

regula, qua dirigantur, & qua voluntas directa rectè operetur, cum alioquin de se sit apta nata bene vel male agere; hanc autem esse actum intellectus, qui proinde appellatur recta ratio, & rectum dictamen rationis, patet; tum ex Dion. *lib. de diuinis nominibus*, aiente; *Malum hominis esse contra rationem esse*. tum ex Diuo Thom. *p. 2. q. 19. ar. 3.* & DD. communiter; tum etiam quia, cum regula debeat docere, & præscribere modum operandi, solus intellectus potest esse regula, qui solus potest docere.

Quia autem intellectus generalissima diuisione alius est practicus, alius speculatiuus, non omnis intellectus potest esse recta ratio, & regula nostrarum operationum; sed cum regula ordinetur ad opus; solus intellectus practicus poterit esse regula. Quid autem intelligendum sit nomine intellectus practici sic ex Philosophia breuiter explico.

Ille actus dicitur practicus, qui repræsentat obiectum operabile prout operabile à cognoscente moto, & directo vitalis cognitionis ad opus. Vnde communiter dicitur actum practicum mouere ad praxim, quam habet pro obiecto, inclinare potentiam executiuam ad operandum tali modo, quem ipse præscribit. Quod quidem elegantissimè duobus verbis exprimunt Thomæ, stæ, dum docent actum practicum debere esse talem ex obiecto, non ex effectu; hoc est non sufficere, quod ex actu quomodolibet remotè sequatur opus, sed requiri, quod tale opus sit obiectum actus, qui dicitur practicus, & ab illo præscribatur vt operandum.

Ex quo infero, actum proponentem aliquod obiectum secundum sua prædicata, vel phisica, vel moralia in se simpliciter; (esto deinde tale obiectum possit esse materia nostrarum electionum) talem inquam actum

A

non

non esse practicum, nec regulam nostræ actionis, quæ feratur postea in dictum obiectum. Vnde nec actus Phisicæ docens vinum esse virtualiter calidum practicus est, licet hoc principio possit moueri senex ad vini electionem: nec actus dictans cambium recursæ nullam in se continere iniustitiam, practicus erit, licet ex hoc principio possit quis remotè moueri ad dictū cambium eligendum.

Probatur illatio; tūm quia iste actus solum rimatur essentiam, & passionem sui obiecti, quod utique est speculatiuè procedere: tūm quia opus propositum nec proponitur vt operabile, nec prout proponitur est operabile; proponitur enim tantūm secundū sua prædicata, conuenientiam, vel disconuenientiam cum iustitia, in quo certè non relucet ratio operabilitatis; nec illud quidem vt sic propositum est operabile, nec enim cognoscens efficere potest, quod obiectum habeat dicta prædicata, vel non habeat. Illa enim habet, vel non habet de se antecedenter, vel independenter ab operante. Si autem in voluntate sequatur electio ipsius obiecti, certè non sequetur ex hoc actu proximè, tamquàm ex actu practico, sed remotè tamquàm effectus ipsius. Supposito enim hoc actu potest excitari alius actus, qui dictet, hic, & nunc electionem huius obiecti sic propositi esse licitam. Hic igitur actus erit ille, qui erit recta ratio, & regula nostrarum operationum, ille primus requiretur tamquàm cōditio ad hunc secundū.

Dices. Ille primus actus repræsentat obiectum operabile à cognoscente; ergo sufficienter erit motiuus voluntatis, & per consequens practicus.

Resp. merè materialiter se habere ad hunc actum, quod obiectum propositum sit operabile, necne; solum enim de formali in hoc actu venit iustitia obiecti, quæ

solum exprimitur; item iste actus de se non est sufficiens motuius voluntatis, vi enim illius præcisè voluntas nihil potest operari. Voluntas enim cum sit potentia, cæca, adhuc ut possit eligere aliquod obiectum, requiritur ut ipsi proponatur tale obiectum ut eligibile; quod enim tale obiectum sit eligibile ab ipsa, nescit voluntas, quæ cæca est, nisi ei proponatur, ut tale. Neque enim ex hoc præcisè, quod aliquid proponatur voluntati ut iustum, & rectum in se, potest voluntas efficaciter illud eligere; alias ex hoc, quod proponeretur voluntati, punire impios in Inferno esse quid iustum, posset voluntas illud eligere, quod est ridiculum.

Respondebis talem operationem nempe punire impios in Inferno, non esse eligibile à voluntate, quia non est in ipsius potestate punire impios, & nemo eligit, quod efficere non potest ex Aristotele 6. *Mor. cap. 2.*

Bene; igitur debet voluntas scire, quando operatio, & obiectum est eligibile, & quando nō, & hoc per actū intellectus, ipsa est enim de se cæca, & ignorans; igitur quia dictus actus nihil proponit de eligibilitate, nō erit sufficienter motuius voluntatis ad eligendum.

Dices secundo. Adhuc ut voluntas moueatur sufficit, quod obiectum ei proponatur ut bonum, naturali enim virtute ad illud inclinatur. Ex hoc ipso autem, quod obiectum proponitur ut iustum, proponitur ut bonū, & ut licitū, quod est species boni; ergo per actum præcisè proponentem iustitiam obiecti, poterit voluntas moveri; unde sufficienter dictus actus erit practicus.

Resp. bonum esse duplex, aliud in se, & absolutum, aliud alteri, & respectivum. Verum est, quod ex hoc ipso, quod proponitur obiectum ut in se iustum, proponitur saltem implicite ut in se bonum; nego autem, quod proponatur ut bonum respectivè cognoscenti. Volun-

tas



tas enim non mouetur ad eligendum bonitate in se, & absoluta, sed bonitate respectiua, & sibi cōducēte, quod nempe hic, & nunc bonum sit sibi eligere tale obiectū. Ad id quod dicitur de licito, quia licitum dicitur ad alterum, nego quod statim ac proponitur aliquod bonū in se, proponatur eodem actu vt licitum, sed requiritur alius actus, qui ex hoc, quod obiectum cognoscatur continere iusticiam, dicet voluntati hic, & nunc tale obiectum esse sibi bonum, & licitum, & hic erit verus actus practicus, & regula de qua in præsentī.

Dices tertio. D. Aug. lib. 1. ad Simpli. q. 2. ait *Impossibile esse voluntatem visis non tangi*. ergo ex hoc præcisè, quod proponatur obiectum vt bonum, mouebitur ab illo voluntas. Confirmatur, quia actus omnes indeliberati procedunt ex simplici propositione obiecti, vt boni, absque vllō iudicio practico reflexo; ergo &c.

Resp. primo ideo voluntatem moueri rebus visis, quia visionem rerum bonarum consequitur alius actus intellectus dictans illas posse, vel debere eligi; vnde electio, quæ sequitur in voluntate pendet practicè ab hoc iudicio subsequente; quod licet fortasse non semper clarè discernatur, semper tamen interuenit; neque est nouum multos actus interuenire tam in intellectu, quā in voluntate, quos non discernimus. Vnde etiam motus indeliberati præter simplicem propositionem obiecti, habent vltèrius iudicium practicum dictans voluntati tales motus; neque enim dicuntur indeliberati ex carentia huius iudicij; sed ex carentia propositionis obiecti cum indifferentia, quæ requiritur ad libertatem.

Resp. secundo, quod D. Aug. loquitur de simplici quodam amore, & complacentia, quæ per naturalem sequelam resultat ex cognitione boni, qua ipsum bonū amamus in se, non nobis, quæ neque est praxis, nec libera,

bera, nec per ullam regulam regulatur; unde non est electio, de qua in præsentī. De qua quidem simplici complacentia, & amore verificari potest, id quod nonnulli contendunt, nempe etiam intellectum speculatiuum mouere; scilicet vt supra dicebam cum Thomistis non ex obiecto, sed ex effectu. Igitur sit.

*Conclusio vnica.*

**R**ecta ratio, & regula operationum moralium est actus intellectus dictans hic, & nunc actionem esse licitam, & honestam. Aduerte, non dico actus dictans obiectum seu materiam actionis, seu electionis esse honestam, sed actus dictans ipsam electionem, ipsum actum voluntatis esse honestum.

Patet ex dictis; & si vltius auctoritates requiris, sic illas affero. Recta ratio, & regula nostrarum operationū certum est, quod est ipsa prudentia, quæ regulat omnes actiones morales cuiuscumque virtutis, unde virtus vniuersalis dicitur. Prudentia autē ab Aristotele 6. mor. cap. 11. dicitur *præceptiua*; quod explicat S. Th. in 3. d. 37. a. 4. in 4. quæst. ad primū, consistere in hoc quod sententias hic, & nunc aliquid esse faciendum; qui S. D. a. 3. ad secundum dixerat. *eligere media esse actum virtutum particularium, in quarum materia est medium electum; ac præfigere electionem talis medij, esse actum virtutis moralis, & prudentiæ*; quod clarè etiam dixerat in corpore, dum ait, quod *electio medij secundum quod dicit præceptum rationis de his prosequendis, est actus prudentiæ sibi proprius*. Adde Caiet. Opus. 3. 1. qui est 17. responsionum respons. 13. qu. vltima, vbi docet, intellectū proponentē honestatē rei, quia nihil dicit de operando esse speculatiuum, illumq; non esse regulā operis. Nau. c. si quis de Pæn. d. 7. & alibi multis in locis; Layman. lib. 1. tract. 1. c. 5. cum multis alijs.

SECTIO

SECTIO SECUNDA.

*In quo consistat, & unde desumatur rectitudo regulæ  
nostrarum operationum moralium.*

**S**I regula nostrarum operationum moralium in iudicio speculatio de honestate materiæ consisteret, facile esset explicare, unde desumatur ipsius rectitudo; ex convenientia scilicet cum suo obiecto in esse rei; quod est idem ac dicere, in veritate ipsius consisteret; quia, autem in iudicio practico consistit, admodum difficile est, hoc explicare.

Nam in primis ex convenientia cum re enunciata, non videtur posse desumi; siquidem stat iudicium practicum esse rectum, & actionem ab illo regulatam esse honestam, & tamen non conformari cum re enunciata, eo quia hæc diuersimodè se habet, ac proponitur. Quod exemplificatur cõmuniter in cõcubitu Iacob, & Lyæ, qui concubitus respectu Iacob honestus fuit, & nõ peccaminosus; unde iudicium practicum, quod fuit regula ipsius, & dictabat illum esse licitum, debuit esse rectum, & tamen non conformabatur rei enunciatæ in se. In re enim materialiter licitum non erat accedere ad Lyam, quæ re vera vxor Iacob non erat.

Secundo, Neque dici potest rectitudinem regulæ rationis desumi ex ordine, & conformatione ad rectum appetitum, in quantum scilicet illa dicatur recta ratio, quæ proponit illud, quod voluntas potest iustè velle; Nam inquiri, quid potest voluntas iustè velle? certè nihil aliud; responderi potest, nisi quod per rectam rationem proponitur; Ergo si rectus appetitus, & recta voluntas dicitur in ordine ad rectam rationem, non potest recta ratio dici in ordine ad rectum appetitum, ne committatur circulus manifestus,

stus. Addequod Aristoteles, qui docuit 6. *Eth. c. 2.* bonitatem intellectus practici esse verum conforme appetitui recto explicatur à S. Th. p. 2. q. 19. a 3. ad 2. de intellectu practico proponente media, qui intantum sit rectus, inquantum conformatur appetitui recto, non quomodolibet, sed finis; quod est idem ac dicere, intellectum practicum proponentem media intantum esse rectum, inquantum proponit media conducentia, & conformia fini appetito, & voluto.

Vasq. p. 2. d. 58. c. 2. Impugnatis varijs dicendi modis, sic à priori explicat rectitudinem rationis. Illa est recta ratio practica, quę pensatis omnibus circumstantijs, proponit voluntati id, quod vel est, vel inuincibiliter putatur conueniens naturę rationali; per ly autem naturę rationali intelligit rectum appetitum, vt patet ex *III. 11.* & sanè nihil aliud potest intelligere; nam cū natura rationalis dicat, vel intellectum, vel voluntatē, & in ordine ad intellectum recta ratio non possit explicari; aliàs cum ipsa intellectus sit, explicaretur in ordine ad seipsam, reliquum est, vt explicetur in ordine ad voluntatem; & sic putat omnem circulum euadere.

Sed ni fallor, non euadit, & incidit in sententiam, explicantium rectam rationem in ordine ad rectū appetitum. Nam inquirō, quid est, seu quid intelligitur per ly conueniens naturę rationali, vel appetitui? bonū ne & honestum in se? nequit hoc dici; nam multoties ratio est recta, licet præcipiat id, quod in re honestum non est, vt patet ex exemplo Iacob mox allato; & etiam quia, conueniens naturę rationali sonat quid respectuum; bonum autem, & honestum in se quid absolutum; & propter hoc neq; potest intelligi id, quod apprehenditur vt honestum in se, hoc enim etiam sonat quid absolutū. Igitur per illa verba debet intelligi, quod proponitur

ponitur tale, unde ceat, quod appetatur ab appetitu, non quomodo libet, sed rationali; modo sic arguo; quid debet licet appetere appetitus rationalis? id utique, quod proponitur per rectam rationem, in hoc enim differt ab appetitu bruto; ergo iam recta ratio explicatur in ordine ad appetitum rationalem, & appetitus rationalis in ordine ad rectam rationem, ecce idem circulus.

Vnde sic colligo argumentum. Recta ratio consistit in hoc, quod proponat id quod decet, vel putatur decere, appetitum rationalem, hoc est ratione utentem, quod idem est ac dicere rectum. Sed id, quod decet appetitum rectum, seu rationalem, est id, quod decet, ut appetat, & velit appetitus rationalis, & rectus; ergo recta ratio est illa, quæ proponit id, quod iuste vult appetitus rationalis, & rectus; ergo iam desumimus rectitudinem rationis in ordine ad rectum appetitum. Pro explicatione autem huius difficultatis sit.

*Conclusio unica.*

**R**ectitudo regulæ actionum moralium desumitur ex convenientia cum iudicio speculativo ad ipsam præsupposito, vel dictante materiam eligendam esse honestam in se, vel saltem probabile esse, quod sit honesta. Ut eligenda sumatur in sensu specificativo. Dixi autem disunctivè, vel dictante materiam esse honestam, vel probabile esse &c. ut præcinderè ab ea questione, an requiratur assensus probabilis de honestate materiæ in se, de qua infra.

Conclusio explicatur clarissimè. Illa est recta ratio, quæ proponit voluntati eligendum illud obiectum, quod per iudicium speculativum antecedens est cognitum iustum, & honestum hic, & nunc in talibus circumstantiis. Sic E. G. ratio, quæ dictat eligendum lucrum ex mutuo ratione lucri cessantis est recta, quia

B

con-

conformatur iudicio speculativo, quo intellectus iudicat lucrum ex mutuo ratione lucri cessantis nullum continere iniustitiam. Vnde esto lucrum ex mutuo ratione lucri cessantis esset in re iniustum, adhuc hæc ratio esset recta, quia adhuc conformaretur suo obiecto, prout ab illa respicitur; nec enim respicitur prout in re, sed prout iudicatum cum sufficienti diligentia, & fundamento esse iustum. Hinc etiam patet rectam fuisse rationem, qua directa voluntas Iacob ad Lyam accessit; nam ratio ipsius cum sufficienti fundamento dictavit accessum ad Lyam esse eligendum; quia cum sufficienti fundamento proponebatur à iudicio speculativo ut licitus, & ut iustitiæ consonus; unde quia conformabatur illi, cui debet conformari, ratio illa recta fuit, & appetitus Iacob rectus.

Ex hac autem explicatione nullus sequitur circulus. Nam appetitus dicitur rectus in ordine ad rectam rationem; recta ratio in ordine ad rectum iudicium speculativum; quod quidem dicitur rectum rectitudine physica, quæ est veritas, eo quia est conforme obiecto suo in esse rei, rectitudine vero morali, eo quia habet sufficientiam motiva; per hæc enim ponitur in specie iudicii prudentis. Laboraverunt autem fortasse DD. in hoc puncto explicando, quia non distinxerunt rectam rationem à iudicio speculativo.

Dices. Quandoque iudicium speculativum non est rectum, ut contingit in Iacob; ergo ratio, quæ ex illo dependet, non poterit esse recta: vel si est recta, aliunde debet desumi eius rectitudo.

Resp. Negando consequentiam quia cum ratio dicatur recta, quia se conformat illi iudicio cum sufficienti diligentia facto, quomodocumque postea illud in re sit, dummodo illi se conformet, recta erit. Si quis autem obsti-

obstinatè contendat in hoc enthimemate Iacob; Accessus ad Lyam hic, & nunc est iustus, ergo electio illius hic, & nunc erit licita, & honesta; conclusionem hanc, quæ ratio practica est, esse falsam, quia sequitur ex antecedenti falso, ex falso autem verum sequi non potest.

Resp. ex falso præcisè, & per se, non posse sequi verum, ex falso verò materialiter, & specificatiuè, seu ex propositione, quæ falsa sit quidem, tamen quæ aliquid aliud habeat, vi cuius possit refundere veritatem, posse sequi verum; præsertim si connexionem habeat cum consequenti, non quâ, seu ex eo capite, ex quo est falsa, sed aliunde. Sic res se habet in casu nostro; iudiciū quidem antecedens speculatiuum est falsum, at conclusio est vera, quia eius veritas desumitur non ex iudicio, quâ aliquid enunciat, ex hoc enim capite falsum est; sed quâ cum sufficienti diligentia aliquid enunciat; quæ sufficiens diligentia, quia in antecedente illo Iacob fuit, ideo potuit refundere veritatem in conclusionem; reuera enim honesta fuit electio in Iacob concubitus cum Lya. Vel, ne alterceris, distinguas antecedens; iudiciū speculatiuum factum cum sufficienti diligentia non est rectum rectitudine physica, quæ in veritate consistit, esto; non est rectum rectitudine morali, quæ desumitur ex eo, quod habeat sufficientia motiua, nego antecedens; ergo ratio, quæ ab illo dependet, non poterit esse recta moraliter, nego consequentiam, physicè, non disputo in presenti.

## S E C T I O T E R T I A.

*An, & quomodo recta ratio sit idem cum conscientia.*

**C**Larum est rectam rationem adæquatè non esse idem cum conscientia, illa enim multò minus patet; conscientia enim est multiplex, recta, erronea, crassa;

dicatur etiam probabilis, dubia, & scrupulosa. Certum est autem hæc omnia rectæ rationi convenire non posse; hæc enim, vel ex ipsis terminis erronea, saltem defectibiliter esse non potest, nec crassa. In hoc autem convenit recta ratio cum conscientia, quod utraq; practica est, & dicitur immediatè operis per iudicium speculativum cogniti, electionem; ex D. Th. & DD. cōmuniter; non enim modo loquimur de conscientia veluti reflexa, qua quis reflectens supra suas actiones factas, illas cognoscit esse licitas, quo sensu dicit Apostolus, *Nihil mihi conscius sum. p. ad Cor. 4. & ad Hebræos 10. idçò quod nullam haberent ultra conscientiam peccati.* Nec enim hæc est regula operis, nisi fortè, remòtè, & per accidens. Vid. Vasq. p. 2. d. 59. c. p. & ideo conscientia à D. Basilio in *Prouerb.* appellatur *naturale iudicium*; & à Damasc. 2. *de fide, lex intellectus nostri.* Patet autè legem, & iudicem practicè sententiare, quid sit agendum.

Ut autem plenè cognoscamus an, & quomodo recta ratio dicatur ad conuertentiam cum conscientia; videamus quid conscientia sit, & quoruplex.

Conscientia definitur à D. Th. tum p. 2. q. 194. 5. *in sed contra;* tum q. 17. *de ver. a. p.* tum alibi sic; *conscientia est applicatio scientiæ ad aliquem actum*; quæ definitio ab omnibus recipitur. Nomine sciētiae venit cognitio illa præcedens de materia electionis, quæ sola est actus voluntatis, de quo in præsentia. Neque vero nomine sciētiae venit cognitio solum scientifica verorum, sed quæcumq; notitia sufficiens ex eodem S. D. q. *de ver. cit. a. 2. ad 2.* applicatio autem consistit in quodam syllogismo, in quo ex principio generali, quod nullum malum est faciendum, & omne quod bonum est potest fieri, assumpta scientia particulari de aliquo obiecto, & mate-

ria



ria concludit conscientia, & dicit talem materiam vel posse, vel non posse eligi; ex eodem *id. cit. in corpore*, cui consentit Cancell. Paris. *p. 2. de natura, & qualitate conscientie*; quem quidem syllogismum oportet pro dicendis explicare, pro quo

Adnotandum diligenter est, (quod multum inferuiet ad notitiam dicendorum in toto hoc opusculo) obiectum proprium rectæ rationis, quæ prudentia est, esse ipsum actum internum voluntatis, ipsam electionem, seu ut loquar verbis Aristotelicis ipsam prosecutionem, & fugam, non vero materiam, seu obiectum prosecutionis, & fugæ; docet hoc in terminis Aristoteles 3. *Moral. c. 2.* ubi ait, *opinamur vero, quid sit aliquid, aut cui, & quomodo, eligimus autem capere, vel fugere*; igitur cum prudentia ex Aristotele sit actiua, hoc est electiua, idem enim apud Philosophum sonat actiuū, ac electiuum, sicut idem agibile, ac eligibile; tūc alibi, tūc 6. *Metaph. c. p. 1. p.* obiectum prudentiæ, & per consequens etiā rectæ rationis erit prosecutio, vel fuga. Et ratio huius rei est euident, quia illud est obiectum prudentiæ, quod est dirigibile per ipsam, certè autem soli actus interni prosecutio, & fuga, non vero materia circa quam versantur, dirigibiles sunt; quia igitur prudentia dicitur de suo obiecto, quod hic, & nunc sit licitum, & ponendum; conclusiones, & præcepta Prudentiæ de electionibus voluntatis dictabunt, quarum nomine comprehenditur tam prosecutio, quam fuga; non vero de materia electionum; hæc enim supponitur prius cognita per iudicium speculatiuum antecedens. Conscientia igitur, quæ per se primario formaliter respicit actus internos prosecutionis, & fugæ, & illos dirigit, dictos actus habebit pro obiecto, & de illis dictabit, non vero de materia horum actuum.

Erit

Erit igitur hic syllogismus cōscientiæ. Omnis electio; seu omnis prosecutio, & fugalicia, & honesta potest à voluntate produci; & in hac maiori non poterit subesse error; assumetur postea minor particularis; sed electio huius materiæ hic, & nunc est licita; ergo potest à voluntate produci; quo syllogismo posito, si illi conformis voluntas operetur, dicitur secundum conscientiam operari. De veritate autem minoris certioratur conscientia modo, de quo infra, cū quæram, quomodo agens debeat esse certus de honestate suæ actionis, ad hoc ut prudenter, & cum recta ratione operetur. Hic autem syllogismus, quo posito dicitur conscientia formata, non est necesse, quod semper formaliter, & explicitè interueniat, sed sufficit virtualiter, & implicitè.

Sic igitur patet, quomodo conscientia applicet scientiam, quam habet de electione ad illam præscribendo, quando debeat poni. Sic etiam intelligitur, quomodo dicatur applicatio scientiæ ad actum, nempe ad electionem, scilicet prosecutionem, & fugam, qui sunt veri actus, quos habet conscientia dirigere. Hinc etiā tertio intelligitur, quomodo conscientia possit esse erronea; quia enim conscientia habet syllogizare, dupliciter potest contingere, quod erret. Primo quidem ex assumptione alicuius propositionis falsæ, & hic error ex parte scientiæ; secundo ex prauo usu, & mala applicatione scientiæ ad actum, simili modo quo, ut docet S. Th. *q. de ver. cit. a. 2. in corpore.* syllogizans potest dupliciter errare, & assumendo falsam, & male disponendo assumptam. Primo modo dicetur cōscientia erronea ex parte termini; secundo vero modo in se formaliter, quia enim conscientia ex supradictis est applicatio scientiæ ad aliquem actum, quando erit error in scientia, utique erit ex parte termini, quando vero in malo usu, seu applicatione

tione scientiæ, tunc in ipsa conscientia error formaliter consistit. Dupliciter autem potest consistere error ex parte scientiæ, vel materialiter, & inuincibiliter, vel vincibiliter, & formaliter. Primo quidem, quatenus scientia, in quam denique refunditur totus discursus conscientiæ, est falsa quidem, sed sine culpa vlla agentis, & intelligentis, eò quia non temerè, sed cum sufficienti fundamento, & motiuo talem scientiam amplexus est intellectus; secundo vero, quatenus sine fundamento sufficienti, & requisito tali scientiæ adhæsit intellectus. Utroque ex his duobus modis euadit conscientia erronea ex parte scientiæ, admodum tamen diuersimodè; nam primo modo conscientia in se nullo pacto euadit erronea, & error termini nullum errorem refundit in conscientiam, etiam si tali scientiæ quamvis erranti conformetur; quin immo inde recta euadit; reſtitudo enim conscientiæ, quæ in hoc idem est cum ratione recta, ex conformitate ipsius cum scientia speculatiua sufficienti fundamento habita desumitur; & hæc habet vim cogendi, si non simpliciter, hoc est in omnem euentum, saltem secundum quid, hoc est quamdiu durat, vt explicat S. D. q. cit. a. 4. in corpore; & tenetur voluntas ab illa non discordare. D. Th. *ibid.* q. 2. q. 19. a. 5. vnde ex hoc, quod appetitus illi se conformet rectus est, & electio honesta, vt dictum est *Sett. præcedenti*, cum de reſtitutione rectæ rationis, quæ in præſenti idem est, ac conscientia.

Secundo vero modo error contingens ex parte scientiæ conscientiam vitiat in se, tenetur enim conscientia non applicare scientiam ad actum, nisi cum sufficienti fundamento, & motiuo habitam, vnde tunc conscientia erronea formaliter euadit, & praua, vnde appetitus non debet illi conformari, & electio, quæ illi  
con-

conformaretur esset illicita, & inhonesta; qualis autem debeat esse scientia, & quale fundamentum requiratur, ut illi sine culpa intellectus adhæreat, & possit conscientia illa uti, dicam infra.

Conscientia autem in se, & per se formaliter est erronea, quando prava est applicatio scientiæ ad actum, puta habeo scientiam de turpitudine fornicationis, quia, tamen simul habeo scientiam de eius delectabilitate, applico ad actum delectabilitatem; omisso turpitudine, & dicto fornicationem esse committendam; conformari autem huic conscientiæ, peccatum est.

Dicitur autem conscientia etiam indiscreta, quod dupliciter potest contingere, vel ex nimia laxitate, & dicitur crassa, quæ nempe facile, & cum parvo delectu, non examinando bene fundamenta, & mortua quamlibet scientiam applicat; vel ex nimio rigore, & dicitur scrupulosa, quando nempe nulli scientiæ acquiescit, dubitans de sufficientia omnium fundamentorum cuiusq; scientiæ. Cum conscientia crassa non licet agere, scrupulosa est deponenda modo, de quo infra.

Dicitur item conscientia communiter dubia, & probabilis; dicitur dubia, quando dubitat, an aliquid licite possit eligi nec ne, nec intellectus ulli parti assentitur; probabilis vero, quando conscientia non docet certo, & evidenter aliquam electionem esse licitam, sed tantum probabiliter. Dicitur autem communiter cum conscientia probabili quemq; posse absq; peccato operari, secus cum dubia. Hæc porro distinctio conscientiæ in probabilem, & dubiam communiter ut dixi, sine ullo examine recipitur, hic autem pro dicendis iure est examinanda.

Suppono autem, quod certum est apud omnes, scientiam esse cognitionem certam, & evidentem, seu assensum

sum de aliqua re, absq; vlla formidine, vel timore, quod res cognita aliter se habeat, ac cognoscitur. Fidem in genere esse cognitionem, seu assensum de aliqua re ex alicuius auctoritate; quæquidem licet semper inuoluat obscuritatem, ex hoc quod fides est, eò quia innititur testimonio dicentis, non alicui principio intrinseco rei; tamen à certitudine, quâ fides est, præscindit; potest enim contingere fides cum formidine, & timore de veritate rei audite, prout testimonium est infallibile, vel fallibile. Vnde diuina fides certissima est absq; vllò timore, vel formidine, quia testimonium Dei, cui innititur est infallibile. Fides autem humana econtrà secum compatitur formidinem de veritate rei creditæ, quia innititur testimonio humano fallibili, quod testimonium scit credens posse falli, vel fallere; vtrumque enim conducit ad formidinem de veritate rei creditæ. Quod quidem adnotatum volui contra nonnullos, qui videntur supponere fidem, quâ fides est, excludere formidinem, non secus, ac scientiam.

Opinio autem est assensus obscurus, innixus motiuo intrinseco, vi cuius assentimur cum formidine, vel actuali, vel radicali partis oppositæ. Vnde opinio à fide, quâ fides est, non differt, nisi penes motiuum. Dicitur fides, quæ purè innititur testimonio dicentis; dicitur opinio, quæ innititur rationi intrinsecæ rei opinatæ; & licet communiter dicamur opinari, quando præcisa auctoritate dicentis mouemur; id in lata significatione dicitur, propriè enim tùm credimus, non opinamur. Et sanè si penes motiuum non desumatur diuersitas inter opinionem, & fidem, ex quo capite desumeretur? Vtraq; obscura est, vtraq; potest esse falsa; per hoc enim fides humana reijcitur à D. Th. 2. 2. q. 4. a. 5. *ad secundum*, à numero virtutum intellectualium, & à

DD. ibidem opinioni æquiparatur. Vtraq; proinde est de obiecto potente aliter se habere, vtraq; formidinem secuta compatitur. Igitur nullum aliud caput remanet distinguendi, nisi hoc vnum, quod opinio argumentis intrinsecis, fides extrinsecis, hoc est testimonio dicentis innititur.

Dubium est suspensio intellectus, qua inter vtramq; partem contradictionis positus nulli parti assentitur, sed de veritate vtriusq; dubitat. Differt ergo dubium à formidine, quod formido secum compatitur assensum, secus dubium formidale. Similis formidini scrupulus est, qui est quædam apparentia rationum, quæ non finit intellectum assentiri vni parti sine timore; licet quandoque scrupuli sint adeo vehementes, ut nulli parti sinant intellectum præbere assensum. Differt autem dubium à scrupulo, quod dubium dicit rationes probabiliter dubitandi, quæ dignæ sunt animaduersione, secus scrupulus, cui proinde obistendum esse, & contra ipsum agendum, constans est SS. PP. & DD. doctrina.

Communitè autem supponunt DD. dubium esse duplex, aliud speculatiuum, aliud practicum. Speculatiuum dicitur, quod est circa obiectum speculabile; puta vt exemplificat Laiman. *lib. 1. tract. 1. cap. 5. §. 1. & 2.* cum intellectus est dubius, an census Germanicus contineat iniustitiam, necne. Practicum dicitur, quod cadit supra ipsam operationem, seu electionem; puta, vt exemplificat idem Auctor, cum quis est dubius vtrum hic, & nunc sit licita sibi census Germanici electio.

Censeo tamen nullum posse dari propriè loquendo dubium practicum concernens per se ipsam electionē voluntatis; sed dubium tantum posse contingere circa materiam electionis, quod proinde erit dubium speculatiuum. Notanter dixi practicum, nam circa ipsam electionem.

electionem voluntatis posse contingere dubium speculativum, vt explicabo inferius, non denego.

Probatur autem ni fallor demonstratiuè; quia electio quæ electio præcisè, non potest terminare dubium de licito, vel illicito, secundum se enim nec est licita, nec illicita, secundum se enim præscindit; sit autem licita, vel illicita ratione materiæ, seu obiecti, cuius est electio; ab illa enim specificatur, & ponitur in specie honesti, vel inhonesti. Igitur tantum potest terminare dubium de licito, vel illicito in quantum est capax liciti, & illiciti; est autem capax tantum ratione materiæ; ergo tantum ratione materiæ potest terminare dubium de licito, vel illicito. Igitur in quantum quis poterit dubitare, an talis electio sit licita, in quantum erit huius materiæ. Hoc autem in quantum continget, in quantum poterit esse dubium de materia, an sit honesta, nec ne. Sed, ex hoc quod est dubium circa honestatem materiæ, non resultat vllum dubium practicum circa electionem illius; ergo, &c. Probo subsumptū. Si est dubium de honestate materiæ, nec sufficienter deponitur tale dubium, certum est illius electionem hic, & nunc esse illicitam; electio enim materiæ, de cuius honestate dubij sumus, non sufficienter deposito dubio illicita est, & peccaminosa. Si autē econtra intellectus deponat sufficienter dubium, non sequitur dubium de honestate electionis; sed certum est electionem illam, de cuius honestate materiæ non est dubium, esse honestam. Item si certò scitur materiā esse illicitā, non resultat dubiū, sed certitudo, quod electio illius erit illicita; ergo à primo ad vltimū dari non potest dubiū practicum circa electionē volūtatis. Concludo igitur duobus verbis. Si intellectus sufficienter iudicat materiam electionis esse honestam, non remanet dubium de honestate electionis, &

& quod electio non sit licita. Si sufficienter iudicat materiam esse inhonestam, non remanet dubium, quod electio sit illicita. Si dubitat de honestate materiae, dubio non sufficienter deposito, est certum in tali casu non posse eligere, ac talem electionem, si ponatur, futuram illicitam, & peccaminosam.

Dixes. Electio specificatur à materia; ergo si materia est dubia, electio erit dubia.

Resp. Quod verè electio, quantum est vi materiae, sequitur tantum dubia, aliunde enim est certo illicita hic, & nunc cum tali dubio, quia se exponit periculo peccandi. Cum enim illa materia possit esse mala, & peccaminosa, ipsa per consequens electio potest esse peccatum; exponere autem se periculo peccandi, vel in ipsa expositione peccatum est, unde ipsa expositio certò illicita est. Adde quod eligens materiam, de qua dubitat, non sufficienter deposito dubio, vult illam siue sit licita, siue illicita, hoc autem peccare est.

Conscientia ergo, prout est dictamen practicum respiciens electionem alicuius materiae hic, & nunc faciendam, dubia esse non potest, quod etiam docuit Laiman. *lib. 1. tract. 1. c. 3. n. 4.* sicut neq; recta ratio, quæ cum conscientia sic accepta idem est. Quod autem supponunt DD. de conscientia dubia, intelligendum est hoc pacto. Docet D. Th. *q. 17. de ver. a. 1. in corpore*, conscientia sumi multipliciter, quandoq; pro intellectu, quandoq; pro habitu, quandoq; pro actu; quandoque autem pro re conscita, sicut fides pro re credita: Sicut ergo fides quandoq; stat pro re, quæ creditur; sic pro re, seu materia, quæ eligitur, conscientia. Sic ergo concedi potest, posse subesse dubium conscientia, hoc est materiae conscientia, seu casibus conscientia. Item conscientia quandoq; sumitur pro iudicio speculativo circa hone-



honestatem materiæ conscientiam antecedente. Sumpta ergo conscientia pro illo potest esse dubia; secus vero actus conscientiæ practicus concernens ipsam electionem materiæ, circa quam fuit facta disquisitio per iudicium speculatiuum antecedens. Hoc docuit eleganter Cancell. Paris. in *tract. de natura, & qualitate conscientiæ* pag. 232. lit. A. ubi docet, quod aliud est conscientia, aliud timor conscientiæ; Conscientia est, quando sufficienti dispositione facta habet dictare electionē; timor vero conscientiæ est, quando quis dubitat, an illud quod debet eligi, sit honestum, vel non. Hinc colligitur conscientiam ipsam dubiam esse non posse, in se formaliter, sed solum præsuppositiuè in iudicio antecedenti, quod proinde benè dicitur timor conscientiæ; alium enim ab illo timorem, aliud dubium ab illo habere non potest conscientia.

Potest autem dari circa electionem dubium scrupulosum, ortum ab inscientia, seu tali affectione voluntatis, quod quidem non est dubium propriè dictum, secum enim compatitur assensum vni parti. Quod autem in præsentī contendimus est, non posse circa electionem remanere dubium fundatum.

Circa autem ipsam electionem voluntatis posse contingere dubium speculatiuum, & quidem multipliciter vltro concedo. De electione quidem in genere possum dubitare, an electio huius materiæ sit licita, necne. Non dico mihi, vel in his circumstantijs; nam ex suppositione, quod sit dubium de illius materiæ honestate, illicita ipso facto mihi est dubitanti; sed simpliciter, & secundum se; an scilicet tale dubium possit amoueri, & an in sensu diuilo ab illo dubio sit licita. Hoc autem non est dubium practicum; nam electio, prout est obiectum huius dubij, non est praxis, electio enim est pra-

xis

21.



xis non considerata in vniuersali, hoc enim modo poni non potest, sed in particulari hic, & nunc, & in talibus circumstantijs, quo modo est obiectum conscientiae, prudentiae, & rectae rationis.

Item possum dubitare, an electio, quam aliquis facit, sit licita, quia ego dubito de honestate materiae illius, & simul dubito, an ille sufficienter certioratus de honestate materiae, dictam materiam elegerit. Hoc autem dubium, ut patet, non est practicum, est enim circa opus iam factum, unde non respicit opus faciendum.

Insuper, etiam de meis electionibus praeteritis possum dubitare, an peccauerim, necne, propter similem rationem; quia dubitem, an sufficienter fuerim certioratus de illarum honestate; quod quidem dubium pariter speculatiuum est, & conscientiae, sed remordentis, & accusantis, quae speculatiua est, ut dictum est initio huius sectionis.

Superest nunc examinandum, an detur conscientia probabilis, & an illa sufficiat ad honestè operandum sine peccato; quod est idem, ac quaerere.

### SECTIO QUARTA.

*An possit quis tantum probabiliter esse certus de honestate suae actionis, & an haec tantum probabilis certitudo sufficiat ad honestè operandum, & sine peccato.*

**E**T quidem quod spectat ad primum in tit. sect. propositum, videtur illud sine controuersia à DD. supponi; unde prima facie alicui mirum videri poterit, quod nunc in dubium reuocetur. Sittamen.

*Conclusio*

*Conclusio unica.*

**I**udicium practicum post sufficientem disquisitionem dictans electionem operis, seu ut loquitur Cancell. Paris. ubi sup. Conscientia formata, nequit esse iudicium probabile; sed omnino certum est, & sine formidine.

Probatur Conclusio manifestè. Hoc iudicium practicum de honestate electionis hic, & nunc, vel habet pro motiuo honestatem materiæ eligendæ euidenter, & certò cognitam, vel tantum probabiliter; quocumque modo ex prædictis erit certum, & sine formidine; nec aliud motiuum à prædictis potest habere dictum iudicium; ergo &c. minor est euidenter quoad secundam partem, maior item. Primam partem minoris sic probat. Et quidè si intellectus est certus de honestate materiæ eligendæ hic, & nunc; sequitur euidenter, quod etiam erit certus de honestate electionis: Si quidem illa electio est certo honesta, cuius materia hic, & nunc est certo honesta. Si verò tantum probabiliter cognoscit honestatem materiæ; ergo adhuc infero, erit certus, & sine formidine de honestate electionis hic, & nunc. Probo consequentiam. Illa electio hic, & nunc est certo honesta, & sine peccato, cuius materia, quantum fieri potest, & sufficienter est cognita honesta. Si enim talis est, electio nullo pacto potest esse hic, & nunc inhonesta, & peccaminosa; igitur nullum est dubium de illius honestate; sed opinio sufficienter probabilis de honestate materiæ, est cognitio sufficientissima, euidenter enim serè nunquam potest haberi, & Deus non obligat ad impossibilia; ergo electio, quæ illi conformatur, nullo pacto hic, & nunc potest esse illicita, & peccaminosa; igitur cum opinione probabili de honestate materiæ

materiæ eligendæ, nulla formido potest remanere de inhonestate electionis; igitur iudicium præcticum dictans electionem honestam, nullam habet, vel habere potest formidinem de parte opposita, si innitatur opinioni probabili de honestate materiæ; & nullo pacto potest ei subesse falsum, cū oppositū illius, quod dictat, contingere non possit; dicat enim hic, & nūc electionē esse honestam, & hic, & nunc non potest, non esse honesta; ergo erit iudiciū certum, & non opinatiuum.

Dices. Ex hoc ipso, quod materia electionis opinatur tantum honesta, potest non esse talis; ergo electio, quæ circa illam versatur, cū à dicta materia specificetur; & ipsa poterit non esse honesta, & licita. Ergo iam iudicium dictam electionem concernens, dictansque esse licitam, erit opinatiuum; ergo ei poterit subesse falsum.

Verum hæc instantia iam est soluta argumento factō; electio enim in esse honesto hic, & nunc non specificatur ab honestate materiæ in se, sed prout cognita, & quidem cognita per iudicium sufficiens, quantum permittit imbecillitas humani intellectus, quod quidē in rebus obscuris, & contingentibus nō potest esse nisi probabile; *Indisciplinati enim ex Philosofo est, querere in rebus moralibus demonstrationem.* Contrahit igitur certō, & infallibiliter honestatem in se electio, si se conformat iudicio probabili, quantum sufficit de honestate suæ materiæ. Ipsum igitur iudicium probabile poterit esse falsum; at electio ex hoc ipso, quod illi se conformat est certō, & infallibiliter honesta, sicut ratio illā præscribēs est certō recta, quia se conformat iudicio speculatiuo cū sufficienti diligentia habito, quale est iudicium probabile. Cum iudicio igitur probabili de honestate materiæ eligendæ, manet formido de inhonestate ipsius; sed non formido de honestate electionis.

Mate-

Materia quidem potest esse inhonesta, at electio erit infallibiliter honesta; etiam dato, quod à parte rei verè materia sit inhonesta: vt explicatum est fusè *sect. 2.* Iudicium igitur dictans electionem esse honestam, & licitam certum, & infallibile est.

DD. autem, qui communiter absq; examine videntur supponere conscientiam formatam probabilem, præterquam quod manifestè ni fallor conuincuntur argumento facto, incidunt in grauem difficultatem; quæ fortè adhuc est insufficienter explicata. Nam si datur hæc conscientia probabilis, vel sufficit ad agendum sine peccato, vel non.

Si dicas cum Angelo, & Siluestro in *Summ. v. opinio* Vasq. *prima secunde q. 19. a. 6. d. 62. c. 5.* Sanchez in *decal. lib. 1. c. 9. nu. 18.* alijsq; apud ipsum; si dicas sufficere. Contra est, quia talis conscientia sufficit ad agendum sine peccato, quæ est Prudentia, & recta ratio; certè enim vbi sine recta ratione, & Prudentia agimus, sine peccato non agimus. Sed Prudentia non potest ferri probabiliter circa suum obiectum; est enim virtus intellectualis, *qua anima semper affirmando. vel negando verum dicit*, ex Aristotele 6. *mor. c. 3.* vnde nequit errare; nec ei potest subesse falsum; posset autem, si iudicia ipsius essent tantum probabilia, probabili enim tantum potest subesse falsum. Vnde ex eodem Philosopho opinio honesti, quia potest esse falsa, non est virtus; igitur conscientia probabilis, seu opinio de honestate actionis non potest sufficere ad agendum sine peccato.

Si vero dicas non sufficere, cum D. Th. *quodl. 8. ar. 13.* Caiet. & Armill. in *Summa v. opinio*, & Lefsius de *iust. & iure dub. p. de Prud. lib. p.* Contra est, quia conscientia certa fere nunquam potest haberi, si adhuc vt conscientia sit certa, requiritur, quod supponat iudiciũ

D certum

certum de honestate materiæ; de contingentibus enim, & obcuris hæc certa iudicia non dantur; ergo ferè nuncquam licebit agere sine peccato. Et sane Aristoteles 6, *mor. c. 5.* & D. Th. ibidem clarè docent, Prudentiam (quæ conscientia est, inquantum conscientia dictat aliquid eligendum) demonstratione non uti, & esse habitum partis opinatiæ, non scientificæ; quod ad minus de materia remota ipsius, nempe de materia, supra quam cadit electio, debet intelligi.

Et hinc oritur tamquam appendix, difficile esse admodum explicare, quomodo Prudentia, cuius actus debet esse conscientia, quæ versatur circa indemonstrabilia, nempe circa objecta contingentia, & fallibilia, possit esse virtus intellectualis, & circa sua objecta infallibiliter, & certo versari, nec possit errare. Quæquidem omnia à nobis facillimè explicantur, ut infra.

Has omnes difficultates nouissimè conatus est Candidus Philalethus, vir equidem acris ingenij, & ob ingenium veritatis amorem, morumq; sinceritatem candore nominis, quod usurpauit, dignissimus, conatus est inquam dissolvere in sua *disputatione* verè unica de *opinionum praxi*, q. enim *prima* hæc docet. Dicit operationes nostras dupliciter esse honestas, vel per se, vel per accidens. Illa operatio est per se honesta, quæ non solù putatur talis, sed verè à parte rei, nullo cogitante intellectu est honesta. Illa verò est honesta solum per accidens, quæ licet in se à parte rei sit inhonesta, hic tamen, & nunc inuincibiliter putatur honesta. Ad agendum igitur sine peccato dicit requiri iudicium certum, & infallibile, quod operatio, hic, & nunc sit honesta saltem per accidens, & requiri iudicium probabile, quod sit honesta in se. Prudentiam autem ideo dicit errare nō posse, & infallibiliter tendere circa suum objectum, quia.

non

non iudicat de honestate operationis per se, sed per accidens, quod idem dicit de conscientia, quæ est ipsa Prudentia, & cuius actus, actus Prudentiæ est.

Infalibilitatem autem Prudentiæ circa honestatem sui obiecti saltem per accidens in hoc syllogismo fundat. Prudentia dictans aliquam operationem esse licitam, semper sequitur dictamen rationis, nempe iudicium, probabile de honestate illius in se, quod certè est dictamen rationis, est enim illud, in quod inclinatur ratio; sed sequens dictamen rationis certum est, quod facit operationem saltem per accidens honestam, illa enim per dictamen rationis inuincibiliter talis putatur; ergo, &c. Qui autem sic operabitur, certum est, quod non peccabit, quia prudenter operabitur, & se conformabit dictamini rationis.

Verum hæc doctrina in vniuersum mihi non probatur; nam in primis indistinctè loquitur de electione, & de materia, supra quam cadit electio, & vtramque confundit; in quo fortasse peccarunt hætenus omnes D.D. ponitq; eandem operationem pro obiecto iudicii speculatiui, & actus practici Prudentiæ præcipientis, solumq; dicit differre penes modum honestatis, vel per se, vel per accidens, quod profectò falsum est ex dictis *sect.* 3. Iudicium .n. speculatiuū habet pro obiecto ipsam materiam eligendam; practicum verò, & prudentiale ipsam electionem, vt fusè probatum est loco citato.

Secundo. Distinctio illa de honestate per se, & per accidens si applicetur electioni, non est admittenda, nisi in sensu, de quo infra; nā electio, quæ sequitur ex iudicio speculatiuo materiæ, non solum probabili, sed erroneo; dumodò inuincibiliter, est per se formalissime honesta; ex aliquo scilicet honestante; quod sibi non per accidens, sed per se contingit; nam electio specificatur per se in

ratione honestatis, à recta ratione distante; quæ per se est talis ex iudicio antecedente speculativo cum sufficienti diligentia factò; siue illud sit verum, vel falsum; hoc enim per accidens se habet ad rectam rationem, quæ in esse rectæ non constituitur per veritatem, vel falsitatem iudicij speculativi, sed per sufficientia motiva, quæ ad ipsum inclinant. Igitur siue materia electionis sit reuera honesta, siue solum probabiliter putetur, manebit sufficiens fundamentum, ex quo per se desumitur honestas electionis. Vnde non minus per se, & in se formaliter est honesta electio Iacob accedentis ad Lyam, quàm ad Rachelem. Licet autem tale iudicium speculativum opinativum tantum, & in re falsum, sit per accidens respectu electionis, quia poterat non esse; non est tamen per accidens respectu honestatis dictæ electionis, quæ per se mediare ab illo desumitur, & desumi debet, ad hoc ut honesta dicta electio sit.

In quo autem sensu electio, cuius materia solum probabiliter, vel erroneè, inuincibiliter tamen, putatur honesta, possit dici per accidens honesta, explicat S. Th. eruditè q. 17. de ver. a. 4. ubi explicat auctoritatem Philosophi 7. Ethic. (quam ad tuendam suam doctrinam affert Candidus Philalethus) Phil. inquam dicentis, *Incontinentem esse per se, qui per se facit, quod contra continentiam est; per accidens verò, qui facit, quod putat esse contra continentiam.* Ex qua auctoritate à cōtrario dicit Candidus, ergo continens per se, & honestus erit ille, qui facit id, quod re vera est iuxta continentiam, & honestatem; continens vero, & honestus per accidens, qui facit, quod putat esse iuxta continentiam. Explicat inquam S. D. hoc modo; ut Ly per accidens non tollat Ly per se, sed simpliciter, & hoc in loco idem sit dicere, est honestus per accidens, ac secundum quid; unde



vnile ait S. D. qui facit, quod erroneè putat esse iuxta honestatem, non est honestus simpliciter, hoc est semper, & in omnem euentum; quia deposita conscientia illa erronea, si sic ageret, non esset honestus, & quia, illa debet deponi, ideo non semper, & in omnem euentum est honestus, sed solum secundum quid, hoc est durante tali conscientia; concludit autem S. D. *quod autem sub conditione est, per accidens, & secundum quid esse dicitur.*

Tertio. Ad honestè agendum, & sine peccato falsum est, quod requiratur iudicium. seu assensus probabilis in agente de honestate materiæ in se, quam eligit, vt infra; de ipsa autem electione iudicium probabile non sufficit, vt mox ostendam.

Quarto. Iudicium dictans operationem esse per accidens honestam; non potest esse iudicium Prudentiæ; nam Prudentia non dictat operationem esse putatam honestam, suum enim obiectum considerat, & præcipit Prudentia in se, & secundum se; non prout in opinione; opinio quidem præsupponitur, sed non intrat constitutum obiecti, quod dicitur à prudentia. Vnde Aristoteles 6. mor. c. 5. assignans obiectum Prudentiæ dicit *ea esse, quæ bona, & mala homini sunt*; non dicit, quæ putantur.

Præterea inutilis, & plane ridiculus esset habitus Prudentiæ si dictaret operationem solum, vt hic, & nunc putatam honestam. Nam ex hoc ipso, quod per iudicium antecedens probabile, iudico operationem esse honestam, in actu exercito sufficienter scio talem operationem esse putatam honestam; sicut ex hoc, quod cōnoscam parietem, scio absq; vllō habitu in actu exercito, me cognoscere parietem, neq; requiritur habitus; vt ego id sciam reflexè, & in actu signato. Iudicat igitur

igitur hic, & nunc Prudentia honestum esse, non putari, ponere talem operationem; quæ antecederet supponitur iudicata honesta.

Quinto. Iudicium Prudentiæ esse actum certum, quia iudicat de honestate sui obiecti per accidens, nec est verum, nec sufficit ad habitum Prudentiæ. Non est verum, quia iudicium hoc Prudentiæ, ut ipse etiam explicat Philalethus, est huiusmodi. Hæc operatio est licita mihi hic, & nunc cum tali ratione fallibili iudicanti; ergo infero, hoc non est iudicium certum de honestate sui obiecti. Probo consequentiam. Ratio, vi cuius moueor ad putandum, quod talis operatio sit mihi hic, & nunc licita, est fallibilis, & ego id cognosco; ergo formido de veritate ipsius; ergo formido de honestate actionis; non igitur sum certus de illa. & sanè ad hominem contra Philalethum valet argumētum. Ideo per te Prudentia est certa, & non potest falli, quia non iudicat obiectum suum esse honestum secundum se, sed mihi hic, & nunc taliter, hoc est cum tali ratione fallibili iudicanti. Sed hinc sequitur totum oppositum; nam quomodo hoc obiectum est certò honestum mihi, si illud iudicat honestum ratio fallibilis? ergo ne ideo erit mihi certò honestum, quia fundamento fallibili moueor ad illud putandum honestum? Ideo ne certus ero de honestate obiecti respectu mei, quia formido de honestate illius secundum se?

Dices. Non ideo præcisè me esse certum de honestate operationis hic, & nunc mihi &c. quia formido de honestate ipsius secundum se; sed etiam quia habeo aliud principium, quo scio, quod quotiescumq; cum formidine licet, iudico aliquid esse honestum secundum se, statim illud euadit certò licitum mihi, quia in illius electione ego sequor dictamen rationis.

Sed

Sed contra est, quia iudicium vniuersale de aliquo secundum se, non potest refundere in iudicium particulare sub illo contentum maiorem rectitudinem, quam habeat in se; nemo enim dat, quod non habet; ergo à iudicio vniuersali, quod aliqua operatio sit licita secundum se, non potest iudicium particulare, quod illa eadem sit licita mihi, accipere maiorem certitudinem, quam habeat prædictum iudicium vniuersale; atqui illud est opinatiuum, & formidolosum; ergo etiam hoc erit huiusmodi; quæ nam enim est ratio, quod iudiciū particulare sit magis certum, quàm vniuersale, sub quo continetur? illane quia illud præcedit iudiciū vniuersale, ex quo inferitur? hinc profecto sequitur totum oppositum; nec enim consequitur ex hoc, quod illud præcedat suum antecedens, ex quo inferitur, proinde est certius suo antecedente; nec propositio particularis illata ab vniuersali est certior illa.

Urgeo sic. Si tantum probabiliter opinor cum formidine oppositi licere Christiano, quæ talis est, vesci carnibus aliquo die, profecto, non possum esse certus licere id Petro; sed formidabo etiam de Petro, aliàs neq; formidabo de Ioanne, Francisco, & cæteris, & per consequens nec de vniuersali illa, de qua supponitur esse formido; quid enim est vniuersalis, nisi particulares collectæ? ergo etiam formidabo, an mihi liceat, & tantum probabiliter id opinabor; aliàs eadem ratio, quæ de me, etiam militat de Petro; idem enim, quod ego facio, possum consulere Petro; ergo cum iudicio tantum probabili de honestate operationis secundum se, & in vniuersali, non potest dari certitudo de honestate illius in particulari hic, & nunc, siue vt loquitur per accidens.

Contra secundo, & simul euerto syllogistum in quo fundatur certitudo Prudentiæ; nam qui dicitur aliquid

quid conformando se dictamini rationis, tunc est certus, quod non errat, quando non formidat de veritate dictaminis, qui enim se conformat dictamini de cuius veritate dubitat, licet non dubitet de sua conformatione, ut sic loquar, dubitat tamen, an se conformet dictamini vero. Est quidem certus se conformari dicto dictamini; sed non est certus, an sua operatio se conformet regulæ veræ, vel falsæ; igitur non est certus omnino de honestate suæ operationis, etiã hic, & nunc cum tali ratione fallibili iudicata. Sed Prudentia in dictando conformat se iudicio probabili, nec enim iudicia euidẽtia habere potest; ergo non est certa de honestate suæ operationis hic, & nunc dictatę.

Urgeo ex doctrina Caiet. in *Summa v. opinio*, qui suas operationes dirigit, & dictat conformando illas dictamini rationis, quod sit iudicium probabile, iam regulat suas actiones in ordine ad opinionem, & opinionem assumit tamquam regulam suæ operationis; sed ex hoc ipso, quod operatio committitur regulanda, opinioni, iam committitur regulæ ambiguae, quia omnis opinio ambigua est; ergo iam ipsa operatio remanet ambigua etiam hic, & nunc in particulari, & prout directa per talem rationem fallibilem, ac proinde non remanet quis certus de honestate ipsius.

Demum totum hoc punctum claudio hoc dilemmate. Vel dum dicis, Prudentiam esse certam de honestate sui obiecti per accidens, intelligis Prudentiam esse certam, quod hic, & nunc suum obiectum, seu operatio facienda putatur sufficienter honesta; vel intelligis esse certam, quod in re hic, & nunc tali personæ, eo quia sequitur dictamen rationis, quod potest habere, sit honesta. Si primum hoc ultro concedo; sed hoc non est iudicium Prudentiæ, ut supra, & hoc non est facere

Pru-

Prudentiam certam de honestate sui obiecti, sed de probabilitate honestatis, cum qua stat formido de honestate, vt patet. Si verò dicis secundum; satis superq; probatum est ex dictis, quod hæc certitudo non adfit.

DD. qui dicunt ad honestè agendum sufficere iudicium probabile, hanc difficultatem, quomodo scilicet Prudentia sit virtus intellectualis, si circa suum obiectū tantum probabiliter feratur, non explicant. Caiet. autem *tom. 1. Opusc. Opusc. 31. qui est 17. respōs. respōs. 13. q̄sito ultimo*, quem sequitur Nauarrus in *c. Si quis de Penit.* docet iudicia Conscientiæ, & Prudentiæ esse certa, licet circa obiecta contingentia; dicit enim, quod licet iudicium speculatiuum de honestate operationis in genere sit probabile, iudicium tamen practicum de ipsa operatione hic, & nunc in particulari facienda est certissimū; quomodo autem hoc sit, non explicat. Lessius loco supra citato explicare videtur hoc ex eo, quia operatio, quæ secundum se est tantum probabiliter honesta, ratione viri sic affecti, cui proponitur, euadit certo honesta.

Doctrinam hanc acriter impugnat Vafq; vbi supra, quia quando vniuersalis est dubia, impossibile est, quod particularis sub illa contenta sit certa; nisi sit aliqua specialis ratio pro particulari, quæ non complectatur propositionem vniuersalem.

Quo argumento etiam torquetur Candidus Philalethus vbi supra impugnatus; & licet ipse respondeat propositionem vniuersalem respicere licitum per se, particularem verò siue per se, siue per accidens; vnde fieri variationem terminorum; adhuc argumentum vrget. Nam vel ly per accidēs, de quo queritur in particulari, significat licitum putatum, & hoc pacto vt supra non sumus in casu; vel ly per accidens significat hic, & nunc

E

mihi,

mihî, & in particulari sic iudicanti; & hoc pacto recurrunt argumenta suprafacta.

Ego autem nō fallor, facîle has omnes soluo difficultates supposita distinctione electionis à materia ipsius, & supponatur, quod fuit probatum, .f. iudicia Prudentiæ cadere supra electionem, non supra materiam ipsius; unde sit.

*Conclusio secunda.*

**I**udicia Prudentiæ circa obiecta fallibilia certò, & infallibili modo tendunt, unde nequeunt esse falsa; & hinc operans iuxta Prudentiā, cum qua recta ratio, & conscientia coincidit, est certus de honestate operationis in se, & per se formaliter.

Explicatur conclusio ex doctrina subtilissima Caietani *opusc. cit.* Iudicium Prudentiæ, cum sit practicum ipsos actus voluntatis, quos dirigit, per se formaliter respicit, illos autem respicit imperando, vel luadendo, eorum honestatem in se, & per se proponendo: ad hos autem ita procedit. Intellectus speculatiuus considerat aliquam materiam; puta si voluntas optet contractum aliquem eligere, intellectus speculatiuus considerat iustitiam illius, ponderat rationes hinc, & inde; videt vel utrumq; esse opiniones probabiles, vel saltem ex vna parte illius, vel assentitur alicui parti, vel quia (vt acutè Caietanus) *varietas opinionū habet reddere intellectum nutantem*; dubius, & suspensus hæret; euidenter tamen iudicat probabile esse utrumq; membrum; scilicet, & quod contractus sit iustus, & quod non sit iustus. Hoc autem iudicium est euident, quia ex ipsa intuitione auctoritatum, & rationum sufficientium pro vtraq; parte mouetur. Hactenus speculatiue processit intellectus, quia vt benè Caiet. licet proposuerit honestatem obiecti, nihil dixit

dixit de operando, nec ad operationes se extendit. Tunc succedit iudicium practicum Prudentiæ, dictantis electionem dicti contractus esse licitam, & posse poni. Esse inquam certò licitam in se, & per se, nec hic, & nunc posse non esse licitam; quæ quidem certitudo ex hoc syllogismo Prudentiæ demonstratiuo procedit.

Illà operatio est certò, & infallibiliter per se, & in se honesta, & ponibilis sine peccato, cuius materia probabiliter putatur honesta, vel de cuius materia constat euidenter dari probabilem opinionem, quod sit honesta; sed hic, & nunc talis contractus probabiliter putatur honestus, vel est euidenter dari probabilem opinionem de honestate, & iustitia talis contractus; ergo operatio, cuius materia, & obiectum erit talis contractus, erit certò, & infallibiliter in se, & per se honesta; ergo eligere hunc contractum hic, & nunc per se, & in se est certò, & infallibiliter honestum, & sine peccato ponibile. Omnes propositiones assumptæ sunt euidenter, præter fortè maiore, quam sic manifestè ostendo. Honestas operationis voluntatis in se formaliter desumitur à sua materia, ab illa enim specificatur, sed non ab illa in esse rei, ab illa enim in esse rei per se formaliter non dependet. Dependet, ergo, & specificatur ab honestate illius, ut cognita, sed non quomodocumq; sed modo bono, & apto qui potest haberi adhibita morali diligentia, sed hic modus est modus probabilitatis; nec enim demonstrationes de materia, & obiecto electionum possunt haberi; ergo à probabilitate certa, & euidenti honestatis suæ materiæ per se desumitur formaliter honestas operationis voluntatis; ergo à primo ad vltimum illà operatio est certò in se formaliter honesta, cuius materia verè probabiliter putatur honesta. *Ly* verè cadit supra probabilitatem.

Et sanè *ve* supra latè *sect.* 2. probatum est, rectitudo appetitus, & actuum ipsius non desumitur à veritate, vel falsitate iudicij speculatiui, quod circa materiam appetitus; & electionis versatur; sed ex conformitate ipsius cum recta ratione, & Prudentia, quæ neq; dicitur talis ex veritate iudicij speculatiui, cui innititur, sed ex sufficienti diligentia adhibita in tali iudicio, & sufficienti fundamento, quo processit intellectus ad tale iudicium, quod sonat probabilitatem.

Non cadit igitur certitudo supra materiam electionis, quæ quia per iudicium specularium cum formidine est cognita, nequit postea euadere vllò pacto certa. Sed supra actionē, & electionē, quæ per nullum iudiciū, est iudicata cū formidine, vnde nō est idē obiectū supra, quod cadit probabilitas, & certitudo; sed sunt duo obiecta: supra materiam cadit probabilitas, supra electionē certitudo modo dicto.

Difficultate autem in hoc puncto ideò premuntur DD. quia materiam ab electione non distinguunt, & ponunt iudicari cum formidine per iudicium speculatiuum operationem, & postea eandem certò, & sine formidine per iudicium practicum, quod difficile est, & muleum illos vrget ratio. Vsq; supra allata, quæ tamen contra nos non est; nihil enim prohibet, quo minus quis sit dubius de vno obiecto, & certus de alio, dubius de materia, & certus de actione, & electione circa illam, quod multis exemplis liquidò constat. Sic e. g. dubitat Iudex an re vera, sit ius illi, pro quo iudicat, & tamen certò scit pro illo esse iudicandum, & sic est certus de actione, nempe de honestate sententiæ, sed non de materia; quæ est ius illius, pro quo sententiat. Sicut pariter dubitat quis, an aliquis Sacerdos, quem videt publicè celebrantem, sit verus Sacerdos, ac proinde dubitat de

vali-



validitate eius missæ, & tamen est certus, se posse in die festo illius missam audire satisfaciendo præcepto, quia licet non certò cognoscat validitatem missæ, cognoscit tamen illam probabiliter quantum sufficit.

Et fortasse hoc tantum voluere Caietanus, & Nauarrus, dum locis cit. docuere, posse quem dubium de licito alicuius rei esse certum, se posse dictam rem eligere. Sicut etiam DD. illi, qui certitudinem requirunt de honestate operationis, solum fortasse locuti sunt de electione, nec enim potuerunt velle certitudinem de honestate materiæ; tùm quia quærere certitudinem in materijs moralibus est quærere impossibile; tùm quia multi ex illis docent, quod etiam si intellectus sit dubius, & neutri parti assentiatur, adhuc operationem quam imperat Prudentia, esse certò honestam; si nimirum intellectus remaneat dubius propter probabiles hinc, & inde sententias DD.

Aristoteles autem, qui docuit Prudentiam non demonstrare, hoc dixit in ordine ad materiam operationum, quas regulat Prudentia, non verò in ordine ad ipsas operationes. Et similiter cum docuit Prudentiam esse habitum partis opinatiuæ, hoc docuit, quia Prudentia dirigit operationes, quarum materia cognoscitur ab intellectu opinatiuo; quod quidem clarè expressit Philosophus 6. *mor.* 5. dum ait, *Prudentia scientia non est, quia id, quod in actionem venit, esse aliter potest.* Aduerte, quod non dixit (actio ipsa) hæc enim prout imperata à Prudentia non potest non esse honesta; Illud autem sub actione, quod cadit etiam si imperata à Prudentia, potest non esse in se honestum.

Quæres. Si quis probabiliter tantum putaret suam operationem esse honestam, operaretur ne prudenter, & sine peccato.

Resp.

Resp.

Resp. Quæsitum esse de subiecto non supponente; supra enim operationes non potest cadere probabilitas honestatis. Sed omnis operatio, vel est certò honesta, vel certò non honesta. Ratio est euidens, quia cum tota honestas operationis à suo obiecto, vel materia dependeat, ipsa de se non habet honestatem, vel inhonestatē, sed illam à materia, & obiecto suo recipit; igitur circa illam non potest esse directè disputatio, sed tota disputatio cadit supra materiā, quæ vel verè probabiliter putatur honesta, vel non. Si primū; operatio est in se certò formaliter honesta. Si secundū; est certò non honesta.

Dices multoties est disputatio, & dubium de ipsis operationibus, puta de audiendo sacrum, de sic contrahendo &c. igitur non solum circa materiam operationum, sed etiam circa operationes ipsas potest esse, & sunt de facto opiniones probabiles.

Resp. Quod nomine operationum in præsentī veniunt, quæ antónomasticè operationes sunt, circa quas versatur Prudentia, quæ sunt soli actus interni voluntatis eligentis, vel respicientis. Electio enim solum, & refutatio sunt operationes propriæ Prudentiæ, quæ actiua est, hoc est electiua; & circa has, quæ per se formaliter sunt intrinsecè honestæ, & meritoria, & actus imperantes, saltem causaliter, cadit doctrina tradita. Illæ autem aliæ, quæ vocantur operationes, & quarum exempla ponuntur in argumento, non sunt actiones propriæ, sed factiones: non sunt per se intrinsecè, & formaliter honestæ, sicut nec libera, sed solum extrinsecè ab electione, & sunt operationes imperatæ; quæ proinde sunt obiectum, & materia operationum dictarum, de quibus in præsentī.

*Conclusio*

*Conclusio Tertia.*

**A**D operandum honestè, & sine peccato requiritur certitudo salte implicita de honestate actionis in se; & per se formaliter.

Conclusio patet euidenter ex dictis, cum enim qui agit, debeat esse certus, quantum potest de honestate suæ actionis, & hæc certitudo possit dari evidens, requiritur hæc profecto. Confirmatur; quia non operatur honestè, & cum conscientia, qui operatur sine Prudentia, quæ essentialiter hanc certitudinem importat; ergo non agit honestè, qui agit sine prædicta certitudine. Restat modo agere de materia electionis, quomodo scilicet ad hoc ut operemur sine peccato, debeat esse cognita materia nostrarum electionum.

.S.E.C.T.I.O. Q.U.I.N.T.A.

*Quo pacto debeat esse cognita materia nostrarum operationum.*

**M**Ateriam, seu id, quod cadit sub nostra electione demonstratiuè cognosci secundum eius iustitiam, vel iniustitiam non posse, nemini dubium est. Vnde communiter censere videntur DD. sufficere iudicium probabile, adeo ut ad hoc ut materia aliqua sit licite eligibilis in praxi, sufficiat, quod probabiliter sit cognita honesta. Si enim requirerentur iudicia demonstratiua, cum hæc in moralibus haberi non possint, à nobis requirerentur impossibilia. Adeo autem videtur requiri iudicium probabile de honestate materie, ut si illud absit, non possit quis honestè operari; vnde manauit illud velut adagiū in materia morali. In dubio formali non licere operari: intellige quando deest iudicium eris pro-

probabile, & intellectus nulli parti assentitur. Ita videtur docuisse Aristoteles 2. *Ethic.* dum ait, *qui non se determinat, sed fluctuat, non operatur, ut debet*; certè autem non se determinat, qui nedum assentitur probabiliter. D. Th. 4. 13. per totū *quodlib.* 8. hoc idē asserit, & probat. Videntur etiam ferè cōiter hoc supponere DD., & expressè hoc docet Candidus Philalethus in *sua disput. cit. qu. prima*, vbi requirit iudiciū probabile de honestate actionis per se, & passim supponit in toto opusculo.

Ceterum in hoc puncto pro præsenti opusc. maximè essentiali non temere, sed magna cum distinctione est procedendum.

Suppono primo, dubiū practicum circa electionem ex dictis supra *sect.* 3. non dari. Verum si daretur, cum eo profecto non liceret operari; si enim euidenter requiritur certitudo de honestate electionis, certè non sufficit dubietas, & si debet expelli formido, quæ tandem secū compatitur assensum, profecto multo magis debet expelli dubium formale. Dubium autem circa materiā electionis speculatiuum est, sicut etiam alij actus circa dictam materiam versantes; hoc autem dubium dari potest; potest enim contingere, immo multoties contingit, quod intellectus anceps, & dubius circa honestatem alicuius materiæ, nihil circa illam determinat, sed dubius hæret, & neutri parti assentitur.

Suppono secundo, dubium istud speculatiuum ex duplici capite posse cōtingere; vel ex opinionibus hinc, & inde probabilibus, & rationibus pro vtraq; parte vrgentibus, quibus intellectus redditur anceps, eo quia, ut benè Caiet. *opusc. sect. præcedenti cit. Varietas opinionū habet reddere intellectum nutantem.* Alio modo potest contingere dubietas formaliter in intellectu ex eo, quia nullæ sint rationis sufficientes, nec pro honestate mate-

riæ

riæ, nec pro inhonestate; sed leuiter hinc apparet honestas, hinc inhonestas: vt contingit in idiotis, qui proinde DD. consulunt, vt ab illis de rei veritate, vel probabilitate doceantur.

Suppono tertio, inter hæc dubia hanc esse potissimâ differentiam, quod qui dubitat ex varietate opinionum, & rationum sufficientium, quas hinc, & inde videt, cū hoc dubio formali de veritate rei, potest habere iudicium euidenter de probabilitate vtriusq; partis, siue collectiue, siue distributiue. E. G. Video esse opiniones hinc, & inde pro iustitia, & iniustitia Cambij recursæ: video rationes efficaces pro vtraq; parte; ego nihil iudico, nec Cambium recursæ esse honestum, nec non, sed anceps maneo; cum hac tamen suspensione iudicare possum vtrasq; opiniones, rationesq; esse probabiles, & hoc euidenter. E contra autem, quando quis dubitat secundo modo, nec potest iudicare de veritate rei, nec de eius probabilitate; quia potius iudicat, & euidenter cognoscit sibi hic, & nunc nullam partē esse probabilem, cum tamen nequeat iudicare esse falsam. Et ratio est à priori, quia motiuium falsitatis sufficiens non apparet; apparet autem, & euidenter cognoscitur motiuium nō probabilitatis, nempè carentia motiuorū sufficientium ad formandam vtramq; vel alterutram partem, vt probabilem. His autem, vt euidentibus prænotatis, sit.

*Conclusio Prima.*

**C**VM dubio speculatiuo circa materiam operationum ex defectu rationum probabilium, nequit licitè quis operari; & si operatur, peccat grauiter, vel leuiter, pro leuitate, vel grauitate materiæ. Est cōmunis.

Probatur Conclusio euidenter primo quia, ex Apostolo 4. ad Rom. *Quod non est ex fide, peccatum est*; ergo

F

peccat

peccat, qui aliquid eligit non ex fide; hoc est non credendo, nec potens credere ex defectu motiui, quod illud, quod eligit, sit honestum, vel licitum; sed res sic se habet cum hoc dubio speculatiuo; ergo operans cū hoc dubio speculatiuo peccat.

Confirmatur ex verbis supra allatis Philosophi 2. Mor. adiunctis verbis Caiet. *Opusc. 17. sect. preced.* citato, ubi ait, *Fluctuans quantum sapit fluctuationis, tantum sapit indeterminationis, ac proinde modi indebiti operandi.* Quando autem magis fluctuat homo, quā cum est cum dubio, de quo in conclusione.

Secundo quia actio, cuius materia nedum probabiliter est honesta, est omnino illicita, & cōscientia dicitur illam esse illicitam: cum enim actio totam suam honestatem desumat ab honestate materiæ, non in esse rei, sed prout propositæ ab intellectu, ex hoc ipso, quod materia nedum probabiliter proponitur honesta, & licita, nequit actio ab illa honestari. Sed cum speculatiuo dubio modo dicto, materia nedum probabiliter est honesta; ergo electio illius erit omnino inhonesta; & qui ageret sic, peccaret.

Tertio quia ne quis peccet, debet prudenter agere, conscientia enim prout respicit agenda, vel omittenda, idem est ac Prudentia, ex dictis *sect. precedentibus*, & supponunt DD. vid. Schobar, *exama. 3. c. 1.* sed qui ageret cum dubio speculatiuo, vt in conclusione, non ageret prudenter; nec eius actio esset regulata à principiis Prudentiæ; ergo peccaret. Minor probatur. Vnum ex principiis Prudentiæ est, quod illa actio est certo honesta, cuius materia constat euidenter, quod saltem probabiliter est honesta; hoc autem principium in presenti deficeret, quia materia esset in dubio, nedum honestatis, sed etiam probabilitatis, ergo &c.

Quarto

Quarto quia, qui eligit aliquid, quod dubitat, an sit licitum, & non obstante hoc dubio adhuc eligit, vult illud facere, siue sit licitum, siue illicitum, seu vt vulgo dicitur, vult illud per fas, & nefas. Sed qui hoc pacto agit, vtrique peccat, & non solum se exponit periculo peccandi, sed formaliter peccat; quia anteponit suam cupiditatem iustitiæ, rationi, & Deo; ergo qui operatur cum dubio speculatiuo, de quo in præfenti, peccat.

*Conclusio secunda.*

**C**Um dubio formali speculatiuo circa honestatem materiæ, quam respicit electio, orto ex probabilitate hinc, & inde vtriusq; partis contradictionis potest quis operari, & infallibiliter licitè operatur, nec peccat. Vnde non requiritur, quod operans habeat ipse assensum probabilem, quo assentiatur, & opinetur materiæ operationis in se esse honestam; Sed etiam si ipse dubius formaliter maneat, dummodo certus sit dari probabile opinionem de honestate materiæ, tutissimè, & sine peccato operabitur, & operatio ipsius erit certissimè honesta. Probatur conclusio, ni fallor euentissimè:

Primo, quia operatio, quæ à Prudentia regulata procedit, & quæ est secundum rectam rationem, & conscientiam, certò, & infallibiliter honesta est, & nequit esse peccatum. Sed electio materiæ, de qua est dubiū formale modo explicato in *secunda Conclusione*, est actus à Prudentia regulatus, iuxta rectam rationem, & conscientiam; ergo erit certò honesta, & per consequens poterit quis sine peccato cum dubio, de quo in præfenti, operari; Minor probatur quia, hæc electio adhuc sequeretur ex illo syllogismo, ex quo vt dictum est *sect. præcedenti*, derivat certitudo infallibilis honestatis in actus regulatos à Prudentia, quia adhuc operans esset

certus, quod materia, quam eligit, esset probabiliter honesta; licet enim dubitet, an materia in se sit honesta, nec ne; adhuc tamen certò, & evidenter scit, probabile esse, dictam materiam esse honestam; quia videret adesse opinionem probabilem, & sufficientem de illius honestate.

Secundo, quia cum conscientia dubia non licet quidem operari, sed cum conscientia certò, & infallibiliter dictante actionem esse licitam, possumus utiq; sine peccato operari. Sed etiam dato dubio, de quo in presenti, adhuc conscientia dictaret operationem esse licitam; ergo &c. Minor probatur; nam conscientia non cadit supra materiam, sed supra operationem, quæ adhuc ut sit certò honesta, non pendet ex eo, quod materia ipsius æstimetur ab operante in se honesta; sed ex eo, quod materia verè sit probabiliter honesta: hoc enim tantum per se requiritur, quod enim opinetur vel à me, vel ab alijs merè materialiter se habet, cum pari modo reddatur probabilis; præsertim cum meus assensus respectu mei non augeat ipsius probabilitatem; sicut ego respectu mei non facio auctoritatem; sed adhuc cum dictò dubio materia est in se probabiliter honesta, & hoc evidenter cognoscitur ab operante; ergo operatur certo honestè, & sine peccato.

Tertio, quia adhuc ut operatio sit certò honesta, sufficit, quod regula, à qua desumitur sua honestas, sit certa, & infallibilis; quis enim aliquid amplius requirat? sed regula honestatis nostrarum operationum, non est quod materia ipsarum à me potius, quam ab alijs opinetur honesta; nec enim opinio mea, vel alicuius potest esse regula operationis; ut enim benè Caietanus in *Summa v. opinio*, nequit operatio nostra regulari per cuiusq; opinionem; *quoniam ex quo operatio committitur regu-*  
landa



landa opiniononi, committitur regulæ ambiguae, quia omnis opinio ambigua est; igitur nec quod ego opiner, nec quod alius opinetur, materiam esse honestam, potest esse regula meæ opinionis. Quid ergo erit? Iudicium, quod hæc materia sit probabiliter honesta; cum euidētia honestatis haberi non possit. Ad hoc autem parum refert, quod à me, vel ab alio opinetur, dummodo sim certus talem opinionem esse re vera probabilem; cuiuscumq; enim sit opinio, eodem modo seruatur idem iudicium, in quantum requiritur; ergo quia cum dubio, de quo in præsentia adhuc subsistit prædictum iudicium euidens, adhuc operatio erit certò honesta, & sine peccato.

Quarto, quia ut Iudex iustè iudicet, & sit certus suū iudicium esse honestum; non est necesse, quod credat, seu probabiliter assentiat ius esse illi, pro quo iudicat; sed de hoc dubius, iustè iudicat, & certò honestè agit, si iudicat iuxta allegata, & probata; hoc est si iudicat pro eo, pro quo licet non credat esse ius, cognoscit tamen euidenter apparere ius; ergo similiter in foro animæ, ad hoc ut quis operetur iuxta suam consciētiā, quæ naturale iudicium est, ex Basilio, non requiritur, quod ipse iudicet materiam sui operis esse honestam, & iustitiæ consonam, sed solum apparere sufficienter honestam, & iustam; quod est idem, ac dicere, sufficit, quem esse certum de probabilitate honestatis materiæ, nec requiritur iudicium de materia ipsa.

Quinto, quia ex probabilissima Theologorum sententia, quam docet Vasq; p. 2. d. 62. c. 4. nu. 14. & Azorius tom. 1. Iustit. mor. lib. 2. c. 17. nu. 68. & alij; potest quis, licet unam contradictoriam positiuè putet esse veram, & illi assentiat, potest adhuc in praxi oppositam sequi, & illam putet esse probabilem; ergo quando

-iisui

neutri

neutri parti assentitur, & dubius manet, si alterutram nouerit certò esse probabilem, poterit illam in praxi sequi; & quidem à fortiori.

Sexto, quia eaatenus quis in dubio operans peccat, quia se exponit periculo peccandi, & præfert commodum, & cupiditatem propriam saluti animæ; sed hoc non contingit cum dubio, de quo in præsentiam cū hoc dubio adhuc quis est certus suam actionem esse honestam, & scit materiam suæ actionis esse, quantum sufficit in materijs moralibus honestam, nempe probabiliter, & apparere talem cum fundamento; ergo &c.

Sed iam conclusionem hanc placet DD. auctoritate communire. Primo facit ad hanc conclusionem firmandam textus in *c. Cum Dominus de secundis nuptijs*, iuncto textu in *c. Inquisitionis de sententia excommunicationis*, quos textus sic induco. Præcipit Pontifex ibi coniugem dubium dubio graui de validitate matrimonij, ex dubio consanguinitatis, vel vitæ prioris coniugis, debere reddere, sed non petere: modo sic arguo. Coniux, qui debet eligere redditionem debiti, de honestate redditionis in se est dubius, sicut est dubius de validitate matrimonij; quod dubium non tollit Pontifex, sed relinquit; alias si tale dubium auferretur, iam coniux posset non solum reddere, sed petere; ex validitate enim matrimonij sequitur redditio debiti in se honesta, vel non; & tamen cum hoc dubio formali, quia est decisio Pontificis dicens illum debere reddere, licet reddat, & operatio ipsius honesta est, & sine peccato. Ergo licet quis sit formaliter dubius de honestate materię in se, quando tamen DD. vel rationes sufficientes dicunt illud posse fieri, & eligi, poterit illud agere sine peccato.

Dices. Ille est certus se posse reddere, licet dubitet de iusti-

iusti-

iustitia redditionis in se, quia scilicet Pontifex sic definit.

Benè. Sed etiam in casu nostro licet quis dubitet de iustitia materiæ in se, tamen certus est, se posse eligere dictam materiam; quia quod in hoc casu facit definitio Pontificis, facit in alijs casibus auctoritas DD.; cum, enim, semper habere non possimus Pontificis definitiones, in locum illarum sunt substituti DD.; quos si sequimur, non peccamus.

Instabis, argumentum non benè procedere; nam in casu textuum allatorum, qui eligit reddere, licet dubitet de iustitia redditionis in se, scit tamen hic, & nunc se posse reddere, & hic, & nunc redditionem huiusmodi esse honestam sibi; unde licet non assentiat, sed sit dubius, an materia in se sit honesta; non tamen est dubius hic, & nunc respectu sui; at verò in casu conclusionis dubitat quis omninò de honestate materiæ.

Resp. Paritatem omnino currere, & quidem quatuor pedibus; nam etiam in casu nostro, qui non assentitur honestati materiæ, scit euidenter talem materiam, cuius non assentitur honestati, esse honestam respectu sui; hic, & nunc. Materiam enim, de cuius honestate sunt probabiles opiniones, scit esse honestam in ordine ad eligentem, hoc est licitè, & sine peccato posse eligi.

Facit secundo ad nostram conclusionem auctoritas Caiet. cit. *Opusc. 17. respons.* ubi habet hæc verba formalia. *Intellectus speculativus licet proponat honestatem rei, nihil dicit de operando; quæ propositio desumitur ex 3. de anima t. 46. ubi dicitur; Intellectus speculativus nihil dicit de fugiendo, vel imitabili; unde (subdit Caiet.) quod intellectus hic sit dubius, eo quod varietas opinionum nata est reddere intellectum nutantem, non proinde in dubio dicitur fieri operatio; quia tale dubium operationem non*  
concer-

## 48 DISPUTATIO PRIMA.

concernis. Quid clarius pro nostra conclusione.

Facit tertio Nauarrus in c. *Si quis de Penit. d. 7. nu. 61.* ubi cum dixisset supra, in dubio quem nō posse operari, & operationem esse peccaminosam; ait. *Declaro prædicta, quando dubitatio euenit in ipsa operatione; nam licet in genere habeam dubitationem, an aliquid liceat, in singulari tamen operatione non dubito, immo certus operor illud; tunc ratione dubietatis in genere non incurritur peccatum.* Quam doctrinam repetit toties quoties in toto illo capite.

Accedit Sanchez in *Decal. lib. 1. c. 9. num. 16.* Vsq; *prima secundæ d. 62. c. 4. in fine.* Couarr. *1. 2. pag. 366.* Cordub. *lib. 3. pag. 169. & alij.*

Vnus est, qui difficultatem nobis videtur ingerere D. Thom. *quodl. illo 8. cit. a. 13. in corpore*, qui quidem articulus, quia non solum in hac materia, sed etiam in multis alijs citatur, hic à nobis à verbo ad verbum transcribetur, & explicabitur. Quærit autem S. D. in hoc articulo, an liceat habere plures præbendas, quando sunt variæ opiniones Magistrorum, & videtur concludere, quod non solum dubitans, sed etiam formidans, an liceat, non obstante opinione DD. peccat habendo. Ait autem sic:

*Resp. Dicendum, quod aliquis duobus modis obligatur ad peccatum; vno modo faciendo contra legem, ut cū aliquis fornicatur; alio modo faciendo contra conscientiam, etiam si non sit contra legem; ut si conscientia dicit alicui, quod leuare festucam de terra, sit peccatum mortale. Ex conscientia autem obligatur quis ad peccatum, siue habeat certam fidem de contrario eius, quod agit, siue etiam habeat opinionem cum aliqua dubitatione. Illud autem, quod agitur contra legem, semper est malum, nec excusatur, per hoc quod est secundum conscientiam.*

*Et simi-*

Et similiter, quod est contra conscientiam est malum; quatinus non sit contra legem: Quod autem nec est contra conscientiam; nec contra legem, non potest esse peccatum. Dicendum est ergo, quod quando duæ sunt opiniones contrariæ de eodem, oportet alteram veram esse, alteram falsam; aut ergo ille, qui facit contra opiniones Magistrorum, ut potest habendo plures præbendas, facit contra veram opinionem; & sic, cum faciat contra legem Dei, non excusatur à peccato, quamvis non faciat contra conscientiam; sic enim contra legem Dei facit. Aut illa opinio non est vera; sed magis contraria, quam iste sequitur; ita quod verè liceat habere plures præbendas; & tunc distinguendum est: quia aut talis habet conscientiam de contrario; & sic iterum peccat contra conscientiam faciens, quamvis non contra legem; aut non habet conscientiam de contrario, sed certitudinem, sed tamen in quamdam dubitationem inducitur ex contrarietate opinionum; & sic si manens cum tali dubitatione plures præbendas habet, periculo se committit, & sic procul dubio peccat, ut potest magis amans temporale beneficium, quam propriam salutem. Aut ex contrarijs opinionibus in nullam dubitationem inducitur, & sic nec committit se disferimini, nec peccat. Hucusque S.D.

Doctrina huius articuli, si ad litteram sumatur, multiplici ex capite falsa est.

1. Primo quidem. Quomodo verum esse potest, peccare eum, qui contra legem Dei, licet secundum conscientiam operatur, cum hoc sit contra omnes DD. & contra ipsum S. Thom. prima secunde q. 19. a. 5. ubi docet debere quemque sequi conscientiam errantem invincibiliter, & peccare, qui contra illam operatur; certum est autem, quod conscientia errans præcipit, quod contra legem Dei est; alias quomodo erraret.

Secundo, quomodo potest esse verum, quod qui habet certitudinem de eo, quod eligit, quod licitum sit, & non habet conscientiam de contrario; sed tamen ex contrarietate opinionum inducitur in aliquam dubitationem, (quæ profecto tantum levis potest esse, alias stare non posset cum certitudine) quomodo inquam verum esse potest, quod iste sic eligendo, peccat. Igitur maius quid requiritur, quam certitudo de honestate illius, quod eligitur; & leuissima dubitatio, quæ necessario oritur ex contrarietate opinionum, habet vitare opus, quod alioqui certò creditur licitum. Item quomodo hic se exponit periculo peccandi, qui secundum conscientiam operatur. Præterea est certum apud omnes licere sequi probabiliorē opinionem, licet non sit tutior; si autem est vera doctrina huius articuli ad litterā intellecta, hoc est falsum, nam quicumq; probabilior licet assensus, semper erit cum aliquali formidine; ergo si cum formidine non licet agere, nec cum probabiliori sententia licebit agere. Præterea quando nam certitudo potest dari in materijs moralibus sine vlla dubitatione?

Ex quo vides hunc articulum, si ad litteram sumatur non solum probare requiri assensum determinatū de honestate materiæ eligendæ; sed etiam assensum certum sine vlla formidine. Nimum igitur probat.

Explicandus igitur est hic articulus ita, quod solum voluerit S. D. quod etiam stantibus contrarijs opinionibus non liceat agere cum aliqua dubitatione, vel propria, quæ titubatio est, vel impropria, quæ est formido circa ipsam actionem, & electionem, quam immediate præcipit, & respicit conscientia; quod fusè ostensum, & probatū est supra. Vnde requiritur ex S. Thom. certitudo omnino sine vlla dubitatione de honestate actionis;

non

non verò loquitur S. D. de dubio, seu formidine circa materiam electionis; sic illa verba. *Ex conscientia autē obligatur aliquis ad peccatum; siue habeat certam fidem, siue opinionem de contrario eius, quod agit; sic sunt intelligenda.* Ille peccat contra conscientiam; qui oppositum agit ab illo, quod dicitur conscientia; siue hæc procedat ex certa fide; siue ex opinione cum dubitatione de honestate rei, quam dicitur; quod quidem verissimū est; hic enim valet illud Apostoli ad Rom. 4. *Quod nō est ex fide, peccatum est.* Vnde nota, ad hoc vt quis peccet contra conscientiam, non sufficere, quod fiat, cuius oppositum existimatur probabiliter honestum; sed requiri, quod conscientia illud dicat, & contra dictatum conscientiae fiat. Sic illa verba; *Inducitur in aliquam dubitationem, & illa dubitatione manente, si operatur, peccat;* Intelliguntur de dubitatione cadente supra actionem, & electionem, non verò supra materiam ipsius. Vnde ex doctrina huius articuli nihil insertur contra nos.

Quod autem ait S. D. peccare eum, qui contra legem Dei, vel secundum conscientiam facit, intelligendum est, vt explicat S. Antoninus in *Summa c. de conscientia*, quando scilicet id, quod agit, est expresse contra Deum definitum ab Ecclesia, & conscientia est crassa & vincibiliter erronea; Quo pacto docet S. D. alibi peccasse sequaces Hæreticorum, & Gentiles, & Hæbreos putantes se obsequium præstare Deo in interfectione Apostolorum.

Dices primo. Conscientia debet se conformare intellectui speculatiuo; ergo si intellectus speculatiuus manet dubius, conscientia erit dubia; cum hac autem non possumus operari; Ergo &c.

Resp. Me iam ostendisse conscientiam ipsam non posse esse dubiam; sed esto, dico conscientiam conformari

mari debere non cuicumq; iudicio speculatiuo, sed illi q; assumitur tamquā regula operationis certo, & infallibiliter honestæ; quod est, seu inuoluit duo illa iudicia certa, & euidencia. Eligere materiam, de cuius honestate datur verè probabilis opinio, honestum est; sed de honestate huius materie datur probabilis opinio; ergo eligere hanc materiam honestum est. Quæ quidem iudicia semper requiruntur siuè formaliter, siuè virtualiter; non verò iudicium immediatum de honestate rei in se, & materie, ideo &c.

Dices secundo. Conscientia est applicatio scientiæ; sed ubi est dubium, ibi nulla est scientia, ergo in dubio non possumus operari sine peccato; nam operari sine conscientia peccatum est.

Resp. Ex S. Thom. q. 17. de ver. ar. 2. ad secundum, quod conscientia non est applicatio scientiæ rigorosæ de honestate materie, sed cuiusvis cognitionis sufficientis; quæ neq; requiritur, quod sit actus ipsius operantis, sed solum, quod sit opinio probabilis alicuius, quæ verè probabilis sit. Etiam autem in dubio, de quo in præsentī supponitur opinio probabilis de honestate materie euidenter cognita vt talis, quam proinde applicat conscientia ad operationem, quam præcipit.

Dices tertio. Honestas actionis desumitur ab honestate materie; ergo si est in dubio, an materia sit honesta, actio per consequens erit in dubio, an sit honesta; ergo & sequitur dari posse dubium practicum circa honestatem actionis, & sequitur quem in dubio de honestate materie operari non posse, quia in dubio de honestate actionis operari non potest; ergo requiritur iudicium ad minus probabile de honestate materie.

Resp. Honestatem actionis non desumi ex honestate materie in se, nec ex iudicio, quo operans probabili-

ter



ter asserit materiam esse honestam; sed desumi formaliter ex eo, quod certò iudicatur materiam esse probabiliter honestam; hoc est ex iudicio certò, & evidenti, quo operans iudicet probabile admodum esse, quod materia sit honesta; hoc autem iudicium stat cum dubio, de quo in secunda conclusione, licet non cum dubio, de quo in prima. Neutrum ergo sequitur ex deductis in argumento; nam cum dubio, de quo in secunda conclusione actio est certò honesta; cum dubio autem, de quo in prima, actio est certò non honesta; vnde cū hoc dubio operari non possumus, cum illo autem sic.

Dices quarto. *Quod non est ex fide peccatum est*, ex Apostolo; qui autem operatur eum dubio, utique non operatur ex fide; ergo peccat.

Resp. Verba illa Apostoli intelligi communiter hoc pacto, quod non est ex fide, hoc est secundum conscientiam; patet autem ex dictis cum dubio, de quo in secunda conclusione adhuc operationem procedere secundum conscientiam, & regulatam à Prudentia; ideo peccatum non est. Similiter illa verba Philosophi supra citata. *Qui non se determinat, sed fluctuat, non operatur, ut debet*; sunt intelligenda quoad operationē, non quoad materiam ipsius; hoc est, qui non est certus, sed dubius de honestate suæ actionis, non operatur, ut debet; non verò de honestate materiæ.

Dices ultimo. Videtur esse axioma commune Canonistarum, & Theologorum ex sacris Canonibus desumptum. Ad honestè operandum oportere deponere dubium. Item Pontifex passim docet in dubijs tutiorem partem esse eligendam; ergo illud, de quo dubij sumus, agere non possumus.

Resp. Axioma illud Canonistarum, & Theologorum esse intelligendum quoad actionem; sed non quoad

ad

ad materiam ipsius. Pontifex autem quando docet, in dubijs tutiorem partem esse eligendam, & in dubio non licere operari; est intelligendus de dubio, de quo in prima conclusione, quod oritur ex insufficientia rationum, & carentia rationum probabilium, & verosimilium; non verò de dubio, de quo in secunda conclusione, quod admittit probabiles, & verosimiles rationes, & sufficientem probabilitatem, cum qua possumus agere. Neque hoc gratis dico; nam in primis in omnibus illis locis, in quibus præcipit Pontifex, in dubio non esse agendum, & tutiorem partem esse eligendam, in omnibus inquam illis locis, casus est de dubio, de quo in prima conclusione. Sic patet in *c. ad Audientiam, de homic. volunt.* item in *cap. In præsentia de sponsal.* & alibi; tum quia glosa *super cap. cit. In præsentia* docet, quod si verosimiliter existimetur coniugem esse mortuum, excusari uxorem, quæ nubitalteri viro, non quia mulier ipsa existimet, hoc enim non requiritur; sed solum quia est probabilis existimatio aliorum; quam Barb. in *Collect. super eodem cap.* dicit sufficere, quod sit probabilis moraliter. Clarissimè autem hoc patet ex *cap. Significasti 2. de homic. volunt.* vbi Pontifex definit, quem in dubio de homicid. censendum irregularem, quia in dubijs tutior pars est tenenda; nisi constet vulnus ab illo inflictum non fuisse lethale. Hoc autem quomodo constare debet; Barbof. in *Collect. super hoc cap.* docet, sufficere si duo Medici periti hoc asserant, vel vnus tantum, vel si duo vocati dissentiant ad inuicem, seniori credendum est, & illi standum. Certè hi non nisi probabilem assensum, & opinionem gignere possunt. Neq; requiritur ex hoc Doctore, qui multos allegat; quod ipse, de quo dubium est, an sit irregularis, putet suum vulnus non fuisse lethale, sed solum, quod duo Medici, vel vnus peritus

peritus id asserat. Ergo licet quis sit dubius, dum tamen habeat opinionem verè probabilem pro se, perinde est ac si dubium deposuerit, vnde potest agere sine peccato.

Il. Quæres, an cum dubio probabili de probabilitate opinionum possit quis illas eligere.

Resp. Et sit.

SECTIO SEXTA

An requiratur certitudo, & euidencia de probabilitate opinionis eligendæ, & non sufficiat opinio de ea.

**E**X dictis satis manifestè sequitur respondendum affirmatiuè, scilicet requiri euidenciam de probabilitate opinionis eligendæ, ad hoc vt eligi possit prudenter, & sine peccato. Cum enim cognitio de probabilitate opinionis sit vnum ex principijs assumptis à Prudentia ad inferendam conclusionem suam, quæ est dictamen practicum, & regula dirigens operationes nostras; si hoc dictamen, si hæc regula debet esse certa, & euidenter vera, utiq; requiritur, quod à præmissis certis, & euidentibus oriatur; igitur cognitio de probabilitate opinionis debet esse certa, & euidenter vera. Sic censent multi DD. relati à P. Zacharia Pasqualigo in opere *Decisionum moral. decis. 18.* qui tamen oppositum censet, contra quem sit.

*Conclusio prima.*

**A**D prudenter agendum, & sine peccato, requiritur, quod probabilitas opinionis, quæ in praxim deducenda est, sit certò, & euidenter scita.

Probatur conclusio præter dicta, primo quia; utique debet

debet dari aliqua regula ad hoc, ut cum possimus temere, vel prudenter opiniones eligere; prudenter illas eligamus, & in praxim deducamus; quæ proinde regula si seruetur, sumus certi prudenter nos eligere, & è contra si non seruetur, sumus etiam certi nos temere eligere. Hæc enim sunt de conceptu essentiali regulæ, quæ regula est. Regula autem, ut prudenter opiniones eligamus, quænam esse potest? Non veritas opinionis, contingit enim opinionem esse falsam, & tamen prudenter eligi. Neque hoc, quod est intellectum eligentis assentiri opinioni, quam eligit, hoc enim non requiri ostensum est fusè sect. præcedenti, & concedit ultro Pasqual. *decif.* 16. quid ergo remanet, quod assumatur tamquam regula; quod proinde si adsit, prudenter sequatur electio, si verò non adsit, temerè? certè remanet sola probabilitas opinionis; modo sic argumentor:

Probabilitas opinionis eligendæ est regula, ad hoc ut opinio possit eligi prudenter, & sine peccato; ergo non potest contingere, quem eligere opinionem aliquam prudenter, & sine peccato, nisi verè adsit probabilitas in opinione electa; alias si sine illa ille prudenter adhuc agit, illa non erit regula. Impossibile enim est, quod sine regula ad prudenter agendū quis prudenter agat; cum actio ideo sit prudens, quia ex regula sequitur; ergo non per hoc, quod quis opinetur opinionem aliquam esse probabilem, potest per hoc præcisè illam prudenter, & sine peccato eligere; nam cum hoc, quod est opinari aliquam propositionem esse probabilem, potest stare, in illa verè non esse probabilitatem; omnis enim opinio fallibilis est; ergo ad prudenter agendum, & sine peccato, non sufficit opinio de probabilitate opinionis in praxim deducendæ; ergo scientia, & euidencia requiritur.

Secundo

Secundo, quia debet homo esse certus, se prudenter agere, & sine peccato in opinionibus eligendis, & in praxim deducendis; ergo debet esse certus, se agere secundum regulam, ac proinde regulam adesse suas actiones regulando; ergo quia probabilitas opinionis est regula, debet esse certus de illa; unde non sufficit, quod sit opinata; sed debet esse scita; antecedens probarur, tum quia ostensum est *sect. 4.* hominem posse, & debere esse certum de honestate sue actionis, seu electionis; tum quia etiam qui dicunt sufficere iudicium probabile de honestate actionis, dicunt cum hoc hominem esse certum, se prudenter agere; & illud iudicium ad hoc requirunt, quia cum illo homo est certus, se prudenter agere; tum quia homo tenetur seruare regulas Prudentiæ, sed illas seruando est certus, se prudenter agere; ergo homo tenetur esse certus, se prudenter agere; denique vel homo qui non est certus se prudenter agere, si sic agat, prudenter agit, vel temerè, vel se exponit dubio agendi prudenter, & periculo agendi temere. Si primum hoc est ridiculū, si enim sic agendo certò prudenter agit, quomodo non est certus se prudenter agere? si secundum; ergo peccat; ergo debet esse certus, se prudenter agere? Si tertium ergo temere agit, & peccat, qui enim se exponit periculo agendi temere, ex hoc ipso imprudenter agit; ergo à primo ad vltimum debet homo esse certus, se prudenter agere.

Confirmatur ex Caiet. in *Sum. v. opinionis usus* docente actiones nostras non posse committi regulandas regulæ ambiguæ, unde nulli opinioni, quia omnis opinio ambigua est; ergo nequeunt actiones nostræ regulari per opinionem de probabilitate opinionis eligendæ; sed requiritur scientia de illa.

Tertio, quia si verè opinio eligenda non habeat pro-

H babi-

probabilitatem; illam eligens, quia opinatur illam adesse, peccat, vel non. Si primum, ideo peccat, quia debebat scire certo, an illa esset, cum teneretur illam verè existentem sequi. Si secundum, ergo si sine illa etià prudēs sequitur electio, illa non erit regula; sicut quia etià si opinio eligenda non sit vera, adhuc prudenter eligitur, ideo veritas opinionis non est regula electionis. Inquirō ergo, quāenam est regula, quæ facit prudentem huiusmodi electionem.

Respondebis. Opinio de probabilitate opinionis eligendæ. Sed contrā, hæc opinio de probabilitate opinionis eligendæ, quæ est regula prudentis electionis, requisitione, quod sit in se reuera probabilis, an etià si non sit probabilis sufficit. Secundum dici non potest; aliter opinio temeraria posset esse regula ad prudenter eligendū, quod absurdum planè est; Primum autem si dicatur, infero, ergo non potest contingere opinionem hanc in re non esse probabilem, & esse regulam operis; ergo adhuc ut quis prudenter, & sine peccato operetur, requiritur, quod sciat certò, & euidenter hanc probabilitatem in prædicta opinione adesse, & se iuxta illam operari, & quod secundū illam suam electionē regulet.

Neque dicas sufficere, quod opinetur, in hac secunda opinione probabilitatem adesse, per hoc enim, quod sic opinetur, sufficienter cum Prudentia operari.

Contra enim etià arguo. Ergo regula prudentis electionis non erit amplius secunda opinio, sed hæc tertia. De hac tertia idem formo argumentum. Requiritur quod hæc in se sit probabilis, alias si sit temeraria, non regulabit prudentem electionem; ergo si non sit in se probabilis, imprudenter eliget, si quis iuxta eā operabitur; ergo ad prudenter agendū requiritur, quod certioreretur de probabilitate huius tertiæ opinionis; nec denuò dicas

dicas sufficere opinionem de probabilitate huius tertiæ opinionis; sequitur enim clarè processus in infinitum; nec unquā sistimus in aliquo, quod verè regulet actiones nostras. Quod si tandem aliquando concedas, requiri euidentiā de probabilitate huius tertiæ opinionis, quare id non dicis de secunda; requiri scilicet euidentiā de probabilitate secundæ? quæ maior ratio? & si etiam id asseris de secunda, quare non etiam de prima? & per consequens non fateris requiri euidentiā de probabilitate opinionis eligendæ? & quare illam immediate non constituis regulam electionis prudentis, & sine peccato? quæ maior ratio?

Sanè ratio, quam adducit Pasqualigus loc. cit. vniuersaliter de omni opinione militat, nec magis probat, non requiri euidentiā de probabilitate opinionis eligendæ, quam nõ requiri euidentiā probabilitatis in opinione de probabilitate opinionis eligendæ, & sic gradatim de singulis opinionibus reflexis enumeratis vsq; in infinitum.

Nam est huiusmodi. Qui operatur cū opinione probabili, operatur conformiter ad rectam rationem, vnde prudenter, & sine peccato operatur. Ergo qui operatur cū opinione probabili de probabilitate opinionis eligendæ prudenter, & sine peccato operatur.

Sanè hæc ratio gradatim cuilibet opinioni vsq; in infinitum potest applicari, vt constat, vnde vel hoc titulo nihil probat. Directè autem respondeo, quod quando illud, de quo est opinio probabilis, est regula operationis, & prudentis electionis, non sufficit opinio de eo; secus quando est materia operationis; quia regula non debet esse ambigua, dubia, & defectibilis, nec contingens ad esse, vel non esse, alias certò non regularer; vnde quis se exponeret periculo agendi sine sua regula, ac proinde imprudenter; & sic imprudenter, & peccamin-

nosē ageret; Sumus autem nunc in casu, quia probabilitas opinionis est regula operationis. Omitto autem modo disputare, an illud principium in antecedenti assumptum sic vniuersaliter, & absolute prolatum, in quacumq; materia sit verum; de hoc enim susē d. 3. ap.

Sed fortasse hactenus frustra laborauimus, in questione scilicet de subiecto non supponente. Arbitror enim contingere non posse, quod intellectus tantum possit opinari aliquam propositionem esse probabilem; puto enim ex hoc ipso, quod intellectus possit opinari aliquam propositionem esse probabilem, ex hoc ipso, & ex eodem motiuo scire euidenter posse opinionem esse probabilem, quod non aduerterunt DD., quod vt planum fiat, sit.

*Conclusio secunda.*

**I**ntellectus potens opinari aliquam propositionem esse probabilem ex hoc ipso, & ex eodem motiuo potest euidenter scire eandem esse probabilem.

Probatur Conclusio primo quia, illa propositio est euidenter probabilis, cui potest intellectus cum probabili fundamento assentiri; nam si possumus ei assentiri cum probabili fundamento; ergo iam opinio habet probabile fundamentum; si habet; ergo probabilis euidenter est; scio enim euidenter illam propositionem esse probabilem, quæ probabile fundamentum habet. Sed intellectus ex hoc ipso, quod circa probabilitatem cuius opinatur, potest eidem propositioni cum probabili fundamento assentiri; ergo talis propositio ipso facto probabilis euidenter est, ex hoc ipso, quod intellectus possit circa eius probabilitatem opinari. Minor probatur. Fundamēta, quæ afficiunt probabilitatem propositionis, afficiunt etiam eiusdem veritatē, & quidem immediatius; nam a quo moueris ad iudicandum licet cum



tum formidine propositionem aliquam esse probabile?  
Profecto moueris, quia tibi videtur habere valida, &  
firma fundamenta, & rationes sufficientes pro se,  
sufficientes inquam ad enuncians id, quod  
enunciat. An non ergo motiua, à quibus moueris, im-  
mediatius efficiunt ipsam propositionē, seu veritatem  
ipsius? ergo iam dum intellectus iudicat, seu opinatur  
aliquam propositionem esse probabilem, iudicat cum  
fundamento valido, esse valida fundamenta pro verita-  
te illius. Quare ergo ipsi non potest assentiri, si funda-  
menta, quæ habet, intellectui prudenter, & diligenter  
consideranti apparent valida. Deinde quodnam est fun-  
damentum, vicinius illa videntur valida? profecto eorū  
robur, eorū vis ab intellectu apprehensa; ergo a primo  
ad vltimū idē fundamentū, quod sufficit ad opinandum  
opinionem esse probabile, sufficit ad eidem cum valido  
fundamento assentiendum. Quid hinc sequatur, vides.

Et sanè, quod fundamentum habes ad assentiendum  
huic propositioni E. G. Cambium recursæ esse iustū,  
est probabile; quod inquam habes probabile fundamē-  
tum? Vel DD. graues dicentes Cambium recursæ esse  
iustum; vel rationes ab intrinseco de iustitia huius Cam-  
bij. Hæc autem fundamenta, an non sufficiunt ad opi-  
nandum absolutè, Cambium recursæ esse iustum?

Dices. Moueor à DD. asserentibus non esse verum,  
quod Cambium recursæ sit iustum; sed solum asseren-  
tibus esse probabile, quod sit iustum.

Benè. Sed ex hoc motiuo potes opinari cum funda-  
mento valido, Cambium recursæ esse iustum. Nam DD.  
asserunt probabile esse, quod Cambium recursæ sit  
iustum; ergo asserunt pro iustitia huius Cambij esse va-  
lida fundamenta; ergo potes ex illis fundamentis, quæ  
ex eorum auctoritate cognoscis valida, credere, & opi-

nari

nari prædictum Cambium esse iustum; ergo hoc, quod est, prædictum Cambium esse iustum, est tibi euidenter probabile; habes enim fundamenta, quæ ex hoc constat tibi esse euidenter probabilia, quia videntur talia viris doctis, & prudentibus.

Dices. Formido, an DD. pro opinione eligenda allati sint re vera graues, & sufficientis auctoritatis; item formido, an rationes allatæ sint verè validæ.

Contra. Vel qui sic loqueris, es idiota, vel doctus. Si primum, tibi euidenter est, & certum DD. pro vna sententia esse sufficientes, & rationes esse validas, quando Doctor, qui communiter censetur prudens, dicit tibi opinionem esse probabilem, habere graues DD. & rationes; nec in hoc debes formidare. Si secundum. Sunt ne tales, vt cum valido fundamento possint iudicari sufficientes, tam DD. quàm rationes, vel non? si primum ipso facto sunt euidenter graues, & validæ, & probabilem opinionem constituunt; si secundum, non solum formidare, sed absolutè nec potes opinari probabilem esse opinionem ipsis munitam.

Hinc infero, quod si quis opinetur tantum opinionem aliquam esse probabilem, ac proinde formidet de eius probabilitate, hæc formido non oritur ex motiuo de se scientifico, & apto nato, si benè intelligatur, omnem formidinem expellere; sed ex defectu suæ intelligentiæ; vnde simpliciter habebit scientiam, seu ex parte præsentis motiui, licet explicitè id nesciat. An autem putans se tantum opinari, & non scire opinionem eligendam esse probabilem, si illam in praxim deducat, peccet. Resp. affirmatiuè, quia cum putet, se non habere regulam necessariam ad prudenter eligendū, nihilominus vult eligere; vnde quantum est ex se, se exponit periculo imprudenter agendi; & per hoc peccat.

Secundo

Secundo **probat**ur **Conclusio**, quia debet quis ad minus euidenter nosse opinionem de probabilitate opinionis eligendæ esse probabilem, ne detur processus in infinitum, ut ostensum est supra; sed ex hoc ipso habetur euidentia de probabilitate opinionis eligendæ, ergo &c. Minorem probo. Est euidentis hæc propositionem (opinio eligenda est probabilis) esse probabilem; ergo est euidentis obiectum huius propositionis esse probabile; sed obiectum est probabilitas opinionis eligendæ; ergo est euidentis probabilitas opinionis eligendæ; dum est euidentis esse probabilem opinionem de probabilitate opinionis eligendæ, seu dum est euidentis esse probabilem propositionem, quæ assertit opinionem eligendam esse probabilem.

Hæc enim est differentia omnino adnotanda inter veritatem, & probabilitatem propositionum; quod nō per hoc, quod ego opinor aliquid esse verum, proinde illud est statim euidenter verum; secus dum opinor, esse probabile, statim illud est euidenter probabile; & hoc procedit ex eo, quod non ideo obiectum in se est certò verum, quia ego illud opinor, seu quia euidenter habeo motiū ad illud opinandum; quod enim sit verum, pendet id à re in se independenter ab intellectu; at verò rem esse probabilem non pendet à re in se, sed à motiūo probabili; igitur ex hoc ipso, quod habeo motiūum probabile pro veritate, non statim oritur, re esse veram; at verò e contra ex hoc, quod habeo motiūum probabile pro probabilitate, res statim euadit euidenter probabilis certò, & infallibiliter; quia iam habet causam certam, & infallibilem sui.

## DISPUTATIO SECVNDA.

*De probabilitate Opinionum.*

**D**E finitum est disputatione præcedenti ad hoc ut operatio nostra sit honesta, & actus Prudentiæ, requiri, quod evidenter cognoscatur materiam eligendam esse probabiliter honestam; hoc est dari probabilem opinionem de honestate materiæ, quæ eligitur. Nunc examinandum est, in quo consistat probabilitas, & quid requiratur, & sufficiat, ad hoc ut aliqua opinio sit verè simpliciter probabilis.

## S E C T I O P R I M A.

*Quanam sit opinio verè probabilis.*

**P**ROBABILITAS, à qua opinio denominatur probabilis, nihil est aliud quàm apparentia veritatis ex aliquo motiuo non levi deducta. Apparentia veritatis est ratio generica ad enunciationes fallaces, & sophisticas, & ad probabiles; etiam enim fallaces sunt apparenter veræ; ly verò ex aliquo motiuo non levi est differentia constitutiua enunciationis in esse probabili. Et sanè apparentia dicimus illa, quæ licet prima facie aliquā præferant speciem veritatis, comperiuntur tamen evidenter falsa. Sic in externis colores Iridis dicimus apparentes, quia licet oculis nostris videantur reales colores; scimus tamen evidenter aliunde, esse colores omnino fictos, & esse puram lucis reflexionem; At verò probabilia dicimus, de quorum falsitate non constat, & aliunde habent motiuum veritatis.

Ex quo colligitur primo probabilitatem consistere in positiuo, & in negatiuo. In positiuo, hoc est in medio, & motiuo veritatem præferente. In negatiuo, hoc est

est in negatione rationis in oppositum conuincens; facta prius sufficienti diligentia, & inquisitione rationum in contrarium. Neque enim per hoc aliquid erit probabile, quia primo intuitu apparet ratio sufficiens veritatis, & nulla ratio conuincens in oppositum; sed requiritur, quod prius fiat sufficiens inquisitio rationum, vel supponatur cum fundamento facta ab eo, cuius quis sententiam sequitur.

Ita autem desumitur probabilitas à negatiuo, vt negatiuum essentialiter requiratur; etiamsi enim habeas sufficientem, & non leuis ponderis rationem ad affirmandum, si simul habeas conuincentem rationem ad negandum, non remanet affirmatiua probabilis. Sic non est probabilis propositio hæc. Colores Iridis sunt reales; licet pro hac affirmatiua sit validissima ratio, nempe visio; quia nimirum in oppositum sunt rationes conuincentes. Et ratio est à priori, quia ubi est conuincens ratio pro parte negatiua, negatiua est euidenter vera; ergo quia non potest idem esse, & non esse, affirmatiua est euidenter falsa; sed cum euidenti falsitate non stat probabilitas, sed ad summum apparentia fallax; ergo quando est conuincens ratio in contrarium, non remanet enuntiatio probabilis. An verò similiter requiratur positium essentialiter, dicam infra; sicut etiam, an aliqua opinio apud aliquem non amittat suam probabilitatem, etiamsi ille conuincatur; nec sciat respondere rationi adductæ, pro parte opposita. *ibi esse falsum non lo.* Colligitur secundo; probabile dici respectu ad cognoscentem; unde in se nulla propositio est probabilis, sed vel in se est vera, vel falsa. Est autem probabile in ordine ad intellectum imperfecto cognoscentem; cui cum non appareat euidenter, qualis sit res, & an cognitio sit conformis rei, vel difformis, sed in obscuro ma-

neat, apparet tantum aliquod motiuum veritatis; hinc est, quod respectu Dei nulla propositio est simpliciter probabilis, sed euidenter vel vera, vel falsa; Item est aliquid probabile vni intellectui, quod non est alteri; puta, quia aliquis euidenter cognoscit aliquid, quod obscurum adhuc manet alicui; vel quia vnus melius percipit vim alicuius rationis, quam non percipit alter, qui proinde opinatur, seu probabilem iudicat propositionem taliratione munitam.

Colligitur tertio non esse idem, sed longè diuersum iudicare, aliquam propositionem esse probabilem, & eidem probabiliter assentiri: Quod ingeniosè notauit Candidus Philalethus in illa sua *disputatione de opinionum praxi* multis in locis. Et sanè est quidem idem iudicare propositionem aliquam esse veram, & illi assentiri; nam quid est iudicare propositionem esse veram, & nihil aliud profectò nisi rem se habere sicut enunciat; hoc autem formalissimè est assentiri. At iudicare propositionem esse probabilem, est iudicare, quod propositio habeat sufficiens motiuum veritatis, quod cum non leui fundamento enunciet id, quod enunciat; & profectò nullo pacto est illi assentiri. Adhuc enim possum dubitare, & remanere suspensus, an res ita se habeat, sicut enunciat; præterquam quod euidenter iudicatur, & scitur opinionem esse probabilem, quod certè sonat actum scientificum, & euidentem: igitur non potest esse idem, ac probabiliter assentiri, quod sonat actum obscurum, & formidolosum; Addo quod potest opinio, quæ iudicatur falsa, & cui intellectus dissentit in sensu composito iudicari probabilis, vt *sectione sequenti*. Igitur iudicare opinionem esse probabilem, non est illi assentiri, nec enim assensus potest stare cum dissensu.

Colligi.

Colligitur quarto. Quare probabili possit subesse falsum, quia cum probabile non dicat veritatem, sed solum apparentiam veritatis, cum hac quantumvis maxima potest stare falsitas. Et hinc oritur, quod ex opinione probabili, semper nata est sequi formido de parte opposita, eo quod motuum, quod illa habet suæ veritatis, non est infallibile.

Ceterum motuum, ex quo desumitur probabilitas opinionis est duplex, Aliud intrinsecum, aliud extrinsecum; Intrinsecum est ratio desumpta ex natura rei, vel ex aliquo ex locis topicis. Extrinsecum vero est auctoritas dicentis, & talem propositionem asserentis. Quia autem sicut se habet simpliciter, ad simpliciter, ita magis ad magis; Ideo probabilior opinio illa erit, quæ habet validiorem rationem, & grauiores DD. auctoritates: æquæ autem probabiles illæ dicentur, quæ par ponderis rationes, & auctoritates habent.

Auctoritas autem DD. desumitur ex duplici capite, ex sanctitate, & doctrina. Quia autem hæc sunt interna, arguuntur ex extrinsecis, puta sanctitas ex statu. Vnde ceteris paribus grauioris auctoritatis est Religiosus, quam Sæcularis. Doctrina ex ætate, & ex effectibus. Sic ceteris paribus grauioris est auctoritatis Doctor senior, quam iunior, qui Typis edidit, quam qui sæcus. Dixi senior, quam iunior, non verò antiquior, quam recentior; neque enim ex eo, quod quis floruerit antiquitus præsumitur esse magis doctus, cum scientiæ non fuerint magis tunc, quam nunc; immo nunc sint magis subtilizata. Sicut nec ingenia sunt nunc deteriora. Adde quod recentiores plura habent, quæ videant, & legant, quam antiqui. Vnde bene dixit Cast. Pal. in suo opere mor. d. 2. punct. 1. *Quod Ecclesia Dei semper illuminatur quotidie magis:* aut illa opinio qui tunc...

neat, apparet tantum aliquod motuum veritatis; hinc est, quod respectu Dei nulla propositio est simpliciter probabilis, sed euidenter vel vera, vel falsa; Item est aliquid probabile vni intellectui, quod non est alteri; puta, quia aliquis euidenter cognoscit aliquid, quod obscurum adhuc manet alicui; vel quia vnus melius percipit vim alicuius rationis, quam non percipit alter, qui proinde opinatur, seu probabilem iudicat propositionem taliratione munitam.

Colligitur tertio non esse idem, sed longè diuersum iudicare, aliquam propositionem esse probabilem, & eidem probabiliter assentiri. Quod ingeniosè notauit Candidus Philalethus in illa sua *disputatione de opinionum praxi* multis in locis. Et sanè est quidem idem iudicare propositionem aliquam esse veram, & illi assentiri; nam quid est iudicare propositionem esse veram, & nihil aliud profectò nisi rem se habere sicut enunciat; hoc autem formalissimè est assentiri. At iudicare propositionem esse probabilem, est iudicare, quod propositio habeat sufficiens motuum veritatis, quod cum non leui fundamento enunciet id, quod enunciat; & profectò nullo pacto est illi assentiri. Adhuc enim possum dubitare, & remanere suspensus, an res ita se habeat, sicut enunciat; præterquam quod euidenter iudicatur, & scitur opinionem esse probabilem, quod certè sonat actum scientificum, & euidenter: igitur non potest esse idem, ac probabiliter assentiri, quod sonat actum obscurum, & formidolosum; Addo quod potest opinio, quæ iudicatur falsa, & cui intellectus dissentit in sensu composito iudicari probabilis, vt *sectione sequenti*. Igitur iudicare, opinionem esse probabilem, non est illi assentiri, nec enim assensus potest stare cum dissensu.

Colligi-



Colligitur quarto. Quare probabili possit subesse falsum, quia cum probabile non dicat veritatem, sed solum apparentiam veritatis, cum hac quantumvis maxima potest stare falsitas. Et hinc oritur, quod ex opinione probabili, semper nata est sequi formido de parte opposita, eo quod motium, quod illa habet suæ veritatis, non est infallibile.

Ceterum motium, ex quo desumitur probabilitas opinionis est duplex, Aliud intrinsecum, aliud extrinsecum; Intrinsecum est ratio desumpta ex natura rei, vel ex aliquo ex locis topicis. Extrinsecum vero est auctoritas dicentis, & talem propositionem asserentis. Quia autem sicut se habet simpliciter, ad simpliciter, ita magis ad magis; Ideo probabilior opinio illa erit, quæ habet validiorem rationem, & grauiores DD. auctoritates: æquæ autem probabiles illæ dicentur, quæ par ponderis rationes, & auctoritates habent.

Auctoritas autem DD. desumitur ex duplici capite, ex sanctitate, & doctrina. Quia autem hæc sunt interna, arguuntur ex extrinsecis, puta sanctitas ex statu. Vnde ceteris paribus grauioris auctoritatis est Religiosus, quam Sæcularis. Doctrina ex ætate, & ex effectibus. Sic ceteris paribus grauior est auctoritatis Doctor senior, quam iunior, qui Typis edidit, quam qui secus. Dixi senior, quam iunior, non verò antiquior, quam recentior; neque enim ex eo, quod quis floruerit antiquitus præsumitur esse magis doctus, cum scientiæ non fuerint magis tunc, quam nunc; immo nunc sunt magis subtilizata. Sicut nec ingenia sunt nunc deteriora. Adde quod recentiores plura habent, quæ videant, & legant, quàm antiqui. Vnde benè dixit Castr. Pal. in suo opere mor. d. 2. punct. 1. *Quod Ecclesia Dei semper illuminatur quotidie magis*: *etiam illa obsequia*

Dixi, requiri ad auctoritatem sanctitatem, & doctrinam, quia ad testimonium requiritur, quod non fallatur, nec fallat. Vnde Dei testimonium ideo certissimum est, quia nec fallere potest, nec falli. Sanctitas autem, efficit, ne Doctor fallat, doctrina verò ne fallatur. His autem positis, quæ certissima sunt, sit.

*Conclusio Prima.*

**O**Mnes illæ opiniones, quæ censurari nequeunt, absolute, & simpliciter probabiles sunt. Censuræ autem propositionum sunt assignatæ in Concilio Constantiensi *sess. 8. c. 15.* & sunt hæc; hereticæ; erroneæ, errori proximæ; scandalosæ; blasphemæ; piarum aurium offensivæ; temerariæ, & seditiosæ.

Conclusio probatur, quia omnis propositio debet esse simpliciter in aliqua specie. Sed præter has species propositionum enumeratas nullæ aliæ dantur, nisi vel probabiles vel veræ; ergo propositiones, quæ non sunt de prædictis speciebus, vel erunt veræ, vel ad minus probabiles. Maior patet ex terminis. Minor probatur. Nam quæ demum hæc species erit.

Dices. Falsa. Contra evidenter, quia vel ly falsa importat falsitatem, & errorem clarè, vel vehementem suspicionem de errore; vel leuem suspicionem; nec enim aliud potest importare ly falsa. Si dicis primum, vel secundum; ly falsa reperitur in speciebus allatis; in illis nempe; erroneæ, vel errori proximæ; unde propositio, quæ non est de illis speciebus non potest hoc pacto dici falsa; si dicis tertium; levis suspicio de falsitate non tollit probabilitatem ab opinione; in illa siquidem inuoluitur. Opinioni enim quantumvis probabili potest subesse falsum; unde ipsi est annexa formido de veritate ipsius; ac proinde suspicio falsitatis; igitur adhuc erit probabi-

lis

lis opinio etiam si sit leuiter suspecta de falsitate.

Dices. Datur species opinionis improbabilis. Contra etiam manifestè, quia adhuc ut aliqua opinio sit improbabilis, debet carere omni fundamento non leui, auctoritate, & ratione; hæc autem opinio ipso facto est temeraria; temerè enim asseritur, quod sine fundamento alicuius ponderis asseritur; igitur hæc species non distinguetur ab omnibus allatis; igitur opinio, quæ temeraria non est, improbabilis non est. Ideo enim nequit dici temeraria, quia non temerè, sed cum fundamento alicuius ponderis procedit; sic autem probabilis semper est.

Dices. Datur species opinionis laxæ. Contra pariter, quia laxitas simpliciter in opinione non est defectus, nec facit illam non esse probabilem. Quid enim est opinionem esse laxam? est non restringere. Ex hoc autem potius opinio probabilitatem acquirit, *Iugum enim Dei suauis est, & onus ipsius leue*. Quin multæ opiniones laxæ sunt probabiles, cum restringentes parùm habeant probabilitatis. Talis est opinio asserens, non esse necesse, statim post peccatum confiteri, cum opposita, quæ restringit, parùm, vel nihil probabilis est.

Igitur non à laxitate simpliciter desumitur improbabilitas, sed à laxitate plus equo. Opinio autem, quæ est laxa plus equo, vel erronea, vel errori proxima, vel temeraria est; & si secus, temerè dicitur laxa plus equo.

Secundo probatur Conclusio. Opinio, quæ nec dici potest continere errorem, nec proxima errori, & ex alia parte non leui sulcitur fundamento, profecto apparet cum fundamento vera; sed talis est simpliciter probabilis, ergo opinio, quæ nulla ex allatis censuris potest affici, probabilis simpliciter dicenda est.

Hic videant, qui aliorum sententias de facili ut im-

pro-

probabiles damnant, quas profectò non auderent vlla ex prædictis censuris afficere. Hic autem solùm aduerto, quod ad hoc, vt aliqua propositio possit censurari tamquam erronea, vel suspecta de vehementi, non sufficit, quod aliquis illam iudicet falsam, vel continere errorem, vel esse proximam errori; sed debet euidenter hoc nosse, cui suæ euidentiæ non debet multum fidere, cum possit esse, quod facilè decipiatur. Item nec sufficit, quod communiter opposita reputetur vera, & illa continere errorem, vel opposita esse certa reputetur communiter; sed etiam, quod hæc opinio, quæ est contra communem, communis rationes nõ soluat, nec probabiliter; potest enim contingere, quod aliqua propositio, quæ nunc habetur pro certa, euadat tantum probabilis, eo quod consurgat vnus, vel plures DD. qui oppositum doceant firma ratione, soluendo rationes partis contrariæ, & suam etiam efficiant probabilem; vt multoties contigit in Ecclesia Dei. Vid. P. Zachar. Pass. *qual. in decis. mor. decis. 369.*

Hinc inferas, multò plus requiri ad condemnandam aliquam opinionem, vt erroneam, errori proximam; temerariam, & improbabilem, quam ad asserendum esse falsam. Et sanè multas opiniones: tam in Philosophia, quam in Theologia ego dicam falsas, quas profectò non auderem dicere, nec erroneas, nec temerarias, nec improbabiles. Et si illas tales assererem, errarem ego, & temerarius essem.

Hic autem aduertas, non statim ex hoc, quod aliqua opinio possit aliqua ex allatis censuris affici, quod eo ipso sit improbabilis; puto enim aliquam propositionem posse remanere probabilem, etiamsi possit censurari, vel vt scandalosa, vel vt seditiosa, vel vt piarum aurium offensiva. Et ratio est à priori, quia hæc censuræ non concernunt

cernunt veritatem, vel fundamentum veritatis, quod habeat propositio, sed solum promulgationem ipsius ex malis effectibus, quos parere potest; puta, quia potest commovere populum, offendere pias aures; cum hoc autem stat, quod propositio sit vera, non modo probabilis; quod quidem intelligas, si propositio sit tantum scandalosa, vel tantum seditiosa, vel piarum aurium offensiva. Multoties enim contingit, quod propositio, quæ scandalosa dicitur, sit erronea, vel proxima errori. Sic exemplum scandalosæ propositionis, & piarum aurium offensivæ, quod assert Bann. in 2. 2. q. 11. a. secundo in fine. Si quis Cöcionator exaggeraret mala, quæ sequi possunt, & aliquando sunt secuta ex Sacramento Pœnitentiæ, non per se vi Sacramenti, sed ex malitia ministrorū. Hæc exaggeratio esset scandalosa, quia potest retrahere fideles à tali Sacramento; & nihilominus nihil falsi profecto diceret ille; vnde non cogерetur à sacræ fidei Inquisitoribus existimare oppositum, nempe ex malitia ministrorum non posse sequi, vel aliquando non esse secuta maxima mala; sed tantum cogерetur amplius similia non proferre, ne pareret scandalum, & ne pias aures offenderet. Et sanè si propositio neque est erronea, neque est proxima errori, neque temeraria; ergo nullum errorem sapit; & cum ex alia parte non leue habeat fundamentum, aliàs temeraria esset: quare in se probabilis non erit. Censurabitur autem, in quantum promulgata posset aliquod damnum parere. Vnde prohibebitur promulgatio, & publicatio; non verò, quod in se quisque illi non possit assentiri, & viro docto, qui nullum scandalum est passurus, communi-

care. *Conclusio*

*Conclusio*

## 72 DISPUTATIO SECVNDA.

### *Conclusio secunda.*

**O**pinio vnus singularis viri fixa firmo fundamento probabilis est, etiam contra communem. Sic præter multos recentiores, quos citat, & sequitur Pasqual. *in opere cit. decis. mor. decis. 360.* docet in terminis Nauar. multis in locis, præcipuè verò *cōf. 65. de Præbend.* vbi eam dicit præualere communi. Intellige, si cōmunis non habeat tam firmam rationem.

Probatur Conclusio primo quia, quod cum graui fundamento veritatis dicitur, probabile ipso facto est; ergo opinio, quæ habet graue fundamentum veritatis, erit probabilis; quod enim desit auctoritas DD. parum refert; nam auctoritas per se non suffragatur opinioni ad eam reddendam probabilem, sed solum in quantum esse annexa rationi supponitur, seu in quantum dat pondus rationi, quæ ex hoc censetur efficacior, quod multos mouerit; vnde auctoritas ad probabilizandam opinionem concurrat solum præsumptiuè, non formaliter; igitur ex hoc ipso, quod ratio de se est magni ponderis, absq; eo, quod accipiat pondus ab auctoritate DD. se sola potest reddere probabilem opinionem. Et sanè plus à ratione; quàm ab auctoritate desummi probabilitatem sicut, & veritatem opinionum, patet: tùm ex *cap. Capellanus de ferijs*, vbi Pontifex in electione vnus ex duabus opinionibus, illam non præfert, quæ maiori DD. parte erat munita, sed quæ ratione potiori, nulla habita ratione auctoritatis DD. tùm etiam quia si mille essent DD. ex vna parte, quos mihi constaret moueri sine ratione, sed gratis, vel etiam cum leui fundamento, quia parum pro nihilo reputatur, opinionem illorum improbabilem iudicarem. Et ratio est à priori, quia auctoritas, quæ probabilizat opinionem est auctoritas sapientum,

rum, & prudentū prudenter loquentiū; qui autē temē-  
rē, & gratis, vel quasi gratis, id est cum leui fundamen-  
to loquuntur; non vt sapientes, & prudentes, sed vt  
imprudentes, ac pistraci loquuntur; ergo à primo ad  
vltimum tota probabilitas opinionū per se refundi-  
tur in rationem.

Secundo, quia opinio opposita licet communis non  
est certa, sed probabilis; igitur opposita licet singularis  
poterit esse probabilis. Neq; vnitas Doctoris officit, nam  
quandoq; inuenit vnus veritatem, quam non inuenere  
plures, vt docet gl. in c. ad nostram de consuet. v. inci-  
pientibus. & est t. optimus in l. 1. §. neq; C. de veteri Iure  
enocl. vbi dicitur, quod vnus, & deterioris sententia  
potest multos, & maiores aliqua in parte superare. Quē  
textum commendat Abbas c. 1. de Const. vers. 2. casu  
principali. Tūc etiā quia, omnes opinionēs proba-  
biles, quomodo fuerunt introductæ? hoc modo profe-  
ctō. Vnus prius illas docuit, deinde alter; sanē enim ferē  
nunquam contigit, vt plures simul veluti conspirantes  
vnam sententiam tradiderint.

Hæc tamen Conclusio ita est intelligenda, quando  
scilicet opposita communis non haberet pro se legem,  
vel decretum Pontificis; tunc enim certa redditur, &  
cessat probabilitas oppositæ, non solum si vno tantum,  
sed etiā si mille DD. esset munita. Et inde est, quod  
plures opinionēs, quæ antiquitus erant probabiles, mo-  
do sunt improbabiles, quia scilicet superuenit aliqua  
definitio, vel decretum, quod certificando oppositas, il-  
las abrogauit. Et inde est, quod de opinionibus anti-  
quorum, quando sunt singulares, dubitare debemus, an  
sint probabiles, quia scilicet dubitandum est, an sint ab-  
rogatæ; quod non accidit circa opinionēs recentiorū,  
qui cū sint posteriores Decretis, & Constitutionibus

Pontificum, & censentur illas nosse, certò præsumunt non docere sententias abrogatas.

17 Limitant etiam aliqui, nisi communiter iudicaretur continere errorem, vel esse periculosa. Verum in hoc est distinguendum. Vel enim hoc iudicium reddit certum, quod opinio singularis opposita communi contineat errorem, & sit periculosa; vel non, sed tantum probabile; si primum optima est limitatio; secus si secundum. Nam cum probabilitate erroris stat probabilitas veritatis, & cum probabilitate periculi, stat probabilitas securitatis. Vnde bene Nau. *Confut. de Prob.*; vt refertur in *compendio eiusdem v. opinio*, docet, quod communis opinio circa fidem, & bonos mores, quam omnes Catholici sequuntur, periculosè relinquitur, nisi adsit lex, vel firma ratio in contrarium. Ergo infero, non periculosè relinquitur opinio omnium Catholicorum etià in materia morum, & fidei cum firma ratione. Limita nisi communis consensus omnium DD. in materia fidei esset talis, vt quasi faceret rem de fide, & talis consensus esset argumentum certissimum, & irrefragabile; tunc enim opinio contraria, quæ insurgeret, siue esset vnius, siue plurium, nullo modo posset esse probabilis. Idem dic de alia limitatione, quam apponunt aliqui, ne scilicet sit opinio singularis antiquata.

Quæres. Quænam dicenda sit firma ratio. Hoc relinquitur iudicio viri docti. Hoc solum aduerto firmam rationem non esse illam, quæ solui non potest, hæc enim non est firma, sed certa, & evidens, constituens non opinionem probabilem, sed certam scientiam. Illa ergo erit firma ratio, quæ solui poterit, imò soluetur, sed quomodo? Non euidenter, alias non erit firma, sed certè leuissima, nulla, & sophistica. Sed probabiliter tantum, hoc est, quæ ita soluetur, vt tamen adhuc remaneat



neat dubium, & formido de veritate ipsius, & quidem rationabilis.

Quæres secundo. Auctoritas sola alicuius viri docti sine ratione sufficitne ad probabilizandam sententiam?

Resp. Quod sic. Si sit vir magni nominis, & maximæ doctrinæ, & non incidenter, sed resolutoriè talem sententiam proferat. Et probatur, quia licet ratio non adsit explicite apposta, præsumitur tamen adesse, & certò præsumitur, nec enim vir magni nominis, & doctrinæ gratis loqui, & temerè definire præsumitur. Et sanè si quis priscis temporibus florente D. Thoma, Caiet. Nau. Suar. Sanch. &c. ad quos tamquam ad oracula orbis vniuersus confugiebat, si quis inquam aliquè eorum exposulasset super aliqua materia, & iuxta eorum responsionem egisset; an non prudenter, & cum probabili iudicio egisset? Igitur multò magis si horum, vel his similibus sententia reperiatur scriptis consignata, & typis edita erit probabilis; cum à scriptura, & editione pondus acquirat, non amittat opinio.

Quid autem dicendum, si in responsione, vt dicitur ad argumenta, aliquis Doctor egregius singularem sententiam tradat. Resp. Quod si illam probat, profectò est probabilis; parum enim refert, & est differentia merè materialis, quod ponatur vel in corpore, vel in responsione ad argumenta, si illam probat; ratio enim, non locus probabilizat sententiã. Si verò non probat, distinguendum est; vel illam docet nulla coactus necessitate, & tunc probabilis est, recurrit enim ratio allata §. antecedenti; Si verò impellitur ad id dicendum, vi argumenti, cui debet respondere, profectò non hoc ipso censegem illam probabilem, multa enim quandoq; dicimus vt respondeamus argumentis, quibus premimur, alioquin si nulla cogeremur necessitate non dicturi.

*Conclusio Tertia.*

**O**pinio, quæ tollit obligationem aliquid faciendi, vel omittendi, ex quocumq; capite oriatur obligatio, probabilis est, etiam si nulla ratione positiva fulciatur; dummodo soluat omnia argumenta in contrarium. Opinio autem, quæ obligat, non est probabilis, nisi positivè probet, vel habeat sufficientem DD. auctoritatem.

Prima Conclusionis pars probatur evidenter, quia sententia, quæ ostendit nullum esse Ius, quod obliget ad agendum, vel omittendum, ostendit ipso facto nullam esse obligationem, quæ à iure oritur; & quidem si evidenter ostendat nullum esse Ius, (siuè divinum, siuè naturale, siuè positivum, & hoc siuè particulare, siuè univiersale, siuè scriptum, siuè non scriptum) ostendit evidenter nullam esse obligationem, & ipsa sententia evidens est. Si autem solum probabiliter ostendat nullum esse Ius, solum etiam probabiliter tollit obligationem, & ipsa sententia probabilis est: homo enim natura sua liber est ad omnia, ubi nullum Ius urget, sua potest libertate frui. Sed nullum esse Ius non ostenditur argumento positivo, sed negativo, soluendo argumenta, ergo sententia per hoc præcisè tollit obligationem, quod soluat argumenta, & rationes allatas iuris, & obligationis inductivas; & quidem si soluat evidenter evidens erit, si probabiliter probabilis. Minor probatur, quia non potest ostendi nullum esse ius, nisi destruendo ius, & rationes, quæ profectò nullatenus melius destruuntur, quam per hoc quod solvantur; nec enim destruuntur per rationes positivas oppositas, sed ad summum ostenduntur, esse solubiles; destruuntur autem formaliter per solutionem; ergo ex hoc præcisè, quod solvantur argumenta in contrarium, opinio negans obligationem probabilis

bilis erit; ex hoc enim præcisè destruet omne Ius, ex quo confurgit obligatio.

Confirmatur, quia asserentis est probare, negantis autem est respondere, qui enim asserit, quia aliquid imponit, & actor est, ad hoc ut aliquid efficiat, debet probare. Qui autem negat, & qui reus est, sufficienter probat, & se tueretur, si ostendit nullas rationes esse, quas affert actor, unde est axioma; *Actore non probante reus absolvitur*; etiam si nullam rationem positivam pro se afferat; dummodo infringat rationes actoris; ergo sententia, quæ negat esse obligationem, sufficienter est probabilis, si solvat probabiliter, & respondeat omnibus rationibus obligationem inducentibus.

Confirmatur secundo. Ideò sententia, quæ aliquid attribuit divinæ potentiae, si solvat argumenta in contrarium, per hoc præcisè est probabilis, vel evidens, prout illa solvit, quia ubi nulla est ratio in contrarium. Deus oīa potest efficere, ergo similiter per hoc præcisè, quod solvantur argumenta in contrarium, si probabiliter probabilis, si evidenter evidens erit sententia negans obligationem, quia ubi nullum est ius, & nulla ratio in contrarium, homo est liber, & omnia pro libito potest efficere.

Confirmatur tertio. Si constaret evidenter rationes, quæ inducunt obligationem nullas esse, profectò evidens esset nullam dari obligationem: oritur enim obligatio à rationibus, quæ illam inducunt, unde illis cessantibus, ex hoc præcisè illa cessat: cessante enim causa adequata, cessat effectus; ergo quando probabiliter constet rationes obligationem inducentes nullas esse, probabile erit nullam dari obligationem; constat autem, probabiliter rationes obligationem inducentes nullas esse, quando probabiliter solvantur.

Secun-

Secunda item Conclusiones pars patet, quia obligatio non præsumitur, nisi probetur: natura enim cum pro obligatione non clamet, sed pro libertate; illa profecto probari debet; igitur omnis obligatio, siue orta à iure diuino, siue naturali, siue positio, siue consuetudine, voto, seu iuramento, nisi probetur positio, non obligat, nec afficit, ac proinde sententia, quæ huiusmodi obligationem negat; si probationes probabiliter diluat, per hoc præcisè probabilis est.

Hinc autem à contrario collige, quod ubi constat de causa aliqua obligante puta, vel præcepto positio, vel voto &c. sententia, quæ negat teneri aliquem ad effectus, qui sequuntur ex dicta obligatione, adhuc ut sit probabilis debet positio probare; & è contra sententia asserens teneri, sufficit, adhuc ut sit probabilis, quod soluat argumenta. Ratio est manifesta. Quia causa semper clamat pro suis effectibus, qui semper præsumuntur ex causa sequi, nisi probetur oppositum, ergo negans sequi, tenetur probare, secus asserens. Idem dic de sententia negante obseruantiam præcepti, de quo constat, probabilem scilicet non esse, nisi probet, secus de asserente. Puta, constat de præcepto Ecclesiastico, de audiendo sacro in die festo, sententia negans hic, & nunc aliquem teneri, nisi probet asserendo causam excusantem, probabilis non est.

#### Conclusio Quarta.

**O**pinio non desinit esse probabilis respectu alicuius, per hoc quod ipse nesciat respondere rationibus allatis pro opposita sententia. Pro qua cõclusionem.

Aduerte aliud esse omnino pro opposita sententia esse rationem convincentem; quæ euidenter ostendat veritatem illius; aliud verò esse rationem aliquam, talē,

cui hic, & nunc ego respondere nesciam; vndè mihi videatur convincens. In primo enim casu est sensus absolutus, & simpliciter; in secundo verò respectivus, & secundum quid. Adeò autem sunt diuersi isti sensus, ut vnus possit esse sine alio; nam cum hoc, quod aliqua ratio me conuincat, cui nesciam respondere, stat, quod illa ratio non modo sit tantum probabilis, sed sophistica. Item potest stare, quod alij, vel prædictam rationem, mihi visam convincentem soluant, vel possint soluere; quæ tamen non possunt subsistere, cum hoc, quod absolute pro aliqua sententia sit ratio aliqua euidens, & convincens; si enim re vera est talis, nullus poterit ei respondere, vndè opposita sententia nullo pacto erit probabilis, nec vllò pacto poterit esse vera. Verum enim vero non aduersatur; secus autem id continget, quando pro aliqua sententia erit aliqua ratio mihi visa convincens; tunc enim etiam opposita poterit esse vera, & probabilis. Et ratio intrinsecæ disparitatis est, quia vis rationis in hoc casu nõ tam oritur ex natura rei, quàm ex debilitate mei ingenij, quod nescit fallaciam dignoscere, quæ proinde debilitas non potest præiudicare oppositæ sententiæ, secus in alio casu. Ex qua sic.

Probatur Conclusio. Primo à priori, quia per hoc, quod ego nesciam respondere sententiæ oppositæ rationibus, non per hoc opposita sententia euadit certò vera. Quod enim ego nesciam respondere, tam potest oriri ex vi rationis, quàm ex imbecillitate mea, de qua semper de hoc dubitare; ergo est adhuc in dubio eius veritas; ergo nõ egreditur hæc sententia, tali licet munita ratione fines sententiæ probabilis; igitur opposita adhuc remanet probabilis; quantumvis enim excresecat vna sententia in probabilitate, nunquam tollit probabilitatem sententiæ oppositæ.

Secundo

Secundo probatur à posteriori, quia aliàs idiotis, & etiam parùm doctis nullæ sententiæ essent probabiles; nam nesciunt argumentis respondere, si à subtili arguente proponantur. Et quod ridiculum erit, ipsis nulla parserit probabilis, neutrius enim partis argumentis sciunt respondere; ergo si illis sententiæ sunt probabiles, quia licet nesciant argumenta soluere, sciunt tamen alios illa soluere, & defectū solutionis non oriri ex vi, & efficacia rationum, sed ex ipsorum debilitate; pariter idem dicatur vniuersaliter respectu quorumcumque; nemo enim est tam doctus, qui tandem non deficiat, & quo doctiores plures non dentur. Vnde quilibet iure optimo in propriam imbecillitatem refundat nescientiam solutionum, præsertim quando sententiæ alioquin sunt sufficienti DD. auctoritate munitæ, & censentur probabiles.

Oppositum autem dicatur de sententijs nouis, seu de aliqua sententia, quæ communiter censetur improbabilis; mihi enim profectò huiusmodi sententiæ probabiles esse non poterunt, si nesciam respondere argumentis in contrarium; nec enim tunc possum fidere aliorum solutionibus, quando alios video nō modo prædicta argumenta soluere, sed iisdem planè vti pro sententiæ oppositæ, quàm tuentur defensione.

Dices. Probabile non dicitur simpliciter, sed ad alterum; ergo saltem mihi, qui nescio respondere, nō erit prædicta opinio probabilis.

Resp. Negando consequentiā, quia adhuc argumenta, quibus vrgeor, non puto demonstratiua, & conuincentiā absolutè, ex natura suā, sed ex mea tenuitate; unde non tollunt probabilitatem sententiæ; puto enim illa posse solui, & cum fundamento puto. Accedit, quod multoties ego nescio argumentis respondere; & tamē

puto

puto, & euidenter scio illa non concludere, & esse fallacia, aliunde scilicet. Ita ergo pariter licet ego nesciā argumenta soluere, aliundè potero esse certus, quod illa argumenta sunt tantum probabilia, quia multi sunt, quibus ea videntur soluta, & alij possunt esse, qui clarius illa soluant; igitur ex hoc præcisè, quod quis argumentis nesciat respondere, non per hoc iudicare debet opinionem aliquam improbabilem, alioquin satis fundatā. Pro hac conclusione, qui vult DD. legat Castr. Pal. in suo opere morali parte 1. d. 2. pun. 1. nu. 2.

## S E C T I O S E C V N D A.

*An opinio putata falsa possit in sensu composito iudicari probabilis.*

**H**Actenus de essentia opinionis probabilis secundum se, nunc quærendum est, cum quibus actibus probabilis remaneat, adeo ut suam probabilitatem non amittat. Et primo quærimus, an cum iudicio in aliquo intellectu, quod opinio sit falsa, respectu eiusdem intellectus retinere possit suam probabilitatem, respectu enim aliorum non est dubium. Fit autē comparatio inter probabile, & falsum, non inter verū, & falsum; hæc enim certum est, quod opponuntur; nequit enim idem iudicari verū, & falsum, verū, & non verum; alias iudicaretur idem esse, & non esse, quod implicat. Sit igitur:

*Conclusio Prima.*

**I**mpossibile est, quod propositio iudicata euidenter falsa, simul in sensu composito iudicetur probabilis. Hæc Conclusio videtur esse citra controuersiam, & probatur euidenter.

L

Primo

Primo, quia propositio iudicata euidenter falsa cognoscitur euidenter nullum habere motiuum, seu fundamentum veritatis; ergo cognoscitur euidenter non esse probabilis; ergo nequit iudicari probabilis. Quod enim constat euidenter non esse tale, non potest iudicari tale. Antecedens probatur, quia ubi est euidentia falsitatis, motiua, & fundamenta veritatis cognoscuntur euidenter esse leuia, friuola, nullius roboris, & euidenter soluta; alias si alicuius roboris sunt, adhuc est dubium de veritate; vnde non constat de falsitate; sed propositio, quæ nulla habet fundamenta veritatis, nisi friuola, & euidenter soluta, cognoscitur euidenter non esse probabilis, destituitur enim causa, ex qua oritur probabilitas; ergo ubi est euidentia falsitatis, nequit propositio iudicari probabilis. Auctoritates autem DD. nullius sunt roboris, quia ubi constat euidenter de falsitate, constat etiam DD. oppositum asserentes fuisse deceptos. Deceptorum autem auctoritas nulla est; ad summum, ergo, iudicari poterit apparens, vt insinuaui in hac *disput. 2. sect. 1. initio*; ubi assignaui differentiam inter apparentiam, & probabilitatem.

Secundo, quia aliquam propositionem iudicari probabilem, est formalissime iudicari talem, vt intellectus habeat sufficiens fundamentum illi assentiendis; sed propositio iudicata falsa non potest habere tale fundamentum, falso enim, euidenter cognito vt falso intellectus villo pacto nequit assentiri, cum sit extra adæquatum, obiectum intellectus, quod est verum; ac proinde nullum sufficiens fundamentum, potest habere intellectus ad assentiendum falso, euidenter cognito vt falso; ergo nequit iudicari probabilis. Et sanè, vel tale fundamentum tollit euidentiam falsitatis, vel non; si primum, non sumus in casu; si secundum nullum motiuum, nec

vlla



vlla vis dari potest, (seclusa fortassè Diuina Omnipotentia necessitate, de qua re non est hic locus disputandi) vi cuius possit intellectus falso euidenter cognito assentiri; ergo &c.

Hinc etiam collige, quod quotiescumq; aliqua contradictoria iudicatur euidenter vera, non potest opposita remanere, seu iudicari probabilis; ex hoc ipso enim quod vna contradictoria sit euidenter vera, opposita necessariò est euidenter falsa.

*Conclusio secunda.*

**P**ropositio iudicata probabiliter tantùm falsa, potest in sensu composito euidenter iudicari probabilis. Conclusio probatur manifestè, primo quia, Propositio iudicata probabiliter falsa iudicatur talis cum formidine iusta ob rationes, quæ sunt in oppositum pro veritate; ergo etiam in sensu composito cum hoc iudicio apparent intellectui rationes validæ, & alicuius roboris pro veritate; aliàs non esset, quod sequeretur iusta formido, quæ tamen ex assensu, seu dissensu probabiliter nata est sequi. Sed ex hoc, quod alicui apparent rationes pro aliqua parte, quæ validæ sint, statim illa pars, licet illi non euadat vera, euadit tamen euidenter probabilis; constat enim illi euidenter talem partem esse affectam causa formali probabilitatis, nempe rationibus validis, ac proinde constat euidenter habere effectum formalem ipsius; ergo etiam in sensu composito iudicabitur euidenter, vel poterit iudicari probabilis.

Secundo, quia omnis oppositio, & impossibilitas inter actus ad esse simul oritur, vel ex obiectis, vel modo tendendi actuum; Ideo enim E. G. non potest intellectus simul affirmare, & negare, quia idem non potest simul esse, & non esse. Sed iudicium, quod ali-

qua propositio sit falsa, & iudicium, quod sit probabile, nec opponuntur ex obiecto, nec ex modo tendendi; ergo poterunt esse simul in eodem intellectu. Minor probatur, & quidem quoad primam partem res est clara; nam probabile, & falsum nullo modo opponuntur, quin immò sunt de facto simul; quot enim falsa sunt probabilia? immò quot falsa sunt probabiliora veris? igitur ex hoc capite dicere aliquid esse falsum, & dicere esse probabile, non repugnat. Secunda item pars probatur, quia iudiciū, quo iudicatur tantum probabiliter aliquid esse falsū, nō destruit fundamenta veritatis, quibus licet non moueatur intellectus illa tamen supponit alicuius roboris esse, vnde de illis formidat; ergo nec ex modo tendendi destruit probabilitatem, cum supponat causam formalem ipsius.

Tertio. Quia iudiciū, quo propositio iudicatur probabiliter falsa, & iudicium, quo eadem iudicatur probabilis, non sunt respectu eiusdem obiecti, sed respectu diuerforum, & quidem disparatorum; ergo nullam habent oppositionem: vnde poterunt simul esse in eodē intellectu. Antecedens probatur. Iudicium quo aliqua propositio iudicatur falsa, habet pro obiecto disconuenientiam ipsius cum suo obiecto; iudicium autem, quo eadem iudicatur probabilis, non habet pro obiecto conuenientiam, nec illam enunciat, sed solum apparentiā conuenientiæ, seu fundamenta, & motiua conuenientiæ, quæ profecto sunt obiecta diuersa, & disparata.

Quarto. Quia multæ propositiones, quæ nunc commperiuntur euidenter falsæ, dicuntur præteritis temporibus fuisse probabiles, hoc est licet non possint dici fuisse veræ; quod enim semel est verum, semper est verum; dicuntur tamen habuisse sufficiens fundamentū veritatis; quia licet etiam tunc re vera essent falsæ, & dice-

dicerentur ab aliquibus falsæ, adhuc tamen earum falsitas erat in obscuro, nō erat clara; ergo iam potest componi falsitas in obscuro, & probabilitas; ergo possunt simul componi duo iudicia, quorum alterum dicat obscure propositionem esse falsam, aliud verò probabile. Vno verbo, Ego possum nunc dicere, & verè; in aliquo signo temporis præteriti aliquam propositionem fuisse falsam, & probabilem, ergo etiam nunc aliqua propositio potest à me iudicari falsa, & probabilis. Et sanè solum falsitati clarè visæ repugnat fundamentum, validum veritatis, quod est probabilitas, non verò falsitati obscure tantum iudicatæ. Falsitas enim in obscuro non modo opponitur cum veritate in obscuro, sed illam conclamat. Ideo &c.

Hinc inferas, quod quando vna contradictoria probabiliter tantum iudicatur vera, non potest quidem, opposita iudicari vera, nequeunt enim duæ contradictoriæ verificari; potest tamen iudicari etiam euidenter probabilis. Quod quidem videtur præter dicta, desumi ex modo loquendi omnium DD. qui passim assentientes vni parti contradictionis solent oppositam vocare probabilem.

Dices primo. Est maxima differentia inter assentiri vni parti contradictionis, & inter oppositam iudicare falsam; ergo licet cum assentiri vni parti contradictionis stet oppositam iudicare probabilem, non tamen stabit cum hoc, quod est iudicare illam falsam.

Resp. In primis idem esse omnino assentiri vni parti contradictionis, & eandem iudicare veram. Iudicamus enim formalissimè propositionem aliquam verā, cum illi assentimur. Iudicare enim propositionem aliquam obiectiuam veram est formalissimè dicere rem ita esse, quod profectò est assentiri. Item assentiri vni  
parti

parti contradictionis, saltem virtualiter, est oppositam iudicare falsam; iudicatur enim virtualiter falsa una propositio, cum contradictoria iudicatur vera, & cum contradictoriæ assentimur. Si enim dico verum esse, quod Petrus amet, quod est assentiri huic affirmatiuæ, vtrique virtualiter dico falsū esse, quod nō amet; inferitur enim necessario ex illa, ex una enim contradictoria vera, necessario inferitur opposita falsa; & adeo quidē sunt cōnexa inter se hæc duo, vt si mihi euidenter cōstet de veritate vnius cōtradiçtoriæ, per hoc præcisè mihi euidenter cōstat de falsitate oppositæ. Perinde igitur se habet assentiri vni parti contradictionis, seu vnam partem contradictionis iudicare veram, ac iudicare oppositam falsam. Si igitur cum hoc, quod est assentiri vni parti contradictionis, seu eandem iudicare veram, stat oppositam iudicare probabilem; ergo etiam cum hoc, quod est oppositam iudicare falsam, stabit eandem iudicare probabilem. Vnde ad argumentum dico non esse differentiam, quæ officiat, est enim solum differentia impliciti, & expliciti, quæ non officit.

Dices secundo. Iudicare propositionem aliquam esse probabilem est formalissimè iudicare, quod possit esse vera; sed propositio, quam ego iudico falsam nullo pacto possum iudicare, quod possit esse vera; nequit enim falsum vlllo pacto esse verum, & ego non possum iudicare id, quod esse non potest; ergo propositio iudicata falsa non potest ab eodem iudicari probabilis.

Resp. In argumento esse manifestam æquiocationem; aliud enim est aliquid esse verum, & aliquid iudicari verum; Item aliud est, quod est verum in re, non posse esse falsum; aliud vero, & toto Cælo diuersum, id quod iudicatur verum non posse esse falsum. Primum enim verum est, secundum, omninò falsum; quot enim

enim propositiones de facto iudicantur veræ, quæ non modo possunt esse, sed sunt falsæ? licet ergo ego non possim iudicare, quod falsum possit esse verum; possum tamen iudicare, quod id, quod ego iudico falsum, possit esse verum; in quantum cum non sim certus de falsitate, timeo decipi; vndè non iudico, quod falsum duplicatiuè possit esse verum, hoc enim est impossibile; sed specificatiuè, id quod ego nunc iudico falsum; & sane sic habet communis vsus loquendi, quo homines aiunt passim; arbitror, quod res ita se habeat, posset tamen se habere opposito modo; quibus verbis innuimus probabile esse oppositum, & oppositum habere fundamentum veritatis, licet nos dicto fundamentum non moueamur.

Resp. Secundo subtilius negando maiorem; quia iudicia, quibus enunciamus aliquid esse probabile, vt plurimum euidencia sunt, & scientifica, ac proinde verissima, etiamsi aliquando id, quod dicitur probabile sit falsum. Si autem esse probabile esset formaliter posse esse verum, huiusmodi iudicia falsa essent, illud enim quod in re est falsum, nullo pacto nec est, nec esse potest verum. Igitur aliud est esse probabile, aliud esse posse verum; dicit ergo probabile, non possibilitatem veritatis, sed sufficiens fundamentum veritatis hac ratione, seu motiuo alicuius roboris pro veritate, quæ utiq; stant cum falsitate.

Addo, quod solent docti omnes dicere, probabile esse, quod aliquis contractus ex sua natura sit iustus; per quæ verba profecto non asserunt esse iustum, multo minus enim etiam in sensu composito cum illis docent esse iniustum. Si autem idem esset probabile ac posse esse, duo sequerentur; primo, quod impropria nimis, & indocta esset prædicta locutio; secundo, quod per illa verba assererent esse de facto iniustum. Patet utrumque, quia quando loquimur de essentialibus, & de ijs,

quæ

quæ res habent à natura, malè dicimus quod potest habere, sed debemus dicere, quod habet; omne enim, quod essentia rerum sibi essentiale possunt habere, de facto habent, idem enim quoad essentialia est esse, & posse, esse. Vndè non nisi indoctè dici potest aliquam rē posse habere aliquod prædicatum sibi essentiale. Item, quia in essentialibus idem est habere, ac posse habere, qui dicit vnum, dicit aliud; vndè qui dicit aliquem contractum de sua natura posse esse iustum, dicit profectò, velit, nolit, esse iustum, omne enim, quod essentia potest habere, de se habet. Igitur nullo pacto est dicendum idem esse probabile, & posse esse.

Dices tertio. Omne quod est probabile dicitur posse gignere assensum; sed propositio iudicata falsa in sensu composito non potest esse talis, vt queat gignere assensum, nec enim potest intellectus assentiri propositioni, quam iudicat falsam, aliàs assentiret, & dissentiret; ergo nequit esse probabilis; vndè nequit verè iudicari probabilis.

Resp. Probabile debere esse tale, vt possit gignere assensum simpliciter, quantum est de se, non vero in quacumq; facta suppositione; nimirum debet probabile esse tale, vt vi illius possit intellectus prudenter assentiri; si autem impediatur ab aliquo actu extraneo impossibile, hoc erit per accidens, & non ex defectu sufficientis virtutis in motivo probabili, ex impossibilitate .i. actus præcedentis; vndè adhuc re vera erit probabile, & poterit iudicari tale, quia scilicet actus præcedens non tollit ipsius vim, & potentiam, sed solum impedit actum. Sic ergo in casu nostro, licet nequeat intellectus in sensu composito assentiri propositioni iudicatæ falsæ, adhuc tamen potest iudicare illam probabilem; quia scilicet illius motiva pro veritate remanent

nent

nent in suo robore, & actus non implicat sequi ex defectu probabilitatis, sed ex impossibilitate cum actu præcedenti. Secus contingeret, si euidenter appareret falsa, quia euidētia falsitatis destruit vim, & potentiam agendi in probabili, quia eneruat, & ostendit nullas ipsius rationes, & motiuas; ideo &c.

SECTIO TERTIA.

*An concurrentibus opinionibus æquè probabilibus, vel probabili cum probabiliori, utraq; remaneat simpliciter probabilis.*

Candidus Philalethus in hoc opus. iam citatus, & sæpè citandus d. illarum de opinionū praxi q. 6. propositionem probabilem distinguit, in probabilem simpliciter, & probabilem secundum quid. Probabile simpliciter dicit, quæ expensis omnibus medijs, & rationibus hinc, & inde ad eius veritatem conducentibus, vndequaq; probabilis remanet. Probabilem verò secundum quid illam dicit, quæ licet cum aliquibus medijs, & rationibus appareat vera, non tamen ex omnibus; secundum enim aliqua apparet falsa; quia tamen nulla propositio, quantumvis probabilis potest apparere vera per omnia media, aliquas enim rationes debet habere in oppositum, per quas profectò non vera, sed falsa appareat necesse est, ac proinde hæc distinctio videretur nulla, quia omnis propositio hoc pacto probabilis tantum esse potest secundum quid. Ideo sic rē explicat.

Illā propositio dicitur probabilis, & apparere vera per omnia media, quæ non solum rationibus, quibus munitur, apparet vera; sed etiam rationibus pro parte opposita; non quod rationes pro parte opposita, veritatem positiuè ostendant, hoc enim est impossibile;

sed negatiuè, quatenus scilicet eius veritatem ita impugnant, vt tamen vincantur, & comparatæ cum rationibus veritatem ostendentibus inueniantur infirmiores; & sicut victoria vnus non tantum desumitur ex viribus proprijs, sed etiam ex infirmitate virium alterius; sic etiam veritas vnus propositionis non solum desumitur ex rationibus proprijs, sed etiam ex oppositis, in quantum cadentibus, & superatis à proprijs. Illa autem propositio erit probabilis tantum secundum quid, quæ licet ex suis rationibus appareat vera ex oppositis tamen, vel quia æqualibus, vel quia maioris roboris tàm positiuè, quàm negatiuè apparet falsa. Ex quo docet prædictus Auctor propositiones oppositas æquè probabiles non esse probabiles simpliciter, sed tantum secundum quid, & à fortiori probabilem concurrentem cum contradictoria probabiliori.

Hæc distinctio mihi multipliciter non probatur; primo, quia merè gratis introducit sine vlllo fundamento non modo auctoritatis, sed neq; rationis; secundo, quia in re est eadem distinctio qua communiter DD. distinguunt probabile, in probabile, & probabilius. Quod enim appellat Candidus probabile simpliciter, eò quia vincat, & habeat fortiora motiua, quàm oppositum dicitur communiter probabilius. Quod verò appellat probabile secundum quid, quia licet habeat validum motiuum; infirmius tamen illud est motiuo partis oppositæ, hoc communiter dicitur probabile simpliciter; vnde erit quæstio pura de nomine, in qua quia semper vincit modus loquendi communior DD. profecto antiquæ, & communissimæ DD. omnium loquendi formulæ standum est. Tertio, quia Candidus merè gratis, & sine vlllo fundamento nouam definitionem probabilis simpliciter affert contra communem, & iam  
per



per tot sæcula consensu DD. omnium approbatam. Inducere autem nouas definitiones merè gratis, an sit approbandum, viderit ipse, & alij iudicent.

Hactenus enim probabile simpliciter à DD. omnibus nemine discrepante definitum fuit, quod apparet verum sapientibus cum formidine partis oppositæ; quæ est definitio Aristotelis 1. *Top.c.1.* Vndè ille actus dicitur opinio, quo nomine venit assensus simpliciter probabilis, quo intellectus assentitur vni parti contradictionis cum formidine oppositæ: vndè opposita pars, & rationes partis oppositæ non conclamantur ab opinione, seu ab assensu probabilis simpliciter, in quantum vincuntur, & debellantur; sed potius in quantum falsitatē ostendendo terrent intellectum, & faciunt vt formidet; tantum abest quod ostendant veritatē. Et hinc aiebat D. Th. multis in locis, quod *opinio secundum Philosophum quoddam debile, & infirmum est.* Definire autem opinionem obiectiuam, seu probabile simpliciter, quod ex omnibus medijs tam prò, quàm contra apparet verum, seu quod vincit rationes partis oppositæ, profectò est nouam definitionē afferre probabilis simpliciter.

Præterea hactenus nomine refragante probabile, vt sic diuisum fuit in probabile, & probabilius; & etiam (cōtra quod verū) dicitur probabile suscipere magis, & minus. Igitur probabilius est mēbrū probabilis vt sic. Modò dicas Cādice. Probabile vt sic quid importat; probabilis ne simpliciter, vel secūdū quid? Si primū, habeo intentū; si quidē etiā sine maiori probabilitate, sine victoria stabit probabile simpliciter; vnde propositio licet non probabilior erit probabilis simpliciter, & etiam propositio minus probabilis, quia probabile vt sic tamquam genus inuoluit, probabilis simpliciter profectò erit. Si verò se-

cundum, hoc falsum apertè est; nequit enim probabile simpliciter, quale dicitur esse probabilius, habere pro genere probabile secundum quid; simpliciter enim, & secundum quid sunt differentiarum oppositæ, & vna non est genus ad aliam. Quid ergo dices? forrè respondebis probabile ut sic præscindere tam à probabili simpliciter, quàm secundum quid? sed hinc grauiiores angustiarum. Nam quæso quid erit probabile ut sic? quæ conceptum obiectuum habebit? Omnis conceptus obiectiuus in aliquo genere est simpliciter talis; probabile ut sic, quod probabile in quo genere simpliciter erit? non verum, non falsum, non dubium; neutrum enim horum potest esse genus ad probabile simpliciter; ergo &c.

Dicamus igitur, & facillè probabile ut sic esse probabile simpliciter, minus autem probabile, & probabilius utrumque; esse probabile simpliciter, & differre tantum secundum magis, & minus, quod proinde non variat genus simpliciter, iuxta commune axioma, quod magis, & minus sub eodem genere non variat genus. Eo prorsus modo, quo se habet calidum simpliciter ad magis, & minus calidum. Sit ergo.

### *Conclusio Prima.*

**C**oncurrentibus propositionibus contradi-  
ctorijs æquè probabilibus utraq; eorum remanet simp-  
pliciter probabilis.

Probatur Conclusio. Primo, quia ille actus est opi-  
nio, seu assensus simpliciter probabilis, qui aliquid enū-  
ciat ex valido motiuo cum formidine partis opposi-  
tæ; cum formidine inquam non leuiter, vel temere  
orta; sed cum fundamento iusto, hoc est ex rationibus  
in oppositum reuerà validis. Igitur illud erit opinio  
obie-

obiectiua, seu obiectum simpliciter opinabile, & probabile, quod graui munitum erit fundamento, licet in oppositum sit ratio grauis, quæ proinde quia non vincitur, & valida cognoscitur, formidinem ingerit. Valet enim illatio ab actu ad obiectum, sicut ab effectu ad causam; nec enim actus potest esse simpliciter probabilis, nisi obiectum probabile simpliciter sit. Sed propositiones contradictoriæ æquè probabiles, sunt graui munitæ fundamento, licet vtraque inuoluat formidinem partis oppositæ, eo quod vtraque sit æquè valida; ergo sunt simpliciter probabiles.

Confirmatur. Nisi concurrerent, vtraque separata esset probabilis simpliciter; ergo etiam si concurrant; quid enim amittunt, vel quid acquirunt, ut deperdatur probabilitas simpliciter? Nihil profecto, nisi formido mutua; hæc autem non modo destruit probabilem assensum simpliciter, seu opinionem, quia ab opinione inuoluitur. Sit exemplum. Sint duo, quorum quilibet fortis sit simpliciter, concurrant, & neuter vincatur; proinde ne non erunt amplius fortes simpliciter? quis hoc dicat? idem currit in casu nostro.

Secundo, quia omnis propositio esse debet in aliquo genere simpliciter, omne enim quod est, in aliquo genere simpliciter est; igitur si probabilis concurrens cum æquè probabili, est tantum secundum quid in genere probabilis, in quo nam genere erit simpliciter? omne enim, quod in aliquo genere est secundum quid, in aliquo debet esse simpliciter, ut valet discurrendo per singula. Si nihil inuenias, profecto simpliciter probabilis dicenda est.

Respondebis, quod est simpliciter dubia, nec enim aliud dici potest.

Contra tamen est, quia nulla propositio obiectiua in se

in se est formaliter dubia, in se enim est determināta, ad vnum; sed dicitur dubia in quantum dubium reddit intellectum. Ceterum intellectum reddi dubium stat dupliciter, vel ex defectu rationum sufficientium; vel ex concursu rationum quidem simpliciter sufficientium, sed inter se pugnantium. Primo modo propositio, de qua in præsenti non est dubia, vtraq; enim habet rationes sufficientes, & validas, adeo vt extra concursum vi eiusdem rationis, & motui dubia non esset, sed simpliciter probabilis. Secundo verò modo non aliter intellectus redditur dubius, nisi quatenus vtraq; pars vicissim ingerit formidinem de opposita, cum qua profectò stat opinio, quæ simpliciter probabilis propositio est. Vnde aiebat Caiet. *opus. d. præcedenti citato*, quod *varietas opinionum habet reddere intellectum nutantem*. Vndè tale dubium tantum abest, quod tollat opinionem, & probabile simpliciter, quin potius illa inuoluit.

Tertio. Ad hominem contra Candidum sic. Illa propositio est simpliciter probabilis, quæ non tantum ex aliquibus, sed per omnia media, tam pro, quam cōtra adducta apparet probabiliter vera; dico probabiliter, nō euidenter, alias non esset propositio probabilis, sed euidenter. Quid est autem apparere verum probabiliter? Ita vt etiam appareat falsitas, & sit formido de veritate. Sed concurrentibus opinionibus contradictorijs æquè probabilibus vtraq; per omnia media, tam pro, quam contra apparet probabiliter vera; ergo vtraq; remanet simpliciter probabilis. Minor probatur, quia per media pro adducta utiq; apparet probabiliter vera, suppono enim esse pro illa rationes validas. Itē per media cōtra adducta; nam per illa apparet falsitas, & quidem probabiliter, prout necesse est, ex quibus proinde oritur formido

modo de veritate. Item hæc eadem media pro falsitate adducta per hoc, quod non vincunt partem oppositam, declarant pro illa esse validum fundamentum veritatis, aliàs illam debellarent, vnde probabilitatem veritatis illius ostendunt; ergo etiam concurrentibus opinionibus æque probabilibus vtraque apparet ex omnibus medijs, & omnibus expensis, itam fauentibus, quam oppositis probabiliter vera, ergo &c.

Quod autem ad hoc, vt aliqua propositio probabilis simpliciter sit, requiratur, vt falsitas illius probabiliter appareat, quod fuit assumptum in minori probata, patet, quia si falsitas neque probabiliter apparet; vel leuiter, vel nullo modo apparet, vnde vel nulla, vel non iusta consurgit formido; quando autem hoc contingit, propositio non probabilis, sed simpliciter euidentis est, quod

*Conclusio secunda.*

**P**ROBABILIS propositio etiam concurrens cum probabiliori remanet simpliciter probabilis.

Probatur primo hæc conclusio iisdem rationibus, quibus probata est præcedens proportionaliter applicatis; adhuc enim probabilis habet firmum fundamentum, & validum, de cuius veritate opposita licet probabilior ambigit, & iuste formidat; probabilior enim quantumvis propositio semper formidat de opposita, & iuste formidat vi rationum illius, quas adeo non debellat, vt negligantur, vnde adhuc remanent fortes; alias si illas debellaret, & eas negligeret, non esset, quod de opposita formidaret iusta formidine, vnde euidentis euaderet. Igitur licet concurrat cum probabiliori, adhuc remanet simpliciter probabilis.

Secundo, quia si probabilis, quæ modo concurrit cum probabiliori, cum illa non concurreret, talis de se esset,

vt

ut esset simpliciter probabilis, habet enim firmum fundamentum, & solum ex concursu amittit probabilitatem simpliciter; ergo etiamsi concurrat remanebit simpliciter probabilis. Probo cōsequentiam; remanet idem fundamentum, & probabilior nihil affert, quod prædictum fundamentum eneruet; illud quidem soluit, sed tantum probabiliter, vnde relinquit illud probabile; si enim nō relinqueret illud probabile, solueret illud evidenter, vnde nullo pacto probabilis, sed clarè falsa remaneret prædicta propositio. Item propositio quantumvis minus probabilis soluit etiam probabiliter rationes propositionis probabilioris; alias si probabiliter non solueret illa, falsa clarè appareret; magis autem, vel minus, vnde semper in eodem genere; ergo cum de se sit probabilis simpliciter, & probabilior illi non auferat probabilitatem, profectò remanebit simpliciter probabilis.

Confirmatur exemplo. Detur aliquis de se simpliciter fortis, concurrat cum fortiori, ita tamen, ut non debelletur omnino, sed hinc, & inde sint vulnera, graviora tamen ex parte fortis, & fortis nunquam possit debellari omnino; & fortior, licet fortior illum timeat, diceturne ille amisisse robur simpliciter fortis, nequaquam. Sic in casu nostro; ideo &c.

Tertio, quia probabilis, licet concurrens cum probabiliori, ex omni capite, & omnibus expensis apparet probabiliter vera; ergo vel ex principijs Candidi erit simpliciter probabilis. Antecedens probatur. Ex rationibus pro se adductis, patet, & in quantum ostendunt veritatem ipsius, & in quantum ingerunt formidinem parti oppositæ, licet probabiliori. Item ex rationibus adductis pro parte contraria probabiliori hoc idem constat; nam hæc illam non debellant, sed licet torquant, adhuc

adhuc illius robur sentiunt, & formidant; vnde in quantum non vincunt, sunt fundamentum, vt appareat probabiliter vera; rationes enim probabiles, & multò magis probabiles vincunt, & debellant omnino, quod non apparet ad minus probabiliter verum; ergo ex omnibus capitibus elucet probabiliter veritas propositionis probabilis etiam in concursu cum probabiliori. Erit igitur simpliciter probabilis.

Dices primo. Probabilior debellat, & vincit rationes minus probabilis, illas enim soluit.

Resp. Quod non soluit nisi probabiliter, quo pacto etiam rationes ipsius soluuuntur à minus probabili; vnde neutra debellat omnino partem oppositam, cuius rei clarum signum est, quia vtraq; formidat de parte opposita. Magis quidem ac minus; hoc ultro fateor; at extrahit ne à genere probabilis simpliciter? hoc est quod quaerimus. Dictum est probabilitatem simpliciter illam esse, quæ oritur ex omnibus capitibus, tam pro, quàm contra adductis? ostendi etiam minus probabile desumere suam probabilitatem ex omnibus medijs, tam pro, quàm contra; quia etiam rationes probabilioris, simpliciter soluuntur, & probabilior simpliciter formidat de veritate minus probabilis. Quid amplius requiritur? fortènè quod magis vincat, quàm vincatur? quod minus formidet, quàm formidetur? quod habeat fortius motiuum? hæc est manifesta petitio principij; nam est requirere, quod aliqua propositio sit probabilior, ad hoc vt sit simpliciter probabilis, quod est in controuersia.

Dices secundo. Nō potest vtraq; cōtradictoria simul, & omnibus expēsis apparere vera; nam vel omnibus expensis vna pars vincit, vel in dubio stat victōria. Si primum sola; quæ vincit, apparet vera; Si secundum neu-

tra apparet vera, sed vtraq; remanet dubia, ergo &c.

Resp. Quod Candidus, qui in tota sua disputatione passim faterur posse vtramq; contradictoriam esse probabilem, & probabilem iudicari (idem autem est probabile, ac apparere verum) modo id negat; passim enim, & ingeniosè arguit errorem illorum, qui confundunt pro eodem assentiri probabiliter vtriq; propositioni contradictoriæ, & assentiri vtramq; esse probabilem; Primum enim negat, secundum concedit. Sed quidquid sit de coherentia, ad argumentum nego antecedens, nam licet non possit vtraq; contradictoria esse, vel iudicari simul vera, potest tamen omnibus expensis vtraque representari intellectui vera, non euidenter, sed probabiliter; siuè enim vtraq; pars sit æqualis in probabilitate, siuè vna sit probabilior, semper in omni casu vtraq; apparet probabiliter vera. Fateor quidem quod omnibus expensis non potest vtraq; contradictoria apparere euidenter simul vera; si enim vna appareat euidenter vera, signum est, quod pro alia non sunt illæ rationes veritatis; vndè implicat in adiecto, quod illa alia appareat euidenter vera; tamen probabiliter potest vtraque apparere vera ex omnibus capitibus, quia motuum, probabile veritatis non solum partem pro qua militat facit apparere veram, sed etiam partem oppositam; suâ quidem positiuè, oppositam verò negatiuè. In quantum quia illam non omnino vincit, sed formidat de illa, est signum, quod opposita habeat robur veritatis; ergo &c.

Dices tertio. Probabile simpliciter potest generare assensum; sed minus probabilis in concursu cum probabiliori non potest generare assensum; intellectus enim in assentiendo debet sequi motiua, vndè tantum potest inclinare, vbi sunt motiua fortiora, ergo &c. Item cum  
propo-



propositiones sunt æquè probabiles, intellectus remanet in dubio, quia quantum mouet motiuum pro vna parte, tantum retrahit aliud; ergo nequit assentiri; ergo neque æquè probabiles concurrentes remanent simpliciter probabiles.

Hic est Achilles Candidi Philalethi, non solum pro præsentī controuersia, sed pro tota materia, quam tractat in sua *disputatione de opinionum praxi*; vt ergo videamus, quanti sit roboris, sit.

## S E C T I O Q V A R T A.

*An, & quomodo liberum sit opinari.*

**A**Nequam autem quæsitum in tit. sect. proposi-  
tum, discutiamus, pro intelligentia maioris in  
ultimo argumento. adductæ. Notandum est, adhuc vt  
aliquid sit simpliciter probabile alicui, non requiri, quod  
actu illi assentiatur. Tùm quia essentiæ rerum non de-  
sumuntur penes actum, sed penes potentiam ad actum,  
vnde essentia probabilis simpliciter non desumitur pe-  
nes hoc, quod actu generet assensum, sed penes posse  
generare. Tùm quia esse aliquid intellectui tale, nihil  
est aliud, quàm ab intellectu iudicari tale, quid enim est  
aliquid intellectui esse verum, nisi iudicari verum? igitur  
aliquid esse intellectui simpliciter probabile, est iu-  
dicari tale, quod quidem statimq; eo quod est assentiri  
ipsi; vt patet. Tùm etiam quia proposita mihi sententia  
validissimis munita rationibus, vel sine rationibus pro  
parte opposita, vel parùm efficacibus, etiamsi suspen-  
dam assensum, cognosco euidenter illam esse probabi-  
lem; & assensus sanè est quid à posteriori, & effectus  
probabilis simpliciter; nulla autem causa constituitur  
per suum effectum; & per assensum opinio mihi non  
euadit probabilis, sed vera.

Notandū secundo verè ad probabile simpliciter requiri, quod possit generare assensum; nam si non potest generare assensum, ergo non habet sufficiens fundamentum veritatis, & nimium clarè elucet falsitas, igitur non remanet simpliciter probabile. Non autem debet probabile posse generare assensum facta quacunque suppositione, ut tetigi *in hac disput. secunda sect. 2. in fine*; sed solum esse tale, ut nihil facta diligentia sufficienti antecedens ad assensum, vel dissensum possit illius efficaciam impedire, adeo ut cum quocumque sic antecedenti possit assensum generare. Vnde quare apparens non est probabile? quia scilicet cum motiuis antecedentibus pro falsitate non stat eius efficacia; unde quando id, quod dicitur probabile impeditur ad agendum à motiuo pro parte opposita, non remanet simpliciter probabile.

Notandū tertio ad probabile simpliciter non requiri, quod possit gignere assensum in sensu composito cum omnibus motiuis excogitabilibus pro parte opposita; alias nulla propositio falsa posset esse simpliciter probabilis; excogitabilia enim, & dabilia absolutè sunt motiua pro illius falsitate, cum quibus non poterit gignere assensum. Sufficit ergo ad probabile simpliciter, quod possit gignere assensum cum omnibus motiuis hic, & nunc facta prius sufficienti discussione inuentis, & occurrentibus.

Igitur nunc videndum, an minus probabilis concurrens cum probabiliiori, & probabilis cum æquè probabili possit gignere assensum, adeo ut non impediatur à motiuis pro parte opposita; & quia difficultas tantum, oritur ex natura Intellectus, qui cum in opinando dependeat à motiuis, videtur tantum posse rapi à motiuo fortiori: Ideo in præsentī quæstione examinamus, an intel-

intellectus sit ita subiectus motiuis, vt ipse nulla perfruatur libertate; an verò aliqua, & possit pro libito, quamlibet partim sequi, dummodo sit motiuo valido non eneruato munita, quæ proinde habeat speciem veritatis.

Et sanè apud omnes recentiores hætenus habitum fuit pro indubitato intellectum quo ad assensus probabiles esse liberum, tam quo ad specificationem, hoc est tam huic, quam illi parti assentiri, ac quoad exercitium, hoc est assentiri, vel suspendere assensum. Disputant autem tantum de libertate intellectus quoad assensus euidentes, qui videntur rapere intellectum, & cogere, ne expectet imperium voluntatis, cui alioquin subditus est.

Solus Candidus Philalæthus hanc libertatem intellectus, quoad assensus probabiles in dubium reuocat, & *quæst. secunda* concessa libertate quoad exercitium, libertatem specificationis prorsus adimit. Intellectum ponit, quasi saxum, quod non moueatur, nisi vi impellentis, quæ maior sit vis impellentis, illuc necessariò moueatur, si moueri vult, adeò vt in partem oppositam deflectere nequeat; sin autem vtrimq; vis sit æqualis, necessariò standum ei sit, & neutrum mouens sequi possit. Quæ sententia singularis est tam antiquorum, quam recentiorum (saltem classicis, & in terminis) auctoritatibus destituta, & fortassè parùm firmas rationes habet, vt fusè *sect. sequenti*. Pro communissima & vera sententia sit.

*Conclusio vnica.*

**A**D quoscumq; assensus ineuidentes, & obscuros, siuè fidei humanæ, siuè diuinæ, siuè opinionis; quo ad exercitium intellectus est plenè liber, & à sola volun-

voluntate dependet ; quoad specificationem autem licet à sola voluntate non dependeat , sed etiam ab obiecto, liber tamen est, & pro libito voluntatis potest, quam voluerit partem opinari, vel credere.

Loquor indifferenter, & eodem modo de opinione, & fide, siue humana, siue diuina, quia licet alioquin isti actus essentialiter differant, quoad punctum libertatis omnino conueniunt, & de his quoad hoc eodem modo philosophatur. S. Thomas 2.2. q. p. a.4. & communiter ibidem omnes expositores, quod etiam supponit Candidus d. prædicta q. 2.

Dixi autem in conclusione, quod licet intellectus sit liber, & à voluntate dependeat in assensibus obscuris, tam quoad exercitium, quam quoad specificationem; adhuc tamen est plenior libertas, & maior dependentia quoad exercitium, quam quoad specificationem; quia scilicet quoad exercitium solum à voluntate dependet intellectus; obiectum enim, & rationes in obiecto elucetentes nihil dicunt de assentiendo nunc; vnde quod hic, & nunc assentiatur in solam voluntatem refundendum est, cum intellectus se non valeat determinare, nec sit potentia formaliter libera. Vnde si de duobus, quibus eadem veritas pari modo proponitur, vnus assentiatur; alter non, sed suspendat assensum, quæ ratio huius exercitij poterit assignari? profecto hæc vnica, quia vult. Talis casus erit, si Concionator E. G. hortetur auditores suos ad eliciendum actum fidei diuinæ, aliqui elicient, alij suspendent assensum; quare? hæc vnica, quia hi volunt, secus alij. Secus autem quoad speciem actus, ad hoc enim, quod potius eliciatur actus huius speciei, quam illius, sola voluntas non sufficit; sed vterius requiritur obiectum sub ratione veri, aliàs intellectus posset ferri extra suum obiectum adequatum.

Et

Et hoc est, quod voluit Caiet. p. 2. q. 65. a. 4. dum docuisse videtur, quod sine vlla ratione potest intellectus alicui propositioni assentiri, vnde communiter impugnatur; nam ni fallor, hoc absolute etiam quoad specificationem non potuit voluisse doctissimus vir, cum alibi rationem aliquam requirat ad quoscumq; assensus, vt infra; sed solum quoad exercitium. Supposita enim ratione veritatis in obiecto motiuum ad hic, & nunc assentiendum est sola voluntas; quod quidem ait satis clarè loco citato his verbis; *vnde obiecto sufficiente ad determinandum intellectum ad alteram partem oportet voluntate supplere quoad exercitium.*

Quia autem licet quoad specificationem requiratur motiuum, illud tamen quoad actus inevidentes obscurum est, & non plenè determinans intellectum, qui solum determinatur à vero euidenter proposito, ideo requiritur determinatio voluntatis, vt intellectus de se indifferens ad contraria, voluntate imperante huic partipotius assentiatur, quàm illi. Quod quidem, quia in hoc consistit libertas specificationis, & nostra cõclusio.

Probatur primo ex Aristotele 9. met. t. 10. vbi postquam distinxit potentias in rationales, & in irracionales, & cum has dixisset determinatas ad vnum, & vnus tantum obiecti factiuas, illas autem indifferentes ad contraria; de rationalibus quærit his verbis. *Approximatis obiectis simul ne faciens contraria? hoc verò impossibile est; necesse est igitur aliud quiddam esse, quod dominetur: dico autem siue appetitum, siue electionem.* Particula *siue*, sicut, & alibi solet; hic sumitur pro &; Igitur intellectus qui potetia rationalis est, inter obiecta contraria constitutus indifferenter ad illa se habet, & indiget voluntate determinante etiam quoad contrarietatem, & specificationem: scilicet liber est, & indiget

imperio voluntatis, ad hoc ut vni parti potius, quàm alij assentiatur, his potius quàm illis rationibus acquiescat; ergo quoad assensus inevidentes, quoad obiecta obscura, quando nempe proponuntur contraria assensus; & dissensus; verum & falsum, quod vnum obiectum præ alio eligat intellectus, quod assentiatur, vel dissentiatur; siue opinando, siue credendo dependet ab arbitrio voluntatis.

Quid dicit Candidus, qui totum se in hoc puncto Aristotelicum iactat? Dicetne fortasse, Philosophum dum dicit contraria, intelligere contradictoria, & dum potentijs rationalibus libertatem contrarietatis concedit, solum velle concedere libertatem contradictionis? profecto, præterquam quod hoc erit appellare album nigrum, & nigrum album; vltèrius clarè conuincetur; quia dicit potentias rationales esse factiuas contrariorum contradictoria effici nequeunt; nec enim negatio, quæ vnum contradictorium est, effici potest; præterea loquitur de potentijs rationalibus constitutis inter plura factibilia, quod certè non est loqui de potentia constituta inter facere, & non facere. Legatur textus.

Dicit fortè, cum Coninch. *de fide d. 13. dub. 4. auctoritatem* hanc Aristotelis esse impertinentem ad similes quæstiones, quia ut docuerat *d. 2. dub. 4. num. 5.* Aristoteles ibi solum vult, quod potentie rationales sint circa opposita, & contraria, hoc est plura contraria possint facere; ad quæ tamen, an sint determinatæ, necne, seu à quo determinentur; non querit Aristoteles.

Sed Coninch. textum non legit, responsionem enim hanc non dedisset. Vidisset enim clarè, quod Aristoteles querit, à quo determinentur hæ potentie, quæ possunt facere contraria, & dicit esse voluntatem; igitur supponit illas indifferentes, & de se tam factiuas vnius, quàm alterius.

Confir-

Confirmatur hæc ratio ex vnanimi consensu omnium expofitorum Alexandri, Niphi, & aliorū, D: Th. Fonleca &c. qui omnes fatentur determinari à voluntate potentias rationales, quæ sunt circa oppofita indifferentes; & dant exemplum Medici, qui cum poffit fanare, & ægritudinem inducere, voluntate fua determinatur ad fanandum. Ex quo exemplo etiam patet, an fit fermo de contrarijs, an vero contradictorijs. Sanare enim profecto est quid pofitiuum, nempe adhibere medicamenta &c. & ægritudinem inducere profecto est aliquid plus, quàm præcisè non fanare. Ego enim, non fano, & tamen ægritudinem non induco. Eidem auctoritati fubfcribit Caiet. p. 2. q. 65. a. 4. vbi ait *Sicut enim voluntas terminat potentiam rationalem ad alterum contrariorum, ad quæ neutraliter fe habet, ut dicitur 9. met. Sic & ad contradictoria.* Loquitur autè ibi de intellectu.

Probatur fecundo ex S. Th. mille in locis; præcipua afferam. Primo quidem abfolutè quoad omnes affensus obscuros legatur S. D. p. 2. q. 17. a. 6. vbi non indenter, fed ex profeffo quærit. *An actus rationis imperentur. In corpore* postquàm dixit actum rationis poffe confiderari, vel quantum ad exercitium, & fic actum rationis femper imperari poffe; vel quantum ad obiectum, & hoc dupliciter, vel apprehendendo, vel affentiendo, & apprehendere quidem non effe in noftra potestate, fic fubiungit. *Alius autem actus rationis est, dñe his, quæ apprehendit, affentit; fi igitur fuerint talia apprehensa, quibus naturaliter intellectus affentiat, sicut prima principia, assensus talis, vel diffensus non est in noftra potestate,* (vide quomodo loquitur de neceffitate fpecificationis) *fed in ordine naturæ, & ideo propriè loquendo naturæ in fuperio fubiacet. Sunt autem quedam*

O

appr.e.

*apprehensa, quæ non adeo conuincunt intellectum, quin possit assentire, vel dissentire, assensum, vel dissensum, suspendere propter aliquam causam, & in talibus assensus ipse, vel dissensus, (nota, non dicit assensus, vel negatio assensus) in nostra potestate est, & sub imperio cadit, quid clarius? legatur totus Articulus, & supra dictum articulum Valentia 1. 2. d. 2. q. 12. de Imperio puncto. 5. §. quæritur igitur iam primo, & seq.*

Item quod ad fidem, & opinionem 2. 2. q. p. a. 4. in corpore, postquam dixit intellectum alicui assentiri, quia immediate, vel mediate euidenter proponitur, ait. *Alio modo intellectus assentit alicui, non quia sufficienter moueatur ab obiecto proprio, sed per quamdam electionem voluntariè declinans in unam partem magis, quàm in aliam; & si quidem sit hæc cum formidine alterius partis, erit opinio, si cum certitudine fides.* Voluntariè autem declinare in unam partem magis, quàm in aliam, profecto est vi voluntatis aliorum contrariorum eligere.

Respondet ad hanc auctoritatem Candidus D. Th. loqui de exercitio, non de specificatione. Primo, quia non potest sibi esse contrarius; dixerat autem S. D. 2. de anima 1. 153. intellectum in opinando non esse liberum quoad specificationem. Secundo, quia D. Th. ad secundum dicit *credentem videre esse credendum*; in rebus autem visis nulla est libertas specificationis. Requiritur autem inclinatio voluntatis, ait Candidus, quia cum intellectus alioquin semper quærat motiuum euidentem, requiritur voluntas, quæ imperet, ne quærat vltiora motiua, sed motiuo fidei contentus illi assentiaur.

Sed hæc responsio est euidenter contra verba S. D. quæ manifestè sonant specificationem non exercitium; nec timendum, ne S. D. sibi contrarius sit, ostendam  
enim



enim infra *t.cit.de anima*, nec D. Th. somnare quidem  
 libertatem quoad specificationem in opinando tollere.  
 Quod verò affert ex doctrina D. Th. *hic ad secundum*,  
 nō est ad rē. Loquitur. n. ibi S. D. de euidētia credibili-  
 tatis, nō de euidētia veritatis, quę est motiuū formale as-  
 sensus. Vndē intellectus nō potest negare obiectū fidei,  
 prudenter nō credi ob tot signa euidētia, sinē tamē vo-  
 luntate imperante nō potest credere esse verū, & illi as-  
 sentiri. Vndē fides nostra libera est, & ad illā requiritur  
 pia affectio voluntatis. Quod autem subiungit, quod  
 hæc requiritur, quia intellectus semper quærit verum  
 euidens; ita est, & ideo subiungat, quod non necessita-  
 tur nisi à vero euidenti, & ad verum non euidens in-  
 diget extremo determinante, vt dicit S. D. tūm alibi  
 passim, tūm in hac 2. 2. q. 2. a. 1. *ad tertium*.

Confirmatur ex Scoto in 3. d. 25. vbi docet *volun-  
 tatem non mouere intellectum nisi moueat obiectum*. Ergo  
 iam cum obiecto mouet. Consentunt omnes primarij  
 Christiani Orbis Theologi, qui testantur de communi.  
 Vid. Suar. *de triplici virtute Theologica* d. 6. sēct. 6. Va-  
 lentia loco *supra citato*. Coninch. *de fide* d. 13. dub. 4.  
 Turrian. d. 29. dub. p. in 2. 2. Lorca ibidem d. 12. &  
 nouissimē Card. de Lugo *de virtute fidei* d. 10. sēct. 1. qui  
 omnes multos SS. PP. & Doctores citant; adeo vt si  
 auctoritatibus res hæc sit peragenda, actum sit de opi-  
 nione Candidi Philalethi, qui fortassē nullum habet in  
 terminis terminantibus Doctorem.

Probatur tertio, & quidem grauioribus auctoritati-  
 bus conclusio posita, quoad assensum fidei diuinę.  
 Primo ex illis verbis Domini ad Petrum. Lucę 22. *Ego  
 rogaui pro te Petre, vt non deficiat fides tua*. Ergo per gra-  
 tiam, & preces Christi non defecit fides Petri; quid nō  
 defecit? assensusne actualis? nequaquam; multoties

enim Petrus actu non credidit, nec enim semper permanfit in actuali exercitio credendi; ergo non defecit fides quoad specificationem per merita, & preces Christi; ergo aliàs poterat deficere, nec enim Christus rogasset, ne eueniret id, quod euenire non poterat. Ergo non obstantibus tot signis visis, & reuelatione Christi applicata Petro, & tot actibus fidei iam à Petro elicitis, erat indifferens Petrus ad credendum, quoad specificationem, vnde indiguit gratia, & precibus Christi.

Secundo ex illis Io: 12. *Et cum tanta signa fecisset coram eis, non poterant credere*; vbi Augustinus, *quare non poterant credere, quia nolebant*. Respondit. Ergo pro voluntate ipsorum perfida remanebant in infidelitate; ergo intellectus eorum potuisset credere; ergo de se erat liber quoad specificationem, vt nimirum crederet, vel vt in infidelitate perseveraret. Et sanè hoc in loco August. inquirens, quare positis eisdem signis, & motiuis alter assentiat, alter dissentiat, alter illuminetur videndo, alter cæcus remaneat suo in errore, quæ profecto sunt membra contrarietatis, nullam aliam scit assignare causam immediatam, nisi voluntatem; quæ autem, quare in vno sit, in alio non, recurrit ad altitudinem sapientiæ, & scientiæ Dei.

Tertio. Io: 15. dicitur de non credentibus, & suo in errore permanentibus, quod *excusationem non habent de peccato suo*; ergo fuere liberi ad credendum, non solum ad suspendendum assensum à suis erroribus; ergo fuere liberi quoad specificationem; cõdemnantur enim, non quia non suspenderint assensum à suis erroribus, sed quia posituè non crediderint, iuxta illud; *Qui verò non crediderit, condemnabitur*.

Quarto. In multis locis sacræ Scripturæ dicitur *fideles debere captiuare intellectum in obsequium fidei*; hæc autem

autem captiuatio fit à voluntate media pia affectione; modo sic, vel hæc captiuatio requiritur, ne intellectus positiuè non credat, vel tantum ne suspendat assensum. Si primū; habeo intentum; siquidem ergo intellectus est liber ad positiuè non credendum, & credendum, quæ est libertas specificationis; si verò dicatur tantum secundum; quæso quæ captiuatio requiritur, quo nomine venit magna vis voluntatis ad hoc, vt intellectus, non suspendat assensum de re, cui non potest dissentire? ad hoc sufficit simplex motus voluntatis sine vlla difficultate; sicut ad efficiendum, ne potentia motiua motum pedis suspendat. Vrgeo; captiuatio est motus voluntatis cum difficultate ex parte potentiæ. Quare potentia sentit difficultatem, & vnde oritur hæc difficultas ad assentiendum? profecto ex motiuis falsitatis, quæ apparent in obiecto; motiua autem concernunt specificationem actus, non exercitium. Item motiua falsitatis non inclinant ad suspensionem assensus, sed ad dissensum; ergo si vincitur difficultas inducta à motiuis, vincitur illa inclinatio, quam habet intellectus ad dissensum, ac proinde captiuatur intellectus quoad specificationem, non quoad exercitium. Modo captiuatio ad aliquid supponit captiuatum non modo liberum, sed inclinatum ad oppositum, ergo &c. Insto motiuum fidei tantumne inclinat, & vrget intellectum ad assensum, quam ad dissensum motiua falsitatis? vel magis? vel minus? si primum; ergo sicuti motiuum fidei accedente voluntate mouet ad assensum, ita accedente voluntate motiuum falsitatis mouebit ad dissensum Si secundum, per se adeo debellabitur motiuum oppositum, vt nec voluntate accedente possit mouere; vnde quæ captiuatio requiritur, ad eius vincendum robur, quod neque voluntate accedente potest vim habere. Si verò tertium,

ergo

ergo si motiuum fidei minus mouens accedente voluntate potest mouere ad assensum, quid faciet circa dissensum motiuum oppositum magis mouens accedente voluntate.

Quinto. Demùm ex locis illis Concil. Arausici, Toletani, & Tridentini, quæ ad præsentem quæstionem trahunt DD. citati; videantur illi, non enim iuuat eadem repetere; sed iam rationibus.

Probatur quarto Conclusio, quia intellectus constitutus circa obiectum obscurum, cum rationibus validis hinc, & inde, licet validioribus pro parte affirmatiua quàm negatiua trahitur positiuè, & vrgetur ad dissensum, licet magis trahatur, & vrgeatur ad assensum; ergo simpliciter est liber quòad specificationem, & simpliciter potest elicere assensum, vel dissensum; ergo poterit intellectus pro libertate in opinando sequi partem minus probabilem relicta probabiliori. Hæc secunda consequentia est euidens, sequitur enim manifestè ex prima. Ergo à fortiori inter æquè probabiles constitutus intellectus poterit pro libito, quam voluerit opinari. Hæc quoq; clara est.

Antecedens probatur, quia rationes illæ, quia simpliciter sunt alicuius roboris, aliquam habent vim, quàm omninò non amittunt, quia concurrunt cum fortioribus, aliàs nullius remanerent roboris, & euidenter soluerentur, & dignoscerentur friuolæ; ergo quia sunt causæ naturales necessario agent, & quantum possunt agent; ergo mouebunt simpliciter, & vrgebunt intellectum ad dissensum; mouebunt inquam, non tantum quantum oppositæ, sed pro sua actiuitate. Et sanè quādo contraria concurrunt licet vnum sit maioris actiuitatis, non proinde aliud simpliciter non agit, sed agit, & illud, licet minus. Item intellectus etiam quando assentitur

titur parti probabiliori formidat de opposita, & timet de falsitate obiecti, cui assentitur; & hoc est essenziale opiniononi, licet probabilissima sit. Quid est autē intellectū timere, & formidare de veritate parris, cui assentitur? profectò timere voluntatis est, timor enim sicut, & spes sunt actus voluntatis; quid est ergo intellectum timere, nisi intellectum trahi à motiuis pro parte opposita, vrgeri ab illis, & inclinare ad dissensum; ergo à motiuis licet minus validis mouetur, & vrgetur intellectus simpliciter ad dissensum, licet magis trahatur ad assensum: ad dissensum dico, non ad negationem, seu suspensionem assensus, quia obiectum mouet ad actum, non ad suspensionem actus, mouet enim ad id, cuius est causa, & ad id, ad quod datur; datur autem ad agendum; & sicut verum ad assensum mouet, sic falsum ad dissensum. & ratio est à priori, quia non agere est tantum potentiae, obiecti vero est agere.

Consequentiam igitur primam iam probemus sic. Intellectus non inclinatur simpliciter ad aliquid, ad quod sit impossibile, quod feratur; non inclinatur ad id, quod nequit habere. Vniuersaliter enim nulla potentia inclinare potest ad impossibile; ergo si intellectus etiam stantibus motiuis fortioribus pro parte affirmatiua, adhuc inclinatur ad dissensum; poterit simpliciter ferri ad dissensum, & illum eligere. Vrgeo hæc inclinatio ad dissensum non est vllus actus elicited, sed est ipsa naturalis propensio intellectus circa obiectum, quod habet vim illum mouendi; sed nulla propensio naturalis datur ad impossibile; ergo si intellectus etiam stantibus motiuis fortioribus pro parte opposita adhuc inclinatur ad dissensum, possibilis est ipsi dissensus. Neq; vero solum in sensu diuiso à fortioribus motiuis, sed etiam in sensu composito; nam hæc fortiora motiua nō tollunt  
minus

minus fortibus vim simpliciter inclinandi; ergo ad quid possibile cum illis.

Insto. Quia cum motiuis eulentibus ad assensum, non potest intellectus dissentiri, ideo motiua apparentia pro dissensu non mouent intellectum, nec intellectus circa dissensum ullam inclinationem sentit; ergo inclinatio terminum suum possibilem supponit. Et tamen in sensu diuiso à motiuis eulentibus, possunt motiua apparentia non modo inclinare, sed producere dissensum; ergo &c. Item quare intellectus non habet inclinationem ad actū, cuius non habet speciem? profectò, quia est impossibilis illi talis actus pro eo signo, pro quo non habet speciem, licet absolutè sit possibilis; ergo pro eo signo, pro quo datur inclinatio requiritur, quod obiectum sit possibile, seu terminus inclinationis salte quò ad ea, quæ se tenent ex parte actus primi.

Dico quò ad ea, quæ se tenent ex parte actus primi, quia posset dici. Stat inclinatio, & propositio intellectus ad dissensum, etiam stante assensu, adhuc enim in sensu composito cum assensu intellectus formidat, & tamen non potest cum assensu componi dissensus; ergo inclinatio, quæ est ad dissensum stantibus motiuis fortioribus, est ad dissensum in sensu diuiso ab illis.

Assignatur enim disparitas manifesta in ipsa natura inclinationis, & motionis obiecti; nam mouere, & inclinare ad dissensum est omninò mouere, & inclinare ad tollendum assensum, & ponendum fortè etiam per Dei potentiam formam impossibilem cum assensu; vnde ipsa inclinatio, & motio ad dissensum ex sua natura inuoluit, si reducatur ad actum sensum diuifum ab assensu. Secus autem non inuoluit sensum diuifum à motiuis ad assensum, vt reducatur ad actum, cum per suum actum non destruat illa, vt patet. Adde quod

quod actus ex vno motiuo non habet maiorem oppositionem cum motiuo opposito quàm motiuum à quo procedit; ergo si motiua opposita non habent impossibilitatem ad esse simul, nec actus cum motiuo. Sicut actus ex vno habitu elicitus non habet maiorem oppositionem cum habitu opposito, quam suus habitus. Ideo &c.

Demùm efficaciam prædictæ consequentiæ sic ostendo. Quotiescumq; obiectum habet trahere intellectum, & illum vrgeri, signum est euidens, quod id obiectum potest agere, & conatur agere, trahit enim intellectum solum ad agendum; sed in casu nostro motiuum minus forte trahit, & vrget intellectum, vt probatum est; ergo potest tale motiuum agere, non obstantibus quibuscunque; ergo poterit intellectus voluntate accedente, tali motiuo cooperari, & producere dissensum. Intellectus enim de se semper est potens, & dummodo habeat aliud comprincipium simpliciter potens, constituit cum illo adæquatum principium simpliciter potens operari. Et sane insufficientia ad agendum semper oritur ex parte motiui, nunquam ex parte intellectus; & omnes rationes, quas contra hanc sententiam adducit Candidus, innituntur huic principio, quod motiuum minus forte, cum fortiori concurrens nequit mouere intellectum, nequit agere.

Probatur quinto quia, vel voluntas aliquo modo subdit sibi intellectum quoad specificationem actuum: vel nullo modo, sed tota specificatio actuum dependet solum à motiuis. Si primum; ergo intellectus quoad specificationem actuum erit liber. Si secundum, quod necessario teneris fateri; ergo neq; intellectus poterit assentiri parti probabiliori, quod absurdissimum est & contra te. Cōsequēs illatum probo. Motiuum partis

P

minus

minus probabilis efficiet, ne intellectus possit assentiri; nam motium minus forte esto per se non possit concurrere cum probabiliore producere dissensum, potest tamen concurrere cum probabiliore efficere, ut intellectus positiuè dubitet, quod dubium positium, & formale repugnat cum assensu, & fortè magis quàm dissensus; connotat enim essentialiter negationem assensus, quàm saltem in ordine ad diuinam potentiam est probabilis sententia Philosophorum, quod non importet dissensus. Potest, inquam, producere dubiū positium, quod non est mera suspensio assensus, seu negatio illius; constat enim, quod sæpe ego non habeo actum fidei, & urgente motiuo in contrarium non elicio actum fidei, sed suspendo; & tamen profectò positiuè dubius in fide non sum, aliàs infidelis essem, quod absit; iuxta illud, *dubius in fide infidelis est*. Igitur dubitare positiuè importat aliquem actum positium; qui contrarius est assensui; Igitur cum intellectus non sit liber vlllo pacto quoad specificationem, non erit liber ad eliciendum alterutrum ex his actibus contrarijs, assensum scilicet, vel dubium positium, sed solum ad ponendum dubium positium, vel non ponendum. Igitur nullo pacto poterit parti quantumuis probabiliore assentiri, quod absurdum est.

Insto. Dubium positium potest elicere. Hoc nullus negabit; si ergo etiam potest elicere assensum, ergo iam intellectus est liber ad contraria, & non est necessitatus necessitate specificationis. Faciet ne ergo contraria? absit; quis ergo eius indifferentiam determinabit, ut vnum actum præ alio eliciat? voluntas profectò, quæ sola imperat, quæ formaliter sola libera est; ergo etiam quoad contraria indiget intellectus imperio voluntatis; ergo voluntate imperante, dūmodo sint rationes hinc,  
&



& inde valide poterit p̄libito, cui voluerit parti assētiri. Vrgēo. Nullo pacto poterit intellectus producere assensū. Probo. Intellectus si vult operari, necessario per se debet elicere illum actum, ad quem habet fortiora motiua; sed habet fortiora motiua ad eliciendum actū dubij positium, quā ad assensum; ad hunc enim mouetur intellectus ex motiuo partis probabilioris, ad illum autem ex vtroque; ergo &c.

Quod autem dubium positium, & formale non sit mera negatio assensus, sed sit aliquis actus positius, ex quo sequatur negatio assensus, patet, quia intellectus positus inter motiua contraria, siue æquē, siue vnū fortius alio potest posituē formaliter non dubitare, & tamen posituē neutri parti assentiri; vnde habebit negationem assensus, & tamen formaliter posituē non dubitabit. Patet in casu fidelis, cui proponatur veritas mysterij Trinitatis, cum motiuis in oppositum: iste non per hoc præcisē quod non assentiatur, posituē dubitat, aliās infidelis esset, & esset obligatio eliciendi actū fidei, quotiescunq; adsunt motiua in contrariū; quod nemo dixerit, & tamen iste habet negationem assensus. Ergo posituē dubitare est aliquid plus, quā neutri parti assentiri; ergo est actus aliquis positius.

Dices. Dubitare posituē formaliter dicit negationē assensus prouenientem à motiuis, seu vi motiuorum resultantem in intellectu; illa autem alia negatio, quæ non est dubium positium formaliter, est negatio proueniens à pura voluntate.

Contra tamen euidenter quia, esse negationē prouenientem à motiuis dicit aliquid amplius, quā esse negationē assensus, & esse motiua in intellectu; potest enim, vt dicebam, esse hæc negatio assensus cum motiuis in intellectu, & tamen non prouenire ab illis, sed,

ut dicis à voluntate; ergo significatur aliquis influxus aliqua causalitas ex motiuis in hanc negationem; non quidem immediatè in negationem, causalitas enim, & influxus motiuorū est quid positivū, quod non potest terminare ad non esse; ergo mediatè inquantū producit aliquē actū, ex quo essentialiter resultat negatio assensus. Qui nam erit iste actus? iudiciū intellectus, quo iudicet utramq; partem esse dubiam, veritatē esse in dubio.

Concludo. Quidquid sit de eo, quod est dubitare, positivè quid sit; certè concurrentibus motiuis probabiliori, & minus probabili, potest intellectus elicere hunc actum, quod veritas est in dubio; quin solum potest hunc actum elicere, quia ad hunc actum concurrunt motiva utriusq; partis ideoq; fortiora. Ergo non poterit elicere actum contrarium, qui est assensus; ergo non poterit assentiri parti probabiliori. Vel si potest etiam assentiri, ergo ad contraria potest; ergo cum se non possit determinare, & utrumq; efficere non possit, indigebit determinatione voluntatis, & per cōsequens erit liber quò ad specificationem, & contrarietatem actuum. Quidn igitur quò ad assensum, & dissensum?

Probatur sexto. Si intellectus esset formaliter liber, sicuti est tantum denominativè à voluntate, utiq; esset liber libertate contrarietatis, & posset se pro libito ad alterutrum cōtrariorum determinare; ergo etiam nunc est liber ad contraria denominativè, & potest accedente imperio voluntatis alterutrum contrariorum eligere. Patet consequentia, quia brane illud potest nunc intellectus accedente imperio voluntatis, quod posset se solo, si esset à se formaliter liber, valeretque seipsū determinare; subordinatio enim voluntati nō tollit potentiam agendi, sed præcisè determinationem à se. Antecedens probatur quia, in eo casu intellectus

in ordine ad suos actus se haberet, sicut voluntas in ordine ad suos; ergo sicuti voluntas potest prohibere ex bonis æqualibus quodlibet eligere, quin & eligere minus bonum, relicto maiori bono; quod utinam non fieret quotidie, non enim peccaremus, nec præhaberemus bonū temporale æterno, creaturā Deo; sic etiam intellectus posset prohibere quoduis verū eligere, ex duobus æqualē veritatē præferentibus cui liberet, assentiretur, & etiam minus vero probabiliori relicto. Et confirmatur paritas quia, non minus obiectum voluntatis est bonum, ac intellectus verū; & sicut intellectus non potest aliquod obiectum iudicare assentiendo, vel dissentiendo, nisi motus aliqua ratione veri, vel falsi; sic neque voluntas potest aliquod obiectū fugere, vel amare, nisi mora ratione mali, vel boni; ergo similiter, sicut voluntas potest obiectū quoduis eligere, dummodo ex parte ipsius elucescat ratio boni, licet concurrat cum æque bono, vel meliori; etiam intellectus poterit quoduis verum eligere, etiam si concurrat cum æque vero, vel probabiliori; equè enim trahitur voluntas à bono, ac intellectus à vero; sicut ergo voluntas solum necessitatur, quoad specificationem ab obiecto summè bono, sine vlla mixtura mali; sic intellectus solum necessitabitur quoad specificationem ab obiecto summè, hoc est evidenter vero. *sup. ἀποδοξ. μυστ. 7.*

Prob. 7. Specialiter quoad assensum fidei diuinæ sic. Infideles, & Hæretici, qui permanent in suis erroribus, & non eliciunt actum positivum fidei assentientes mysterijs, reuelatis, quotiescumq; dicta mysteria eis sufficienter proponuntur, peccant; ergo sunt liberi ad positivè credendum; non enim peccatum omissionis aliquius actus stat sine libertate, & potentia ad actum; alias Deus obligaret ad impossibile. Ergo libera est ani-

ma libertate etiam contrarietatis quoad assensus fidei diuinæ; dissentit enim de facto mysterijs diuinis, & tamen simul est potens assentiri, & credere, alias non assentiendo non peccaret.

Dices. Peccāt infideles, quia non suspendunt assensū à suis erroribus, vt possunt. Contra euidenter, quia præceptum fidei est præceptum positium, vnde non cadit supra omissionem errorum per se primario, sed supra positium assensum fidei diuinæ. Peccant autem infideles dissentientes mysterijs fidei, seu permanentes in suis erroribus, quotiescumq; mysteria fidei sufficienter proponuntur; quia non implent præceptum fidei; ergo quia positiuè non assentiuntur; ergo dissentientes possunt assentiri. Vrgeo, qui non assentitur erroribus, non per hoc est fidelis, non per hoc non peccat, alias Atheus negatiuè, hoc est qui nulli rei credit excusaretur à peccato, quod absit. Requiritur ergo ad euitandum peccatum positiua credulitas, ergo qui assentiendo suis erroribus peccat, ideo contra fidem peccat, quia positiuè non credit; ergo potest credere.

Dices secundo. Peccant infideles, & hæretici, non quia non credunt, sed quia non attendunt motiuis nostræ fidei, & euidentiae credibilitatis, signis, &c. quibus profecto si attenderent, possent credere; vnde mediatè tantum peccant, quia non credunt, quatenus scilicet non ponunt id, quo posito possent credere.

Contra tamen euidenter est, quia quid est attendere motiuis nostræ fidei? est ne illa cognoscere; illa penetrare, illa videre? profecto illa vident hæretici, & infideles; sufficienter enim à catechizantibus illa ipsis proponuntur, vt patet discurrenti per omnia signa, quibus nostra fides redditur euidenter credibilis, & tamen non credunt. Quin & hæretici præcipui toties disputant

rant cum Catholicis, & ab eis vi argumentorum conuincuntur, nesciunt respondere; possuntne melius cognoscere vim motiuorum nostræ fidei? & tamen non credunt, & in hoc peccant; ergo possunt credere, & habent sufficientia motiua ad credendum. Nō autem credunt, quia cum illa non necessitent, nolunt trahi, & ideo peccant. Et sanè de Hebræis, & Hæreticis; sæpè dicimus, quod sunt obstinati, proterui. Præterea Hæbreorum obstinationem non dicimus penam esse peccati? Quid est obstinatio? estne defectus intelligentiæ? nequaquam: obstinatio est actus intellectus, quo ita firmiter adhæret suis erroribus, ut ab illis nolit dimoueri. Et sanè D. August. vbi supra in *Ioannem*, quare quando mysteria fidei duobus æqualiter proponuntur, vnus credat, alter in suo errore perseueret, nullam aliam scit causam, nisi voluntatem vtriusque; ergo liberum est credere illis, qui in suo errore perseuerant.

Urgeo. Christus in Euangelio, quoties conqueritur; quod Hebrei tot signis visis non credant, & remaneant in suo errore, ac proinde illis damnationē æternam minatur; igitur poterant credere Io. 10. dicit.

*Opera ipsa testimonium perhibent de me; quare non creditis? si mihi non vultis credere, operibus credite.* nota ly *si non vultis credere*; quia si non credant ipsi, non in insufficientem propositionem, sed in eorum voluntatem refundit. Poterant igitur Hæbrei credere, operibus Christi visis, & tamen noluerunt Credere; vnde Christus exprobat eorum incredulitatem. Nō video, quæ responsio, vel apparens possit huic argumento asserri.

Probatur octauo, quia sequeretur, quod fidelis nunquam posset in hæresim labi, vel si laberetur, non posset remanere in fide, etiam in sensu diuiso. Vtrumque profecto absurdissimum; ergo liber est intellectus libertate

bertate contrarietatis ad credendum, & dissentiendum &c. sequelam probo; vel fidelis quando est in plena libertate, & aduertentia semper potest assentiri fidei, vel non; si primum, ergo nunquam posset labi in heresim, quando enim potest credere, non potest discredere, alias dabitur libertas cōtrarietatis, quam propugno; si vero secundum: ergo aliquando non potest remanere in fide; igitur non peccabit, si fiat hæreticus, si derelinquat fidem, non enim peccat, qui derelinquit id, quod non potest retinere. Profecto quæ absurda sunt ista?

Confirmatur. Vrgente graui tentatione in materia fidei, qua fidelis miserè torquetur, si ei resistat eliciendo actum fidei, dicemusne illum non potuisse succumbere tentationi? succubuisset autem non suspendendo assensum, sed dissentiendo. Magna profecto esset victoria, quam vel inuitum necesse fuit obtinere? quod si cedat, dicemusne non potuisse in fide remanere credendo? profectò vtrumq; absurdissimum est.

Recolligo hæc duo argumenta hoc exemplo. Enutriatur aliquis hæreticus, vel infidelis adultus Romæ apud Cathecumenos per mensem, quotidie edoceatur mysteria fidei. Semper dissentiat, nolit credere, non credat in Baptismum, &c. moriatur in fine mensis; peccauitne peccato infidelitatis iste? vtrique; igitur potuit non peccare, ergo positiuè credere; nisi enim positiuè credendo semper peccasset, & nunquam fidelis euasisset; ergo potest quis dissentiens mysterijs fidei, illis positiuè assentiri; igitur libera est anima libertate contrarietatis quoad assensus fidei diuinæ.

Et his argumentis etiam conuincitur intellectum esse liberum quoad specificationem opinando, & credendo fide humana, vtsupra insinuaui, & supponunt  
D.D.

DD. esse similem rationem. Vnum excipe Coninch-  
leso *supra cit. num. 41. 42.* qui tamen in hoc deceptus  
summè est, & equiuocationem maximam committens,  
pro eodem supponens iudicare propositionem esse  
probabilem, & eidem assentiri, quam acutissimè detegit  
Cardinalis de Lugo *de virtute fidei* vbi supra; videatur  
ipse. Sicut alia argumenta pro nostra conclusione  
apud DD. citatos videri possunt.

## SECTIO QUINTA

*Soluantur argumenta Candidi Philaleibi.*

**D**Vplici rationum genere probat Candidus non  
esse liberum opinari quoad specificationem; al-  
tero ab extrinseco, hoc est ab auctoritate; altero ab in-  
trinseco, hoc est ratione desumpto. Prius soluamus  
argumenta ab auctoritate, deinde à ratione.

Prima auctoritas quæ assertur est Aristotelis 2. *de  
anima* 1. 153. vbi ait, *quod autem non est eadem phantasia,  
& existimatio manifestum est. Hæc enim passio in  
nobis est, cum volumus; licet namque cumlibet fingere  
quidquid volumus: opinari autem in nobis non est; necesse  
enim est verum, aut falsum dicere*; Si igitur ex Philoso-  
pho opinari non est liberum, saltem quoad specifica-  
tionem non erit liberum. Accedit Commentator ibi-  
dem, qui dicit *imaginari esse voluntarium, existimare  
non, quia contingit necessario verum, vel falsum existi-  
mare*. Accedit Simplicius, Themistius, Philoponus,  
qui idem dicunt. Igitur Philosophorum antiquorum  
auctoritate clarum est, non esse liberum opinari, sal-  
tem quoad specificationem.

Miror, quod Candidus in hac auctoritate adeo quie-  
scat, vt in ea fundet doctrinā, & conclusiones omnes,

Q

quas

quas tradit in illa sua *disputatione*; cum hæc auctoritas, & sua ratio ab omnibus asseratur, & ab omnibus solvatur, & Candidus solutionem adeo negligit, ut illam nec impugnet, nec referat.

Resp. Igitur, quod Aristoteles solum vult nos non posse pro libito opinari, sine vlla ratione, sine vilo motu veritatis, sed necessario ad hoc, ut aliquid possimus opinari, necesse esse, ut aliquid motuum habeamus, & obiectum proponatur nobis sub aliqua specie veri, ad differentiam imaginationis, seu phantasie, qua pro libito possumus, quidquid volumus fingere. E. G. possumus imaginari Gigantem vertice Cælos attingentem, etiam si nullum habeam motuum prædictæ imaginationis. Non autem negat Philosophus, me non posse pro libito opinari, quotiescumque ex utraque parte habeo motiva valida, & rationes. Immo tunc requiri imperium voluntatis ad assentiendum vni potius, quam alteri parti docuit Philosophus 9. *met.* 1. 10. *cit. sect. præced.* Vnde ante motiva, vel sine motivis pro utraque parte non est liberum opinari, secus positis motivis. Sicut voluntas ante, vel sine motivis boni non est libera ad amandum; secus positis motivis pro utraque parte pro libito potest quamvis eligere. Et ratio est à priori, quia intra suum obiectum potest quidem potentia pro libito vagari, secus extra. Motivum autem, seu ratio veri est obiectum formale motivum intellectus, sicut voluntatis bonum.

Disparitatem autem inter imaginationem, & opinionem, quam etiam appellat existimationem, pulchre assignat Philosophus; quia opinando, seu existimando necessario debemus aut verum, aut falsum dicere, secus imaginando. Quæ ratio meo iudicio non bene fuit à Candido intellecta, dum illam ita explicat. Necessè est,



est, quod intellectus opinando eliciat propositionem, veram, vel falsam; ergo dependet à motiuis. Hæc enim ratio sic explicata non probat intentum, nec est valida; consequentia enim nulla est, nec ex antecedenti consequitur; quod ostendo euidenter. Hæc illatio est ab effectu ad causam, dependentia enim à motiuis debet esse causa, quod intellectus opinando eliciat propositionem, quæ vera sit, vel falsa; sed non est causa; ergo est fallacia ad non causam quasi causam. Minore probō; etiamsi intellectus per impossibile non dependeret à motiuis, sed posset assensum, vel dissensum elicere sine vllō motiuo, adhuc eliceret propositionem, quæ vera esset, vel falsa; si quis enim posset asserere, quod altra sunt paria, ad quam propositionem nullum habet motiuum, adhuc tamen diceret necessario verū, vel falsum; hæc enim propositio necessario est vera, vel falsa; quia à parte rei vel altra sunt paria, vel imparia. Causa igitur, quod propositio elicitā sit necessario vera, vel falsa, ex regula contradictoriorum prouenit; quia necessario, vel est conformis obiecto enunciato, vel non. Igitur, quod necesse sit intellectum in opinando verum, vel falsum dicere, impertinenter se habet ad dependentiam à motiuis.

Aliter ergo debet explicari prædicta propositio, vt habeat bonum sensum, & probet intentum Philosophi. Necesse est verum, vel falsum dicere; hoc est necesse est, vt intellectus opinando dicat de obiecto proposito, an verum sit, vel falsum, hoc est, an sit quale proponitur, vel non sit; vno verbo debet assentiri, aut dissentiri; igitur pendet à motiuis, quia non gratis potest dicere, aliquid ita se habere, vel non; esse, vel non esse. Imaginatio autem non pendet à motiuis, quia nō dicit esse id, quod fingit, nec assentitur, nec dissentitur

obiecto imaginato, vnde habet Philosophus hic, & cap. sequenti, quod *opinionem sequitur fides, & putamus vera esse, quæ dicimus. Secus imaginando.*

Quin, & Aristoteles hic non loquitur de opinione; quæ opinio est, sed quæ assensus simpliciter est, vt patet tum *ex t. 154. in fine*, vbi dicit existimationem, quam *t. 153.* appellauerat opinionem esse genus, & habere sub se plures species, scientiam, prudentiam, opinionem, tum *ex t. 157.* vbi opinionem propriè ibi ex professo distinguit ab imaginatione. Accedit Simplicius ibidem, qui in terminis ait; *Existimatio latius patet, quàm opinio, opinio autem hic pro omni existimatione accepta fuit.* Toletus ibidem.

Requiruntur ergo motiua ad opinandum, siue ad dicendum, quod aliquid sit, vel non sit; ita se habeat, vel non ita se habeat. Suppositis autem motiuis pro vtraq; parte poterit anima, quod voluerit opinari. Legantur omnes Interpretes, & Commentatores, qui loquuntur de defectu rationum simpliciter, ad differentiã imaginationis, ad quam nulla ratio requiritur, & patet ex exemplis, quæ afferunt, dùm aiunt nos non posse opinari, quod duo, & duo faciant quinq; vtiq; quia nulla ratio suppetit.

Sed esto, intelligatur propositio illa Philosophi necesse est verum, vel falsum dicere, & vult Candidus, quid contra nos? requiruntur motiua simpliciter, concedo; suppositis motiuis validis non potest intellectus, cui voluerit assentiri, siue illa in se sit vera, siue sit falsa, dummodo habeat motiuum validũ, quo appareat sufficienter vera, etiam si aliunde appareat æquè, vel firmitus falsa, nego. An non sic saluatur differentia opinionis à phantasia, quæ sine vlllo motiuo, quod sibi placet, fingit?

Eadem responsione satis fit omnibus Philosophis adductis.

adductis. Benè enim dicit Commentator, quod opinando contingit necessariò verum, vel falsum existimare, hoc est iudicare, quod obiectum sit verum, vel falsum, ita se habeat, vel non. Ad hoc autem requiruntur motiua, vnde nullis motiuis suppositis non possumus existimare verum, vel falsum; at illis suppositis, & quidem pro vtraque parte tunc liberum est, & voluntarium, quam volumus partem existimare.

Idem etiam intendit Simplicius, dum ait; *assensus fit non solum secundum occurrentium intellectionem, hoc est per meram apprehensionem, sed per veri, & falsi distinctionem.* Hoc est distinguendo verum à falso. Quomodo autem intellectus distinguit verum à falso? Vero assentiendo, falso dissentiendo; quia autem verum, & falsum est in rebus, & non in nobis, ideo ad hoc, vt intellectus iudicet aliquid esse verum, vel falsum, requiruntur motiua se tenentia ex parte rerum; quibus tamen suppositis, & quidem pro vtraq; parte non negat Simplicius posse intellectum pro libito, quam voluerit partem opinari;

Idem vult Themistius; idem Philoponus, quia enim opinando dicimus aliquid, vt verum, seu esse verum, vel vt falsum; ideo dependemus à motiuis simpliciter: sed non à solis, sed etiam à voluntate; quando motiua plura sunt, & valida, & vtramq; partem afficientia; vnde benè subiungit, quod si volumus imaginari rem prout est, dependemus à motiuis; quòd si rei prout est, seu de veritate rei habeamus diuersa motiua, vtraq; valida, imaginamur utiq; semper verum intendentes; dum pro libito quoduis motiuum sequimur; quia validũ, vtrumq; est, & vtrumq; simpliciter praefert veritatem.

Et pro confirmatione nostrae responsionis placet hic asserre quaedam verba Suesiani super hunc textum, qui

qui vbi retulit Io: Picum visum sensisse non esse liberū opinari, & credere alterutram partem contrariorum, ait. *Ad res, quæ nostro intellectui occurrunt, intellectus dupliciter se habet; uno modo limitatè, & simpliciter determinatus, quemadmodum ad veritatem primi principij. Alio modo in potentia neutra, vel cum persuasione ad unam magis partem, quàm ad alteram; Tunc dicerem, quod in nostra potestate non est credere propositiones, ad quas intellectus occurrit primo modo, & hoc Themistiū, Aristoteles, Auerroes, & Simplicius testantur. Et si sic intelligat vir iste, procul dubio optimè inquit. Si verò intelligat, quod voluntas respectu etiam duorum, non potest limitare intellectum ad sic, vel sic credendum, procul dubio cum eo non sum.* Picus autem re vera solum voluit, quod sine vlla ratione ex sola voluntate præcisè non posset quis credere, nec opinari, vt patet ex eius disputatione de libertate credendi, quod verissimum est. Suppositis autem varijs rationibus pro vtraque parte non negavit libertatem voluntatis, ut negat Candidus.

Secunda auctoritas, quæ assertur est D. Th. & Caiet. super hunc textum, & D. Th. p. 2. q. 13 a. 6. ad tertium; ubi dicit voluntatem ab æque mouentibus non moueri, nisi secundum, id in quo alterum eminet; ergo intellectus non mouebitur nisi à parte magis probabili; quæ sola eminet. Et 2.2. q. p. 4. 4. ad secundum dicit credibilia esse visa credenti; sed visa necessitant quoad specificationem; ergo &c.

Satis patet ex auctoritatibus sup. sect. præcedenti adductis D. Th. esse pro nostra sententia. De Caiet. miror quod afferatur, qui tantum abest, quod voluerit intellectum esse necessarium in opinando, quod potius suspectus est, quod tantam libertatem concesserit, vt voluerit

voluerit sine ullo motiui posse intellectum prohibito opinari, licet forte falso, vt supra ostendi. D. Th. igitur, & Caiet. super hunc textum solum requirunt motiua ad opinandum, quibus positis liberum est intellectui cui voluerit parti assentiri.

Quod adducitur ex p. 2. à multis Thomistis Casetano cum primis negatur esse de mente S. D.; sed esto, negatur consequentia, & paritas, quia ibi est sermo de electione mediorum; supposito autem, quod voluntas velit efficaciter aliquem finem, de necessitate vult etiam quoad exercitium medium sub aliqua ratione magis conducentis ad finem. Alia autem obiecta potest prohibito eligere. Quia igitur intellectus nō habet hanc subordinationem mediorum ad finem, sed respicit omnia, sub ratione veri, vt obiecta simpliciter, nullum alteri subordinando, ideo ex eo, quod intelligat vnum, non est necessitatus intelligere aliud, seu alteri assentiri, sed quoad omnia sua obiecta, dummodo non sint euidentia, seu euidenter cōnexa est liber libertate cōtrarietatis. Quod vero additur ex 2. 2. iam satis explicatū est *sect. preced.*

Citatur etiam Maior in 4. q. 2. *prol.* sed immerito; cū clarē ibidē cōtra 4. cōclusionem fateatur ex passione animi, seu voluntate posse intellectum vni parti prae alia assentiri. Legatur omnino Maior, & ipse Candidus q. 6. in *fine*.

Citatur Richard. de media Villa in 2. *senten. d. 38. a. 2. q. 4.* sed aduertendum, quod ibi loquitur Richard. contra illos, qui asseriebant voluntatem non posse mouere prae, vel contra iudicium intellectus, & contra illos hoc absurdum vrget; ergo intellectus necessitatur ad suos actus, & probat consequentiam verbis à Candido adductis. Vnde non est citandus pro hac sententia, cum potius hoc reputet absurdum; concludit enim;

*si ergo iudicas intellectus, non de necessitate aliquorum prædictorum modorum, huius ratio est, quia voluntas potest mouere intellectum, &c. legatur textus.*

Videamus modo quanti sint roboris argumenta intrinseca.

Primum argumentum, quod in tota hac secunda quæstione sæpissime mutatis aliquantisper terminis repetit, est huiusmodi. Intellectus opinando necesse est, vt verum, vel falsum dicat, sed in dicendo verum, vel falsum, siuè assentiendo, siuè dissentiendo, pendet tantum ab obiecto, & nullatenus à motione voluntatis; non enim assensus, vel dissensus est verus, vel falsus, quia voluntas imperet, sed quia conformatur, vel non conformatur obiecto suo; obiectum autem de se mouet independenter à voluntate, est enim causa naturalis necessario determinata ad agendum; ergo intellectus opinando, siuè assentiendo, siuè dissentiendo, saltem quoad specificationem est necessarius; quod enim dependet à mouente necessario solum, necessario agit; sed quod assensus, vel dissensus sit verus, vel falsus pendet tantum ab obiecto, quod est mouens necessarium; ergo intellectus, qui opinando semper debet dicere vel verum, vel falsum quoad specificationem necessario agit.

Hoc argumentum intolerabili æquiuatione laborat; aliud est enim, quod assensus, vel dissensus, ad hoc vt sit verus, vel falsus nullatenus pendeat à voluntate, sed ab obiecto, cui conformatur, vel non; & hoc verissimum est; aliud vero, quod intellectus in eliciendo hunc assensum, cuius veritas ab obiecto tantum dependet, nullo pacto dependeat à motione voluntatis, quod falsissimum est; non potest quidem voluntas facere, quod iste assensus, vel dissensus sit verus, vel falsus; potest tamen voluntas facere, quod iste assensus, vel ille dissensus eliciatur

ciatur, quando uterq; actus habet pro se motiium validum. Veritas ergo huius actus eliciri non pendebit à voluntate, ex eo enim tantum, quod res sit, vel non sit, propositio est vera, vel falsa; at quod eliciatur hic præ alio, quod potius assensus, quàm dissensus, hoc profecto pendebit à motione voluntatis, vnde liberum erit quoad specificationem opinari.

Illa igitur propositio, intellectus opinando verum, vel falsum dicit, in primis debet intelligi ut supra; quod scilicet necesse sit, ut intellectus opinando iudicet rem esse veram, vel falsam, rem ita se habere, vel non ita se habere. Ut hoc autem iudicet, quando motiium est evidens, seu constat evidenter de veritate rei, vel falsitate, quoad specificationem non est opus voluntate; at verò, quando motiium est inevidens, & pro utraque parte sunt rationes tam pro veritate, quàm pro falsitate, tunc requiritur motio voluntatis, ut intellectus potius ex motiuis falsitatis dissentiat, quàm ex oppositis assentiat, vel è contra. Sed intelligatur, ut vult Cædidus, necesse est, ut intellectus eliciat propositionem veram, vel falsam, quæ vera est etiam propositio, quia inter utramq; non datur medium. Dico, quod intellectus de se semper habet elicere propositionem veram, verum enim solum est obiectum intellectus; quod si falsum dicitur, est per accidens, decipitur enim sub specie veri. Quia autem proponuntur intellectui duæ propositiones obiectivæ contradictoriæ, quæ licet ambæ veræ esse non possint, proponuntur tamen ambæ sub specie veri, obscurè tamen adeo, ut utraq; habeat admixtam speciem falsi; quid faciet intellectus? necessario quantum est ex se, debet dicere verum, hoc est elicere propositionem, quam putet veram, & ad quam moveatur à specie veritatis; quia autem utraq; propo-

R

sitio

sitio obiectiua habet speciē veritatis; ideo utramq; disiunctiue potest intellectus amplecti; quia autem à se non potest determinari, nec ab obiecto sufficienter determinatur, quia utraq; apparet vera, accedit voluntas, quæ pro libito imperat, ut hanc potius, quàm illam partem sequatur: paret intellectus, & putat se dicere verū. Quod ergo actus elicitus in se sit verus, hoc omnino pendet ab obiecto, nec voluntas imperat, quod ille actus sit verus. Itē quod intellectus putet se dicere verū, hoc etiam pendet à propositione obiecti sub specie veritatis. Quod autem putet se dicere verum hoc modo, cum potuisset putare se dicere verum, etiam opposito modo, pro quo apparet motuum veritatis, hoc pendet à voluntate imperante, à qua à primo ad vltimum pendet, quod assentiatur, vel dissentiat supposita specie veritatis pro utraq; parte.

Hinc intellectus in dicendo verum, vel falsum non est liber; semper enim quantum est ex se, debet dicere verum, est tamen liber ad hoc, ut ex duobus iudicijs, quorū utrumq; potest putare verū, unū præ alio putet, unum præ alio dicat, unum præ alio eliciat. Sic iudicium quidem ut in se sit verum, vel falsum pendet à causa necessaria nempe à conformitate cum obiecto; at verò, quod intellectus ex duobus veris apparentibus dicat vnum potius, quàm aliud, hoc à causa libera scilicet à voluntate pendet. Quod igitur hoc iudicium hic, & nūc elicitum sit verum, ab obiecto solum pendet; quod intellectus dixerit, seu eliciuerit, à voluntate; sicut quando voluntas sub specie boni liberè amat malum, quod amor ille re vera sit, vel non sit boni, hoc ab obiecto præcisè pendet, quod verò eliciatur à voluntate.

Vnde in forma, ad hoc ut intellectus sit verus, vel falsus, seu dicat verum, vel falsum, pendet tantum ab obiecto.



obiecto. Distinguo, & explico hanc propositionem; ad hoc ut actus intellectus, qui hic, & nunc elicitur, sit verus, vel falsus in re, pendet tantum ab obiecto, concedo; ad hoc ut actus iste eliceretur, nego; pendet .n. etiam à voluntate. Debuisset ergo Candidus probare, quod intellectus in eliciendo actum, cuius veritas, vel falsitas pendet tantum ab obiecto, non sit liber. Liberum ergo est intellectui elicere actum; quod autem, hic actus sit verus, vel non, ab obiecto pendet; sicut liberum est Deo creare hominem, vel Angelum; quod autem homo creatus habeat hæc prædicata, non pendet à voluntate Dei.

Concludo. Ad hoc, ut intellectus assentiatur, vel dissentiat, dicat propositionem obiectiuam esse veram, vel falsam, quando sunt motiua pro utraq; parte, omni gaudet libertate; ad dicendum enim verum, vel falsum, siue ad eliciendum actum verum, vel falsum in re, quantum spectat ad elicitionem vnius præ alio liber est; quia utroq; modo putare potest dicere verum; quod autem actus, qui nunc elicitur sit in re verus ab obiecto tantum in esse rei dependet. Addo uerbum, veritas (idem dic de falsitate) est cōcretum ex tali essentia cognitionis & obiecto. Actus verus quoad existentiam suam est omnino liber, poterat enim non poni, & poterat oppositus poni; & hoc est, quod dicimus, dum dicimus liberum esse opinari; nec enim intendimus veritatem adæquate esse in nobis, vel in nostra potestate; unde intellectus siue dicendo uerum, siue falsum liberè agit, quia libere producit illam partem ueri, & illam partem falsi, quæ ad ipsum spectat, nempe talem actum in specie sic, uel sic repræsentantem obiectum.

Secundo. Retorqueo euidenter argumētum ad probandum,

bandum, quod neque voluntas sit libera in operando: Voluntas in operando necessario respicit bonum reale, uel apparens, si amet; malum reale, uel apparens, si odio habeat. Sed in respiciendo bonum reale, uel apparens, malum reale, uel apparens non est libera; ergo amando, uel odio habendo non est libera. Maior est certa; minor probatur, quod actus à uoluntate elicitus sit circa bonum reale, uel apparens, circa malum reale, uel apparens, pendet solum ab obiecto in se realiter, uel apparenter bono, realiter, uel apparenter malo; nec enim uoluntas potest facere, quod obiectum in se sit realiter bonum, uel malum; ergo actus à uoluntate elicitus pendet tantum à causa necessaria, ergo necessarius est. Ecce argumentum Candidi Philalethi. Intellectus opinando necessario respicit obiectum siue ut est uerè in se, siue ut apparet (hoc est enim dicere uerum, uel falsum;) sed respicere hoc pacto non est liberum, quia dependet ab obiecto, quod in se sit uerè realiter tale, aut tantum apparenter; ergo opinando non est liber intellectus.

Ecce quantum probat argumentum; sicut ergo responderet Candidus, quod re uera, quod actus elicitus à uoluntate feratur in bonum reale, uel apparens, hoc non est liberum, sed ab essentia obiecti dependet; attamen quia iste actus potuit elici, uel alius oppositus; ideo est liber quoad specificationem; ita & nos quoad actus intellectus respondemus.

Cōfirmat Cādidus, si volumus imaginari verū, puta Socratē, ut est, non habemus libertatē ad imaginandū; ergo quia sēper volumus opinari verū, non habemus libertatē ad opinandū. Addit, iudiciū verū vno tantū modo se habere potest, nam res enunciata vno tantū modo se habet; sed hoc est necessarium, quia pendet  
solum

solum ab obiecto, cui debet conformari; ergo quia intellectus opinando semper intendit dicere verum, opinando non erit liber.

Et hic etiam sumus in equiuocatione, & fallacia; fit enim transitus à necessitate iudicij, quò ad veritatē, ad necessitatem iudicij quò ad ipsius productionem præ alio, & vna pro alia vsurpatur. Iudicium ergo, ad hoc vt sit verum, non pendet à voluntate, sed ad hoc vt præ alio eliciatur; sicut amor ad hoc; ut sit boni realis, vel apparentis nō est liber; est tamen liber, vt producit. Intellectus autē semper intendit dicere verū; & ideo, quando intellectui tantum sub vna ratione proponitur obiectum, intellectus non est liber; at quando vtraque pars apparet vera, tunc intellectus alterutram eligendo semper intendit dicere verum, quia vtraque proponitur sub specie veri. Sic si figuræ Socratis haberemus varias effigies, & vtraque haberet rationes validas, quibus probaretur fuisse vera Socratis, essemus liberi ad imaginandum verum, quia vtroque modò putaremus nos imaginari verum. Prolixius fortasse hoc argumentum dissolui, quia est Achilles Candidi Philalethi.

Secundum argumentum est. Non est assignabilis vlla ratio, cur modo assentiam potius, quàm dissentiam, vel dubitem, nisi quia motiua sic vrgent, sic mouent; ergo nostrum assentiri, vel dissentiri solum pendet à motiuis; sed hæc sunt causa necessaria, ergo assentiri, vel dissentiri non est liberum, quia pendet solum à causa necessaria. Vrget, qui iudicat, & non fingit, iudicat iuxta exigentiā, & motiua rei, quæ quia necessaria causa sunt, ideo pendet à causa necessaria; ergo non est liber.

Hoc argumentum nullius roboris est, quia quando motiua sunt in euidencia, & pro vtraque parte; tunc ratio, cur intellectus potius assentiatur, quàm dissentiat, est

est sola voluntas; neque vero fingit, quia quemcumque actum eliciat, semper sequitur motiua, vel hæc, uel illa, quæ habet pro vtraq; parte; undè semper sequitur speciem ueri; fingere autem est ad libitum sine ullis motiuis componere, non uero est sequi potius hæc, quàm illa motiua, quando utraque ualida sunt.

Tertium est. Quicumq; opinatur, uerum dicit, quantum potest; ergo se conformat obiecto, quantum potest; ergo sequitur omnino motionem obiecti: sed obiectum est causa necessaria, & necessario mouet; ergo sequitur causam necessariam, ac proinde qui opinatur necessario agit; aliàs si non se conformat obiecto mouenti, quantum potest, fingit, quia sic non iudicat iuxta motiua obiecti.

Hoc argumentum etià laborat æquiuatione; quid enim est, intellectus dicit uerum, quantum potest, se conformat obiecto quantum potest. Significatne, quod intellectus opinando sequatur illam partem obiecti, quæ fortior apparet, quæ fortius mouet? de necessitate hoc est falsum, & hoc pacto non dicit uerum, quantum potest; potest enim intellectus pro libito sequi partem, quæ minus est fortis, dummodo simpliciter sit fortis, & habeat rationē validam, in quo casu etiam putat se dicere verū. Aut significatne, quod intellectus opinando sequatur uerum, si non in re, & absolute, saltem in apprehensione, & motiuis, quantum est de se, hoc est semper necessario feratur in uerum, si nō potest reale, saltem putatum? hoc uerum est, sed non contra nos; fatemur enim ultro intellectum semper sequi uerum, si non potest in re, quia à falsis apparentijs decipitur: saltem putatum, & apparens ex validis motiuis, quod semper facit intellectus, etiam quando assentitur parti minus probabili, in illam enim fertur, quam ualida de causa putat ueram. De necessitate igitur semper.

per se conformat obiecto, quia semper iuxta motiua obiecti iudicat, nihil enim iudicat, ad quod non habeat motiuum ex parte obiecti; vnde nunquam fingit, quia motiua valida veritatis sequitur. Quod autem iudicet potius iuxta hæc, quàm illa motiua, in hoc vtrique ab obiecto non pendet, sed à voluntate, nec se conformat obiecto, quantum potest in hoc sensu, quod in eam partem necessario feratur, quæ magis mouet, quia etiam alteram partem opinando putat se dicere verum, cum etiã pro ea parte sit motiuum validum veritatis, & vtraque pars simpliciter appareat vera.

Quantum est. Vnusquisque opinatur prout res videtur vera, vel falsa; sed rem videri veram, vel falsam pendet à motiuis, quæ exprimunt independentem à voluntate; ergo opinari non pendet à voluntate.

In hoc etiam argumento est æquiuocatio in ly, videtur, ly enim, videri veram, potest habere duplicem sensum. Videri veram, hoc est apparere veram; videri veram, hoc est putari veram. Quando enim dicimus, hoc mihi uidetur verum, ut plurimum facit hunc sensum, ego puto rem sic se habere, in quo sensu coincidit cum assentiri rei, non quidem firmiter, sed cum formidine, quod est opinari. Ad argumentum igitur dico, quemlibet necessario opinari, prout rem putat veram, vel falsam, implicat enim, quod opinetur, quin putet rem veram, vel falsam esse, cum putare rem veram, vel falsam sit ipsum opinari. Insuper quilibet de necessitate opinatur, prout res ipsi apparet vera simpliciter, non uero secundum magis, & minus; hoc est ad hoc, ut quis opinetur, necessario requiritur, quod obiectum sibi appareat simpliciter verum, hoc est simpliciter habeat aliquod motiuum veritatis; non uero secundum magis, & minus, hoc est secundum quod res apparet magis, vel minus

minus uera, quod est idem ac probabilis, & probabilior; quilibet de necessitate opinatur: hæc enim propositio falsa est, ut probatum est *fusè selt. præced.* hinc ad minorem; Rem uideri ueram, uel falsam, hoc est apparere ueram, uel falsam pendet à motiuis, concedo. Videri ueram, uel falsam, hoc est putari ueram, uel falsam, pendet à motiuis tantum, nego; quando enim sunt motiua valida pro utraq; parte, requiritur etiam imperium uoluntatis, ut una pars potius, quàm altera putetur uera.

Insuper ecce clare retorqueo argumentum; Vnusquisque eligit, prout obiectum proponitur bonum, uel malum, sed proponi bonum, uel malum, pendet à motiuis, non à uoluntate, ergo eligere non pendet à uoluntate. Ecce argumentum. Videas quantū probat.

Quintum est. Intellectus in iudicando se habet, ut *statera*, sed hæc ponderibus inclinatur necessario, ubi maius est pondus, ibi magis inclinatur, ergo & intellectus. Maior probatur, quia sicut *statera* sequitur pondera, sic intellectus res, quibus debet conformari, quæ sunt independentes à uoluntate, ergo &c. Confirmatur intellectus in iudicando præcedit imperium uoluntatis, præcipuè in actibus Prudentiæ, dirigit enim uoluntatem quò ad electionem, ergo necessario agit.

Resp. negando maiorem, & ad probationem nego paritatem, quæ enim similitudo rei liberæ, & animatæ, ad rem non liberam, & inanimatam? eadem proorsus, quæ est lucis ad tenebras, Disparitas enim intrinseca est ex libertate intellectus, quando rationibus non conuincitur; res quidem de se habent tantum, uel maius, uel minus pondus independentem à uoluntate, de se tantum, magis, uel minus habent mouere: & in hoc conueniunt cum ponderibus *stateræ*: *statera* autè illis mouetur necessaria.

necessario, & conuincitur; secus intellectus, ut probatum est fusè. Addo retorquendo argumentum: statera ita ponderibus inclinatur necessario, ut illis positis non possit non inclinari, non modo in contrariam, partem uergere; ergo intellectus, qui est statera positis motiuis non poterit non moueri, & sic tolletur ab intellectu libertas exercitij. Sequitur ergo statera pondera, intellectus res; sed diuersimode, hic liberè, illa necessario.

Melius vsus est exemplo staterę doctissimus Io: Frāc. Picus *de Imagin. c. 2.* qui stateram dicit obiectum, lances staterę vtramque partem, pondera motiua, quibus utraq; pars munita est, quę quidem partem afficiunt secundum quod magis, vel minus fortia sunt. Intellectus ergo opinando ille est, qui alterutram staterę partem sequitur, media electione, seu imperio voluntatis. *Ait enim, opinatur autem anima, cum ex contrarijs ratiocinationibus anxia deligit, quamquam non sine formidine decernendę falsitatis, in vtram oblatę staterę lancę sibi vergendum putet, ut veri notissiam consequatur.* Aduerte, *ly deligit*, quod sonat actum voluntatis; aduerte *ly, in vtram*, quod libertatem specificationis clarè ostendit.

Ad confirmationem dico, intellectum in iudicando non præcedere omnem actum voluntatis imperantis, sed solum actum voluntatis eligentis suum obiectum; seu imperantis potentijs executiuis: ad hoc enim, ut voluntas aliquod bonum eligat, requiritur, quod prius intellectus illud bonum iudicet; Item ad hoc, ut voluntas potentijs executiuis, puta potentię motiuę aliquid impetret, requiritur utiq; quod præcedat imperium voluntatis actus intellectus proponentis bonum esse hic, & nunc potentiam executiuam hoc efficere; tamen

S

ante-

antequam intellectus iudicet hoc esse bonum, si sint motiua pro vtraq; parte valida, requiritur imperium voluntatis, quo determinetur ad alterutram partem; vnde est æquiuocatio ab vna specie actuum voluntatis ad omnes.

Sextum est. Motiua ad opinandum, vel sunt æqualia pro vtraq; parte, vel fortiora pro vna, quàm pro alia: si primum, intellectus non habet sufficientia motiua ad opinandum magis vnam partem, quam aliam; ergo vel non poterit opinari, vel si vni assenserit, erit hoc à voluntate, ac proinde non iuxta exigentiam rei, unde finget; si secundum, necessario mouebitur, quo sunt fortiora motiua, nec poterit inclinari ad alteram; quia non minus necessario mouetur intellectus in maxima inclinatione, quæ provenit à motiuo scientifico, quam in minori, quæ provenit à probabiliore, quia vtrumq; motiuum mouet necessario, & independenter à voluntate; est enim tantum pondus rationis, uel auctoritatis; ergo si in maxima inclinatione nequit intellectus moueri in contrariam partem, nequit etiam in minori. Sicut statera tam necessario inclinatur simpliciter, adeo ut in oppositam partem flectere nequeat pondere magis, seu summè mouente, quàm minus mouente, dummodo cum excessu ad pondus partis oppositæ.

Confirmatur primo, quia secundum quod mouetur à voluntate, fingit quia secundum illud non mouetur à motiuis, ac proinde ab exigentia rei; sicut statera mota à manu, fingit non ponderat res.

Confirmatur secundo, quia pictor in quantum sequitur motionem voluntatis, & non exemplaris fingit, non retrahit; ergo intellectus, qui est pictor, in quantum sequitur voluntatem non obiectum mouens, non opinatur, quod est retrahere, sed fingit.

Confir-



Confirmatur tertio. Res, quæ in contraria mouetur in illam simpliciter partem mouetur, ubi fortius est mouens; ergo intellectus simpliciter mouetur in magis probabilem; quod si oppositam partem opinetur, iam fingit.

In hoc argumento multæ miscentur æquiuocationes. Breuiter dico, semper liberum esse opinari, siue motiua vtriusq; partis sint equalia, siue inæqualia. Ad probationem primæ partis; aliud est, quod positis equalibus motiuis intellectus non habeat sufficiens motiuum ad opinandum vnā partem magis, quā aliam, quantum est ex parte obiecti; aliud verò, quod ex parte obiecti non habeat sufficiens motiuum ad opinandum, tam vnā partem, quā aliam, vtramq; æqualiter disiunctiue. Primum est verum, secundum falsum. Non enim debent hæc duo confundi, & pro eodem usurpari; licet ergo intellectus positis æqualibus rationibus pro vtraq; parte non habeat motiuum sufficiens ad magis opinandam vnā partem, quā alteram, quia motiua supponuntur equalia, & vnum non magis inductiuum, quā aliud; tamen potest simpliciter vtramque disiunctiue opinari, quia ad opinandum vtramq; disiunctiue habet motiua sufficiētia. Quia autē nō habet motiuum magis inductiuum ad vnā, quā ad alteram partem, ideo requiritur voluntas, quæ determinet indifferentiam intellectus, quā non vincunt motiua. Neque vero fingit, quia semper iuxta exigentiam rei iudicat; nam pars illa, quæ eligitur, habet pro se sufficiens motiua ex parte rei, ex quibus exigitur.

Ad probationem secundæ partis dico, esse æquiuocationem maximè notandam in præsentī materia, in ly, intellectum moueri; nam potest habere puram significationem passiuam, & sic significare puram effi-

caciã ex parte motui mouentis, quod alliciat; vel etiã significare actiue aliquẽ motũ intellectus, quo moueatur, assentiat, vel dissentiat. Si primus sensus intendatur; fateor æqualiter necessario intellectũ moueri à motiuo scientifico sũmẽ inclinante, ac à motiuo probabiliori, minus inclinãte; sic .n. fit sensus, quod efficacia vtriusq; motui est necessaria, & virtus in actu primo ipforum à voluntate non depẽdeat; alliciunt enim ex parte sua necessario. Quia autem ad necessitãdum intellectum non sufficit, quod efficacia trahentis sit necessaria, sed requiritur, quod sit tanta vis, vt valeat cogere; ideo motiuum scientificum necessario inclinatur, magis probabile etiã; sed scientificum necessitat, quia maioris roboris; magis probabile tantũ allicit, quia minoris, & huic potest intellectus dissentiri; quia licet, quantum est de se necessario alliciat, non tamen cogit, quia nõ est tanti roboris; in quo sensu etiã motiuum minus probabile necessario mouet. Si vero intendatur secũdus sensus in ly, moueri, negandum est æqualiter necessario moueri intellectũ à motiuo scientifico, & opinabili, quantumcunq; probabiliori; quia licet vtrumq; necessario faciat, quantum potest, vnũ vincit indifferentiã intellectus, quia maioris roboris, alterum, quia minoris non vincit, vnde requiritur determinatio voluntatis ad illam vincendam, & faciendum, quod intellectus actiue se moueat. Exemplum stateræ non est ad rẽ, quia cum illa nullo pacto sit indifferens, necessario positiue mouetur à quocumque pondere, non autem merẽ allicitur.

Ad primam confirmationem dico, quod intellectus in eo, quod sequitur imperium voluntatis, non fingit, non enim voluntas trahit intellectum extra exigentiã obiecti simpliciter; illa enim pars, quam intellectus ex imperio voluntatis sequitur, ab obiecto exigitur; pro ea enim

enim sunt ex parte obiecti simpliciter valida motiua. Et hinc est disparitas ad staterani, quia in quantum mouetur à manu, excedit exigentiam ponderis, & fer-  
rur extra illam, nullo enim pacto tanta, vel illa inclina-  
tio à pondere exigitur.

Ad secundam retorqueo exemplum. Si proponan-  
tur Pictori Cæsarem picturo duæ imagines diuersæ fi-  
guræ, & lineamentorum, quarum vtraq; dicatur esse  
naturalis Cæsaris cum maximo fundamento, siue æqua-  
li ex vtraque parte, siue maiori ex vna quàm ex alia,  
Pictor, qui profecto potest eligere alterutram, diceretur  
fingere in hoc, quod sequitur motionē volūtatis in eli-  
genda, & retrahēda vna præ alia? nequaquā. Quia sēper  
se conformat imaginibus, quæ ipsi sunt exēplaria; fin-  
geret autem solum, si aliquid poneret in pictura pro-  
libito, quod non esset in obiecto seu imagine, quam  
retrahit. Sic ergo intellectus fingeret quidem, si expri-  
meret aliquid, ad quod motiuum non haberet; ceterum  
quando obiectū duplici veluti imagine sui mouet, quod  
vnā sequatur potius, quā aliam, non fingit, exprimit  
enim solum illud, quod relucet ex parte obiecti, licet ex  
duobus, quæ relucet, eligat illud, quod voluntas im-  
perat.

Ad tertiam loquendo de motione obiectiua falsum  
est antecedens, vt patet exemplo voluntatis, quā pro-  
positis duobus bonis inæqualibus mouet non solum for-  
tius, sed etiam debilius, quod quandoq; sequitur; quo  
quidem exemplo voluntatis retorquetur argumentum  
principale sic. Proposito obiecto sub omnimoda ratio-  
ne boni voluntas non est libera ad partem oppositam;  
ergo neque proposito maiori bono est libera ad minus  
bonum; patet consequentia, quia vtrumq; mouet secū-  
dum suam efficaciam independentem à voluntate. Quid  
respondebis? profecto vt supra. Sic

Sic si fieret argumentum hoc pacto; sicut se habet simpliciter ad simpliciter, ita magis ad magis; sed intellectus necessario mouetur à motiuis simpliciter; ergo & à maioribus motiuis, & fortioribus; responderem negando consequentiam, quia intellectus ideo non potest ferri in vnā partem sine motiuo simpliciter, quia nequit ferri extra obiectum suum, quod est verum, vnde à motiuis simpliciter verè dependet; non vero à fortioribus, quia per hoc, quod illa non sequatur, non proinde extrahitur extra suum obiectum. Etiam enim pro parte opposita sunt motiua simpliciter valida, ac proinde ratio veri; quæ quidem responsio etiam debet dari, si argumentum applicaretur voluntati.

Septimum est. Neq; quando vtraq; est æquè probabilis possumus liberè opinari; ergo multò minus &c. Antecedens probatur; cum duorum neutrum maius signum habet, vel argumentum sui, tunc si vnus fiat electio, sorte fit, vt patet, cum duæ paleæ paris longitudinis à digitis extrahuntur, ergo &c. Confirmatur, quis in biuio constitutus, quærens viam, si à duobus paris auctoritatis ei respondeatur contrarium, ridiculum est dicere, quod ex hoc præcisè possit viam eligere, solum enim poterit dubitare; ergo &c.

Resp. negando antecedens. Ad probationē dico, q̄ quando duorum eligendorum neutrum habet non modo maius signum præ alio, sed neq; simpliciter vllū signum pro se, vi cuius reddatur eligibile, tunc re vera electio fit sorte; at verò quando duo eligibilia habent pro se vnumquodq; signa sufficientia, vi quorum simpliciter eligantur, licet neutrum aliud superet, tunc electio sorte non fit, sed ratione; quælibet enim pars, quæ eligatur, habet pro se motiua sufficientia, vi quorū prudenter eligatur. Exemplum de paleis non est ad rem,  
una

vna enim palea non modo non habet signum maius alia, sed neque simpliciter vllum signum, vel argumentum sui, in quo casu fateor, quod non est liberum opinari, & tunc intellectus fingit; quando verò vtraque pars est æquè probabilis, vtraque simpliciter habet motiua valida, & argumenta sui, licet non maiora altera.

Ad confirmationē dico gratis asseri, hoc esse ridiculum, ex hoc enim sufficienter potest quilibet quam voluerit viam amplecti, & prudenter dicetur amplexus fuisse; quia cum sufficienti fundamento viam aggressus est, si auctoritas prædictorum esset talis, vt faceret eorum dictum probabile.

Octauum est. Si liberum esset opinari, posset quis in dubio sine vlla ratione tollente dubium, quidquid libet opinari, & illud sequi in praxi: hoc est cōtra Theologos omnes, ergo &c. sequela probatur, quia cum vtraque pars habet vnum, vel alterum argumentum probabile, liberum est opinari, & sequi vtramque; sed tunc sumus in dubio sine vlla ratione tollente dubium, sicut quando nulla ratio probabilis pro vtraque parte suppetit; quia duarum rationū æqualiter in contrariū mouentiū, neutra simpliciter mouet, vt patet in duobus æquè in diuersa trahentibus pondus, quod nullo pacto mouetur; ergo tunc adhuc sumus in dubio, & intellectus perinde se habet, ac si nullas rationes haberet, quia neutra illum mouet; ergo à fortiori idem valet, quando vna pars est probabilior: tunc enim non potest intellectus opinari oppositam, quia ab illa simpliciter non mouetur; nec habet rationes pro illa, quia licet habeat, illæ non mouent; ac proinde perinde est ac si non essent; quia tunc solum mouent fortiores. Sicut si pondus in diuersa trahatur à duobus, quorum alter sit fortior, solum ab hoc simpliciter trahitur.

Ad

Ad hoc argumentū patet responsio ex dictis ad secū-  
dū; scilicet dico rationes æquē probabiles cōcurrētes sim-  
pliciter mouere, licet vnam non magis alia; item &  
minus probabiles etiam concurrentes cum probabili-  
oribus mouere, vt patet expressè in voluntate, quam  
æqualia bona mouent, & minus bonum, etiam in  
comparatione, seu cōcurrēdo cum maiori bono mo-  
uet. Exemplum de pondere non est ad rem, sicut neq;  
erat exemplum de statera, supra allatum; eadem ratio-  
ne; videantur dicta ad quintum, & sextum; undè iam  
tollitur dubium; postquam enim quis indicat de re ob  
motiua valida, quibus simpliciter mouetur, dubius nō  
remanet. Præterea argumentum non est ad rem, quia  
dubium, quod debet tolli ad honestam operationem,  
eliciendam, est dubium practicum circa electionem, nō  
speculatiuum, quod quidem dubium practicum tolli-  
tur, non per hoc, quod quis assentiatur, seu opinetur  
materiam electionis esse honestam, hoc enim non re-  
quitur; sed solum per hoc, quod euidenter iudicet  
materiam esse probabiliter honestam; seu dari opinio-  
nem probabilem de honestate materiæ iuxta dicta fuisse  
*disp. p. sect. 5.*

Nonum est. Si liberum est opinari, ergo possumus  
prohibito facere ex fide, quod non est ex fide, illi assē-  
tiendo, illi fidē habendo; ac proinde possumus licitè  
dicere bonum, malum, & è contra; quod est absurdū.  
Sequela probatur, quia minus probabile non est simpli-  
citer ex fide, habet enim plura motiua falsitatis, quam  
veritatis, plura motiua facientia, quod ipsi non creda-  
tur, quam quod credatur; sicut ille profecto est potius  
infidus quàm fidelis, qui profert argumenta sui po-  
tius probantia, quod non sit fidelis; sed liberum est  
opinari minus probabile; per hoc autem, quod opina-  
tur

tur, sit ex fide; ergo pro libito possumus facere ex fide; quod non est. Idem valet de æquè probabili, quod sit malum, & bonum; ergo, &c.

Resp. Minus probabile simpliciter esse ex fide, quia simpliciter habet motiua valida suæ veritatis, cui proinde prudenter potest fides adhiberi; licet enim habeat plura, & fortiora motiua in contrarium, hoc non obstat; quia non per hoc hæc motiua veritatis amittunt suam vim, adhuc enim remanent magni ponderis, & opposita, licet fortiora non conuincunt: vndè omnibus pensatis etiam simpliciter facit fidem sui; quia ex hoc, quod etiam pensatis motiuis in contrarium, non detrahitur efficaciæ suorum motiuorum, quæ adhuc remanent valida, potest per consequens eis fides adhiberi. Idem dic de homine, qui profert argumenta sui magis probantia, quod sit infidus, quàm fidelis; si enim argumenta suæ fidelitatis sunt simpliciter fortia, nec eorum efficacia deperdatur ex argumentis in contrariū, adhuc ei prudenter potest fides adhiberi, cum possit esse, quod non mentiatur, & in eo casu sit simpliciter validum fundamentum, quod non mentiatur, & rationes in contrarium non conuincant eum mendacij. Idem dicas à fortiori, quando partes sunt æquè probabiles.

Decimum, & vltimum est. Vel intellectus omnibus perpensis assentitur opinando alterutri parti, vel neutri, vel vtrique; si primum, ergo iam non potest opinari oppositam; nequit enim vtramque opinari veram; si secundum, ergo non opinatur, sed dubitat; tertium dici nequit, quia vtraque non potest iudicari vera; ergo nunquam liberum est opinari.

Hoc argumentum nullum est; dico enim, quod assentitur liberè alterutri parti; ergo nequit opinari oppositam

C A V. 31

T

tam

tam, in sensu cōposito cum primo assensu, concedo; in sensu diuiso, nego; sicut enim liberè opinatus est illam, esse veram, sic potest illam opinari falsam, & per consequens veram oppositam, cum habeat motiua sufficientia ad vtrumque actum.

Quin & retorquetur argumentum, in voluntate. Vel voluntas omnibus perpensis amat, vel odio habet obiectum, vel vtrumque efficit, vel neutrum; si primum, puta, amat, ergo nequit odio habere, nequit enim idem obiectum amari, & odio haberi; si secundum, hoc quoque est impossibile; si tertium, ergo manet suspensa, ergo voluntas non erit libera ad amandū, vel odio habendum. Ecce quantum probat argumentū.

Dices. Ex hoc ipso, quod assentior vni propositioni, illa mihi est vera, non modo probabilior; ergo implicat in adiecto dicere, me opinari posse partem minus probabilem.

Resp. Negando antecedens, quia possum iudicare propositionem veram, & tamen euidenter cognoscere, quod habet pro se motiua minus fortia, quam opposita; neq; in hoc vlla est implicantia; vnde erit mihi vera, non autem probabilior.

Ex his igitur patet fatis manifestè conclusum, liberū esse opinari; item prohibito modo opinari hanc partem, modo illam, dummodo sint motiua valida pro vtraque parte; ac proinde potest, & probabilis concurrens cum probabiliori, & æquè probabili gignere assensum: vnde remanet simpliciter probabilis; quod erat ostendendum pro responsione ad vltimum argumentum.

*fin.* 3.



*SECTIO SEPTIMA*

*Quod iudicium possit formare intellectus de viraque  
contradictoria in sensu composito, esse non potest*

*Breuitur sit.*

*Conclusio Prima.*

**N**on potest intellectus utramque contradicto-  
riam simul iudicare veram, seu eidem obie-  
cto simul assentiri, & dissentiri, saltem naturaliter. Est  
multorum, quos citat, & sequitur Candidus q. 3. ubi  
acutè ostendit eos, qui oppositum vixi sunt sentire, equi-  
uocatione labrante. Procedit nostra conclusio ex  
quibuscumq; motiuis siue intrinsicis, siue extrinsecis.  
Dixi saltem naturaliter, quia an etiam per Dei poten-  
tiam nequeat intellectus eidem obiecto assentiri simul,  
& dissentiri, est quæstio, quæ resolvitur in libris de ani-  
ma, & non facit ad præsens institutum.

Prob. autem conclusio primo à Candido, quia nul-  
la res nec per diuersa media potest esse simul, & non  
esse; ergo neq; per diuersa media simul iudicari, quod  
sit, & quod non sit: ac proinde nequit intellectus si-  
mul utramque contradictoriam opinari.

Verùm hæc ratio fortasse non subsistit, negabitur  
enim consequentia, quod enim à parte rei impossibile  
est, quod aliquo pacto sit, potest iudicari ab intellectu  
eodem pacto esse: quia potest intellectui apparere qua-  
le non est, nec esse potest. Sic Deus à parte rei nequit  
esse nisi trinus, & vnus, & tamen potest iudicari, & de  
facto ab hæretico iudicatur non esse talis; & ratio est à  
priori, quia ad hoc, quod intellectus iudicet, non quæ-  
ritur, qualis res sit, vel esse possit, sed qualis apparet, vel  
apparere potest: non potest autem res esse, & non  
esse, potest tamen apparere esse, & apparere non esse

T 2 per

per diuersa motiua, siuè intrinseca, siuè extrinseca; contradictoria enim non sunt apparet esse, & apparet non esse, sicut esse, & non esse. Etiam si ergo res nequeat simul esse, & non esse, poterit tamen simul iudicari, quod sit, & quod non sit. Melius ergo.

Probatur secundo, quia cognoscit intellectus impossibile esse, quod vtraq; contradictoria sit vera; ergo nequit vtramq; iudicare veram. Antecedens est clarum, quia euidens est intellectui, & vnum ex primis principijs, alterum ex contradictorijs esse falsum. Consequentia est etiam euidens, quia vtramq; contradictoriam esse veram est intellectui euidenter falsum, quia nequit hoc iudicare; nequit enim falso euidenti intellectus assentiri. Vt ergo cognoscit intellectus euidenter falsum esse, quod vtraq; contradictoria sit vera; ergo dicit vtramq; contradictoriam non esse veram: quomodo ergo potest dicere vtramq; esse veram, seu vtrique assentiri? In isto, vel intellectus habet sufficientes rationes ad opinandū, quod vtraque collectiue sit vera, vel non. Si secundū, ergo quomodo poterit opinari vtramq; veram; si primum, ergo non est euidens intellectui falsum esse, quod vtraq; contradictoria sit vera, quod est impossibile.

Probatur tertio. Licet re vera assensus, & dissensus non sint contradictorij, vterq; enim actus positivus est, tamen ad minus sunt contrarij, habent enim summam oppositionem, quam possint habere; & certè cum ex oppositione obiectorum resultet oppositio inter actus, oppositio contradictoria, quæ est inter obiecta assensus, & dissensus, ad minus oppositionem contrariam refundit in actus; ergo non poterunt esse simul in eadem potentia. Contraria enim ad minus naturaliter simul esse non possunt. Addo, ex assensu nonne contrariè naturaliter sequitur in potentia negatio dissensus, & e contra?

contra? ergo naturaliter non potest potentia elicere dissensum; absit enim, quod quando in subiecto connaturaliter debet esse vnum contradictorium, connaturaliter etiam sequatur aliud. Rogo enim, connaturaliter posito assensu debet esse negatio dissensus, nonne? ergo non debet esse dissensus. Quomodo ergo connaturaliter erit dissensus, qui naturaliter non debet esse? Igitur non poterit intellectus naturaliter simul eidem obiecto assentiri, & dissentiri, seu vtramque contradictoriam opinari.

Neq; valet recurrere ad diuersa media, dicendo posse intellectum vtramq; contradictoriam opinari ex diuersis motiuis: puta opinari, quod sic ex motiuis intrinsecis; opinari vero quod non ex motiuis extrinsecis, hoc est ex aliorum auctoritate.

Hoc enim nihil est, quia diuersitas motiuorum non tollit repugnantiam, & impossibilitatem horum actuum, nec facit quo minus intellectus euidenter iudicet falsum esse, quod vtraq; propositio contradictoria sit vera; ergo non tollit impossibilitatem componendi simul assensum cum dissensu; Adde, quod si intellectus posset per intrinseca vnam partem, & per extrinseca alteram partem opinari simul, etiam vtramque posset opinari per intrinseca: dari enim possunt, & de facto dantur motiua intrinseca pro vtraq; parte.

Sed hinc dices. Intellectus habet sufficiens rationes pro vtraq; contradictoria; ergo vtramq; poterit opinari.

Resp. Intellectum vere simul pro eodem instanti habere motiua sufficientia ad vtramq; partem opinandam non collectiue, sed distributiue. Ad opinandum enim vtramq; partem nullum habet, nec habere potest motiuum; non enim datur motiuum ad impossibile, & intellectus euidenter cognoscit vtramq; non esse opina-

opinabilem simul, nec putabilem veram; distributiue tamen utique; habet siquidem pro eodem signo motiua, habet tam pro vna parte, quam pro alia, vnde alterutram potest opinari, & amplecti; vnde hæc propositio, intellectus habet simul sufficientes rationes ad opinandam vtramque contradictoriam, distinguenda est; si ly simul se tenet ex parte verbi, habet, vera est, rationes enim pro vtraque parte habet intellectus simul; si vero ex parte, ad opinandum, falsa est.

Contra hanc conclusionem nulla potest esse obiectio alicuius momenti, & Doctores, qui adducuntur à Candido oppositum sensisse, æquiucant, pro eodem fumentes assentiri vtrique contradictoriæ, & vtramque contradictoriam probabilem iudicare: quæ sunt duo toto Cælo diuersa. Dicunt intellectum posse vtramque contradictoriam opinari; & postea eorum argumenta concludunt posse intellectum vtramque contradictoriam iudicare probabilem. Legatur Candidus, qui acutè eos impugnat.

*Conclusio Secunda.*

**V**tramque contradictoriam potest intellectus iudicare probabilem, quin vnam veram, & alteram probabilem. Est communis, & quoad primam partem:

Prob. primo quia, vtraque contradictoria verè collectiue est probabilis, vtraque enim habet fundamentum sufficiens veritatis, motiua valida, & speciem veri, vtraque apparet intellectui vera, in sensu composito; ergo poterit vtraque iudicari probabilis: id enim, quod est, utique iudicari potest; etiamsi enim alterutra ex contradictorijs debeat esse falsa, adhuc tamen illa, quæ est falsa, potest esse probabilis, quin multa falsa sunt pro-

probabiliora veris: neque enim probabilitas vnus pugnat cum probabilitate alterius, sicut veritas vnus cum veritate alterius. E. G. hæc propositio, Cābiū recursæ est licitum, pugnat vtiq; cum hac, Cambium recursæ non est licitum; at vero hæc, Probabile est cambiū recursæ esse licitū, non pugnat cum hac, probabile est cambiū recursæ non esse licitum. Pugnaret quidem cum hac. Non est probabile cambiū recursæ esse licitū; & ratio est, quia in modalibus non est oppositio, nisi cum in alterutra propositione negatur modus. Quod ad secundam item partem Conclusio facile.

Prob. secundo quia, in sensu composito, cum iudicio probabili de quo loquor, quod vna contradictoria sit vera, altera remanet cum firmo fundamento, & ratione veritatis, & adhuc apparet vera; licet non iudicetur esse talis; ergo remanet probabilis; ac proinde talis poterit iudicari; ad summum enim, quid erit amplius, quam implicite, seu explicite probabiliter tantum iudicata falsa? cum hoc autem stat eius probabilitas, vt probatum est fusè in hac *disp. 2. sect. 2.*

Dices. Vtraq; cōtradiçtoria non potest esse vera; ergo nequit collectiue vtraq; esse probabilis.

Resp. negando consequentiam; quia probabile non dicit posse esse verum, etiam enim falsa, ac proinde impossibilia ad esse vera, sunt probabilia quandoque, quin & probabiliora veris. Quid ergo dicit probabile? solum apparere verum, cum firmo fundamento: vtraque autem contradictoria simul apparet vera, simul habet firmum fundamentum; ideo, &c.

Hic autem benè aduertas necesse est, quod dum dicitur, quod simul cum fundamento valido vtraq; contradictoria apparet vera, non est sensus, quod intellectus habeat validum fundamentum ad putandum, quod collectiue

collectiue vtraq; contradictoria sit vera; hoc enim est impossibile: cum intellectus sciat euidenter, quod vtraq; contradictoria collectiue non est vera; sed solum sensus est, quod intellectus simul habet fundamentum validum pro vna, & altera contradictoria, tam pro vna, quam pro altera, ad vnā siue alteram putandam veram; vnde intellectus non habet fundamentum, quod vtriusque contradictoriæ veritatem collectiue ostendat, sed habet plura fundamenta, & quidem simul, quorum vnum ostendit veritatem vnus, alterum alterius: quæ fundamenta sunt simul, & pro eodem signo vtrumque afficit suam propositionem; vnde vtraque propositio, quia simul affecta suo fundamento, vtraq; simul est probabilis. Nō est tamē probabile, quod vtraq; collectiue sit vera; quia nullum fundamētum in vtrāq; propositionem collectiue veritatem refundit, sed vnū in vnā, alterum in alteram; quæ tantum abest, quod vtramq; respiciant, quod vnum quodq; suam firmat propositionem, oppositam destruit. Vnde verē sunt hæ propositiones, Vtraq; contradictoria est probabilis, & hæc, Probabile non est, quod vtraque contradictoria sit vera, collectiue loquendo, sed solum disiunctiue. Et ratio est, quia prima affirmat probabilitatem, quæ simul potest inesse duabus contradictorijs, secunda, veritatem, quæ duabus contradictorijs collectiue nequit inesse. His diligenter adnotatis, sit.



## DISPUTATIO TERTIA.

*De honesta electione opinionis probabilis seu materiæ probabiliter opinatæ.*

**H**actenus speculatiuas difficultates, speculatiuè fortasse nimium attigimus; nunc ad practicas, quarum gratia hoc opusculum institutum est, descendimus; sic enim quod est primum in intentione, vltimum in executione plerumq; est. Et sane necessarium fuit illas præmittere; in his enim erant explicanda principia, hætenus à Doctoribus parùm elucidata, ne dicam omiſſa, ex quibus præſentis disputationis difficultates dirimuntur.

### SECTIO PRIMA.

*Recoluntur nonnulla in præcedentibus disputationibus stabilita.*

**R**ecolendum primo est, quod tota honestas operationum moralium, quæ requiritur ad agendum sine peccato, formaliter consistit in actione intrinsecâ voluntatis; siue hæc sit actio, qua voluntas propriè agit, dum amat, vel odio habet; vel electio, qua ex duobus bonis vnum eligit; vel imperium, quo potètijs executiuis aliquid imperat. Omnes enim alij actus à voluntate, sicut formaliter nec liberi, nec meritorij sunt, sed solum denominatiuè: sic solum denominatiuè, in se verò ad summum materialiter sunt honesti, vel inhonesti, mali vel boni. Supra hos autem actus voluntatis immediate cadit Prudentia regulando; & hi quidem si sint recti, omnes etiã, siuè præcedentes, siuè subsequentes recti sunt, & è contra; vndè peccatum

154 *DISPUTATIO TERTIA.*

tum propriè, & per se in inhonestate horum actuum voluntatis, non verò in quibuscumq; alijs consistit.

Recolendum secundo, honestatem formalem actuum voluntatis per se oriri ex honestate materiæ, seu obiecti, circa quod versantur. Sub nomine autem obiecti, & materiæ veniunt etiam operationes illæ, quas voluntas eligit; licet enim, & ipsæ operationes sint, respectu tamen actuum voluntatis, qui antonomastice actiones sunt, sunt obiectum, & materia. Desumitur autem, honestas actuum voluntatis, non ab honestate materiæ, seu obiecti in esse rei, seu per cognitionem evidentem, seu veram proposita: contingit enim actionem voluntatis esse honestam, & à Prudentia regulatam, etiam si materia sit inhonesta; sed desumitur ex hoc, quod materia, quæ eligitur, facta sufficienti diligentia cum sufficienti fundamento proponatur honesta; quod fundamentum, quia in moralibus evidens esse non potest, sufficit quod si tale, quod reddat propositionem probabilem, seu materiam probabiliter honestam.

Recolendum tertio, ad honestè agendum sine peccato requiri certitudinem, & evidentiam de honestate actionis; dico actionis, non materiæ, seu obiecti actionis; potest enim hæc certitudo haberi; nam potest haberi evidentia, quod materia, seu obiectum (quo nomine etiam comprehendendo operationes, quæ eliguntur) sit probabiliter honestum; hoc est, quod detur verè probabilis opinio, etiam ipsi eligenti probabilis, quod materia sit honesta, & hæc debet evidentia haberi. Ex hoc autem, quod materia sit probabiliter honesta, sequitur evidenter, quod actio sit formaliter in se, & per se honesta; ergo eius honestas non ex honestate materiæ in se, sed ex probabilitate honestatis desumitur. Undè dubitabit quidem prudenter operans de honestate materiæ

riæ



riæ electæ: at erit certus de honestate suæ actionis; sic qui eligit Cambium recurſe, de honestate Cambij formidat, quia tantum probabiliter est conscius de illa; at verò de honestate suæ actionis non formidat, sed est certissimus.

Distinguenda sunt igitur attentè hæc duo, materia operis, & ipsum opus; electio ipsa voluntatis, in qua formaliter honestas, & peccatum consistit; & obiectū ipsius, seu id, quod eligitur. Ad agendum honestè, & sine peccato requiritur certitudo, & euidencia de honestate actionis, quæ certitudo constituit Prudentiam virtutem intellectualem; quoad materiam autē actionis, requiritur euidencia, quod sit probabiliter honesta; vnde non sufficit iudicium probabile de honestate actionis in se, & per se, nec iudicium certum de honestate actionis per accidens; sed requiritur iudicium certum, & euidencia de honestate actionis in se, & per se formaliter; sufficit autem probabilis opinio verè de honestate materiæ, ex qua sequitur certitudo de honestate actionis.

Recolendum quarto, multò minus licere agere cum dubio practico, seu circa honestatem actionis, quando non licet agere cum iudicio probabili circa eandem. Debet ergo omnino deponi dubium, quod deponitur, non per hoc, quod iudicetur materia honesta in se, sed per hoc solum, quod sit evidens eligenti, quod materia sit probabiliter honesta, hoc est dari opinionem verè probabilem de honestate materiæ. Vnde ad hoc, ut tollatur dubium practicum, non requiritur, quod tollatur dubium speculativum circa honestatem materiæ; sed etiam intellectu dubitante formaliter, an materia sit honesta, ex rationibus hinc, & inde verè probabilibus; tollitur sufficienter dubium practicum, quia cum hac

ambiguitate stat euidencia, quod sit probabile materiã esse honestam; & licet cū hoc sit etiam probabile materiã esse illicitam, hoc nihil refert, quin possit eligi, & actio sit certò licita; quia probabilitas honestatis honestat actionem, quæ probabilitas non tollitur per probabilitatem inhonestatis, & aliunde euidencia non potest haberi. Vnde cum dubio de licito, & illicito circa materiã actionis stat euidencia, quod actio sit licita, quia honestas actionis non oritur à iudicio, quod materia sit licita, & multo minus ab eo, quod materia sit licita in se; sed solum ab eo, quod sit probabile materiã esse licitam; quod profectò subsistit cum ambiguitate, de qua in præsentì. Et hæc omnia probata sunt fusè *d. p. per totam*. Quid autem sit opinio verè probabilis, & quæ requirantur ad eam constituendam, dictum est fusè *d. secunda*; vnde iam sit,

### SECTIO SECUNDA.

*An agens licitè operetur, Et sine peccato, ex hoc præcisè quod eligat materiã, cuius honestas sibi euidenter probabilis est.*

**H**ÆC quæstio solet sub alijs terminis proponi; an licitum sit sequi opinionem quamcumque, dummodò probabilis sit; quod idem est, nō aliter enim sequimur opinionem, nisi eligendò materiã, seu obiectum opinionis. Et quidem communissima, si Recentiores attendas, sententia affirmat, prudenter agere, & sine peccato eum, qui cum opinione dummodò probabilis sit, operatur. Ex recentioribus solus negat Candidus Philalethus in sua disputat. sect. 4. Cum communis sententia sit,

*Conclusio*

*Conclusio unica.*

**P**robabilitas simpliciter de honestate materiæ eligendæ reddit electionem, seu actum voluntatis certò, & infallibiliter honestum. Sumo probabilitatem simpliciter pro apparentia veritatis, facta sufficienti diligentia cum valido, & firmo fundamento, prout explicavi *d. 2. sect. 1. & sequentibus.*

Probatur primo à priori, quia honestas actus voluntatis non potest desumi, nec ab honestate obiecti, seu materiæ in esse rei, nec à veritate propositionis, ut ostensum est; ergo ex hoc, quod cum firmo, & valido fundamento, materia proponatur honesta; quod est idem ac dicere cum probabilitate honestatis. Consequentia patet, quia, quæ alia causa potest assignari refundens honestatem in actus voluntatis? non iudicium, quod materia sit honesta in se, hoc enim non requiritur, ut probatum est *d. 1. sect. 5.* nec maior probabilitas, quæ maior, quia maior probabilitas quæ maior non potest esse in diuersa specie, à probabilitate simpliciter: iuxta principium commune, quod magis, & minus non variat speciem; ergo maior probabilitas non potest esse in specie formæ per se honestantis actus voluntatis, in qua non sit probabilitas simpliciter.

Neque dicas illud axioma valere tantum in metaphisicis. In primis enim debes assignare rationem, & disparitatem, quare non valeat in moralibus; deinde ostendo, quod valeat etiam in moralibus, Nam quia magis subuenire indigenti per se cohonestat actum in specie eleemosinæ: minus subuenire, & simpliciter subuenire non extrahit actum à specie eleemosinæ; quia cultus Dei maximus per se intentus constituit actum religionis: simplex, vel minor cultus non extrahit

hit actum à specie religionis; ergo similiter, si magis probabile cohonestat actum in specie Prudentiæ, etiam minus probabile, & probabile simpliciter id efficiet.

Secundo quia, actus Prudentiæ non desumitur ex eo, quod quis semper sequatur omnino tutum: sed ex eo, quod quis sequatur probabile; qui enim semper omnino tuta sequi vellent, ridiculi fierent; vt communiter D.D. qui nemine refragante fatentur prudenter operari, qui omitta tutiori probabiliorum partem sequitur; igitur honestas Prudentiæ non ex eo, quod materia sit tuta, sed ex probabilitate desumitur; modo sic; qui sequitur tutiorem probabilem relicta probabiliori minus tuta, prudenterne agit, an imprudenter? si primum, ergo minor probabilitas cohonestat actionem, etiam concurrente cum maiori probabilitate, quod intendimus, ac proinde probabilitas simpliciter actionem honestat. Si secundum, igitur cum opinio obligans ad statim confitendum post peccatum, habita copia confessarij, & opportunitate sit minus probabilis: peccabit peccato imprudentiæ, qui statim post peccatum confitebitur; quod profecto absurdum est. Et sane hoc, quod est operari imprudenter, qui eligit minus probabilem tutiorem, videtur nimis audacter dictum, & forte non facile tolerandum. Sed hoc iudicent viri docti.

Neque dicas minorem probabilitatem compensari ex hoc, quod sit tutior, quæ proinde formalitè cohonestat actionem. Contra enim est, quia actus in specie Prudentiæ non cohonestatur nisi à formalitate, quæ per se respicitur à Prudentia in obiectis eligendis; sed Prudentia ad eligendum non respicit in obiecto rationem tuti, sed honesti; quod honestum desumitur ex rationibus illud licitum proponentibus; quæ probabile constituunt; ergo à ratione probabilis non tuti constituitur

tuitur actus in specie Prudentiæ; ergo ratio tuti cum sit impertinens ad Prudentiam, non potest in actum refundere honestatem Prudentiæ.

Urgeo. Probabilius est E.G. licere cambium recurrere: minus probabile, sed tamen magis tutum, immo simpliciter tutum non licere. Qui eligit omissionem cambij recurrere, peccatne peccato imprudentiæ? certe nequaquam. Demus, quod nullo pacto esset probabile, non licere cambium recurrere, qui eligeret omissionem cambij recurrere, peccaretne peccato imprudentiæ. Vtque & tamen eligeret partem tutam. Igitur peccat quis, vel non peccat peccato imprudentiæ, per hoc, quod habeat rationes probabiles utrumque; vel illas non habeat; ergo sola ratio probabilitatis constituit actum in specie Prudentiæ.

Insto. Prudentia ex Philosopho est *habitus recta ratione electivus*; ergo ad hoc, ut actus sit virtutis Prudentiæ, requiritur sola recta ratio, quæ probabilitas est; seu iudicium rationis evidenter iudicantis, maximum, fundamentum esse pro honestate materiæ, de qua agitur; ergo ratio tuti impertinens est.

Modo sic claudosecundum argumentum principale; ergo minor probabilitas, ac proinde probabilitas simpliciter sufficit ad ponendum actum in specie Prudentiæ; ergo ad honestandam actionem voluntatis, & agendum sine peccato.

Et quidem hoc, quod est prudenter operari eum, qui minus probabilem tutiorem sequitur relictæ probabiliori (quod facile concedit Candidus, qui q. 6. concedit, eque probabilem, quando est tuta, posse in praxim deduci) animaduertendum est diligenter.

Tertio prob. conclusio principaliter, quia quod est probabile simpliciter, potest opinari verum etiam

con-

con-

concurrente cum magis probabili, ut fuse probatum est *d. 2.* sed quod potest opinari verum, potest eligi, ut concedit Candidus; ergo utcumque probabile potest eligi, & per consequens probabilitas simpliciter coheret actionem.

Quarto, quia opinio probabilis tollit dubium omnino de honestate actionis; nam potest pro libito tollere dubium de honestate materie, quæ est obiectum ipsius: & esto, hic & nunc non tollat, quia ego non assentior, adhuc possum assentiri, ut *d. præcedenti* fuse; ergo pro libito poterit in praxim deduci: qui enim non dubitat de honestate actionis potest agere licite.

Neque dicat Candidus *q. 4. ad 3.* opinionem meam, tollere dubium meum, non aliorum; unde cum opinione, cui ego non assentior, me non posse agere; quin potius ex contrarietate opinionum oriri dubium, cum non minus sint rationes pro licito, quam pro illicito; unde opinio probabilis non tollit dubium de licito, sed illud involuit; si ergo cum illa licet agere, licet eligere licitum, perinde ac illicitum.

Contra enim est, quia oportet distinguere actionem à materia actionis, actum voluntatis ab obiecto ipsius, quod confundit Candidus cum alijs Doctoribus; quæ fortasse confusio est causa difficultatis in hac materia. Verum est, quod ex hoc, quod sint variae opiniones, oritur dubium, ut enim bene Caiet. *opusc. 17. in d. prima* citatus, *varietas opinionum nata est reddere intellectum mutantem.* Igitur illud erit dubium, supra quod cadit diuersitas opinionum. Supra quid autem cadit? supra actionem, vel electionem, an verò supra materiam eligendam? supra hanc profecto, de qua tantum disputatur. Igitur intellectus erit dubius dubio orto à rationibus probabilibus, an materia eligenda sit iusta, & honesta

nesta necne; hoc autem est dubium speculatiuum, cū quo stat, quod intellectus sit certus esse probabiliter materiam eligēdam honestam; & quia honestas actionis non ab honestate materiæ, sed à probabilitate honestatis desumitur, ideo certus erit intellectus, quod actio erit infallibiliter honesta. Dubium ergo erit speculatiuum, non practicum, quod licet reddat dubium intellectui de honestate materiæ in se, non reddit intellectum dubium de honestate actionis, cum quo proinde certo agitur sine peccato.

Dubium ergo de honestate actionis tollitur etiam stante dubio de honestate materiæ in se, quia quod honestat actionem, non est iudicium, quod materia sit honesta in se, sed solum probabilitas, quod sit honesta. Hæc autem perseuerat certa, etiam stante dubio de honestate materiæ; ergo hæc tollit dubium circa honestatem actionis.

Vltimo probatur Conclusio, quia non minus periculose erratur in materia fidei, quam in materia morum. Sed in materia fidei licet, & sine peccato eliguntur propositiones dummodò probabiles sint, etiam in concursu cum probabilioribus; ergo etiam in materia morum. Minor patet; tum quia in *c. damnamus. de Summa Trinitate, & fide Catholica*, damnatur opinio Abbatis Ioachimi, quæ certè erat minus probabilis, quam opinio Magistri Sent. quæ fuit à Conc. approbata, & tamen non per hoc Abbas peccauit. *Vid. Glos. ibidem.* Item in Conc. Vienn. fuit approbata tamquam probabilior sententia illorum, qui dicebant paruulis in baptismo simul infundi gratiam, & virtutes; nec tamen illi, qui antecederent sentiebant oppositum, peccarunt; quia scilicet opinionem adhuc probabilem, licet minus, sic testante Sancto Concilio sustinebant. Quod idem.

in materia morum dixisse Gl. in c. *Capellanus de ferijs* V. alij interpretatur Io: And. relatus ab Abb. eodem c. nu. 5. scilicet ante definitionem Pontificiam non peccasse, qui oppositam partem, licet minus probabilē fuerant secuti; ergo &c. & hæc est ratio Cancellarij Paris. relata à Nau. in c. *Si quis de Pœnit. d. 7. nu. 53.*

Hæc autem nostra Conclusio recētiorem licet omnium calculo sit firmata satis, adhuc multos habet patronos antiquiores Theologos, & Canonistas; Inter Theologos hanc docuit clarè Magnus Albertus, cuius inter cetera hoc habetur responsum, relatum à S. Antonino in *Summa p. p. c. 10.* quod *frater simplex, vel quilibet homo cum salute potest sequi in Consilijs, quamcumq; opinionem voluerit, dummodo alicuius Doctoris magni opinionem sequatur.* Quod est idem, ac dummodo probabilis verè sit.

Item sensisse videtur D. Th. quodlib. 3. a. 10. vt infra, & alij.

Quo ad Canonistas verò primo facit. c. *sicut quædã d. 17.* vbi dicitur. *In his, quæ fuerint dubia, & obscura, id non erimus sequendum, quod nec præceptis Evangelicis, nec dictis SS. PP. inueniatur aduersum.* Tale autem est probabile simpliciter &c. Secundo Innoc. c. *Ne iniuriar. de Const.* vbi dicit. *Quando SS. PP. habent diuersas opiniones, licet unicuiq; quam vult, eligere.* Abbas ibidem, &c. *Capellanus de ferijs*, vbi dicit, quod non peccat non seruans ius præcepti, quando sunt variæ opiniones, etiamsi postea constet contrariam opinionem fuisse veram, & suam non ita subtiliter inuestigatam. Item in c. *tua nos. de usuris*, docet contra communem opinionem posse nos agere, quando communis non probatur lure, vel per rationem, cui non potest responderi; hoc idem dicit Io: And. relatus ab Abb. hic, & in c. de



ad ferijs citato. Adde alios, quorum auctoritates asseremus, & expendemus infra: tam solvantur argumēta.

Ob primo ex Candido d. *predicta* q. 4. Nequit intellectus opinari propositionem utcumq; probabilem, nam hæc compatitur oppositam æquè probabilem, quin & probabiliorem, quo posito nequit intellectus illam opinari; ergo nequit voluntas illam eligere. *Idem*

Resp. Negando antecedens, ut satis probatum est *disput.* 2. *sect.* 4. & 5. unde potius ex opposito antecedentis inferri potest oppositum consequentis.

Ob. secundo ex eodem. Nulla propositio putata falsa spectans ad mores eligibilis est; aliter ageremus contra fidem, quod ex Apostolo peccatum est, quod enim non est ex fide, peccatum est. Seù, nulla propositio spectans ad mores, quæ eligenti non sit opinata vera, seu licita, non est licitè eligibilis, ex communi DD. sensu, qui ad minus requirunt iudicium probabile de honestate actionis. Sed stat aliquam propositionem esse probabilem eligenti, quæ non sit iudicata vera, vel licita, quia habet oppositam probabiliorem, quæ sola potest iudicari vera, vel licita; ergo stat aliquam propositionem esse probabilem eligenti, quæ tamen non sit eligibilis; ergo ex hoc præcisè, quod aliqua propositio sit probabilis, non est licitè deducibilis in praxim.

Resp. Absolutè negando maiorem, quocumq; modo fiat; nam ad agendum honestè, & sine peccato nõ requiritur, quod iudicetur vera, seu honesta materia eligenda: sed solum, quod iudicetur certò, & guidenter honesta actio, seu electio, quæ sola regulatur à Prudentia; cuius electionis rectitudo non à iudicio, quod materia sit honesta deducitur; sed solū à iudicio, quod materia sit probabiliter honesta, hoc est, quod detur opinio verè probabilis de eius honestate; esto ipsa ma-

teria in se iudicaretur honesta, vel illicita. Neque vero agitur proinde contra fidem, quia non agitur contra conscientiam, quæ venit nomine fidei in illo textu Apostoli; conscientia enim sicut, & prudentia cadit supra electionem, quæ certò scitur honesta, ut dictum est fusè *disp. p.* Iudicium autem, quod requirunt DD. probabile de honestate actionis (licet ego velim requiri iudicium evidens) cadit supra actionem, scilicet supra electionem, non supra materiam eligendam; quæ electio adhuc est, & scitur certò honesta, etiam cum iudicio probabili, quod materia non sit honesta, dummodò sit iudicium, quod sit probabilis opinio de eius honestate, ut probatum est supra fusè; quare à probabilitate honestatis materiæ desumit suam honestatem electio.

Resp. secundo retorquendo argumentum ad hominem; nam per Candidum *q. 6.* æquè probabilis, quando est tuta, licet eligatur; quæro ego, prudenter, an imprudenter? prudenter profecto; sed in hoc casu non potest prædicta propositio opinari vera, cum opposita æquè probabilis id non permittat ex Candido; ac proinde erit contra fidem, nec erit iudicium probabile de honestate ipsius; ergo alterutrum ex duobus dicendum est, vel argumentum modo factum nihil valere: vel malè concedi, æquè probabilem tutam posse prudenter eligi.

Dices. Licet non possit intellectus præbere assensum æquè probabili, scit tamen, quod est tuta, & quod non potest peccare, vnde potest illam eligere.

Contra tamen est, quia licet intellectus sciat se non peccare contra Deum, quia procul est occasio peccandi; tamen per hoc, quod æquè probabilis sit tuta, non operatur secundum fidem, hoc est secundum id, quod arbi-

arbitratur; quia eligit id, quod non iudicat verum; igitur ad minus operabitur imprudenter, quia eligit falsum, sicut & verum, & non eligit secundum rectam rationem; vnde non secundum Prudentiam, quæ est habitus rectæ cum ratione electivus. Et sanè ratio tuti non constituit actum in specie Prudentiæ, cum qui sequuntur tutum sine ratione, imprudentes sint, vt supra. Vnde ad argumentum, potest illam eligere sine nota imprudentiæ, nego: sine peccato contra Deum concedo; & ideo consultò in retorsione semper apposui, ly prudenter.

Ob. tertio ex eodem. Si propositio per hoc, quod est probabilis, potest licitè in praxim deduci, sequitur, quod id, quod nullo modo est probabile, sit verum, & licitum; quod est absurdum. Sequela patet; nullo modo est probabile, ex contradictorijs modo hanc esse veram, modo illam; modo hanc esse licitam, modo illam; sed hoc esset verum, & licitum; quia modo hanc, modo illam facerem veram mihi, opinando pro libito: modo hanc, modo illam facerem licitam mihi, eligendo; ergo esset verum, & licitum, quod nullo modo est probabile.

Resp. quod semper illud, quod deducitur in praxim, probabiliter est honestum, verum, & licitum; nam quæso, quid deducitur in praxim? hæc opinio, & illa; vtræque probabilis est; vtræque probabiliter vera; obiectum vtriusque probabiliter honestum, ac proinde certò licitum, in praxi, & licitum, quod eligatur. Quomodo? Eo modo, quo est probabiliter honestum, & verum; disiunctivè autem, non collectivè; hoc est, tam hæc, quam illa opinio seorsim accepta, probabilis est, ideo vtræque opinio nò collectivè, sed disiunctivè in praxim deducibilis est, scilicet, si vel hæc, vel illa, modo hæc, modo illa;

do illa; & quia semper eligitur opinio disiunctiue, nec enim collectiue duo contradictoria possunt simul poni: ideo semper eligitur, quod probabile est; licet autem opinio à parte rei modo non possit esse vera, & modo non vera, mihi tamen, seu respectu mei potest, & de facto id toties contingit, quoties quod prius non opinabar verum, postea opinor.

Ad illam autem propositionem, quod modò facio hanc contradictoriam licitam, modo illam; in primis dico quod non; quia semper utraq; fuit mihi licita: semper enim potui disiunctiue eligere tam hanc, quam illam, si utraq; fuit probabilis; unde licet non deducam nisi vnam in praxim, altera tamen erat mihi licita, quã potuissem omiſſa hac in praxim deducere; quod si adhuc ut aliqua opinio sit licita, requiri dicatur, quod ego ipsi assentiam, nihil obstat, quo minus modo vna, modo altera sit licita; sicut probatum est, nihil obſtare, quominus modo vnam, modo oppositam opiner, quãdo utraq; est probabilis; & hoc non modo erit probabile, quod nempe hoc pacto, & in hoc sensu modò vna opinio sit licita, modo non, sed verissimum.

## S E C T I O T E R T I A.

*Inferuntur quædam Conclusiones ex dictis.*

**I**N præcedenti sectione implicitè, & virtualiter continentur quædam propositiones, quas explicare iuvat distinctè, & latius confirmare.

*Conclusio Prima.*

**O**pinio singularis vnius Doctòris, etiam contra communem, dummodò probabilis sit, licetè, & sine peccato deducitur in praxim, & actio infallibiliter sequi-

sequitur honesta. Est omnium, qui opinionem simpliciter probabilem, etiam concurrentem cū probabiliore volunt posse eligi; in terminis autem vid. Pasqualig. in *decif. mor. decif. 2. Et 3.* & præter Albertum, & alios DD. sup. relatos idem censet Nau. in *Man. c. 27. num. 288.* ubi ait, *ad non peccandum sufficit eligere opinionem, quam merito censemus esse viri docti, Et conscientia præditi.* Quando autem vnus Doctor faciat opinionem, probabilem, dictum est *d. 2. sect. 1.*

Prob. Conclusio primo. Vnus vir doctus potest docere opinionem probabilem re vera contra communē; sed opinio re vera probabilis potest in praxim eligi; ergo opinio vnus Doctoris contra communem potest in praxim eligi. Minor probata est satis *sect. præcedenti*; maior, præterquamquod satis clara est ex dictis *sect. 1. d. 2.* vltius sic probatur. Opinio cōmunis non est vera, & euident, & vir doctus soluit saltem probabiliter rationes ipsius: insuper affert rationem, quæ euidenter non soluitur, sed solum probabiliter; ergo communis opinio non nisi probabilis est, & ad summū magis probabilis; ergo nihil prohibet, quin opposita sit probabilis; nam si quid prohibet, est communis opinio, quæ est in contrarium; sed hæc non, quia cum non excedat limites probabilitatis, non negat, nec destruit probabilitatem alterius, quin illam supponit: & ex alia parte opinio singularis est firma ratione, valida, & probabiliter soluta; ratio enim, quæ solum probabiliter ad summum soluitur, probabilis est; ergo re vera opinio singularis viri docti, etiam contra communem potest esse probabilis.

Sed obijcit primo Cand. *d. cit. q. 8.* quia communis sententia rem ferè certam reddit, si enim *vox Populi, vox Dei*, quanto magis vox sapientium consentientiū;

ergo

ergo

ergo in oppositum nec possumus opinari, nec oppositum sequi.

Resp. Candidum benè apponere illam particulam serè, quia verè communis sententia, ex hoc, quod cōmunis, certa non est, sed ad summum erit valdè probabilis, seù summè probabilis; opinio autem quamuis summè probabilis, patitur contrariam probabilem, alias si non pateretur, certa esset simpliciter; vt patet de se.

Ob. secundo auctoritatem Aristotelis 3 *met.c.primo*, vbi docet in qualibet facultate non vni opinanti standum, sed sententias esse librandas, dubitandum de earum veritate, ponderandas rationes, vt veritas inueniatur; igitur in materia morali, in qua periculum peccandi est, vni Doctōri non est fidendum.

Resp. Quod Aristoteles non vult, quod non possumus stare sententiæ vnius Doctōris magni, etiam contra communem, si eius opinio simpliciter probabilis est, & errorem non continet; sed solum vult, quod vir doctus non debet statim vni sententiæ audire, siue sit vnius, siue multorum acquiescere, & decidere pro illa; sic enim, vt ait Philosophus, non benè, se habere ad iudicandum, cum Iudices debeant omnes partes audire; sed debet vtrasq; sententias ponderare, & videre si prima, siue communis, siue singularis habeat in oppositum rationes conuincentes, si probabilis remaneat; quo posito postea non negat posse cuiilibet, dummodo probabilem verè reperiatur, assentiri. Alias auctoritates ex scriptura, & Sanctis PP. desumptas expendemus infra.

*Conclusio*

et licet opinio, in illa opinio, que non est in materia  
*Conclusio Secunda.*

**O**pinio, etiam eligenti opinata falsa, licet in praxim deducibilis est, dummodo ipsi consuet de eius probabilitate; & per consequens multò magis opinio non iudicata vera, dummodo probabilis sciatur. Est omnium eorum, qui docent posse quem operari secundum opinionem probabilem aliorum contra propriam, ut patebit consideranti, & in terminis videatur Pasqual. in *decis. mor. decis. 21.*

Probatur Conclusio. Primo, quia propositio, ex hoc, quod sit opinata falsa, non desinit esse evidenter probabilis, etiam illi, qui falsam opinatur; ut probatum est *d. 2. sect. prima*; sed quod facit, quod propositio licet sit in praxim deducibilis, non est, quod existimetur vera, vel falsa, sed eius probabilitas; quæ ex dictis susè sola est, quæ est regula operis, & refundit honestatem in actus voluntatis, & facit illos virtutis Prudentiæ; ergo opinio iudicata falsa, adhuc in praxim licet deducibilis est.

Secundo. Quia ponatur E. G. hic casus. Queritur, an Cambium recursæ sit licitum in se; utrinque sunt opiniones probabiles: ego licet possim utriq; assentiri, tamen assentior parti negatiuæ, & iudico Cambium prædictum esse illicitum, adhuc tamen scio probabile esse, quod sit licitum; tum sic. Eligendo prædictum Cambium adhuc infallibiliter scio, me operari honestè, & prudenter; ergo &c. Probatur antecedens, adhuc scio evidenter, licitum esse mihi tale Cambium, licet opiner in genere esse illicitum, seu à parte rei, & secundum se; quia non est eadem ratio; quæ facit rem licitam secundum se, & licitam mihi, seu eligibilem à me; licitâ enim secundum se facit eius conformitas ad iustitiam,

& licitam mihi facit apparentia liciti, cum graui ratione, seu fundamento, adhibita sufficienti diligentia, quod est idem, ac dicere probabilitas. Quia autem stat, quod res opinetur non conformis ad iustitiam, & tamen sciatur apparere cum graui fundamento conformis; ideo stat, quod sit licita mihi, seu eligibilis, & adhuc estimetur, seu etiam sit à parte rei illicita.

Vnde non sequitur, quod ego eligam illicitum mihi, seu putatum illicitum mihi; & sic quod agam contra conscientiam; nam eligo, quod scio licitum esse mihi, licet putem illicitum secundum se; quæ duo stant optime, vt mox ostendi, & probatum est fusè *d. prima*. Vnde actio mea sequitur infallibiliter honesta, & ex fide, secundum conscientiam, & Prudentiam.

Sed quia aliqua posset esse equiuocatio in illo termino (licitum) quod potest sumi absolute, & respectiue; absolute pro eodem ac honestum, conforme rationi; respectiue verò prout dicit ordinem ad aliud, & sic idè sonat, ac eligibile; Ideo secludamus æquiuationes, & sic manifestetur veritas conclusionis. Dixi posse aliquid iudicari illicitum secundum se, & licitum mihi; vera est hæc propositio, si illicitum sumatur absolute prout indicat modus secundum se, & sic sonat idem, ac honestum, ac conforme rationi, & iustitiæ: & licitum mihi, è contra respectiue, pro eodem ac licite eligibile, ac sine peccato: quæ duo profecto non pugnant; nam dū dico, aliquid est illicitū secundū se, prædico inhonestatē, seu negationē debitæ conformitatis ad iustitiam de re, seu obiecto, puta de Cambio recursæ; dum dico licitum esse mihi, prædico honestatem, & conformitatem cum recta ratione, quæ importatur in ly, licitum, de mea electione prædicti Cambij; vnde idem obiectū non iudicatur honestum, ac non honestum, sed duo obie-



obiecta sumuntur, quorum alterum, nempe Cambium dicitur iniustum; electio verò, quæ est alterum obiectum, dicitur iusta, in quo nulla est implicatio.

Quomodo autem electio possit esse iusta, & honesta, quando ipsius materia putatur illicita, probatum est fusè; quia honestas electionis; ab apparentia honestatis in obiecto cum graui fundamento, non verò ab iudicio, quod obiectum sit honestum in se, deducitur.

Dices; ergo licet eligere illicitum. Resp. quod ne faciamus vim in termino equiuoco, dicas; ergo licet eligere obiectum, quod putatur iniustum esse, seu non conforme rationi; sic enim respondeo, quod quando putatur tantum opinatiuè, non euidenter, & ex alia parte scitur euidenter apparere iustum cum graui fundamento, utique licet illud eligere; vnde ego non committo iniustitiam, quia vtor iure meo, quod habeo eligendi, quod mihi apparet iustum cum fundamento, licet ego putem iniustum; vnde obiectum ex hoc iure, quod habeo, euadit respectu mei non iniustum: vnde simpliciter eligo iustum, & licitum respectu mei.

Dices. Ergo saltem scienter agis illicitum materialiter; quod profectò non videtur esse rectum operari.

Resp. Quod in primis, an obiectum, quod eligitur sit materialiter illicitum, hoc est in re iniustum, Deus scit, non verò eligens, qui tantum opinatur esse iniustum: cum quo potest stare, & fortè à parte rei stat, quod sit iustum; vnde falsum est, quod scienter agat iniustum materialiter, non enim scit, quod sit illicitum materialiter; si autem propositio fiat hoc pacto; ergo saltem scienter agis opinatum illicitum materialiter, vera est propositio; hoc autem est rectè operari, quando ex alia parte est probabilis opinio, quod sit licitum, seu iustum; tunc enim euidenter scit à se iuste

esse eligibile, unde & scit rectam fore suam operationem.

Dices. Dubius de illicito non potest quis agere; ergo multo minus cum opinione de illicito.

Resp. Distinguendo antecedens. Dubius de illicito cadente supra materiam eligendam, non potest agere, nego antecedens, si stante hoc dubio sint rationes probabiles pro licito, ut probatum est, *d. p. sect. v. concl. 2.* Dubius de illicito cadente, vel supra electionem, vel supra ipsam materiam eligendam deficientibus rationibus probabilibus pro licito, concedo; & similiter ad consequentiam, distinguo: cum opinione de illicito, stante opinione probabili de licito, nego consequentiam; sine vlla opinione verè probabili de licito, concedo consequentiam.

Dices. Quis debet stare suo iudicio, & suo dictamini rationis; ergo, quod putat illicitum, etiam stantibus opinionibus aliorum in oppositum non potest agere.

Resp. Quod eligendo id, quod putat illicitum etiam stat suo dictamini rationis, suæq; rectæ rationi, & conscientiæ, quam sequi debet in operando, ne peccet. Dictamen enim rationis, recta ratio, conscientia &c. cum practica sit respicit electionem, quam dirigit, quam quidem etiam stante iudicio speculativo de inhonestate materiæ dictat esse licitam, & posse actu poni; quia assentitur huic actui, quo scit, materiam, de qua probabilis est opinio, quod sit honesta, posse eligi licitè; unde eligendo illam conformatur, suo dictamini rationis, quod sequens scit se non errare. Vel claritatis gratia distinguas, debet stare quis suo iudicio speculativo, nego, quo iudicat de honestate rei in se; iudicio practico, quo iudicat de electione, concedo; Ideo &c. Adde propositionem Cancell. Paris. in tract. de natura conscientie; vbi

ubi ait, *In agendis plus debemus alijs credere, quam nobis.*

Dices. Quod quis putat iniustum, putat esse peccatum; ergo non debet, nec licite potest illud agere, alias posset licite agere, quod sibi est peccatum.

Resp. In primis peccatum solum proprie consistere in actione nostra, non vero in obiecto ipsius. Qui autem putat obiectum esse iniustum, simul scit suam actionem esse iustam, & licitam; unde non putat se peccare. Addo peccatum idem est ac offensa Dei; obiectum putatum iniustum non est offensa Dei, quando concurret cum probabili opinione, quod sit iustum; Deus enim non offenditur in illis rebus, quas prudenter possumus eligere: obiectum autem, de cuius iustitia est probabilis opinio potest prudenter eligi; unde esto putet quis obiectum suae actionis iniustum, adhuc illud non putat peccatum, sed euidenter scit non esse tale, & per consequens scit se non peccare.

Concludo, & probo tertio hanc conclusionem hoc argumento. Potest quis in praxi sequi opinionem probabiliorum aliorum, quam ipse putat falsam; Item subditus potest sine peccato sequi in praxi opinionem probabilem superioris contra propriam, esto ad hoc non obligetur, de quo modo non disputo; ergo hic potest in praxi sequi, quod putat illicitum, si enim opinio alicuius, etiam superioris, quod aliqua res sit iusta, ab ipso putatur falsa, profecto illa res ab ipso putatur iniusta, & in se illicita; ergo opinio opinata falsa, si in contrarium sit opinio probabilis, vel probabilior, licite in praxim deducibilis est.

Dices. In casu argumenti maior probabilitas, vel obedientia superiori debita iustificat actionem.

Sed contra, quia actionem iustificat probabilitas simpliciter.

esse eligibile, unde & scit rectam fore suam operationem.

Dices. Dubius de illicito non potest quis agere; ergo multo minus cum opinione de illicito.

Resp. Distinguendo antecedens. Dubius de illicito cadente supra materiam eligendam, non potest agere, nego antecedens, si stante hoc dubio sint rationes probabiles pro licito, ut probatum est, *d. p. sect. v. concl. 2.* Dubius de illicito cadente, vel supra electionem, vel supra ipsam materiam eligendam deficientibus rationibus probabilibus pro licito, concedo; & similiter ad consequentiam, distinguo: cum opinione de illicito, stante opinione probabili de licito, nego consequentiam; sine vlla opinione verè probabili de licito, concedo consequentiam.

Dices. Quis debet stare suo iudicio, & suo dictamini rationis; ergo, quod putat illicitum, etiam stantibus opinionibus aliorum in oppositum non potest agere.

Resp. Quod eligendo id, quod putat illicitum etiam stat suo dictamini rationis, suæq; rectæ rationi, & conscientiæ, quam sequi debet in operando, ne peccet. Dictamen enim rationis, recta ratio, conscientia &c. cum practica sit respicit electionem, quam dirigit, quam quidem etiam stante iudicio speculativo de inhonestate, materiæ dictat esse licitam, & posse actu poni; quia assentitur huic actui, quo scit, materiam, de qua probabilis est opinio, quod sit honesta, posse eligi licitè; unde eligendo illam conformatur, suo dictamini rationis, quod sequens scit se non errare. Vel claritatis gratia distinguas, debet stare quis suo iudicio speculativo, nego, quo iudicat de honestate rei in se; iudicio practico, quo iudicat de electione, concedo; Ideo &c. Adde propositionem Cancell. Paris. in tract. de natura conscientiæ;

vbi

ubi ait, *In agendis plus debemus alijs credere, quam nobis.* — Quia si illic, qui obicit, non loquitur

Dices. Quod quis putat iniustum, putat esse peccatum; ergo non debet, nec licet potest illud agere, alias posset licet agere, quod sibi est peccatum.

Resp. In primis peccatum solum proprie consistere in actione nostra, non vero in obiecto ipsius. Qui autem putat obiectum esse iniustum, simul scit suam actionem esse iustam, & licitam; unde non putat se peccare. Adde peccatum idem est ac offensa Dei; obiectum putatum iniustum non est offensa Dei, quando concurret cum probabili opinione, quod sit iustum; Deus enim non offenditur, in illis rebus, quas prudenter possumus eligere: obiectum autem, de cuius iustitia est probabilis opinio potest prudenter eligi; unde esto putet, quis obiectum suae actionis iniustum, adhuc illud non putat peccatum, sed euidenter scit non esse tale, & per consequens scit se non peccare.

Concludo, & probo tertio hanc conclusionem hoc argumento. Potest quis in praxi sequi opinionem probabiliorum aliorum, quam ipse putat falsam; Item subditus potest sine peccato sequi in praxi opinionem probabilem superioris contra propriam, esto ad hoc non obligetur, de quo modo non disputo; ergo hic potest in praxi sequi, quod putat illicitum, si enim opinio cuius, etiam superioris, quod aliqua res sit iusta, ab ipso putatur falsa, profecto illa res ab ipso putatur iniusta, & in se illicita; ergo opinio opinata falsa, si in contrarium sit opinio probabilis, vel probabilior, licet in praxim deducibilis est.

Dices. In casu argumenti maior probabilitas, vel obedientia superiori debita iustificat actionem.

Sed contra, quia actionem iustificat probabilitas simpliciter

### 174 . DISSERTATIO TERTIA.

pliciter; cum magis, & minus non differant specie; ergo si non obstante iudicio probabili de inhonestate, possum sequi probabiliorem in praxi dicentem de honestate, etiam potero sequi probabilem de honestate. Item respectu agentis non est maior probabilitas, sed minor, quia ipsi apparet opinio aliorum falsa.

U. Quod additur de obedientia superiori debita, hæc profecto non iustificat actionem; unde superiori præcipiente clarè illicitum, obediendum non est; facit quidem actionem magis meritoriam, sed nō licitam; quod enim iustificat, est probabilitas ex parte superioris, quod præcipiat iusta. Et sanè obedientia facit, ut debeas facere, quæ præcipit superior; at vero probabilitas facit ut possis. Igitur si contra propriam opinionem sequi potes in praxi opinionem superioris præcipientis, iam potes sequi opinionem probabilem, quam putas falsā; & ideo potes, quia probabilis est. Neque vero ideo potes, quia præcipit superior, quia antequam superior præcipiat, debes posse, alias non posset à superiore præcipi; superior enim debet præcipere ea, quæ licitè possunt fieri; unde obedientia, prius præsupponit aliquid posse fieri licitè, & ipsa addit coactionem, & ut mox dicebam, obedientia facit ut debeas, non ut possis, loquendo vniuersaliter.

#### *Conclusio Tertia.*

Q Vis inter opiniones contrarias probabiles constitutus potest pro libito, quam voluerit eligere, quin & modo hanc, modo illam. Est communis inter recentiores. Vid. Pasqual. *decis.* 23. quibus adde Nauarrum *de Pænis. Et remiss. conf.* 8. ubi docet, posse Doctorem respondere utramq; opinionem probabilem posse iustè teneri in praxi, & consulentem posse, quam voluerit, sequi.

Con-

Conclusio sequitur ex dictis; probabilis enim solummodo verè ad sit, sufficit ad agendum sine peccato; concurrentibus autem opinionibus contrariis, equè licet probabilibus, utramque simpliciter remanere probabilem, probatum est *id. sect. 3*. Quod autè possit eligere modo hanc, modo illam, sequitur ex hoc: nam utraq; est eligibilis, quia utraq; probabilis, & per hoc quod eligatur nunc una, alia non desinit esse, nec evidenter iudicari probabilis; nec enim per meam electionem tollo probabilitatem sententiæ oppositæ; ergo adhuc illa est eligibilis, ergo possum illam modo eligere relicta priori. Immo etiam si requireretur assensus illi opinioni, quam in praxi eligo, adhuc possem modo hanc, modo illam eligere, quia possum, quando utraq; est probabilis, modo hanc, modo illam opinari; non mixtus enim sum liber ad opinandum, postquam opinatus sum, quam antea, in sensu tamen diuiso, hoc est, abiecta prima opinione.

Sed ob. primo ex Candido *q. 6*. quando utraq; contradictoria est probabilis æquè, puta, quod Cambium, recursæ liceat, & quod non liceat; adhuc intellectus est dubius de veritate rei: neque hoc, quod utraque sit probabilis, tollit dubium, cum intellectus etiam, cum hoc non minus habeat rationes pro licito, quam pro illicito, vnde nequit se determinare; insuper utraq; non remanet nisi probabilis secundum quid: sed cum dubio, an liceat non possumus agere; ergo quando utraque contradictoria est probabilis, non possumus pro libito alterutram amplecti in praxi.

Resp. Quod quando intellectus est inter opiniones æquè probabiles, nunquam est dubius radicaliter; quia ex hoc, quod habeat opiniones verè probabiles, potest pro libito ad quamlibet se partem determinare, illam .i. opi-

opinando; & si non remanere dubius de veritate rei; dubietas enim ab intellectu tollitur per ipsius assensum; assensus autem est opinio. Quandoq; tamen intellectus inter opiniones æquè probabiles constitutus remanet formaliter dubius de veritate rei, seu de honestate materie: quia scilicet nec assentitur opinioni de honestate, nec opinioni de inhonestate, sicut posset, si vellet. In hoc ergo casu sic dubius de honestate rei, adhuc potest illam eligere, & agere sine peccato, & honestè; per hoc præcisè, quod materia tantum probabiliter cognita honesta, seu de cuius honestate evidens est dari opinionem probabilem, honestat actionem, & reddit illam licitā ex dictis; & probatis supra fusè. Adhuc ergo quis inter probabiles opiniones constitutus licitè agit, & sine peccato, quamlibet opinionem sequendo; & licet dubitet de honestate materie in esse rei, est tamen certus esse sibi licitam, & eligibilem sine peccato (idem est enim licitum, ac non vetitum, seu eligibile,) & per consequens est certus sibi licere, sic agere, & non formidat nec leuiter se peccare. Quod additur, propositiones probabiles concurrentes non esse probabiles simpliciter, falsum est, & impugnatum fuit *d. 2. sect. 3.*

Ob. secundo. Non potest quis licitè agere, nisi ad minus opinetur se licitè agere; sed cum opiniones æquè probabiles sunt contrariæ circa honestatem actionis, nequit opinari se licitè agere: tunc enim motiua sunt paria tam pro licito, quam pro illicito, unde nequit alterutri parti assentiri; ergo &c.

Resp. Quod ad licitè agendum requiritur scientia, non modo opinio de licitè agendo; quæ scientia cadat supra honestatem actionis, seu electionis, quæ per se formaliter debet esse honesta, & actus Prudentiæ; numquam autem sunt opiniones contrariæ circa honestatem



tem actionis, sed solum opiniones contrariæ cadunt supra materiam actionis, cum quibus opinionibus contrarijs, non modo stat opinio, sed scientia de honestate actionis, etiamsi intellectus non assentiatur materiam esse honestam, seù etiamsi positiuè opinetur esse inhonestam, dummodo sit certus de probabilitate honestatis, vt supra fusè. Addo, quod etiamsi motiua circa honestatem, & inhonestatem materiæ sint paria, adhuc potest intellectus pro sua libertate cuilibet pro libito assentiri.

Ob. tertio. Quod res sit, non potest iudicari nisi vno modo, licet possit iudicari, quod appareat vtroq; modo; sed cum æqua sunt motiua, non est ratio, cur iudicetur potius vno modo, quam altero; ergo nullo modo poterit iudicari. Quid enim tollet hanc indifferentiam? ergo remanebit intellectus dubius; sed cum dubio circa actionem non licet operari; ergo concurrentibus opinionibus equè probabilibus, in quo casu motiua sunt paria, non possumus licitè operari.

Resp. Verè non nisi vno modo rem posse iudicari, quoad esse; tamen disiunctiuè posse iudicari vtroque modo, hoc est aut vno, aut altero, si pro vtraq; parte sint motiua simpliciter sufficientia, hoc est verè probabilia, siuè sint equalia, siuè non; & licet ex parte motiuorum non sit maior ratio, cur potius vno modo, quam altero iudicetur; tamen simpliciter est motiuum, & sufficiens causa, cur alterutri parti assentiatur intellectus. Hanc indifferentiam quis supplebit? Voluntas, quæ in similibus casibus habet sibi subditum intellectum, vt eius indifferentiam non plenè determinatā à motiuis, determinet, vt probatum est d. 2. In casu ergo opinionum æquè probabilium, intellectus nunquam erit dubius radicaliter circa materiam, quia semper poterit

opinari esse illā honestā ; formaliter autē, si quando erit dubius, hoc non obstabit, quia non proinde erit dubius circa actionem . Vellem autem vt Candid. & DD. omnes distinguerent actionem à materia , sic enim clarius hanc quæstionem, & difficultatem dissoluerent .

Ob. quarto . Non potest quis sequi, quod non est probabile esse verum ; sed non est probabile esse verā vtramq; contradictoriam ; ergo vtramq; non possumus sequi.

Resp. Quod eo modo, quo est probabile vtramque contradictoriam esse veram, eo modo vtramq; contradictoriam potest quis sequi ; porro licet non sit probabile vtramq; contradictoriam esse veram collectiue ; est tamen probabile esse veram disiunctiue , hoc est, aut vnā, aut alteram , & sic disiunctiue prohibito vtramque contradictoriam possumus eligere , scilicet vnā, aut alteram ; sed subtilius.

Resp. secundo. Et prius noto, quod est maxima differentia inter has duas propositiones ; Apparet probabiliter, ( quod est idem ac dicere probabile est, ) quod vtraq; contradictoria sit vera, & Vtraq; contradictoria probabiliter apparet vera ; nam in prima propositione agitur de eo, quod est in re ; in secunda autem tantum de apparentia ; dicitur enim in prima, Apparet, quod vtraq; sit vera in se ; vnde in hac apparentia cadit supra res, secundum modum, quem habent à parte rei ; at verò in illa secunda, apparentia cadit supra res, vt obijciuntur intellectui, & secundum motuum, quod habent sui in intellectu. Et hinc prima est falsa, quia cum intellectus sciat certissimè vtramq; contradictoriam in se non posse esse veram ; hinc nullo pacto probabiliter potest intellectus iudicare, quod vtraque sit vera. At secunda est vera, quia licet res esse non possit à parte rei  
vtraq;

vtroq; modo ; potest tamen utroq; modo apparere , & cum fundamento ; sic vtraq; contradictoria potest apparere probabiliter vera , quia vtraq; collectiue potest habere fundamentum veritatis . Hinc ad argumentũ ; quia id, quod requiritur ad honestè agendum, sine peccato non est modus, quo res est à parte rei : sed quo apparet probabiliter ; quia vtraq; collectiue apparet probabiliter vera , vtraq; collectiue etiam erit eligibilis , quia vtraque etiam collectiue habet rationem formalem co-honestatiuam actus moralis . Vnde maior argumenti obiecti, vel est falsa, vel æquiuoca ; fiat ergo hoc modo . Non potest quis sequi, quod neq; probabiliter verum, apparet , & sic vera erit ; & minor fiet hoc modo , sed vtraq; contradictoria neq; probabiliter apparet vera , & hæc erit falsa, vnde nulla consequentia .

Adde, quod vtraq; contradictoria non potest simul eligi, nisi respectu diuersorum ; in quo casu duæ electiones diuersæ duabus contradictorijs correspondent , quarum vtraq; in alterutram contradictoriam seorsim ferretur ; quia ergo vtraq; contradictoria seorsim est probabiliter vera , ideo nulla electio in hoc casu ferretur in id, quod non est probabile esse verum, vnde vtraque esset certò honesta .

Instabis . Eligens vtramq; est certus se eligere falsum , quia alterutram ex contradictorijs esse falsam necesse est ; sed falsum euidenter cognitum eligi non potest ; ergo &c.

Resp. Quod licet eligens vtramq; contradictoriam sciat se eligere falsum , nescit tamen vbi sit falsum , cum vtraq; ipsi appareat vera . Vitaret prolepto illam , in qua sciret esse falsitatem ; quia autem nescit, vtramq; eligit , quia vtraq; habet probabilitatem , quæ sufficit ad honestè agendum ; vnde ad minorem, dico falsum co-

gnitum determinatè non posse eligi, secus cognitum, vagè disiunctiue &c. Sit exemplum. Mercatori, qui statuit negotiari mille aureos, proponitur negotium in Hispania; hinc tantum probabiliter apparet spes lucri: inde tamen etiam probabiliter vrget timor damni; quid facit. Vtramq; partem sequitur; quingentos exponit negotio, & sic affirmatiuam sequitur, quæ dicit negotiandum in Hispania; alios quingentos suspendit, & sequitur quò ad hos negatiuam, quæ dicit non negotiandũ. Modo quæro. Mercator iste egitne prudenter? quis neget? certè autem quoad vtramq; partem: quia quantũ motiui habebat pro vna parte, tantum habebat pro alia; & tamen certus est in vna parte esse falsum, certò enim aut erat futurum lucrum, aut non. Applica modo; mihi proponitur Cambium reкурсæ E. G. vt licitum, & vt illicitum, in duabus regionibus. Eligo Cambium in vna regione: non eligo in alia; quare non agam prudenter, & per consequens quare non licitè. Et ratio est à priori, quia vtraq; contradictoria est probabilis, & magis preponderat probabilitas, quæ certè supra vtramq; cadit; quam falsitas, quæ vbi cadat, nescimus.

Dices. Vtrique non possumus assentiri; ergo vtramq; non possumus eligere.

Resp. Negando consequentiam, quia quòd non possumus assentiri non est ex parte motiuorum; seu probabilitatis opinionum; vtraq; enim potest mouere ad sui assensum; sed ex parte actuum, qui vt potè contradictorij inter se repugnant; Vnde sicut hoc nõ tollit probabilitatem opinionum, sic neq; eligibilitatem.

Ob. quinto. Probabilis opinio cum contraria æquè probabilij non tollit dubium de illicito, cum quo non licet agere; nam tunc non minus sunt rationes pro licito, quàm illicito, cū vtraq; opinio sit æquè probabilis

muting

z N

Neq;

Nequedicatur tolli dubium per hoc, quod datur probabilis opinio de licito; nam hæc probabilis opinio de licito secum compatitur rationes æquales pro illicito, vnde non tollit dubium, sed ponit. Præterea ad rectè agendum requiritur, quod sciam me agere licitum, quod actio sit licita; sed quando sunt æquales opiniones tam pro licito, quam illicito; hoc non possum scire: tam enim secundum se, actio proponitur licita, quam illicita; ergo &c. alias perinde possem eligere licitum, ac illicitum: vel meo arbitrio possem opinari licitum, quod est contra Aristotelem, quia liberum nō est opinari. Item quare cum conscientia dubia non licet opinari? quia non pariter licitum, atq; illicitum eligibile est. Sed hoc contingit etiam, quando opiniones contrariæ sunt æquæ probabiles, quia nō minus rationes sunt pro licito quam illicito; ergo &c. Deniq; quare in dubio orto ex opinionibus contrariis possum amplecti, quod volo? fortasse, quia ego possum amplecti opinionem probabilem? hoc est perere principium, est enim id, de quo disputatur; ergo &c.

Hoc argumentum, quod diffusè *d. prædicta qu. 6.* Candidus vrget, & prosequitur, si explicetur, & semel distinguamus materiam ab actione, seu electione materiæ, nullum esse inuenietur; nam in primis licet nō possimus agere cum dubio de illicito cadente supra electionem (quin etiam velim requiri scientiam de licito actionis) cum dubio tamen cadente supra materiam, orto ex opinionibus probabilibus licet agere; quia hoc dubium non tollit cognitionem certam de honestate actionis, quæ honestas per se intenditur à Prudentia, ut supra fusè. Opiniones autem probabiles non ponunt dubium circa actionem, sed solum circa materiam; circa quam cadunt, ponunt enim dubium de licito, vel illicito

illicito circa materiam, de qua loquuntur. At verò non inde, neque illatiuè concludunt circa actionem, cuius honestas non mensuratur ab opinionum veritate, sed ab opinionum probabilitate, vt probatum est fusè supra. Et hoc est, quod dicunt DD. dum docent intellectum speculatiuum nihil dicere de operando, & dubiū speculatiuum (intellige circa materiam) non cadere supra actionem, nec illius honestati officere. Vndè ex hoc, quod sint opiniones æquè probabiles, remanet dubium de honestate materiæ in se, esto; de electione, nego; per hoc enim, quod sint æquè probabiles, sicut nō tollunt probabilitatem sibi inuicem; sic neq; rationem formalem honestatiuam actionis.

Quamuis concurrentibus opinionibus æquè probabilibus non remanet dubium radicaliter circa honestatem ipsius materiæ; potest enim intellectus pro libito opinari materiam esse honestam, vt supra fusè, cum de libertate opinandi; vnde per probabiles opiniones tollitur dubium, quia ponitur sufficiens motiuum, quo intellectus potest opinari, & dubiū deponere.

Vtè ad rectè agendum verè requiritur, quod sciam, quod mea actio sit licita, quod materia sit à me eligibilis, & mihi licita, quod idem est; hoc autem possum scire, immo scio, etiam concurrentibus contrarijs opinionibus æquè probabilibus; quia per illas, seu per neutram illarum inducor in dubitationem, seu formidinem, quod actio sit illicita, quia ipsæ non respiciūt actionem. Inducor quidem in formidinem, an materia secundum se sit honesta; non verò an actio, seu illius electio sit honesta; quæ ex hoc, quod opinio de honestate materiæ sit probabilis, infallibiliter est honesta; vnde non perinde eligo licitum, ac illicitum mihi; scio enim euidenter talem materiam esse licitam mihi,

seu à me eligibilem, licet dubitem de licito secundum se; possum autem perinde eligere licitum, ac illicitum secundum se, si sciam illud licitum mihi; vt in presenti. Præterea pro libito possum opinari materiam etiam secundum se esse licitam; neque hoc est contra Aristotelem; neque erit fingere, quia dum habeo rationes probabiles, opinor, non fingo, vt probatum est. Actionem autem non solum pro libito opinor honestam; sed certò, & infallibiliter scio sine vlla formidine esse honestam.

Præterea. Cum Conscientia dubia non licet agere; quia tunc nulla est ratio honestans actionem; at verò quando concurrunt opiniones probabiles, est statim ratio formalis honestans actionem, nempe probabilitas, quod materia licita sit secundum se; & licet sint rationes in contrarium alterius opinionis æquè probabilis, dicta probabilitas non tollitur, nec ponitur in dubio; vnde remanet certissimum honestatiuum actionis.

Demum, dum dicimus nos posse amplecti opinionem quamcumq; æquè probabilem, non petimus principium; tùm quia hoc probauimus supra, dum ostendimus, quod sola probabilitas opinionis est ratio honestatiua actionis; tùm quia dum conclusio nostra non impugnatur, benè respondemus solum illam asserendo; vnde non petimus principium nos; sed Candidus debet hoc impugnare.

Dices. Concurrentibus opinionibus æquè probabilibus emergit dubium speculatiuum; ergo & practicum; nam quid illud tollit? Dices. Probabilitas opinionum. Petis principium, hoc est enim, quod queritur.

Resp. Clarè negando consequentiam. Quomodo probas non probas, sed quærīs? bene. Querenti respondetur id, quod est in controuersia; petone principium.

cipium? nequaquam; petit principium, quod impugnantem respondet id, quod est in controuersia; sit exemplū; Est in controuersia, an materia prima habeat propriam existentiam, quidam sic arguit. In toto est forma, quæ habet existentiam; ergo materia existit per illam; negatur consequentia; ille vrget, quare non existit per formam habentem existentiam? respondeo, quia habet propriam, petone principium? quis hoc dicat? sic in casu nostro; ergo &c.

Ob. sexto. Dum est dubium de vno ex duobus non tollitur dubium per hoc, quod asseritur aliquid commune vtrique; ergo cum est dubium, an actio sit licita, non tollitur dubium per hoc, quod sit probabile, quod sit licita; quia hoc quod est esse probabile, est commune etiam parti oppositæ, quia est etiam probabile; quod non sit licita.

Resp. Nunquam esse dubium, an actio sit licita, sed solum an materia sit honesta, seu licita secundum se; supra quam solum cadunt opiniones probabiles; esto ergo, quod per probabilitatem, quod materia sit licita non tollatur dubium, quia probabilitas est communis alteri parti, nempe opinioni, quod sit illicita, tollitur tamen dubium circa honestatem actionis, quam probabilitas de honestate materiæ ponit, & quam probabilitas, quod materia sit inhonesta, non tollit, quia cum illa stat, sicut cum illa stat probabilitas de honestate materiæ, vnde poterit quis agere sine peccato.

Addo, quod quamuis per probabile esse non tollatur dubium formaliter circa honestatem materiæ in se, tollitur tamen radicaliter, in quantum potest intellectus assentiri illi opinioni de honestate, & sic tollitur dubium formale, quia ponetur assensus, qui vtiq; non erit, quid commune alteri parti, seu alteri opinioni, licet probabili.

Alia



Alia duo argumenta affert Candidus *prædicta* d. q. 6. quæ tamen ex dictis soluta manent, & ulterius ex dicendis infra diluentur.

Ob. Septimo. Ex eodem q. 8. Dubitanti mihi de valore monetæ, si duo paris auctoritatis contradictoria dicant; quid agendum erit? certe dubitandum; quare enim potius vni credendū, quā alijs? ergo similiter in cōcursu opinionū æquē probabiliū solūm dubitandū est.

Resp. Si illi faciunt suum dictum probabile, prudenter, cui voluero assentiar, & prudenter, quam voluero partem eligam, quia quod vni eorum assentiar, habeo sufficiens motiuum, scilicet testimonium probabile; si quæris, quare potius vni, quam alijs credo; resp. ly potius refundendū in voluntatem; adhuc tamen non valet; ergo pro libito opinaris: quia hic est transitus à secundo quid ad simpliciter. Cōcedo, quod ly potius à voluntate solūm dependeat; non verò simpliciter opinari, ad hoc enim habeo sufficiens motiuum, auctoritatem nempe probabilem.

*Conclusio Quarta.*

**Q**uælibet opinio, dummodo speculatiuè probabilis, licitè in praxim deducibilis est; unde nulla est distinctio quorundam DD. dicentium, aliquid esse probabile speculatiuè, & non practice; hoc est, aliquid licet reuera speculatiuè probabile sit, in praxim tamen deducibile non esse. Ita docuit subtilissimus Io: Sanchez. *In sel. d. 44. nu. 63.* laudatus à Diana *par. 2. tr. 13. ref. 5.*

Probatur. Conclusio euidenter à priori, primo quia, quod aliquid in praxim licitè sit deducibile, non aliunde oritur, nisi ex eo, quod per iudicium speculatiuū sit probabiliter honestum. Hæc enim est vnica ratio ex

bona

A a

qua

quæ cohonestantur actiones morales, nec alia potest assignari, nec à DD. hætenus fuit assignata; ergo ex hoc ipso, quod aliquod obiectum speculatiue sit probabiliter honestum, statim erit eligibile, infallibiliter enim honestabit electionem sui; Impossibile est enim, quod posita causa adæquata formali honestatiua actuum voluntatis non sequatur effectus, hoc est actio honesta; sicut quia motiuum subueniendi pauperi per se intentum est constitutiuum actus in specie eleemosinæ, impossibile est, quod voluntas ex illo motiuo operetur, & non eliciat actum eleemosinæ. Sic pariter, quia honestas materiæ iudicata probabiliter est adæquata ratio constitutiva actus in specie Prudentiæ, & actionis honestæ; Impossibile erit, quod materia sit probabiliter honesta, & electio illius, ex hoc ipso non sequatur honesta, & in specie Prudentiæ.

Secundo. Quare cum omni opinione speculatiue probabili non licet agere? fortene quia est periculum peccandi? Contra, quia periculum peccandi tollitur per hoc, quod quis in operando se conformet rectæ rationi, quæ demum resoluitur in iudicium speculatiuum probabile, cum sufficienti diligentia factum; ergo ex hoc ipso, quod sumus in opinione probabili facta sufficienti diligentia, tali reperta, iam aberit omne periculum peccandi. Forte ne quia noua opinio est? Contra, hoc nihil refert, nec enim motiuum agendi est nouitas, vel vetustas opinionis, sed eius veritas, vel probabilitas. Et, vt ait ille, omnia vetustissima aliquando fuere noua, neque tamen tunc, aut nunc minus vera. Fortene quia communiter illa opinio in praxi non usurpatur? Contra etiam, quia probatum est iam contra commune factum, & communem opinionem nos posse ire, quando verè probabilis est opinio in contrarium. Quid

aliud potest excogitari? nihil; ergo &c.

DD. autem, qui docent aliquid speculatiue probabile, in praxim deducibile non esse, possunt fortasse sic intelligi; quod solum velint, quod licet aliquid de nouo inuentum alicui speculatiue videatur probabile, vnde possit speculatiue defendi, quia videtur ipsi firma ratione munitum, non statim esse practicabile; quia potest esse, quod illa ratio sibi visa firma sit sophistica; vnde prius de illa agendum cum viris doctis, disputandum, & si firma inuenta fuerit, & tacto sufficienti examine non erit concussa, tunc vtique id fieri etiam practice probabile. Vnde erit idem ac dicere, tunc aliquid speculatiue probabile non esse statim practicabile, quando cum fundamento potest dubitari de subsistentia eius probabilitatis, facta etiam experientia de probabilitate, tunc vtique practicabile esse, & licet in praxim deducibile; quod verissimum est, & docuimus supra, dum asseruimus requiri certitudinem de probabilitate opinionis.

Superesset agendum de opinione minus probabili, an scilicet possit eligi, quando concurrit cum probabili, sed quia hoc est punctum principale huius totius disputationis, & alioqui proluxa indiget discussione; ideo sit.

#### SECTIO QVARTA.

*An licitum sit sequi partem minus probabilem, relictam probabiliori.*

**O**pinionem minus probabilem licet concurrentem cum probabiliori adhuc remanere simpliciter probabilem, probatum est fusè d. 2. sect. 3. vnde ex hoc, & ex dictis in tota hac 3. disput. satis clarè vide-

tur sequi pars affirmativa, quam tamen placet vterius consolidare *præsentis sectione*, tam ab extrinseco, scilicet auctoritate DD. quam ab intrinseco, scilicet pondere rationum; argumenta autem in contrarium *sect. seq.* solvemus. Sit igitur.

*Conclusio unica.*

**L**icitè, & sine peccato possumus in praxim deducere opinionem, quam putamus minus probabilem, etiam si concurrat cum probabiliori. Est contra Candidum, qui mordicus oppositum sustinet, quia illius gratia præcisè *opusculum suum de Opinionum praxi*, edidit.

Probatur Conclusio. Primo ab auctoritate DD. quorum profecto suffragijs si hæc lis esset decidenda, prævaleret communissimus est mos omnium Regnorum, & Provinciarum, firmatus lege Theodosij anno Domini 435. omnes causas decidendi; quem morem dolet Candidus, & queritur *q. 5. arg. penult.*, & *ultimo* non servari in causis animæ, profecto actum esset de contraria sententia, quam ille tam acriter reuertitur.

Nam in primis pro nostra conclusione sunt omnes recentiores Theologi, tribus, aut quatuor exceptis; & quod maximi faciendum est, conspirarunt in hanc sententiam omnes PP. Societatis Iesu, secuti maxima illa sydera litterarum Cæli, Suárez, & Vasquæz. His addemus multos alios antiquiores Theologos, adductos in *hac d. 3. sect. 2.*, & multos Legistas, & Canonistas, quorum longum Catalogum legas apud Pasqualigum, in *decis. mor. decis. 5.* qui omnes in terminis hanc sententiam sequuntur; adeo ut de eorum mente dubitari non possit.

Et quod caput est, DD. qui pro parte opposita citantur;

tur; paucos excipe, nulli in terminis oppositum docet, multi verbis obscuris loquuntur, modo unam, modo aliam sententiam innuunt, & multi clare nobiscum sentiunt.

Nam in primis Aristoteles cum antiquioribus Philosophis, quæ pro se citat Candidus hic, nullibi hoc docet, nec per speciem, & principium illud, ex quo ipse Candidus illos ita sensisse, scilicet, quod non liberum sit opinari, falsum est, & contra ipsos Philosophos, ut fuisse supra. Augustinus, & Chrysostomus, quorum auctoritates allegantur, nullibi oppositam sententiam innuunt, & loca allegata non sunt ad rem, ut infra.

S. Thom. licet *quodl.* 8. a. 13. videatur oppositam sententiam innuere; (quamvis dictus articulus nihil probet, & ut à nobis explicato *d. p. sect. ult.* ex illo nihil possit deduci) tamen *quodl.* 3. a. 10. nobis fauet; in quantum enim dicit posse quemlibet sequi opinionem sui Doctoris in ijs, quæ ad fidem, & bonos mores non spectant; in ijs vero, quæ ad fidem, & bonos mores spectant, nullum excusari, qui sequitur opinionem erroneam alicuius magistri contra manifestum scripturæ testimonium; alioquin excusationem haberent sequaces Arrii, & Nestorij; sic possumus arguere; ergo in ijs, quæ ad fidem, & bonos mores spectant, excusatur quis, sequendo opinionem sui Doctoris si non sit erronea, & contra manifestum scripturæ testimonium; quod est idem, ac quando est probabilis; patet consequentia, quia, exceptio firmat regulam in non exceptis; ergo si S. D. excipit, quando opinio Doctoris est erronea, & contra manifestum scripturæ testimonium, sequitur, quod ubi talis error, & ad manifestum scripturæ testimonium contrarietas non est, tunc possit quis illam pro libito sequi; sed sumus in casu, quando probabilis concurrat cum probabiliori, ergo &c.

Citatur

Citatur Scotus in 4. d. 11. q. 6. sed in merito: sibi enim non loquitur absolute, semper sequendam esse probabiliorem, sed in particulari materia, scilicet sacra-  
mentorum; querit enim ibi an amidum sit materia Sacramenti Eucharistiae, & an possit consecrari; & respondet; quod cum sit materia multum dubia, peccat, qui illam consecrat, se siquidem exponit dubio; igitur non debet, ex hoc quod concedat in materia parti-  
culari sequendam probabiliorem, inferri; ergo etiam uni-  
versaliter in quacumq; materia idem censuit; ostendunt enim infra, hanc illationem non valere,

Citatur Io. Maior in 4. q. 2. *prologi concl. 3. & 5. & contra 5. conclusionem*, qui re vera iure pro hac sententia refertur; cuius tamen in hoc puncto, quanta sit aucto-  
ritas ex mox dicendis iudicent viri docti. *Concl. 2.* hic auctor dicit in materia fidei posse quemlibet sequi; quæ partem voluerit; infero, quare negat hoc in materia morum? nonne tam periculosè erratur in materia fidei ac in materia morum? ut docet Cancell. Paris. allatus ex Nauarro *sect. 2.* Dices in materia fidei non est peccatum tenere vnam partem, vel alteram, nisi post definitionem Ecclesiae. Bene; quare non id etiam in materia morum? sicut enim hic potest contingere, quod in re fiat materialiter iniustum; sic ibi, quod id, quod creditur in re sit error, & materialiter hæresis. Preterea quid credendum ipsi in hoc puncto, qui loco citato §. 2. *arguitur contra secundam conclusionem*, dicit Thomistam tenentem B. Virginem fuisse conceptam in peccato originali peccare, & esse imprudentem; quia oppositum est probabilius: nonne hic sibi contradicit, scilicet ijs, quæ dixerat *concl. 2.* Insuper hoc est manifestè falsum, & sine nota temeritatis asseri non potest; nam licet opinio de Immaculata Conceptione sit pro-  
babilior,

habiliior, & sola possit doceri, sola prædicari, & publicè de ea agi, non proinde opposita improbabilis remanet, vel temeraria, & illam in corde suo tenens non peccat. Legatur Bulla Greg. XV. anno 1622. ubi relinquatur omnibus libera facultas vtrumq; tenendi; & licet Sanctitas sua faueat magis sententiæ neganti conceptam Beatam Virginem fuisse in peccato originali; tamen protestatur, se propter hoc nullum præiudicium velle inferre sententiæ affirmanti.

Hinc inferas pro nostra Conclusionem hoc argumentum. In hac materia, quæ fidei est, (potest enim à Pontifice definiri, quidquid reclamant nonnulli Thomistæ) libera relinquatur cuiq; facultas tenendi sine peccato quamlibet opinionem, etiam minus probabilem; ergo id etiam dicatur in materia morum.

Citatur Cancell. Paris. in regulis moralibus; sed ibi loquitur satis in abstracto, & in generali, vnde de eius mente non potest haberi certa notitia, præsertim cum videatur sensisse, & probasse oppositum, ut constat ex ratione ipsius *sect. 2.* ex Nauarro allata.

Citatur Henricus de Gandauo *quodl. 4. q. 3.* sed non est ad rem; quia loquitur de illis, qui ex temeritate, & contra conscientiam agunt, eo quia reputent mortale id, quod agunt; legatur in fine loci citati; vnde non sumus in casu minus probabilis, cum qua nec temerè, nec contra conscientiam agitur.

Citatur Silu. in *Summa v. Dubium*, qui licet ibi, & *v. opinio*, videatur pro parte opposita sentire; tamen *v. Scrupulosus*, loquitur satis clarè pro nobis. Sic Angelus in *Summa v. opinio n. 2.* nostram Conclusionem sustinet, & probat, & refellit argumenta in contrariū. Quod etiam fecerat Siluester *v. Scrupulosus*.

Neq; dicas cum Candido *q. 8.* hos DD. esse intelligendos

gendos ijs in locis iuxta dicta superius. Contra enim est. Siquidem cur non potius dicis esse intelligenda superius dicta iuxta ea, quæ inferius dicuntur; sæper enim sequentia, & posteriora corrigunt priora, non è contra. Idem dic de Armilla, qui in hoc puncto variè loquitur; & ideo ab auctoribus variè refertur, modo pro hac, modo pro illa sententia.

Demum etiam citatur Nauarrus in *Man. a nu. 286.* sed oh quam immeritò! nam ibimet c. 27. n. 288. traditis regulis, quas communiter tradunt DD. circa electionem opinionum, quæ præscribunt semper probabiliorē esse sequendam, subiungit; *Quod hæ regulæ servari debent regulariter in foro contentioso, non in foro conscientie; nam ad non peccandum sufficit eligere opinionem, quàm meritò censemus esse viri docti, idonei, & conscientia præditi;* quod profectò idem est ac dicere, probabilem: Quod etiam clarissimè docet *conf. 8. de Pœnit. & remiss.* nam n. 3. docet, quod illiteratus, quærens suum Parochum, quem putat sufficientem, licet nouerit esse in Vrbe doctiores, potest stare illius dictò, & illi se conformare in praxi; ait enim; *nemo tenetur in dubijs suis quærere doctiores; sed sufficit quærere idoneos simpliciter.* Et dat rationem, quia *Deus ex præcepto nõ obligat ad maius bonũ; sed ad bonũ simpliciter, & licet dei consiliũ circa maius bonũ, sufficit ipsi, si impleatur bonitas præcepta.* Et nu. 6. dicit posse virũ doctum consultum de materia, circa quam sunt variæ opiniones respondere; posse vtramq; in praxim deduci, & consulentem posse tunc, quã voluerit amplecti. Quid clariùs dici posset pro nostra sententia? quod si alicubi videatur Nauarrus oppositum innuere, intelligendus est in foro contentioso, vt ipse dicit in *Man. loco citato*, vel de consilio, vt innuit *conf. 8. de iur. iur. c. 1. n. 1.*

Igitur



10 Igitur cum tot DD. tanti ponderis pro nostra Conclusionē in terminis militent, pauci admodum pro opposita, & illi quidem dubij appareant, & loquantur verbis non claris, & explicationem patientibus, quid dicendum? sanè ab extrinseco nostra sententia probabilior est; sed iam ad argumenta intrinseca gradum faciamus; & quidem præter dicta

11 Probatur primò Conclusio quia, tunc quis potest licitè operari, & sine peccato, quando non modo probabiliter, sed euidenter iudicat suam actionem propriè dictam, seu electionem esse honestam; sic enim certus est se agere sine peccato; sed sequendo partem minus probabilem, quis est certus suam actionem, & electionem esse honestam; ergò sequendo partem minus probabilem, quis licitè operatur, & sine peccato. Minor, in qua est difficultas, probatur ex dictis, & probatis supra fusè; nam tunc quis est certus suam operationem, seu electionem esse honestam, quando obiectum, seu materia ipsius euidenter constat, quod sit probabiliter honesta: nec enim requiritur, quod iudicetur in se verè honesta per opinionem, & multò minus per scientiā. Sed qui sequitur partem minus probabilem, eligit obiectum, seu materiam, de qua euidenter cognoscit esse probabilem opinionem, quod sit honesta; minus enim probabilis adhuc simpliciter probabilis est, sicut minus calidum adhuc simpliciter est calidum: & vniuersaliter magis, & minus non variant speciem, iuxta fusè probata, & fortè euidenter demonstrata d. 2. sect. 3. ergò sequendo partem minus probabilem, quis est certus suam actionem esse honestam, ac proinde licitè operatur sine peccato.

Secundo, quia opinio minus probabilis etiam concurrens cum probabiliōri temeraria non est, & illius

asseritor nec temerarius, nec imprudens est; Non quidem imprudens ex hoc ipso, quod non temerarius; nam quod est imprudentia quoad agibilia, est temeritas quoad assertibilia, ut sic loquar. Quid enim est imprudenter agere? est formalissimè sine sufficienti fundamento, & ratione operari. Quid est temerè asserere? est formalissimè sine sufficienti fundamento, & ratione asserere; ergo ex hoc ipso, quod quis temerarius non est imprudens profecto intellectualiter non erit. Modo sic; ergo nec imprudens, erit qui eligit, & in praxim deducit opinionem minus probabilem. Probo consequentiam. Imprudens non est, qui quod prudenter asseritur esse honestum, eligit; sed quod per minus probabilem asseritur honestum, prudenter asseritur tale, alias imprudenter assereretur tale, ac proinde temerè; Imprudentia enim quoad assertibilia est temeritas; ergo imprudens non est, qui eligit, quod per minus probabilem asseritur honestum. Sed qui non est imprudens in agendo licitè, & sine peccato operatur; ergo &c.

Confirmatur primo exemplo. Concilium Aquigran. decreuit, & censuit nullo pacto, nec etiam cum consensu parentum posse raptas nubere raptoribus; ut refertur in *c. Placuit* 36. q. 2. solus D. Hieronymus se opposuit Concilio; & contra sensit posse raptos raptas ducere in uxores. Certè erat tunc probabilior sententia vniuersi Concilij, quam solius Hieronymi, vel ex sola auctoritate; & nihilominus dicta auctoritas Concilij non præiudicauit Hieronymo, quo minus eius sententia probabilis non esset, & licitè in praxim deducibilis, & raptos cum raptis contrahentes de consensu parentum non peccabāt. Legantur adnotationes in *d. c. Placuit*. Ergo vide quid sequitur. Vnus Doctor Classicus facit opinionem probabilem, vel contra communem

mūnem Concilij sensum, quando rem de fide non de-  
finit; ergo opinio vnus licet minus probabilis non est  
temeraria; ergo licitè in praxi possumus sequi opinio-  
nem minus probabilem concurrentem cum probabiliori.

Confirmatur secundo. Prudenter agit, qui eligit;  
quod præconsultatum est honestum; sed qui sequitur  
minus probabilem, eligit præconsultatum honestum;  
minus enim probabilis opinio est quoddam consilium;  
est quædam sententia, quæ pensatis omnibus dictat suū  
obiectum honestum; ergo qui illam sequitur, pruden-  
ter agit.

Dices. Illud non est consilium bonum, quia firmitus  
consilium est in contrariū, nempe opinio probabilior.

Contrā. Illud Consilium, quod appellas non bonum,  
estne cum sufficienti fundamento veritatis, vel non?  
Si secundum, ergo temerarium, ac proinde non erit  
opinio minus probabilis, sed error. Si primum, quare  
non bonum? quia firmitus in oppositum. Hoc nihil re-  
fert. Illud enim erit melius, sed non proinde hoc cessa-  
bit esse bonum. Certè hoc difficile capitur; possum ego  
minus probabilem etiam circa materiam fidei, & mo-  
rum sustinere, defendere, in publico asserere; nullus me  
accusabit imprudentiæ; nullus temeritatis; unde pru-  
denter asserere dicendus ero; & postea si hanc volo in  
praxi sequi, dicar imprudens? & quare? quia sunt for-  
tiora motiua in contrarium? Quæso, quia sunt fortiora  
motiua in contrarium, imprudenter agam; & quia sunt  
fortiora motiua in contrarium, non imprudenter asse-  
ram? hoc difficile capitur; quæ vel per vmbra disparitas.

Dices. Ad prudenter agendum, debent expendi om-  
nia motiua; & fortiora debemus sequi: est enim peri-  
culum peccandi.

Contra tamen est, quia nullum est periculum pec-

candi, si semel concedatur, quod prudenter agamus; hoc est autem, quod quaerimus, quare prudenter non agam, etiamsi non sequar fortiora motiua, omnibus expensis; sicut omnibus expensis, licet non sequar fortiora motiua in asserendo, adhuc prudenter assero. Quod si fortè diceret, prudenter non asserere, qui sequitur imbecilliora motiua, & qui defendit partem minus probabilem; vide quid sequatur; ergo omnes sustinentes opiniones minus probabiles, tamquam imprudentes intellectualiter, hoc est temerarij damnandi sunt; ergo opinio minus probabilis ex hoc ipso temeraria erit, & error. Quis hæc proferat?

Tertio. Probatur Conclusio argumento *Vasq. in primam secundæ d. 62. de subdito*; cuius robur sic expendo. Certum est, & indubitatum apud omnes, etiam apud Candidum *q. 5. in resp. ad decimum*, quod potest subditus parere Superiori præcipienti aliquid secundum opinionem minus probabilem honestum, quod subditus probabilius iudicat inhonestum. Dixi, quod potest, quia hoc certum est contra Adrianum *quodl. 2. p. 3.* negantem subditum posse obedire. Et videtur clarè desumptum ex Aug. relato in *c. quid culpatur 23. q. prima*, aiente. *Vir iustus, si fortè sub Rege homine etiam sacrilego militet, rectè potest illo iubente bellare, si quod sibi iubetur, vel non esse contra Dei præceptum certum est, vel verum sit, certum non est.* Disputant autem DD. tantum, an teneatur obedire, modo sic.

Subditus de obedientia Superioris potest in praxi sequi opinionem minus probabilem; ergo etiam simpliciter potest illam sequi in quocumq; casu; probò consequentiam. Vel sequi opinionem minus probabilem in praxi est de se, & sua natura licitum, vel non. Si primò, in quocumq; casu poterit; Si secundum, nec accedente obe-

obedientia Superioris poterit. Quacumq; enim obedientia Superioris accedente nequit subditus facere, quod ex se, & ex sua natura illicitum est; ea enim, quæ de sua natura illicita sunt, obedientia Superioris non reddit licita: solū enim reddit licita ea, quæ illicita alioquin essent vi eiusdem obedientiæ. Ceterum an sit licitum sequi opinionem minus probabilem, ex nulla obedientia dependet, sed ex natura rei; non enim ideo hoc est licitum, vel illicitum, quia prohibitum, vel concessum sit.

Respondebis ex Candido *loco citato*, subditum ex obedientia benè posse, immo debere sequi partem minus probabilem, quando secundum illam imperat Superior, quia in eo, in quo Superior non aduersatur certò legi diuinæ, tenetur subditus obedire. Vnde actio illa, quæ alioquin, si ex arbitrio subditi pèderet, illicita esset, ut pendet ex obedientia Superioris, licita euadit; & talis certò iudicatur, etiam à subdito; quia scit Superiòri esse obediendum, unde agit secundum conscientiam.

Contra tamen euidenter, quia actio illa, licet à Superiore præcepta, adhuc est in se minus probabiliter honesta; nec enim obedientia Superioris augeat probabilitatem scientiæ, quæ dictat illam esse in se honestam; unde sententia dictans talem actionem esse honestam, si antecederet ad obedientiam est minus probabilis, etiam post illā remanet minus probabilis. Quod præterquam quod de se est euidens, vltèrius patet, quia alias si opinio accedente obedientia Superioris fieret probabilior, iam subditus non sequeretur minus probabilem, sed probabiliorem; ergo re vera sequi minus probabilem non est de se, & sua natura illicitum; alias nec ex eo, quod penderet ab obedientia fieret licitum; sicut ex eo, quod ex sua natura illicitum sit mentiri,

nec

nec accedente obedientia Superioris mētiri possumus.

Dices. Scit subditus Superiori in illo casu esse obediendum; quia certò non aduersatur legi diuinæ, eo quod imperet actionem minus probabiliter honestā; secus de mendacio, quod est certò illicitum.

Bene. Sed ex hoc quid inferitur? Inferitur, deducere in praxim opinionem minus probabilem, non esse de sua natura illicitum, alias nec Superiore præcipiente posset fieri licitum. Vide enim: distinguenda sunt hæc duo: scit subditus se posse actionem imperatam exequi: cum hoc tamen etiam scit, actionem imperatam esse minus probabiliter in se honestam, nec ex hoc, quod imperetur, fieri in se probabilius honestam. Vnde sic claudio argumentum. Scit subditus se non posse in praxim deducere, quod in se est illicitum, licet à quo; cumq; Superiore imperetur, nec obedientia Superioris illicitum in se, & ex sua natura potest reddere licitum; sane enim obedientia nunquam facit ut possis, sed ut debeas, supponit quod possis, & præscribit, ut debeas. Sed subditus scit se posse, in praxim deducere opinionem minus probabilem, seu materiam minus probabiliter honestam, imperante Superiore; ergo deducere in praxim opinionem minus probabilem non est de se, & sua natura illicitum. Hæc mihi videtur euidens demonstratio.

Dices. In eo casu sequitur subditus probabiliorem opinionem, quæ dicit esse obediendum, seu posse obedire.

Bene. Immo sequitur sententiā certam; ergo quid? fortasse non sequitur minus probabilem? immo sic, hæc enim scientia certa præscribit, ut sequatur in praxi minus probabilem; unde semper accedente obedientia Superioris, sequitur minus probabilem, & licitè agit;

ergo de sua natura sequi minus probabile, licitum est.

Respondebis secundo. Subditum posse sequi minus probabilem, quia potest ex obsequio debito Superiori putare opinionem Superioris esse probabiliorem, & illi assentiri; & sic semper sequitur probabiliorem.

Sed hæc responsio multipliciter deficit; primo à Candido dari non potest, est enim contra ipsius principium fundamentale in hac materia, quod scilicet non sit liberum opinari. Secundo, licet subditus possit prohibito opinioni Superioris assentiri, non tamen potest illam iudicare probabiliorem, quia maior probabilitas euidenter constat in parte opposita. Tertio, quia sic sumus extra casum argumenti, quia tunc subditus non sequitur minus probabilem, sed probabiliorem.

Quarto probatur. Quia dato, quod teneamur sequi probabiliorem, sequitur quod serè semper teneamur sequi tutiorem; quod negant DD. omnes, etiam aduersarij, & cum ceteris ipse Candidus q. 7. & quidem merito, nam aliàs euaderemus ridiculi, ut ex DD. Antonino, & Ambrosio ostendit Candid. loco citato. Probatur sequela, quia serè omnia agibilia posita sunt sub opinionibus contrarijs, & rarò admodum contingit, ut vna opinio sit notabiliter probabilior altera, præsertim in ijs, quæ etiam de præsentī vigent controuersa apud DD., ut patebit discurrenti per singulas materias; paucae enim admodum quæstiones sunt in quibus clarum sit vnā partem, seu opinionem esse notabiliter probabiliorem. Igitur communiter, & generaliter debemus sequi tutiores; nam quando contingit opiniones contrarias ita se habere, ut vna non sit notabiliter probabilior altera, (nam si parum; hoc nō sufficit, quia, ut passim in præsentī ait Candid. parum pro nibilo reputatur) volunt aduersarij nos teneri sequi tutiorem.

Hinc

Hinc vñ scrupulosi, si teneantur inquirere, quænam opinio sit notabiliter probabilior; concurrentibus hinc, & inde grauium DD. sententijs. Sed quid dico vñ scrupulosi? vñ fidelibus omnibus, vñ Doctõribus, atq; Magistris. Quomodo enim poterunt excessum probabilitatis notabilem in vna opinione supra aliam adinuenire regulariter? dubitabunt profectò maximè; & si dubitabunt, quomodo ipsi poterunt agere, & alijs consulerè? estne fortasse ita facillè distinguere, quæ ratio sit alia firmior, & quidem notabiliter, quæ auctoritas sit alia notabiliter grauior.

Vrgeo; ferè nunquam constabit euidenter de excessu notabili probabilitatis vnus opinionis supra aliam. Igitur, & hoc erit sub opinione positum, quænam sit altera probabilior; igitur, & hoc erit etiam inquirendũ, & disputandum, quænam opinio sit probabilior, an illa, quæ dicit vnã opinionem esse notabiliter probabiliorẽ, an quæ negat; & sic sequetur processus in infinitum, & sic nunquam poterimus agere; nam etiam de his opinionibus reflexis non constabit, quæ sit notabiliter probabilior altera, & sic hoc erit opinandum; & quia hoc opinabitur, & non sciatur, insurgent alię opiniones, quarum probabilitas secundum modum notabilem excessus erit dubia, & sic in infinitum.

Dices. Ad agendum sufficit, quod quis formet sibi conscientiam de parte probabiliori, hoc est opinetur se sequi probabiliorem.

Bene; sed certè non ad libitum potest quis sibi formare conscientiam de parte probabiliori, sed quia habeat rationes ad sic opinandum, quæ sint fortiores notabiliter, quàm oppositæ. Verũ quia hoc opus, hic labor est, hæc discernere, ideo dubitabit, an verè sequatur partem probabiliorem, & an opinio, qua putat se sequi partem



## S E C T I O Q U A R T A. 201

partem probabiliorem, sit notabiliter probabilior, quàm opposita, quæ negat se sequi partem probabiliorem, notabiliter; ideo angustia, ideo scrupuli, ideo processus in infinitum.

Quinto demum probatur Conclusio ex omnibus illis argumentis, quæ passim pro nostra sententia congerunt Patroni nostræ sententiæ; quæ profectò licet adducat, non soluit Candidus, quia ad illa soluenda assumit principia omninò falsa, prout ostendimus susè supra; scilicet quod opinio minus probabilis non est simpliciter probabilis, quod minus probabilis non potest gignere assensum, & quod non sit liberum opinari; quæ principia, quia sunt cardines sententiæ, quam Candidus sustinet, & quia, ni fallor, ex dictis in hoc toto opusculo corruunt, etiam ipsius sententiam corrumpere necesse est. Sed iam Candidi argumenta solvamus.

## S E C T I O Q U I N T A.

*Solvuntur argumenta contrariæ sententiæ.*

**I**Am vidimus initio *sectionis præcedentis*, quantum roboris habeant argumenta extrinseca pro parte opposita; nunc intrinseca examinanda sunt, quæ omnia quia susè, & subtiliter expendit Candidus ideo eo ordine, quo ab ipso posita sunt *sect. v.* nos illa diluemus.

Primum est. Non est liberum opinari; ergo partem minus probabilem non possumus opinari veram; sed sequi non possumus in praxi illam partem, quam non possumus opinari veram; ergo non possumus sequi in praxi minus probabilem.

Secundum est. Ad hoc, ut quis prudenter agat, debet ad minus habere iudicium probabile, quod sit licitum id, quod agit, sed qui sequitur minus probabilem.

Cc

non

non potest habere hoc iudicium, habet enim fortiora motiua in contrariū, quod sit illicitū, nec enim est liberum opinari; ergo qui sequitur minus probabilem, prudenter non agit.

His duobus argumentis vnica responsione fit satis, quia ambo nituntur illi principio, quod non sit liberum opinari, quod est falsum; possumus enim opinari, quando volumus, & licitum, quod volumus, dummodo pro licito habeamus rationes firmas, & validas, etiam si in oppositum sint rationes fortiores.

Addo ex dictis supra, quod ad prudenter agendum non sufficit iudicium probabile, quod licitum sit agere, seu eligere id, quod eligitur; sed requiritur iudicium euidens; quod quidem etiam interuenit, quando eligitur in praxi minus probabilis; iudicium enim de licito non debet esse, de licito secundum se, seu de materia electionis secundum se, hoc enim vniuersaliter iudicium non requiritur; sed solum de licito opinionis, seu de licitè eligibili. Illud autem certò est licitè eligibile, quod probabiliter, siuè magis, siuè minus est licitū secundum se, seu de quo datur probabilis opinio simpliciter, quod sit in se licitum, & honestum: siuè contraria probabilior sit, siuè non. Quia ergo quando sequimur minus probabilem, adhuc est certum dari opinionem probabilem simpliciter, quod materia electa sit licita in se, ideo euidenter sequitur esse licitè eligibile, & electionem nostram esse certò in se formaliter, & per se honestam.

Tertium est. Ad licitè agendum non sufficit iudicare probabile esse, quod aliquid sit honestum, sed debet iudicari verè esse honestum; sed non potest iudicari aliquid verè esse honestum, quando probabilius est, esse in honestum: debet enim intellectus iudicare secundum fortiora

fortiora motiua, cum non sit liberum opinari; ergo nō potest in praxi eligi pars minus probabilis. Maior probatur, quia alias, quia vtraq; est probabilis, & alterutra debet esse falsa, promiscue eligerem, & amarem tam, veram, quā falsam; immò magis amarem falsam, quā veram; nam eligerem partem, quæ quia est minus probabilis, minus habet de veritate. Insuper ex communi consensu DD. requiritur iudiciū probabile, quod actio sit licita; ergo non sufficit iudicare probabile esse, quod sit licita; hoc enim secundum iudicium est omninò diuersum à primo; tum quia hoc est scientificum, illud probabile; tum quia cum hoc stat iudicium item scientificum, quod sit probabile actionem esse inhonestam; at verò cum primò non stat aliud iudicium, quod actio sit illicita: vnde cum primo iudicio probabili non stat dubium de illicito; secus cum secundo scientifico. Sed cum dubio de illicito non possumus progredi ad opus, alias tam ageremus licitum, quā illicitum; ergo &c.

Hoc argumentum claudicat in vtraq; propositione. Minor absolutè est falsa; maior eget explicatione. Ad licitè agendū nō sufficit iudicare probabile esse, q̃ aliquid sit honestū; si sermo sit de materia operationis, seu de materia eligenda falsa est maior; hoc enim sufficit ex fusè probatis supra: si verò sermo sit de ipsa actione, seu electione, verissima propositio est; requiritur enim iudicium euidens, & certum, quod ipsa operatio, ipsa electio in se, & per se formalitè sit honesta; quod quidē iudicium etiam interuenit, quando in praxim deducitur minus probabilis. Rectitudo enim, & honestas per se, & intrinseca in operatione, seu electione, dependet ex probabilitate honestatis materiae eligendæ; quæ quia interuenit, etiamsi materia minus probabiliter iudicetur honesta; ideo absolutè tunc simpliciter

prudenter, & licitè agitur sine peccato.

Ad probationes maioris. Ad primam dico, quod quando vtraque est probabilis, licet alterutra debeat esse falsa, ego tamen nescio, quæ illa sit; vtraq; enim, apparet vera, & quamcumq; sequor, semper sequor sub specie veri; vnde semper moueor à veritate, quæ cum fundamento apparet. Et hinc non perinde amo falsum, ac verum, sed formaliter solum amo verum, quia solum à vero, solū ab apparentia fundata veritatis moueor; quæ quia in vtraq; parte est, ideo in vtramq; partē, & intellectus, & voluntas ferri licitè possunt. Quod autem alterutra sit falsa, hoc est ex necessitate materiæ; quam quidem si certò agnoscerem, illam fugerem: verum quia pro imbecillitate ingenij non agnosco, & vtraq; mihi proponitur sub specie veri, ideo vtramq; sequendo, semper sequor verum, & à vero moueor. Neque verò sequendo minus probabilem magis amo falsum, quàm verum, quia minus probabilis, non per hoc est falsa; & licet minus habeat de apparentia veritatis, habet tamen quantum sufficit, vt possit prudenter iudicari vera, vt fusè probatum est supra; ideo &c.

Ad secundam. Quidquid sit de modo, quo loquuntur Patroni nostræ sententiæ, qui profectò vt *d. p.* adnotaui in hac materia, confusè loquuntur, & confundunt materiam electionis cum ipsa electione. Dico, quod ad licitè agendum non requiritur iudicium probabile, quod actio sit licita; nam si nomine actionis intelligatur electio, requiritur iudicium euidens; si vero nomine actionis intelligatur materia, seu obiectum electionis, tale iudicium actu non requiritur; sed solum requiritur iudicium euidens, quod probabiliter talis materia sit licita, seu quod detur probabilis opinio de licito, & honestate ipsius. Ex quo secundo iudicium euidenter

denter oritur primum, quod nempe electio sit certo honesta; licet autem cum hoc secundo stet iudicium, etiam evidens, quod etiam materia sit probabiliter inhonesta; non tamen proinde ex hoc potest inferri, quod etiam possit stare aliud iudicium siue evidens, siue probabile, quod electio sit inhonesta, & illicita; quia ad electionem reddendam inhonestam, non sufficit, quod sit probabile materiam electionis esse inhonestam; sed requiritur essentialiter iudicium, quod non sit probabile materiam esse honestam. Vnde vides, quod licet cū iudicio evidenti, quod materia sit probabiliter honesta, stet dubium de illicito, vel illicito ipsius secundum se, non tamen stat dubium de honestate actionis, seu electionis, quæ per se formaliter attenditur. Sed hæc satis superq; supra sunt explicata; sicut etiam ostensum est cum dubio. Speculativo circa materiam electionis orto ex rationibus hinc, & inde probabilibus posse quem licitè agere, & suam actionem, seu electionem, futuram formaliter certo honestam.

Quartum est. Qui non sequitur dictamen rationis, non licitè agit; sed qui sequitur minus probabilem, non sequitur dictamen rationis: dictamen enim rationis est, vbi ratio inclinatur ad assensum; minus autem probabilis concurrendo cum probabiliori non potest inclinare ad assensum, quia intellectus solum inclinatur, vbi sunt fortiora motiua, nec enim est liberum opinari; ergo intellectus sequendo minus probabilem, non licitè agit.

Ad hoc argumentum respondetur in primis negando minorem; innititur enim falso illi principio, quod non sit liberum opinari. Sed vterius ex dictis *d. p. sect. 4.* dictamen rationis, seu recta ratio, quæ requiritur, & quam sequi debemus ad agendum sine peccato, non est iudi-

iudicium probabile magis, vel minus; sed Conclusio evidens ex præmissis evidentibus illata, asserens non, materiam electionis, sed ipsam electionem, ipsam actionem antonomasticè esse honestam; quæ quidem oritur ex illis principijs, Electio, cuius materia est probabiliter honesta, seu de qua est evidens dari opinionem probabilem, quod sit honesta, est certò honesta in se, & hic, & nunc ponibilis sine peccato. Sed hic, & nunc de hac materia est probabilis opinio, quod sit honesta. Ergo certum est, & evidens hanc electionem esse per se formaliter honestam, & hic, & nunc ponibilem sine peccato. Qui syllogismus subsistit etiam, quando sequimur minus probabilem. Falsò igitur supponit Candidus, quod dictamen rationis sit iudicium probabile de honestate materiæ; videantur dicta loco citato.

Quintum est. Qui sequitur minus probabilem relicta probabiliori, non adhibet moralem diligentiam, ne errer; ergo peccat. Antecedens probatur; qui sponte media minus probabilia adhibet ad finis assecutionem, profecto non adhibet moralem diligentiam ad finem assequendum; quia sicut ratio diligens in pluribus non fallitur, sic è contra qui sequitur minus probabilia, ut plurimum fallitur. Sane maior ratio est existimandi illum falli, qui minus certa signa veritatis sequitur, quam qui certiora, & minus fallibilia; ergo &c.

Resp. quod si homo teneretur summam moralem diligentiam, quam potest, adhibere, ne errer, fortasse argumentum haberet vim; cæterum hoc falsum est, ut enim bene Navar. *sect. præced.* citatus, Dominus Deus non obligat ad maius bonum, sed ad bonum simpliciter, nec tenemur quærere, & consulere doctiores, qui sint in orbe terrarum, sed tantum idoneos simpliciter; unde ad non peccandum, & servandum præce.

præceptum Dei sufficit adhibere sufficientem diligentiam moralem, non verò summam, non verò maximam, sic adhuc enim prudenter agimus; talem autem diligentiam profectò adhibemus, cum minus probabilem sequimur; sequimur enim sufficiens fundamentū veritatis firmum, & validum, quantum sufficit ad prudenter asserendum, & per consequens ad prudenter agendum.

Quin, & hoc argumentum in terminis potest retorqueri ad probandum peccare, qui non ingreditur Religionem, sed permanet in sæculo, sic, Qui permanet in sæculo, cum possit ingredi Religionem, non adhibet moralem diligentiam, ne pereat in æternum; ergo, peccat. Tenemur enim adhibere moralem diligentiam, ne peccemus, & ne damnemur. Antecedens probat isdem terminis Candidi. Qui spontè minus probabilia; & minus conducentia media eligit ad finis executionem, non adhibet moralem diligentiam ad finem assequendum, quia media magis conducentia; minus aberrant à scopo, quam minus conducentia; & sanè est maior ratio existimandi, non aberraturum à scopo, seu fine, qui eligit media magis conducentia, quam qui minus. Sed qui remanet in sæculo, media minus conducentia eligit ad vitam æternam, quam qui ingreditur Religionem; status enim Religiosus est magis conducentis ad vitam æternam: & est maior ratio existimandi perituum in æternum sæcularem, quam Religiosū; ergo qui Religionem non ingreditur, non adhibet moralem diligentiam, ne pereat in æternum, quam certè tenetur adhibere; ergo peccat. Ecce in terminis argumentum, quod applica, si placet, etiam ad peccandum actualiter, factò antecedenti hoc pacto. Qui remanet in sæculo, non adhibet moralem diligentiam, ut vitet  
pecca-

peccata actualia; ergo peccat, hanc enim quisq; tenetur adhibere; probetur postea antecedens, vt supra applicatis terminis.

Quid respondebit Candidus? Profectò dicet non teneri hominem adhibere summam diligentiam moralem, maiorem quam potest, hæc enim tantum est de consilio, non de præcepto: sed tantum sufficientē; hanc autem etiam adhibere in sæculo stantem; ideo &c. Bene, sed hæc est ipsissima nostra responsio.

Dicet fortè Candidus esse disparitatem, quia uterq; status secularis scilicet, & Religiosus est simpliciter bonus ad salutem; at vero ex duabus opinionibus altera est vera, altera falsa.

Sed contra, quia ex duabus opinionibus, quando utraq; est verè probabilis, utraq; est simpliciter bona ad honestè agendum; nec enim ad hoc requiritur veritas, vel falsitas opinionis in re; sed solum species, & apparentia veritatis cum fundamento valido: quæ profectò in utraq; reperitur; vnde falsitas opinionis in re materialiter se habet; sed non est imputabiliter ad culpam.

Resp. secundo. Eum qui sequitur minus probabilē adhibere summam diligentiam, quam requirit finis affectio; nam adhuc infallibiliter finem consequitur, nempe honestam electionē, ad quam tam minus probabilis, quam probabilior est medium omnino infallibiliter conducens. Igitur sufficit, quod sequatur minus probabilem, est enim certus cum illa, se non posse errare à fine, quem solum debet intendere, nempe honestam actionem, seu electionem.

Confirmat præcedens argumentū Candidus. Nul-  
lus dicet moralem diligentiam adhibuisse ad cognoscē-  
dam, & eligendam veram monetam, bonumq; equum,  
illum, qui pensatis omnibus eligit monetam, & equū,  
quæ



quæ minora habent signa bonitatis. Concludit deinde, qui non fatagit, vt cognoscat, & agat iustum, non agit iustè.

His exemplis verè plausibilibus multum fudit Candidus. Resp. autem facile, quod si ex duabus monetis habentibus inæqualia signa veritatis, vtraq; habeat signa talia, vt sufficientia sint ad hoc, vt ab omnibus æstimentur veræ, & pro talibus ab omnibus habeantur; & re vera cum illis signis sufficiant ad rerum emptionem; tunc licet altera signa maiora habeat; adhuc prudenter eligeretur minora signa habens; quia scilicet æqualiter inseruiet, & diceretur facta sufficiens diligentia moralis, licet non summa. Idem dicas de equo proportionè seruata; quod si res non ita se habeat, sed ex eo, quod postea non esset moneta in re vera, & equus in re bonus, sequeretur damnum ementi, tunc profecto concedam vltro, quod ille non diceretur fecisse sufficientem diligentiam moralem. Et ratio est, quia tunc non attenditur sufficiens apparentia, sed veritas ipsa; at vero in casu nostro res se habet primo modo, non secundo: quia nostræ operationes erunt infallibiliter monetæ bonæ pro regno cælesti, dummodo habeant pro obiecto materiam probabiliter simpliciter honestam; quia vt bene Nauarr. Deus non quærît maius bonum, sed bonum simpliciter; non quærît Deus, quod materia in se sit verè honesta; sed solum, quod prudenter iudicetur; vel iudicari possit honesta; quod contingit etiam, quando sequimur minus probabilem.

Ad conclusionem argumenti dico, sequentem minus probabilem, fatagere, quantum sufficit, vt cognoscat iustum, & in praxim deducat iustum; vnde infallibiliter iustè agere.

Sextum est. Ait Tullius in lib. de senectute. Ma-

gue felicitatis esse, saltem in senectute veras opiniones assequi. Sed verę opiniones (ait Candidus) non possunt esse demonstrantes; aliās non essent opiniones; ergo etunt magis probabiles; ergo cum veras opiniones teneamur sequi, tenemur sequi magis probabiles.

Ad hoc argumentum dico primo Tullium, per ly veras opiniones, intelligere idem, ac veras sententias, & certiorari formaliter de veritate rerum. Quid autem hoc cum præsentī quæstione? Secundo esto, intelligat probabiliores opiniones; est magnæ felicitatis illas possidere, esto; ergo debemus semper illas sequi, nego consequentiam; vnde hoc infertur? tenemur ne fortasse ad ea, quæ maioris felicitatis sunt; vel maioris quæ sunt adiumenti ad veram felicitatem? naturalem præcipuè? quis hoc dicat?

Confirmat ex Aristotele 2. de anima t. 182. aiente, intelligere, in quo est rectè quidem, Prudentia, scientia, & opinio vera; non rectè autem contraria horum; ex quo sic arguit; intelligere, & sapere est sequi opiniones veras; sed qui sequitur minus probabiles, vt plurimum errat; quia humana ratio post diligentem discussionem, vt plurimum non errat; ergo qui sequitur minus probabiles nec sapit, nec prudens est.

Resp. primo hunc textum potius esse contra Candidum; nam Aristoteles ait, in rectè eligere esse Prudentiam, Scientiam, & Opinionem veram. Ergo rectè intelligit, qui prudenter intelligit; sed prudenter intelligere non potest secundum mentem Aristotelis esse; opinari vera; quia contra distinguit in hoc textu Prudentiam ab opinione vera; ergo prudenter intelligere non desumetur ex hoc, quod est errare, vel intelligere, seu opinari verum; sed solum ex hoc, quod est intelligere, seu opinari aliquid cum valido fundamento.

Quod

Quod contingit etiam, quando sequimur minus probabilem; ergo qui sequitur minus probabilem, prudenter intelligit, & per consequens recte.

Resp. secundo, quod qui sequitur minus probabiles, an recte sapiat, vel intelligat, nullus scit; quia etiā hæc possunt esse veræ, & probabiliores falsæ, cum multa falsa sint probabiliora veris; unde an pro veritate recte sapiat, non possumus scire; sicut nec, an ut plurimum opiniones minus probabiles sint falsæ; raro enim admodum de aliqua opinione certioramur; & frequenter contingit, quod, quæ modo sunt minus probabiles, eadem evadant probabiliores, & contra probabiliores evadant minus probabiles. Prudenter autem sapit, qui sequitur minus probabiles, quia nesciens, an sub his, an sub alijs lateat error, sequitur valida signa veritatis. Præsertim cum prudenter sapere, sit bene in ordine ad finem sapere, hoc est, ad non peccandum, quem finem infallibiliter consequitur, ex dictis supra, eligens minus probabiles.

Insuper retorqueo hanc instantiam, quia, si habet vim, hanc habet: Qui sequitur, quod ut plurimum est error, errat, & prudenter non agit. Sed sic contingit, sequendo minus probabiles; ergo &c. sic illā retorqueo. Qui ingreditur viam, in qua pauci admodum non aberrant à scopo per se formaliter intento, plurimi autē errant, relinquens viam, in qua multi non errant, & pauci errant, errat, & prudenter non agit. Sed sic facit, qui manet in seculo, cum possit ingredi Religionem; ergo qui manet in seculo, errat, & prudenter non agit. Quid dicet Candidus? Possent homines in seculo simpliciter non errare à scopo, nempe vita æterna. Bene sed dico etiam ego, possunt simpliciter minus probabiles non esse falsæ, sed veræ; ideo &c. quæ plura non auctori

Confirmat secundo quia, sequendo minus probabiles, corrumpentur mores in Ecclesia Dei, & sana doctrina. Mores, quia introductio falsarum opinionum, corruptio morum est. Minus autem probabiles ut plurimum falsæ sunt. Sana doctrina item, quia sana doctrina est vera, doctrina autem minus probabilis, ut plurimum est falsa. Sic ergo introducetur doctrina, non sana, errores, mores mali, peccata saltem materialia, quæ postea euadent formalia, quia non adhibeatur debita diligentia ad vitandos errores, qualem non adhibet, qui data opera eligit, quod magis peccatum est, & falsitas; ut sunt opiniones minus probabiles. Vnde docuit S. Thomas *opusculi*. 8. a. 13. eum peccare, qui licet non putet, facit contra legem, si nempe non adhibuit debitam diligentiam.

Resp. Quod dicere, per introductionem opinionum minus probabilium corrumpi in Ecclesia Dei mores, & sanam doctrinam, est fortasse nimis animosè dictū. Quomodo enim opiniones minus probabiles, quas Ecclesia nec improbat, nec vlla afficit censura, appellantur morum, & sanæ doctrinæ corruptivæ? Si hoc esset, sane vel hoc solo titulo abigerentur, damnarentur, & à sacræ fidei quæstitoribus prohiberentur; prout videmus fieri in libris bonorum morum, vel sanæ doctrinæ corruptivis. Igitur falsum est, quod asseritur. Neque valet dicere, quod ut plurimum minus probabiles falsæ sunt; quoad usque enim de earum falsitate non constat, habent sufficientem apparentiam veritatis; & sicut certum est illas posse esse veras, ita ex dicto valido fundamento possunt hic, & nunc prudenter iudicari veræ; & sicut licet in statu sæculari, ut plurimum, saltem comparatiuè ad statum Religiosum; homines damnentur, adhuc tamen quisque prudenter eligit illum statum, quia scili-

scilicet in illo simpliciter saluari potest ; ita dato, & non concesso, quod vt plurimum minus probabiles falsæ essent, adhuc tamen quisq; potest, quamcumq; in particulari eligere, quia quælibet simpliciter potest esse vera, & habet validum fundamentum veritatis. Idem dicatur de sana doctrina.

Addo, quod illa non est sana doctrina, quæ vera est formaliter, sed quæ animarum consulit sanitati ; talis profecto est minus probabilis ex dictis supra ; ideo &c. Ad illud verò, quod qui sequitur minus probabilem, se exponit periculo peccandi, hoc nihil est ; neque hoc potest appellari periculum, quando quis facit sufficientem diligentiam, ne peccata materialia committat, qualem facit, qui minus probabilem sequitur ; licet non summam, ad quam non tenetur. Per quod etiam patet ad auctoritatem adductam D. Thomæ.

Septimum est. In negotijs corporis, vbi agitur de proprio interesse, nullus sequitur minus probabilem ; & si vult aliquid, non eligit media minus verosimilia, quod conducant ad illud ; & si id faciendo, finem non assequeretur, profecto negligentie ipsius imputaretur ; vt patet in exemplo supra allato de eemente equum, & eligente monetam, minora signa habentem bonitatis ; qui argueretur utiq; & culparetur de male acto domini sui negotio ; ergo idem dicendum, & faciendum, in negotijs animæ.

Resp. Primo negando consequentiam. Deus enim non obligat nos ad agendum tanta pro salute animæ, quanta agimus sponte pro salute corporis ; quod quidem præterquam quod est clarum de se ; patet vterius hoc exemplo. Quis est ex hominibus, qui iter facturus ad aliquam Ciuitatem mari, si potest, non eligat potius nauim tutiorem, quam minus tutam, nauim in qua

qua pauci soleant perire, & naufragari, quàm illam, in qua multi, & ut plurimum pereunt; & quis hominem eligentem nauim, in qua plurimi naufragantur non reprehenderet, imprudentiæ argueret, & prope stultum appellaret? Certè omnis. Et tamen nos, qui peregrinamur ad Patriam cælestem, non tenemur sub nota imprudentiæ, & stultitiæ, ingredi nauim religionis, in qua plurimi saluantur; sed prudenter adhuc eligimus nauim minus tutam vitæ secularis; ergo &c.

Resp. Secundo, disparitatem vltius intrinsecā esse manifestam: quia qui sequitur minus probabilem, etiā si illa falsa sit, nullum subit incommodum, nullum damnum patitur, quia satisfacit præcepto domini non obligantis ad maius bonum, & operatur secundum rectam rationem; è contra autem, quia in negotijs corporis, qui errat, sibi errat, & damnum patitur; ideo ne errèt, debet quantum potest, & summam diligentiam adhibere; ideoq; negotium corporis requirit diligentiam summam, quia potest malè agi; secus verò negotium animæ, quia etiam sequendo minus probabiles, semper infallibiliter benè agitur.

Sed dices ex Candido. Hęc est petitio principij; nam quærimus, an negotium animæ benè fiat, sequendo minus probabilem; quærimus enim, an liceat sine peccato minus probabilem sequi; ergo hoc non debet assumi ad soluendum argumentum.

Resp. Quod nos non petimus principium, quia est in controuersia, an liceat sine peccato sequi minus probabilem. Hęc est Conclusio. Nos affirmamus: Candidus contra arguit, quia non licet hoc facere sine nota imprudentiæ in bonis corporis; ergo nec in bonis animæ; negamus consequentiam; disparitas autem, non est, quia sine peccato in causis animæ sequimur minus  
pro-

probabilem; sic enim, utique peteremus pritticipium;  
sed quia in causis corporis, si minus probabilis falsa sit,  
damnum subimus, secus in causis animæ; quia salus  
animæ ex honestate electionis dependet: hæc autem  
non à veritate opinionis, sed à probabilitate eiusdem  
simpliciter desumitur: ut probatum est supra. Debet  
igitur probare Candidus, quod probabilitas simplici-  
ter non sufficiat ad cohonestandam actionem; debet  
probare, quod Deus à nobis requirat summam dili-  
gentiam in materijs eligendis, quod tantam curam  
velit nos habere animæ, quantam habemus corporis;  
quod profecto difficilis est probationis, cum contra ip-  
sam veritatem clarissime sit.

Addit Candidus. Servus non satisfacit Domino suo,  
si minus verosimilia media adhibeat ad finis assecutio-  
nem; ergo neq; nos Deo. Sed vae nobis, si tantam di-  
ligentiam à nobis requireret Deus, quantam Princi-  
pes, & Domini terreni à servis suis exigunt; Sed in hoc  
elucet clarè pietas, & misericordia Domini; qui cum  
sit Rex Regum, & Dominus Dominantium, à nobis  
humillimis servis tam parva exigit; Adeo, ut verificetur  
oraculum ipsius. *Lignum meum suave est, & omnis  
membrum leue.* Aliqua tamen ratio disparitatis huius rei potest in-  
veniri; nam Domino terreno damnum evenit ex hoc,  
quod erret in electione mediiorum servus ipsius; secus  
autem Domino celesti. Item: media verosimilia non  
insecurit ad finis consecutionem, nisi vera in se sunt;  
secus probabiles opinioniones nobis insecuriunt ad finem,  
nempe ad honestam electionem; quia hæc à proba-  
bilitate opinionum, non à veritate ipsarum dependet.  
Octavum est. Si quis arcu iaceret sagittam ad ali-  
quod signum, & vno modo iaciendo, probabile illi

esset collimaturum sine læsione vlla manus; alio vero modo iaciendo, probabilius sciret se collimaturum, sed cum læsione manus; iste profectò, si pluris faceret collimationem, quam manum illæsam, sequeretur probabiliorem rationem collimandi; licet cum læsione manus; quam minus probabilem sine læsione. Ergo homo, qui inquirendo, quod est licitum, agit ad collimandum, si amaret magis licitum, quam temporale commodum, sequeretur probabiliorem rationem, licet cū damno commodi temporalis, quam minus probabilem sine damno commodi temporalis; sed qui amat magis temporale commodum, quam licitum, peccat; ergo &c.

Resp. Exemplum non esse ad rem, quia homo siue sequendo probabiliorem, siue minus probabilem, semper certò ad scopum per se intentum collimat; nempe ad licitum operationis, quæ per se semper formalitèr honesta est, per hoc præcisè, quod de honestate materiæ probabiliter constet; seu per hoc præcisè, quod cōstet dari opinionem probabilem de honestate materiæ. Vndè semper sequitur rectam rationem, ac proinde semper certò collimat ad scopum præfixum in moralibus. Vndè, qui sequitur minus probabilem, non proinde est minus certus de honestate suæ actionis, quæ honestas per se formalitèr intenditur; quam sit certus ille, qui sequitur probabiliorem; licet hic sit magis (semper tamen intra latitudinem probabilitatis) certus de honestate materiæ in se, quam sit alter. Sed hoc non officit ex fusè probatis in toto hoc opusculo. Non ergo, qui sequitur minus probabilem, anteponit bonum temporale spirituali; sed semper bonum spirituale assequitur, honestatem scilicet actionis suæ, & satisfactionem, seu impletionem præcepti diuini, iubentis nos agere secundum rectam rationem.

S E.



317

S E C T I O S E X T A

*Soluuntur quedam argumenta ab absurdo.*

**T**Ria sunt absurda, quæ ex nostra sententia deducunt aduersarij, quæ vrget Candidus *q. 5. argumento 9. 10. & 11.* Primum est. Si admittatur posse quem in causis animæ, & salutis suæ spiritualis vti opinione minus probabili, & sic alteri consulete; sequitur, quod etiam Medicus possit curare infirmum iuxta minus probabilem; & sic si habeat duo medicamenta, quorum alterum probabilius sit sanatiuum, & minus probabiliter occisiuum, & aliud, quod probabilius sit occisiuum, quàm sanatiuum, poterit hoc secundum adhibere, & sic probabilius occidere, quàm sanare; quod profecto, vel ex terminis absurdum videtur; & nullus est, qui vellet secum à Medico suo ita agi, & Medicus iste ab egrotorum cura omnino expelleretur.

Secundum absurdum est. Ex nostra sententia sequitur, quod Iudex possit ferre sententiam in fauorem filii, qui minus probabiles habet rationes, relicto illo, pro quo probabilius esset sentiendum. Quod ini- quum videtur; quod scilicet ille, qui habet minus iuris, & rationis, sententiam habeat fauorabilem. Huic simile est aliud absurdum, quod Aduocatus possit tueri causam Clientis minus probabilibus rationibus, cum habeat probabiliores.

Tertium est. Ex nostra sententia sequitur, quod possimus vti opinione minus probabili, etiam in materia, & administratione Sacramentorum; non pròinde nos exponere periculo irritandi Sacramentum, & non suscipiendi effectum illius in damnum nostræ animæ, vel aliorum, quibus impenditur Sacramentum. Hæc absurda distraxere DD. nostros iniquas sen-

218 DISPUTATIO QUINTA.

tentias. Nam alij concedunt ex nostra sententia hæc omnia sequi; illa tamen negant esse absurda. Alij è contra hæc pro absurdis reputant, negant autem ex nostra sententia benè inferri, & varias tradunt disparitates, & exceptionis causas. Vtrinq; autem sunt magni nominis Doctores.

Antequam, quid sentiam, aperiàm; adnotanda est diligenter doctrina Suar. tom. 4. in 3. p. d. 26. sect. 6. n. 5. maximum scilicet esse discrimen inter quæstiones Iuris, & quæstiones facti. Quæstio iuris est, an aliquid sit honestum, & licitum. Quæstio facti est, an hoc modo agendo, aliquid re vera fiat. E. G. hæc est quæstio iuris. An Cambium recursæ sit iustum. Hæc vero facti. An sub hac forma, in nomine Genitoris, Geniti, & Spiritu verè subsistat in facto baptisma.

Hæc autem quæstiones, sicut diuersæ sunt, ita non pari modo specificatur voluntas in illis honestè eligendis; nam in quæstionibus facti maior diligentia requiritur; quàm in quæstionibus Iuris; siquidem in quæstionibus Iuris non est præceptum, vel necessitas ponendi in re, seu eligendi, quod in re honestum est; nec ex hoc quod fortatè eligatur inhonestum, sequitur vllum damnum facta prius prudenti diligentia. At verò in quæstionibus facti est præceptum ponendi factum, & faciendi, quod illud subsistat in re, & ex eo, quod non subsisteret, sequeretur damnum; puta in casu Sacramenti, nõ subsistente facto irritaretur Sacramentum, & præiudicium grave inferretur suscipienti.

Hinc ergo in istis, quando constat, quod vno modo factum subsistat, eo modo omnino agendum est; & si certus modus non datur, vel aliquando per accidens non suppetit, & instat necessitas agendi, semper tutiori modo agendum est. Undè licet in quæstionibus Iu-

ris non esse semper tenendā tutiorem certū sit : in quæstionibus facti illa semper , certior scilicet , tenenda est.

Et hoc meo iudicio est discrimen verum inter opiniones , seu quæstiones Iuris , & facti ; non vero illud , quod assert Io: Sanchez *in selectis d. 43. nu. 48. & seq.* scilicet opinionem omnem circa factum , non opinionem , sed dubiū esse : vndè cum illa non posse quē agere ; solam autem opinionem Iuris esse veram opinionē : vndè in quæstionibus facti ad rectè agendū requiri certitudinem . Hoc enim non facile capio ; vndè sic argumentor .

Opinio facti E. G. ex ipso Sanchez est hæc. Vxori proponitur virū suū iamdiu absentē mortuū esse , duobus , vel tribus viris fide dignis affirmantibus , totidem autē negantibus . Sed si mulier ex auctoritate affirmantium moueatur ad credendum virum suum mortuum esse , verè opinatur , & non dubitat ; ergo opinio facti realissima , est opinio , & non dubium . Probatur minor . Vel pro dubitare , intelligitur formidare , vel suspendere assensum . Si primum : fateor , q̄ dubitat ; sed hoc non tollit opinionem , cum opinio , quā talis , probabilissima licet , inuoluat formidinem . Si secundum , hoc pacto profecto non dubitat , quia assentitur vni parti . credit virū suum mortuum esse ; ergo non suspendit assensum ; sane opinio Iuris opinio vera est , & tamen etiā ipsa formidinē inuoluit ; cum hoc sit essentialē omni opinioni , quā opinio est ; ergo etiā si opinio facti dubiū inuoluat hoc pacto , hoc est formidinem , adhuc erit verissima opinio .

Dices ex eodem *nu. 50.* Opinio facti est dubium , quia non potest securitatem asserre conscientiæ ; nec enim decernit , an possit aliquid licitè fieri , vel non ; sed solū , an aliquid verè sit factū , necne ; verè subsistat , necne .

Contra tamen est primo. Quia, hoc neque distat multæ quæstiones Iuris, puta, an Cambium recurſæ sit iustum; & vniuersaliter nullus actus speculatiuus dicit de operabili, sed præſcindit; vt viſum eſt *d. p.* & tamen quæſtio omnis Iuris dicitur vera opinio.

Contra ſecundo. Quia licet nihil opinio facti dictet de operabili, tamen ex ipſa ſtatim conſequitur dictamē, ſeu iudicium præſcribens hic, & nunc poſſe fieri, ſeu licitam eſſe talem operationem; quod quidem iudiciū eſt in eodem ordine, ac eſt opinio facti; & ſi pro facto ſunt rationes validæ, pro hoc iudicio conſequenti ſunt etiam rationes validæ; immo eadem prorsus, quæ militant pro facto, militant etiam pro hoc ſecundo iudicio decernente aliquid circa factum. E. G. in caſu alato, pro facto, quod nempe vir mortuus ſit, proponuntur vxori rationes validæ, nempe trium virorum dignorum fide teſtimonia. Ex his rationibus quid ſequitur? ſequitur probabile eſſe, quod nubere poſſe alteri viro. Nam certum eſt vxorem nubere poſſe alteri viro, quando certa eſt de morte viri ſui; ergo probabile eſt nubere poſſe, quando probabiliter ſcit de morte viri; ſed in hoc caſu probabiliter ſcit de morte viri; habet enim pro morte viri probabiles rationes, nempe valida, & fide digna teſtimonia; ergo probabile eſt ipſa poſſe nubere alteri viro: ſed per Sanchez cum opinione Iuris poteſt quis agere, & habet ſecuritatem, animæ; ergo etiam cum opinione facti, ad quam eſſentialiter conſequitur talis opinio Iuris.

Vrgeo. Per Sanchez, habens opinionem minus probabilem, quod poſſit tollere ab aliquo aliquam rem, poteſt tuta conſcientia illam arripere; ergo etiam habens opinionem probabilem facti, quod nempe ſit ſua. Conſequentiam hanc, quam negat Sanchez, ſic demonſtro.

Ex

Ex hoc, quod habeā rationes graues, quod res sit mea, sequitur euidenter, & necessario, quod possim illam arripere, seu saltem, quod probabile sit me posse illam arripere; nam certum est me posse arripere rem, quæ certò est mea; ergo possum, seu probabile est, me posse arripere rem, quæ probabiliter est mea. Immo hæc opinio probabilis, quod possim rem arripere, non potest fundari nisi in hac opinione facti, quod sit mea; omne enim, quod non est meum, arripere non possum, & solum meum arripere possum. Sed quando certum est rem esse meam, non est opinio probabilis, quod possim illam arripere, sed est cognitio certa, & euidentis; ergo tunc est probabile me posse arripere, quando non sunt rationes certæ, sed graues, sed ponderantes, sed probabiles, quod sit mea.

Inso. Si cum opinione circa factum non potest quis agere; sed adhuc, vt agat, debet certitudinem facti habere; ergo nunquam quis agere poterit in materia iustitiæ cum opinione siue probabili, siue probabiliori, quod est absurdum. Probo consequentiam. Sumus in materia iustitiæ, quando aliquid debeo dare, vel arripere; sed opinio omnis probabilis, vel probabilior dicens me debere, non debere dare, vel arripere supponit opinionem circa factum; scilicet, an res danda, vel arripienda sit mea, vel alterius; si enim quoad hoc non sit opinio, sed certitudo, iam non est opinio, sed scientia euidentis de hoc, quod est me dare; seu reddere debere, & me posse arripere; ergo, vel nunquam in materia iustitiæ possum agere cum opinione probabilissima licet: vel cum opinione circa factum semper possum agere; quia ex illa confurgit opinio iuris infallibilis, & necessaria sequela, saltem vniuersaliter. Et sane omnis obligatio restituendi oritur, vel ex eo, quod

quod rapuerim rem alienam, vel ex eo quod possideam rem alienam: si ergo sit certum rem, vel raptam, vel possessam esse alienam, non potest esse sub opinione, an debeam restituere, quæ est quæstio Iuris, sed erit sub scientia euidenti. Igitur in tantum erit sub opinione obligatio restituendi, in quantum sit sub opinione, quod res sit mea, vel aliena, quæ est quæstio facti; ergo à primo ad vltimum, & opinionem facti verissimam, esse opinionem, & cum illa posse securè agi, quando potest agi cū opinione Iuris, concedendum est.

Quod si velit Sanchez, ideo opinionem facti non sufficere, quia vltius ad agendum requiritur iudicium dictans debere, seu posse ex tali facto sic operari; ego non nego; immo vltius tertio loco volo requiri iudicium practicum euidens dictans, eligi posse opinionem Iuris, quæ ex opinione facti consequitur; solum enim, quod contendo est, opinionem facti esse verissimam, opinionem, non secus, ac opinionem Iuris; & quando cum opinione Iuris potest agi, sufficiat etiam opinio facti. Et vi motiuorum circa factum leui. & oriri probabilitatem in opinionem Iuris, & rectitudinem infallibilem in iudicium practicum, seu rectam rationem electiones opinionis Iuris proponentem, & dictantem; si uè modo isti actus interueniant formaliter, si uè virtualiter.

Similiter in hoc sensu fateor probabilitatem circa factum posse appellari probabilitatem remotam, & probabilitatem circa Ius probabilitatem proximam; vt acutissime docet Cardinalis de Lugo *1. p. de Iust. & Iure d. 16. sect. v. n. 97*. In quantum scilicet, cum ad honestam actionem, seu electionem moralem præsupponatur primo iudicium practicum dictans euidenter hic, & nunc talem actionem, seu electionem talis materiæ esse

esse honestam. Secundo iudicium speculativum, quod ipsa materia, seu obiectum electionis sit licitum, & honestum. Tercio etiã quandoq; pręrequiratur cognitio facti; protecto sicut cognitio facti se habet remotę ad iudicium practicum, seu rectam rationem, & proximius se habeat iudicium Iuris, dictans obiectum, seu materiam electionis esse honestam; sequitur, quod in ordine ad rectam rationem, & honestam electionem, probabilitas Iuris sit proxima, & facti remota. Puta, queritur, an res aliqua sit mea; hæc est quęstio facti. Secundo, an licitum sit illam retinere; hæc est quęstio Iuris; hæc vtiq; est proximior, quia sequitur ex prima.

Insuper, vt mox etiã dicebam, concedo vltro, cum hac probabilitate solum remota, seu cum sola opinione facti non posse quem agere; quando scilicet ex tali probabilitate remota non potest oriri proxima, & ex tali opinione facti non potest oriri opinio Iuris; prout quędoq; contingit, ex aliquo impedimento, puta alicuius legis: prout exemplificat Card. cit. n. 100. scilicet, quādo ex tribus testibus affirmantibus aliquem esse reum alicuius criminis, & totidem negantibus, sequitur, quidem probabile esse illum esse reum, non potest tamen proinde condemnari, nec resultat ex opinione hac facti, quod sit reus, opinio probabilis, quod possit condemnari; quia leges volunt, quem condemnari non posse, nisi delictũ sit plenę probatũ, non est autę plenę probatum, quando probabiliter tantum est probatum. Verũ regulariter ex opinione probabili circa factum confurgit etiã opinio Iuris. Sic in vniuersum in materia iustitię, ex hoc quod sit probabile rem esse meam, sequitur probabile esse, quod possim recipere; & ab aliõ accipere; nam alias nunquam possem ab aliõ accipere, nisi constaret certo, & euidenter esse meam:

Huius

meam:

meam: in quo casu non daretur opinio, sed euidentiâ Iuris; & sic sequeretur, quod nunquam possem rem aliquam retinere, vel ab alio arripere cum probabilitate Iuris, sed semper cum euidentiâ, quod profecto difficile est. Item in materia matrimonij, ex hoc, quod sit verosimile virum esse mortuum posse vxorem nubere alteri viro, docet *Gl. super cap. in presentia de spons.* ergo etiâ in casu matrimonij ex opinione facti nempe mortis viri, sequitur opinio Iuris nempe posse nubere. Item in *c. significasti 2. de homicidio voluntario*, habetur quem censendum irregularē, nisi cōstet vulnus nō fuisse lethale. An vulnus fuerit lethale est quæstio facti. Quid intelligitur per ly constare? Legatur *Barb. super hoc cap. in collect.* dicit intelligi, quod vnus Medicus, etiâ alio contradicente asserat, dummodo senior sit; certè autem, hoc stante, hæc quæstio remanet sub opinione; igitur ex hac opinione facti sequitur, quem non habendum pro irregulari; quæ est quæstio Iuris. Sic pariter in multis alijs materijs.

An autem quando factum est controuersum, ad agendum sine peccato debeamus sequi probabiliorem, dicam infra; nunc ad absurda contra nos illata redeo, & vt clarius procedam, sit.

#### *Conclusio Prima.*

**A**bsurdum censeo, quod Medicus in curando possit vti opinione minus probabili; hoc est adhibere medicamenta, quæ minus probabiliter arbitrantur profutura, & probabilius iudicari esse nocitura; Vnde Medicus sic agens peccaret contra iustitiam, & contra charitatem.

Conclusio probatur primo. Quia Medicus consuleretur tenetur salutem ægrorum, & euitare periculum interficiendi



ficiendi infirmum. Hanc propositionem sic simpliciter prolatam, & intellectam, nullus negare potest; ergo absurdum est, quod Medicus licet possit adhibere medicamenta minus probabiliter sanatiua, & probabilius occisiua, dum suppetunt medicamenta meliora, & probabilius sanatiua, quæ æquè benè potest applicare. Consequentia probatur, quia sic agendo simpliciter non consulit salutem infirmi, cum exponat ægrum maiori periculo moriendi, quam salutem acquirendi, cum facillè posset eum exponere minori periculo: ex illa enim parte est maius periculum, ubi sunt minus probabiles rationes.

Confirmatur primo. Hic sumus in questione facti, vocatur enim Medicus, ut infirmum sanet, & si errat in medijs, nempe medicinis, aberrat à fine, & causat non salutem, sed mortem infirmi; ergo Medicus habet præceptum ponendi factum; ergo debet meliori modo, quo æquè benè potest cooperari facto; ergo tenetur meliora media, quæ æquè benè potest adhibere; ergo cum habeat parata, & remedia probabiliora, & minus probabilia, tenetur probabiliora adhibere.

Secundo probatur Conclusio, quia tenetur Medicus magis consulere vitæ, & salutem infirmi, quam morti ipsius; ergo tenetur probabilius sanatiua remedia adhibere. Probo consequentiam, si adhibet remedia probabilius occisiua, & tantum probabiliter sanatiua, magis consulit morti, quam vitæ; quia hæc media magis sunt conducentia ad mortem, quam ad vitam, & sanè si alicui volenti occidere Petrum proponerentur duo medicamenta vnū probabilius sanatiuum, alterum vero minus probabiliter sanatiuum, sed probabilius occisiuum, quid faceret, si Petrum vellet occidere? profecto daret remedium minus probabiliter sanatiuum; ergo è con-

tra Medicus, qui debet sanare, debet remedium adhibere probabilius sanatiuum.

Urgeo. Medicus sequendū minus probabilem, probabilius occidit infirmum, quā sanet; ergo potiori iure dicetur occidere, quā mederi; qui autem potius occidit, cum teneatur mederi, nonne peccat? Benè dicit Candidus, nullus vellet pro se huiusmodi Medicum, qui potius occideret, quā sanaret, & si quis hunc eligeret, æger potius mente, quā corpore dicendus esset.

Tertio, quia Aristoteles 1. *Topicorum* ait. *Non ideo malus Medicus, si non semper sanat, dummodo nihil omiserit eorum, quæ sunt ex arte*; ergo malus Medicus est, & peccat, qui aliquid omittit eorum, quæ sunt ex arte, & qui non operatur ex arte; ergo malus est Medicus, qui operatur via magis fallibili, & minus probabili; operari enim ex arte est operari via minus fallibili. Ars enim minus fallibilis, quam potest, esse curat, & sic viæ eius sunt viæ minus fallibiles; & per consequens probabiliores; ergo ijs insistendum, & cuiq; agendū iuxta illas.

Quod autem Medicus peccet non solum contra charitatem, sed etiam contra iustitiam, patet, quia, si ad hoc obligationem habet, habet ex officio; ergo hæc est obligatio ex iustitia. Item, si ego sciens darem medicamentum minus probabiliter sanatiuum Petro; & Medicus sciens daret idem Paulo, uterq; peccaremus; certè autem magis Medicus, quā ego, & diuersimodè; ergo, quia ego solum contra charitatem, Medicus etiam contra iustitiam. Deniq; Medicus ad sanandum ægrotum stipendio ducitur, ducitur autem, ut meliori modo, quo potest, ægrotum sanet, & si sciretur illum non uti melioribus medijs, profecto non duceretur; ergo ex pretio conuentione interueniente, velut raci-

ta,

ta, & interpretatiua ducitur ad sanandum, & medendum, melioribus medicamentis; ergo ex iustitia tenetur id agere.

Dices. Quando medicamentum certò sanatiuum suppetit, tunc tenetur Medicus illud adhibere, quia tunc potest certò sanare; at verò, quando omnia medicamenta, quæ suppetunt, sunt fallibilia, quia tantum probabiliter sunt sanatiua, magis, vel minus: tunc quia ex utraq; parte est periculū, & ex utraq; spes, potest quodlibet prudenter adhiberi; etiam enim minus probabile sanare potest, & magis probabile potest interficere.

Contra tamen est quia, licet vtrumq; sanare possit, & interficere, adhuc vnum est magis sanarium, & minus interfectiuium, quam aliud; probabilius est, quod vnum sanet, aliud verò, quod occidat; ergo, qui debet consulere potius salutem ægroti, quam mortem, debet quod magis iudicatur sanatiuum applicare: & si applicat, q̄ magis iudicatur interfectiuium, potius consulit morti, quam vitæ; applicat enim medium magis conducens ad mortem, quàm ad vitam. Sed Medicus debet potius consulere salutem, quam mortem infirmorum; ergo &c.

Dices. Qui operatur cum opinione probabili, prudenter operatur, & per consequens non peccat.

Resp. Distinguendo antecedens, qui operatur cum opinione probabili, ex qua si sit falsa, oriatur damnum alicui, cuius tenemur indemnitati providere, prudenter operatur; falsum est antecedens; extra hunc casum, concedo antecedens; Medicus autem est in hoc casu, ergo &c.

Et hinc sequitur hoc absurdum de Medico non deduci ex nostra sententia, quia Medicus exactenus tenetur sequi probabiliorem, quia est in quæstione facti, & facto tenetur consulere; si autem sequatur minus probabilem

babilem, facti non consulit; sed potius negationi facti. Explico clarius; si minus probabilis sit falsa, occidit infirmum, & damnum infert proximo, cuius indemnitati tenetur ex officio consulere; vnde quod specificat electionem Medici quoad medicamenta, est ratio, seu formalitas tuti, non probabilis; vnde semper tutiori Medico insistendum est, quando alterum non est tutum. E contra autem, quod specificat generaliter actiones nostras in esse honesti, non est ratio tuti, sed ratio probabilis; quia ex hoc ipso, quod opinio sit probabilis, tutissima est, quia electio sequitur infallibiliter honesta; vnde hic sumus in diuerso casu; medicamenti veritas sanat infirmum; animam nostram sanat opinionis, non veritas, sed probabilitas; & si enim probabilis opinio falsa sit, adhuc honestè operamur; vnde Medicus veritatem querere tenetur, ac proinde sequi maiora signa veritatis; at in foro Conscientiæ probabilitatē tenemur sequi, quæ quia etiam est in minus probabili, ideo &c.

Hic autem placet adnotare parum consequenter locutum Io: Sanchez *d. 44. n. 36.* dum docuit Medicū posse applicare medicamenta, quæ minus probabiliter putat, seu quæ minus probabilis opinio docet, esse sanatiua; quia, ait, secundum suam conscientiam applicat id, quod fore salutiferū arbitratur; hoc inquam est parum consequenter dictum. Nam dum quærimus, an medicamentum sit sanatiuum, necne; hæc est quæstio facti; ergo opinio dicens esse salutiferum est opinio facti; sed cum opinione facti, quia dubium illa est, & non opinio per Io: Sanchez, non possumus agere, vt docet *d. 43. nu. 48. & seq.* ergo neq; Medicus potest agere, & applicare medicamenta secundum opinionem minus probabilem: vel si hoc admittendum est, malè dictum est supra *loc. cit.* cum opinione facti non posse quem agere.

Vrgeo,

o) *Urgebo*, docet hic auctor d. 44. n. 51. Iudicem debere ferre sententiam secundum opinionem probabiliorē, quando sumus in quæstione facti, & cum disputatur, & controuertitur, an aliqua res sit huius, vel illius; & illi rem esse applicandam, qui probabilius ostendit rem, esse suam; quare ergo idem non dicendum de Medico, qui etiam est in quæstione facti, & est veluti iudex inter medicamenta; quare non debet applicare medicamentum, quod probabilius ostenditur sanatiuum?

*Conclusio Secunda.*

**I**udex non potest in sententiando sequi partē minus probabilem, siuē simus in quæstione facti, siuē iuris; hoc est, nec cum opinione facti, nec cum opinione iuris minus probabili potest Iudex sententiam ferre, sed debet omnino sequi probabiliorē; aliter peccat contra iustitiam.

Exemplifico Conclusionem. Duo prætendunt rem aliquam esse suam; probant scripturis, testibus. Hic sumus in quæstione facti; & dico debere Iudicem ferre sententiam in fauorem illius, qui melius probat rem esse suam. Vel prætendunt duo sibi rem aliquam adiudicandam; quia lex aliqua, quæ diuersimodè à DD. intelligitur secundum varium intellectum fauet utrique. Hic sumus in quæstione iuris; & dico debere Iudicem sequi sententiam probabiliorē; & cui probabilius legem iudicat fauere, rem esse adiudicandam.

Probatur Conclusio primo vniuersaliter, quia Iudex in quacumq; quæstione, siuē iuris, siuē facti debet sententiarē ex iustitia, & in præhabendo vnum alteri, debet agere ex iustitia; alias si non agit secundum iustitiam, peccat, cum ad id, quod iudex teneatur, sed sequendo minus probabilem, siuē in quæstione iuris, siuē

siuè facti non sententiat ex iustitia; & sententiando secundum minus probabilem in fauorem vnus non præhabet vnum alteri secundum iustitiam; ergo sequendo minus probabilem, siuè in questione iuris, siuè facti peccat. Maior ex terminis videtur clara; minor probatur, quia sententiare ex iustitia, & secundum iustitiam, est sententiare in fauorem illius, ad quem iustitia inclinat. Sed iustitia in quacumq; questione semper inclinat ad partem probabiliorem; illa enim habet magis de iustitia, & per consequens magis ad illam iustitia inclinat; habet magis de iustitia, quia habet magis de ratione, quæ iustitia est; ergo Iudex, vt agat secundum iustitiam, debet semper in quacumq; questione sequi partem probabiliorem.

Confirmatur primo. Iudex in hoc, quod est sententiare potius in fauorem vnus, quam alterius, & præhabere vnum alteri, debet moueri ab aliqua ratione ad sententiandū pro vno potius, quam pro alio; sed hæc non potest esse alia, nisi maior ratio vnus partis supra aliam; ergo debet moueri ad hoc à maiori probabilitate, quam habeant rationes vnus supra rationes alterius. Licet enim dicere possis, ad sententiandum pro Petro E. G. habet rationes sufficientes, rationes scilicet simpliciter probabiles; tamen dico ego, ad præhabendū illum Paulo, quas rationes habet? ad sententiandum potius pro Petro, quam pro Paulo, qua ratione mouetur? ly potius vnde oritur? ex arbitrio Iudicis? ergo non rationabiliter præhabet vnum alteri; sed quia sic placet, & quia stat pro ratione voluntas, q̃ est iniquum.

Confirmatur secundo ex communi omnium Gentium sensu, qui serè nunquam errat, iuxta illud, *Vox populi, vox Dei*. Astræa, quæ iustitia est, fingitur habere stateram, & lances in nullam partem inclinantes de se,

de se, sed solum, quæ mouentur, & inclinantur à rationibus partium, & ubi lances inclinant, ibi sententia est ferenda; sed inclinantur lances solum à maiori probabilitate rationum, quæ solæ in statera ponuntur; ergo ferenda semper sententia, ubi est maior probabilitas rationum. Hæ autem rationes, ut patent, militant tam de Iudice supremo, quam de inferiori.

Secundo probatur Conclusio, quia Iudex tenetur iudicare iuxta allegata, & probata, & secundum merita partium; ergo non ex arbitrio; sed allegata, & probata, & merita partium fauent parti probabiliori; ergo pro parte probabiliori ferenda sententia.

Tertio, Quia est præceptum iustitiæ, quod ius suum cuiq; tribuatur. Sed sententiando pro parte minus probabili non tribuitur cuiq; ius suum; nam pars magis probabilis habet hoc ius, ut sententietur potius pro illa, quam pro parte opposita. Habet enim reuera maius ius, quod non consideratur in se, ut plurimum enim, hoc euidenter non cognoscitur; sed consideratur in allegationibus, & probationibus, quæ profecto meliores, & fortiores sunt pro parte probabiliori; ergo illa habet hoc ius magis, quam opposita. Igitur contra iustitiam fit; si hoc ius ipsi non tribuatur, & nō fiat satis ipsi sententiando pro illa, sed sententietur pro parte opposita.

Sit exemplum clarificans omnia. Titius accusatur homicidij; decem testes asserunt illum esse innocentem; tres nocentem. Quis sanæ mentis non dicat Iudicem iniquè acturum, si Titium in furcas agat? Ecce exemplum in questione facti; de modo exemplum in questione Iuris; Titius occidit hominem, sed in tali circumstantia, in qua decem DD. validioribus cum rationibus tenent esse absoluendum. Duo è contra cum minus

minus validis rationibus dicunt esse condemnandum. Quæso, nonne iniquè ager Iudex, si illum condemnet? Titius habet maius ius ad hoc, ut absolvatur; ergo non obstante hoc, condemnabitur? hoc est durum.

Dices. Iudex agens cum opinione minus probabili prudenter agit; ergo licitè.

Resp. Negando antecedens, quia agit clarè contra iustitiam, quæ præcipit ius suum cuique tribui, quod ipse non tribuit, sic agendo, ut ostensum est.

Ceterum hoc absurdum, quod Iudex possit sententiarè pro parte minus probabili, non sequitur ex nostra sententia. Disparitas enim est manifesta, quia in foro animæ semper sententiarè pro parte certa, nempe pro honestate actionis, etiam quando sequimur minus probabilem; adhuc enim est certum actionem esse honestam, quæ sola cadit sub sententia practica naturalis iudicatorij, & sub iudicio Prudentiæ. Nam sententia practica non cadit supra materiam operationum, sed supra honestatem electionis, vel omissionis illius. Vtraque autem semper honesta est, si de honestate materiæ sunt contrariæ opiniones simpliciter probabiles; unde tam electio, quam omissio possunt eligi (ne facias difficultatem in verbis, idem enim intelligo, ac possum licitè eligere, vel omittere) nec ulli fit iniuria.

Neque vero, quod perperam assumit Candidus, leditur vel Deus, vel honestum, quando eligitur minus probabilis; nam diuino præcepto fit satis, & honestum per se intentum semper sequimur, non autem refugimus ab illo, quando eligimus materiam minus probabiliter iudicatam honestam; electio enim, quæ semper per se intenditur, certò honesta est; unde quamcumque opinionem sequimur, nunquam recedimus à iustitia, nunquam ab honesto; secus in foro fori, in quo  
necesse



necesse est ab iustitia, & honesto discedere, vt probatum est.

Adde, quod si pars minus probabilis, pro qua iudex sententiat, falsa sit, graue damnum irrogatur oppositæ, contra quam sententiat; quod non contingit in casu nostro, quia etsi minus probabilis sit falsa, adhuc nulum damnum patitur anima, vt ostensum est.

Neque dicas, quod materia, quæ minus probabiliter putatur honesta, habet maius ius, vt euitetur, quam vt eligatur; hoc enim falsum est; cum enim ratio, cur debeat eligi, sit probabilitas simpliciter honestatis, & hæc reperiatur, etiam quando minus probabiliter iudicatur honesta, sequitur, quod tunc habeat etiam ius sufficiens, vt eligatur. Præterea, quod ius habet materia in ordine ad sui electionem? certè solum vt sequatur electio certè honesta; sed hæc sequitur, etiam cum materia est minus probabiliter iudicata honesta; ergo &c.

Sic exemplum. Si leges statuunt, vt vir habens quasdam certas conditiones, possit assumi ad Magistratum; si sint duo eiusdem Magistratus Candidati, quorū uterque simpliciter habeat prædictas conditiones, sed vnus excellentius alio; peccabitne eligens habentem prædictas conditiones simpliciter? nequaquam. Quare hoc? quia legem implet. Sic etiam in casu nostro; quia quod exigit lex Dei, est, vt attendamus ad probabilitatem honestatis simpliciter.

Sed ob. Exigit Respublica à Iudicibus, vt decernant, & iudicent secundum allegata, & probata; ergo etiam Deus à nobis; nam ratio, quare Respublica hoc exigit, est amor veri, & recti, quem amorē etiam exigit à nobis Deus in foro animæ.

Resp. Negando consequentiā; licet .n. verè Deus exigit à nobis amorē iusti, & recti: hoc præcipuè exigit in

G g

nostris

nostis actionibus practicis, scilicet voluntatis, quarum honestatem per se formaliter intendit; actiones autem voluntatis semper sunt per se certò formaliter honeste & recte, etiam quando sequimur minus probabilem. In materijs autem nostrarum operationum vult Deus nos moueri à vero, & recto, & quando illud euidenter constat, omnino illud sequi debemus; at quando non euidenter constat, sufficit ipsi, si simpliciter probabiliter verum eligamus; nec enim obligat ad maius bonù; nimis enim hoc coarctaret conscientias nostras, si semper probabiliora sequi deberemus. In summa, *Iugum Dei suauis est, & onus ipsius leue*: E contra autem, Respublica magis grauat Iudices ab ipsa constitutos, & meritò; si enim veritatem nò assequantur, graue damnum inferunt parti, contra quam sententiant. Secus in causis animæ, in quibus etiam si veritatem non assequamur, nullum damnum subit anima nostra; proinde Iudices tenentur veritatem, quantum simpliciter possunt, sequi. Sanè Mundus vult diligentius, & exactius geri negotia sua, quam velit Deus, quæ ad ipsum spectant. Et quod homines tantam diligentiam adhibeant in causis animæ, ac corporis, est de consilio, non de præcepto.

Quod dixi de Iudice, idem dicendum de Aduocato, peccare scilicet, si minus probabiles rationes adhibeat ad tuendam causam Clientis, dum habet probabiliores, quas æque benè potest adhibere; pretio enim ducitur ad tuendam Clientis causam melius, quam potest, alias non ducendus. Item si rationes minus probabiles, non subsistant, ac proinde Clientis causa cadat, maximum damnum patitur; quod damnum poterat euitare Aduocatus, & tenebatur; ob hoc enim pretio accersitur. Nec tamen proinde valet; ergo idem dicendù in causis animæ

animæ vniuersaliter, propter iam assignatas disparitates, tum ad absurdum de Medico, tum de Iudice.

Hic autem nota absurdum de Aduocato non ita ex nostra sententiâ à DD. inferri, sed aliter; scilicet, aiunt, sequitur, quod possit Aduocatus causam minus probabilem contra probabiliorem tueri. Sed hoc absurdum nullum est; quamcumq; enim causam, dummodo euidenter non iustam potest Aduocatus, & Doctor tueri; causa enim quæcumq; dummodo probabilis, potest esse iusta, & opposita probabilior licet, iniusta. Hinc est, quod DD. communiter hoc negant esse absurdum; maiorem habet difficultatem absurdum à nobis illatum: vnde facti sumus illud absurdum re vera esse, sed ex nostra sententia non sequi.

*Conclusio Tertia.*

**A**bsurdum est posse aliquem vti, siuè administrando, siuè conficiendo, siuè suscipiendo Sacramentum, opinione probabili, probabiliore licet, quàm opposita, quando suppetit sententia certa, qua potest vti. Item in concursu probabilis cum probabiliore, absurdum est, posse quem vti opinione minus probabili; sed debet sequi probabiliorem, quando vel sententia certa non est, vel illa vti non potest. Qui secus facit, peccat contra Religionem; & si ex officio teneatur Sacramentum administrare, & conficere, peccat etiam contra iustitiam; secus contra charitatem. In casu autem necessitatis, quando non potest in praxim deducere probabiliorem, vel certam, vtatur quis opinione probabili.

Conclusio procedit vniuersaliter, quando agendo secundum opinionem probabilem, vel probabiliorem, est periculum irritandi Sacramentum, vel frustrandi proximum effectum Sacramenti; nam aliâs, licet illud

ministrare, quando, & cui per minus probabilem licet. Puta, cum quæritur, an liceat amenti Eucharistiam ministrare; si enim sit opinio etiã minus probabilis, quod liceat, sine peccato Sacramentum ministratur.

Prima pars Conclusionis probatur, quia facit iniuriam grauem Sacramento, qui non facit, quantum moraliter potest, ne illud irritum in re euadat; sequitur tunc enim abusus Sacramenti; quia vel forma inepta cadit supra materiam aptam, vel è contra formæ aptæ subijcitur materia inepta; quem quidem abusum tenetur euitare homo, quantum moraliter potest; alias voluntariè se exponeret periculo irritandi Sacramentũ, cum voluntariè minus ageret, quam moraliter posset; præcipuè cum cadat sub præcepto diuino non irritare, nec se exponere periculo irritandi Sacramentum. Sed qui relinquit sententiam certam sequendo probabile, vel probabiliozem, non consulit, quantum moraliter potest indemnitati Sacramenti; melius enim, & securius consulitur sequendo sententiam certam: cum sequendo quamcumque probabilissimã licet, semper sit periculum, quod falsa sit, & per consequens, quod Sacramentum in re non subsistat; ergo peccat contra Religionem, qui vititur in materia Sacramentorum sententia, probabilissima licet, relicta certa. Dixi contra Religionem, quia peccatum ex abusione Sacramenti, siuè formæ, siuè materiæ ipsius contra Religionem est, & sacrilegium.

Dices. Sufficit, quod homo prudenter consulat validitati Sacramenti; consulit autem prudenter sequendo sententias probabiles.

Contra tamen est, quia prudenter non consulit alteri, qui potens æquè bene illum omnino saluum redere, diuersimodè agit, & voluntariè illum exponit periculo

periculo simpliciter pereundi; sed sequendo sententias probabiles, exponimus Sacramentū periculo probabili non subsistendi; cum possimus sententiam certā sequendo, illud omnino validū reddere; ergo sequendo sententias probabiles prudenter validitati Sacramenti non consulimus. Maior videtur propositio moraliter certa, minor est certa physicè, consequentia currit.

Secundo. Parochus, & Confessarius tenentur ex officio ouibus suis Sacramenta valida ministrare, quantū moraliter possunt; ad hoc enim ab Ecclesia instituuntur; ergo si in re tam graui, quæ salutē simpliciter animarū concernit, negligentes sint, profecto contra iustitiam peccant, quia iustitiæ & officio suo nō satisfaciunt.

Tertio. Peccat quilibet contra charitatem; quia in re graui charitas vrget nos, vt in re graui tutiori modo, quo moraliter possumus, proximo subueniamus. Sanè vrget nos illud præceptū naturæ *quod tibi non vis fieri, alteri ne feceris*; ergo vrget nos, vt in administratione Sacramentorum, quæ si sint inualida, maximum, & æternum damnum subit proximus, sequamur viam certiore, ac proinde probabiles sententias reiiciamus, quando certa suppetit. Item quis vellet secum itā agi in administratione Sacramentorum? nullus profecto; ergo neq; cum proximo nostro sic agamus. Ex charitate enim ad hoc tenemur, & sumus in re grauissima.

Secunda Conclusionis pars sequitur ex præcedenti; nā non agit, quantū moraliter potest, qui probabilem sequitur reliq̃ta probabiliore; plus enim potest agere sequendo probabiliorem: quæ sicut plus habet de veritate; sic plus de securitate, quod res habeat se, sicut illa enunciat, & per consequens certius est, quod Sacramentum secundum illam fiat, & re vera subsistat, quam secundum minus probabilem.

Neq;

Neq; dicas. Vtroq; modo contingere potest, quod Sacramentum non subsistat, neutra enim est certa; ex alio autem capite prudenter agimus, sequendo opinionem probabilem.

Contra enim est, quia licet utroque modo contingere possit Sacramentum irritari; tamen minus hoc contingere potest, seu minus nobis apparet contingere posse, quod Sacramentum irritetur, si sequamur probabiliorem. Ex alio autem capite prudenter non agit, qui salutem proximi consulit minus, quam potest, cum æquè bene possit magis, & tutius consulere, sicut neq; prudenter consulit indemnitati Sacramenti.

Confirmatur utraq; pars conclusionis ex D. Augustino lib. p. de Baptismo contra Donatistas c. 3. ubi ait. *Qui est certus in Catholica Ecclesia esse Baptismum, & ibi rectè accipi; in parte vero Donati esse Baptismum quidem certus est, rectè autem accipi certus non est; quia licet illi dicant, hoc nos negamus; partem Donati relinquat, & in Catholica Ecclesia Baptizetur.* Et concludit postea vniuersaliter peccare grauiter, qui in rebus ad salutem animæ pertinentibus certis incerta præponit; ergo ex Augustino concurrentibus duabus sententijs quoad susceptionem, seu administrationem Sacramentorum, quarum vna est certa, alia non certa, quia licet ab aliquibus asseratur, & probetur, fallibilis tamen simpliciter est, certa omnino tenenda est; aliter grauius peccatur. Secunda autem pars sequitur ex prima, ut ostensum est supra.

Tertia etiam conclusionis pars patet, quia in casu necessitatis consulit Sacramenti validitati, & salutem proximi, quantum potest, qui sequitur probabilem; cum nec probabiliorem, nec certam sequi possit tunc; ex alia autem parte probabilis sententia certo scitur posse  
esse

esse vera, & habet pro se graue fundamentum veritatis; ergo quia Sacramentum tunc tutius fieri non potest, & instat necessitas illud conficiendi, possumus vti opinione probabili.

Dices. Melius est tunc Sacramentum non conficere, seu non administrare, cum sit melius Sacramentum non confici, quàm exponi periculo irritationis.

Contra tamen est primo, quia licet re vera sequendo minus probabilem sit periculum irritationis, tamen admodum etiam probabile est futurum validum Sacramentum, cum qua probabilitate prudenter dicitur consultum Sacramento, in hoc casu, quia nullus melior modus suppetit. Quod autem, quando tutior agendi modus non suppetit, prudenter eligatur minus tutus, & dicatur prudenter consultum alicui, res est clara.

Contra secundo, quia magis præpõderat salus proximi, seu vtilitas, quæ illi à Sacramẽto dimanat, quàm periculum irritandi Sacramentum, quando tale periculum imminet ex opinione probabili, cum qua verosimile, admodum est, quod non irritetur. Et ratio est euidentis, quia Sacramenta sunt instituta à Christo Domino ad salutem animarum, tamquam ad finem; ergo magis præponderat consecutio salutis animarum, quam periculum, quod Sacramentum non subsistat, semper enim magis præponderat finis, quàm media. Præterea si argumentum valet, nec licebit ministrare secundum probabiliorem, cum etiam secundum illam sit periculum irritationis.

Instabis. Tunc debet ministrari, & confici sub conditione.

Contra tamen est, quia si periculum irritationis, quod oritur ex opinione probabili, cogit, vt Sacramentum sub conditione ministeretur; ergo etiam cum opinione

nione probabiliori erit conficiendum, & ministrandū Sacramentum, sub conditione: quia etiam ex hac oritur periculum irritationis, & licet minus, adhuc simpliciter in eodem genere. Igitur solum debet Sacramentum sub conditione ministrari, quando sumus in dubio orto ex insufficientia rationum, non verò quando sumus in opinione simpliciter probabili, quia tunc cum graui fundamento iudicatur, futurum validum Sacramentum.

Quæres. Quid dicendum de sententia illorū, qui dicunt vtentem sententia probabili relicta certa in materia Sacramentorum, non peccare contra Religionem propriam, & naturalem Sacramento, sed solum contra consuetudinē Ecclesiæ, quæ vnanimiter certam sequitur: & quia consuetudo habet vim legis, ideo peccare contra obedientiā, quæ obedientia, quia concernit materiā religiosam, ideo in hoc sensu posse dici peccare contra religionem; prout Io: Sanchez multos refert itā sentientes *d. 44. n. 26.*

Resp. Me approbare libenter, quod relinquens sententiam certam vsualem toti Ecclesiæ peccet, etiā contra obedientiam; sed vlterius contendo etiam peccare contra Religionem propriē, iustitiam, & charitatem, vt probaui.

Dices. Conclusio posita debet tantū intelligi, quando sermo est de spectantibus ad Sacramentum de iure diuino ex Christi institutione; non verò quando sumus in ijs, quæ sunt iuris positui, & pendent præcisè ab institutione Ecclesiæ: quia tunc agenti cum opinione probabili Ecclesia confert auctoritatē, & iurisdictionē, & supplet Ecclesia defectus, qui alioquin in re posset contingere; vnde certò subsistit tunc Sacramentum, etiamsi opinio probabilis, quam sequimur sit falsum



sū dicēs. Ecclesiā sup̄e sup̄plere, & conferre iurisdictionem agenti cum opinione probabili, siue etiam quando interuenit error communis, & titulus coloratus, est communis sententia DD.

Resp. Quod re vera, si certa esset sententia, quæ docet Ecclesiam conferre iurisdictionem agenti cum opinione probabili, seu quando interuenit error communis, libenter distinguērem, & admitterem conclusionē procedere solum in ijs, quæ sunt iuris diuini à Christo instituta; sed quia hæc opinio solum est probabilis, ideo nullam censeo apponendam distinctionem, seu limitationem: quia etiam in ijs, quæ ad Ecclesiam spectant, non est certum illam conferre auctoritatem non habenti, quando interuenit error communis, vel opinio probabilis; ergo potest esse falsa prædicta sententia, ac proinde contingere, quod etiam Sacramentum irritetur, ex defectu rerum ab Ecclesia exigitarum; ergo adhuc est periculum.

Quod autem prædicta sententia non sit certa, patet, quia sunt multi graues DD. qui illam dicunt falsam, cū adducantur contra illam multi textus SS. Canonum, & definitiones Cardinalium; ergo potest esse falsa; sanè non excedit limites sententiæ probabilis. Legatur Io: Sanchez d. 44. nu. 10. §. *Per principia*, & §. *Præterea*.

Sed obijcies primo contra positam conclusionem. Qui sequitur opinionem probabilem certa relicta, putat se prudenter agere, & cum valido fundamento putat se Sacramentum validè conficere; ergo nullam iniuriam infert Sacramento; quia illud putat non irritandum.

Resp. Quod in primis prudēter nō agit propter dicta; secundo, licet putet cum graui fundamento se validè conficere, adhuc certo scit posse Sacramentum in re

eundem irritum; quia scit cuicumque probabili opinione non posse subesse falsum, & scit etiam se aliam partem sequendo valide conficere Sacramentum, & tunc certo, & infallibiliter; ergo voluntarie se exponit periculo, quod scit adesse, ac proinde non consulit, quantum moraliter potest indemnitati Sacramenti, & saluti proximi; ergo iniuriam infert Sacramento.

Obijcies secundo. Quid est fieri iniuriam Sacramento? quid est hoc? Deo non fit iniuria, ipse enim actiones nostras respicit, quæ si inculpabiles sint, quales sunt, quando procedunt ex opinione probabili, Deus non læditur. Sacramento neque, quia illud res in anima est, etsi non ponitur in re, nulla fit ipsi iniuria, ergo &c.

Resp. fieri iniuriam Deo, ut auctori Sacramentorum, cum enim Deus statuerit hanc materiam, & hanc formam, quæ simul coniungantur, qui aliter ac ipse præscribit, facit, & supponit materiam aptam forme ineptæ, vel è contra: vel exponit se voluntarie periculo transgrediendi eius institutionem, facit iniuriam ipsi institutori. Neque vero inculpabiliter agit, qui sequitur probabilem in hoc casu, quia se exponit periculo voluntarie irritandi Sacramentum, & non succurrendi proximo, ut tenetur, ideo &c.

Obijcies tertio. Conficiens, vel ministrans Sacramentum putat se illud valide conficere; ergo non facit iniuriam suscipienti ministrando secundum opinionem probabilem; ergo ad minus non peccat contra charitatem.

Resp. negando primam, & secundam consequentiam, quia adhuc certo scit posse Sacramentum non subsistere sic ministrando, & per consequens posse proximum graue damnum subire; ergo peccat contra charitatem, quia voluntarie exponit proximum seui prædicto periculo.

Sed

Sed vrgebis. Ex charitate tenemur succurrere proximo, si iudicamus illū esse in extrema necessitate; quod si iudicamus probabiliter, quod illa extrema non sit, non tenemur illi succurrere; etiam si alioquin, si nostra opinio sit falsa, damnum subeat proximus. Item rem, proximi teneor restituere ex iustitia; si tamen probabiliter rem, quam habeo, puto meam, non teneor restituere; etiam si, si mea opinio sit falsa, damnum irrogetur proximo; ergo licet teneamur proximo ministrare valida sacramenta, sufficit, si illa ita ministremus, ut opinemur cum fundamento validè ministrari.

Resp. Concesso antecedente quod ad omnes sui partes, negando consequentiam. Disparitas est manifesta; quia proximus non habet ius, ut ei succurramus, nisi quando constat euidenter, quod est in extrema necessitate; seū nullus habet obligationem, seū debitum subueniendi proximo, nisi quando constat, quod proximus est in extrema necessitate; ideo quando probabile est, quod non sit in extrema necessitate, non tenemur ei succurrere. Ita quando de re aliqua est controuersia, cuius sit, non habet proximus ius certum, ut ei reddatur, quia probabile est, quod super illam nullum habeat ius. Ideo neq; correspondet in possidente debitū restituendi, vnde potest illam retinere. Secus in casu nostro; nam proximus habet certum ius, ut sibi ministretur validum Sacramentum, habet certum ius, ut nō priuetur effectu Sacramenti; ideo huic iuri non correspondet, qui Sacramentum tantum probabiliter validum confert, suo enim iuri non fit satis; ius enim certum non debet exponi periculo, quod frustretur.

Quin retorquetur argumentum. Si quis haberet certum ius, ut ei ministraretur cibus verè aptus, sufficeret ne illi ministrare cibum probabiliter tantū aptū,

cum posset ei ministrari cibus certo aptus? certe non; quia certo iuri non debet satisfieri per solutionem incertam. Idem dico de habente ius ad solutionem in certa moneta; dicereturne illi factum satis, si ipsi fieret solutio in moneta etiam verosimiliter certa? certe nō. Idem dic in casu nostro.

Sed quæres. Dum dicitur in Conclusionē posse quem in casu necessitatis vti opinione probabili, intelligiturne etiam, quando ministranti immineret damnum graue, puta mors &c. si ministraret iuxta sententiam certam,

Respondet Io. Sanchez loco citato nu. 12. affirmatiuē, & citat Anton. Perez in *laurea Salmant. certam.* 10. c. 12. § 13. & rationem affert; quia cum proprio dispendio non tenetur quis pro alio secutiorem opinionem sequi,

Verum hæc ratio non sufficit; licet enim euitetur per hoc peccatum contra charitatem, & contra iustitiā ortam ex officio, quia officium non obligat cum graui dispendio, & etiam contra obedientiam debitam Ecclesiæ, quia Ecclesia non obligat cum graui damno; attrahen non euitatur peccatum contra Religionem propriè dictam; dicit enim aliquis debere illum potius mori, quam inferre iniuriam Deo, vt auctori Sacramentorum, qualis irrogatur, dum relicta certa, sequimur opiniones probabiles in materia Sacramentorum,

His autem non obstantibus respondeo; & ego affirmatiuē; quia Deus, quando de abusu certo Sacramenti non constat, & est validum motiuum, quod Sacramentum non sit irritandum, non obligat cum tam graui incommodo, modo desit contemptus; sufficit enim Deo, quod voluntariè non exponamus Sacramentum periculo irritationis. Vrgo. Vult Deus, vt moraliter quan-

quántum possumus, sequamur certam viam in consecutione Sacramentorum. Benè; qui sequitur minus probabilem cum periculo mortis, eligit viam, quam moraliter potest; quia certiore moraliter non potest; nec enim moraliter possumus, quod sine graui periculo non possumus; vndè tunc moraliter non suppetit sententia certa, ideo Deo non fit iniuria.

Si quis autem contendat debere potius ministrantè, vel suscipientem Sacramentum mori, quam exponere illud periculo irritationis, dicere poterit in hoc casu, vt etiam euitet periculum mortis, vel damni grauis posse non habere intentionem conficiendi Sacramentum; & sic vti quidem opinione, quā vult Tyrannus, sed ipsi illudere, & Sacramentum non exponere illi periculo, modo desit scandalum, vel quid simile. Quod quidem probari potest à contrario ex sacra Scriptura. In libris enim Machabæorum habemus, quod Eleazar noluit vesci cibus, qui realiter non erant contra legem, sed fingebantur esse, rationem hanc afferens, quia scandalum iuuenes essent pasturi. Ergo remoto periculo scandali, cur non poterit ille tyranno illudere, si nullum malum inde supponitur posse oriri, & ex alia parte hoc bonum fit, quod Sacramentum periculo irritationis non exponitur?

Igitur absurdum quidem est, quem posse vti opinione probabili in materia Sacramentorum; sed inde quid contra nos? profecto non valet illatio; ergo neq; vniuersaliter in alijs materijs possumus; nam est disparitas manifesta, quia vniuersaliter nulla iniuria fit Deo, nullum damnum irrogatur próximo, quod teneamur euitare, nec contra officium nostrum peccamus, nec contra obedientiam Deo, vel Ecclesie debeat; ideo &c.

Dices: Etiam in materia iustitiæ semper sequenda

erit

erit sententia probabilior ; tùm quia , tunc etiam sumus in quæstione facti , an scilicet res , de qua est cõtro-versia , sit nostra , vel proximi ; tùm quia , si opinio , quam sequimur , sit falsa , graue damnum infertur proximo , cuius res vel detinetur ; vel ab illo aufertur.

Pro intelligentia aduertendum est , aliud omnino esse quæstionem facti , aliud quæstionem circa factum ; quæstio facti esset , quando supposita obligatione aliquid faciendi , & illud ponēdi à parte rei , quærimus , an tali , vel tali modo operando illud verè fiat , & subsistat. Quæstio verò circa factum est , quando disputamus quomodo aliqua res in re se habeat , quomodo in se vera sit . Vndè vides maximam esse differentiam , inter has duas quæstiones ; prima enim est in ordine ad aliquid faciendum : secunda vero in ordine ad sciendum , quomodo res in re se habeat . Et hinc diuersimodè procedendum in quæstionibus facti , & quæstionibus circa factum ; nam in illis , cum sit obligatio ponendi rem in esse , & faciendi , vt subsistat , in tantum rectè operabimur , in quantum meliori modo , quo possumus moraliter saltem , curabimus ponere rem in esse , & minus quàm poterimus exponemus rem periculo , quod non subsistat ; at verò in istis rectè operabimur , si secundum , quod prudenter comprehendemus , & iudicabimus , agemus ; non enim aliam obligationem habemus , quàm prudenter factum , seù , quomodo res se habeat , examinandi . Hinc ad argumentum .

Resp. negando illatū , nam non sumus in quæstione facti , sed circa factum ; in materia enim iustitiæ non quæritur , an reddendum sit , vel detinendum aliquid , nec Deus præcipit , vt ego restituam , vel detineam , seù auferam aliquid ab alio , nàm per se hoc non quæritur ; sed solum , quod quæritur est , an res sit mea , vel aliena ,

aliena: hoc est quod queritur, ex cuius postea inquisitione sequitur, an res detinenda sit, vel restituenda. In materia siquidem iustitiæ hæc principia sunt certa. Quod meum est, detinendum; quod alterius restituendum, fundata in illis principijs, *ius suum cuique tribuendum*; de his principijs est nulla controuersia, sed solum cadit sub questione, an hoc sit meum, vel alterius. Vnde in hac materia solum est obligatio sciendi, cuius res sit. Quia autem cognitiones evidentes habere non possumus, obligamur ad acquirendas notitias probabiles de veritate rei; magis autem, vel minus non officit, quia semper sumus in eodem genere, & nunquam transgredimur fines iudicij prudentis. Ideo in materia iustitiæ sequendo probabiles opiniones, recte agimus, & sine peccato.

Ad id, quod additur, quod si opinio sit falsa, grande damnum sequitur proximo. Resp. nobis hoc damnum non imputari ad culpam, quia illud non tenemur evitare, dum enim non constat nobis de iure proximi, nisi probabili, cum quo stat etiam, quod ius non habeat; certe stat etiam, quod nos probabile ius habeamus: & licet proximus maius, & nos minus, semper tamen sumus in eodem genere; nos non tenemur certam solutionem adhibere, seu certo restituere. Tunc ergo bellum est utrimque iustum formaliter loquendo, (licet materialiter, realiter solum ex parte vnius sit iustitia) quia uterque nostrum ius habet probabile ad eandem rem; & sicut ego, quia non constat de iure proximi certo, possum rem detinere, & non restituere; sic proximus quia ius probabile habet pro se, & illi non constat de iure meo certo, potest rem à me possessori debitis modis recuperare.

Et contra autem Medicus, & minister sacramentalis,

his, secundum probabiliores tenentur agere, quia proximus habet ius, ut ei certo, & tutiori modo subueniatur, & ipsi ex officio ad hoc tenentur. Iudex etiam tenetur secundum iura partium decidere, & pro eo, cui magis ius fauet, sententiare, & per consequens secundum probabiliores: quia ad hoc constitutus est, & in praehabendo unum alteri, non debet moueri ex passione animi, seu ex arbitrio, sed ex excellentia iuris; ipse enim ad hoc est ordinatus, ut rem adiudicet illi, pro quo non dico sit certum ius, quia hoc difficile innotescit, sed pro quo sit maioritas iuris, excessus rationis, uno verbo, debet Iudex iudicare secundum allegata, & probata.

### SECTIO SEPTIMA.

*Soluntur alia argumenta.*

**A**Lia nouem argumenta congerit Candidus contra nostram sententiam ab auctoritate deducta. Primum est *Eccles. 3.* habetur *Qui amat periculum peribit in illo.* Ex quo sic arguit: Qui non vitat, quantum potest periculum peccandi materialiter; quod quantum potest, nempe adhibita morali diligentia quique vitare tenetur, amat periculum, & perit in illo, sed peccat formaliter; sed qui minus probabilem sequitur, non vitat, quantum potest periculum peccandi materialiter; ergo &c. Maior patet; minor probatur, quia qui eligit rem habentem plus de periculo, quam rem habentem minus, utique non vitat periculum, quantum potest; sicut eligens monetam habentem minora signa bonitatis, non vitat periculum, quantum potest errandi in moneta talis est minus probabilis concurrens cum probabiliori; ergo &c.

Resp. Verissimam esse sententiam ex *Eccles.* desumptam; sed eum, qui sequitur minus probabile, non amare peri-



periculū. sed certo. sine periculo agere, cum infallibiliter honestē operetur. Ad argumentū dico debere hominē vitare periculū peccandi materialiter, hoc est faciendi rem in se inhonestam; moraliter, hoc est adhibita sufficienti diligentia, morali, non summa, quam Deus à nobis non exigit; sed prudenti, qualem adhibet, qui minus probabilem sequitur; iam enim fecit diligentiam moralem inveniendi veritatem; & prudenter eligit, quam partem vult, cum nullibi certo veritatem inueniat. Et alioquin sequendo minus probabilem, habet sufficientia, & valida fundamenta, quibus ipsi innōtescit rem eligendam esse honestam; vnde non temerē procedit, sed cum fundamento graui, & per consequens prudenter; hinc vitat, si non quantum potest, saltem quantum debet periculum peccandi materialiter, quod sufficit.

Ad probationē minoris, dico, quod licet res electa videatur plus habere de inhonestate, quam de honestate; quia tamen simpliciter habet, quantum sufficit de honestate; habet enim grauissima fundamenta, & rationes validas pro honestate, inde prudenter potest eligi, & sufficienter vitatur periculum; quia illud plus, vel minus est in eodem genere, nec tollit periculum simpliciter.

Addo, quod omnis obligatio vitandi inhonesta in se, non est in ordine ad ipsa, sed in ordine ad nostras actiones, quarum honestatem per se Prudentia respicit, & Deus attendit. Igitur solum debet homo evitare periculum, quod res sit inhonesta in se, in quantum potest causare, quod nostra electio sit inhonesta; sed ex hoc ipso, quod res probabiliter simpliciter iudicatur honesta, nostra electio certo, & infallibiliter est honesta; ergo satis prouisum est periculo peccandi &

nostræ salutis per hoc, quod res electa sit probabiliter honesta simpliciter, siue magis, siue minus: & per consequens illa sine ullo timore est eligibilis.

Ex quo patet verissimum esse, quod docuit Io: Sâch. d. 44. cit: nempe ex duabus opinionibus vna probabilis, & altera probabiliori, neutram esse tutiorem, aut securiorem alia; licet enim probabilior videatur esse magis tuta in ordine ad rem, de cuius honestate dislerit; tamen in ordine ad nostram electionem est æqualis in securitate cum probabilis; quia probabilitas simpliciter illa est; quæ nostras electiones reddit certò honestas: quod autem certò honestum est, non est cur certius honestetur: sed in probabilitate simpliciter conveniunt probabilis, & probabilior; ergo &c.

Ideo ad exemplum de moneta dicas, quod si habere signa valida bonitatis redderet certò monetam expendibilem, sinè periculo, utique quis eligeret monetam habentem illa valida signa, licet minora, quam haberet altera; quia in ordine ad suum finem perinde ei inferuiret: & sic eligens diceretur fecisse sufficientem diligentiam, ut monetam veram allequeretur; sic est in casu nostro; ideo &c.

Secundum est. *Qui cito credit, levis est corde: Eccles. 19. & in rebus dubijs non est de facili præstandus assensus.* Ex D. Th. quodl. 3. a. 10. & loquitur de dubio, quod oritur ex contrarietate opinionum.

Item quodl. 8. a. 13. docet S. D. ad non peccandum requiri, quod quis in nullam dubitationem adducatur; nec adinueniat aliquid, quod eum moueat ad hoc, quod sit illicitum. Sed qui sequitur minus probabilem, & cito credit, & inuenit aliquid, quod non solum eum mouet ad illicitum, sed etiam plus, quàm ad licitum. Imo remanet in dubio simpliciter, cum non pos-

fit

fit opinari licitum; ergo hio fit operans levis est corde,  
& imprudenter operatur.

Confirmatur quia, Qui ad pauca respicientes de  
facili enunciant, imprudentes sunt; ergo etiam, qui  
ad pauca respicientes de facili eligunt; sed qui sequi-  
tur minus probabilem, ad pauca respicit; pauca liqui-  
dem motiua habet minus probabilis in comparatione  
probabilioris; ergo imprudens est, in opinando, & in  
eligendo.

Resp. Non citò credere, nec de facili præstare assen-  
sum, qui mouetur ex opinione minus probabili; quia  
hæc grauissima habet fundamenta, nec temerè prola-  
ta, alias probabilis non esset. Quod adducitur *ex quodl.*  
8. iam explicatum est *d. p. sect. v.* intelligi debere de du-  
bio quò ad actionem, non verò quò ad materiam; quò  
ad actionem autè etiam sequens minus probabilem,  
nullam habet dubitationem, certò enim scit illam esse  
honestam. Et sane, si doctrina illius articuli *ex quodl.* 8.  
esset intelligenda de honestate, seu licito materie ele-  
ctionum nostrarum, neque liceret agere secundum  
probabiliorem. Videatur *dicta sect. v.*

Ad confirmationem dico illos esse ad pauca respici-  
entes, qui ex motiuis primo intuitu occurrentibus nul-  
la facta discussione, nec inuestigatione rerum in con-  
trarium, statim enunciant; isti profecto imprudentes  
sunt, etsi agant hoc pacto, peccant; sed qui sequitur  
minus probabilem, iam ad omnia respexit; pondera-  
uit etiam motiua partis oppositæ, quæ vidit non con-  
vincere, & cognoscit euidenter posse eis subesse falsū;  
& sua valida esse cognoscit, & scit suam opinionem  
posse esse veram. Vnde non de facili enunciat, nec  
imprudenter, sed prudenter ex præuia consultatione;  
& licet minora motiua sequatur, nò proinde ad pauca

responset; sed ad omnimodam pro sua parte; quam pro  
 opposita, unde non leuiter, nec de spiliis statim pro  
 suo occurrentibus impulerit. *sup. totum in quo*

in Tertium est: *Iob. 29.* habetur: *causam quam nescie-  
 bam diligentissime inuestigabam;* certe, ait Candidus,  
 non propter aliud hoc faciebat vir iustus; nisi ut verum  
 assequeretur; & rectum iudicaret; sed qui sequitur mi-  
 nus probabilem, non inuestigat diligentissime causam;  
 ergo peccat. *obnegat*

Confirmatur quia, si nobis interrogantibus de via,  
 vnus responderet vno modo, & alter paris auctori-  
 tis opposito modo; si vnus assentiremur prae alio; non  
 diceremus fecisse sufficientem diligentiam; sed alterum  
 deberemus quærere; & sic maiorem diligentiam ad-  
 hibere; ergo idem in casu nostro. *quois ba sup. oid*

Resp. primo *Iob.* bene fecisse; sicut bene faciunt  
 omnes sequentes probabiliorem, nec enim illos dona-  
 demus; sed dicimus etiam bene facere, qui sequi  
 vntus probabilem, quia diligenter inuestigant causam;  
 quam nesciunt, & prudenter inuestigata eligunt cum  
 graui fundamento, & non temere: Et sane si *ibid.* *sup.*  
 essent nobis regula agendorum non praeferibilibus sine  
 peccato, vae nobis. *sup. in quois ba sup. oid*

Resp. secundo, hanc auctoritatem non esse ad rem,  
 quia ibi loquitur *Iob.* de seipso, quando erat iudex; &  
 tunc dicit se causam iudicandam diligentissime inue-  
 stigasse; debere autem iudicem sequi semper probabi-  
 liorem, dictum est *sect. preced. conclus. 2.* sed non valet  
 illatio, ergo vniuersaliter semper tenemus sequi pro-  
 babiliorum, ut ibi ostensum est: Quod autem ibi *Iob.*  
 loquatur de seipso ut iudice populi, patet ex contextu,  
 & clarissime ex *gl. ibidem* adiunctis varijs expositioni-  
 bus DD. *ibidem.* Vna enim expositio ait, *causam*

quam

quam nesciebam. Ergo non foret motus pietatis indulgerem pauperi in praedictum iussum; hoc est sententiam facerem in supremum pauperis. Et alia expolitio habet, quid hinc magnam diligentiam adhibendam esse in ferenda sententia. et cetera quae sup. et cetera.

Ad confirmationem dico, quod si interrogati de via sint viri magna auctoritatis, adeo ut eorum dictum reddatur probabile, potest cuilibet prudenter credi, & diligentiam moralem sufficientem fecisse dicitur, & non temere motus quicumque unam ex alterutrum dicto elegerit, praesertim si ex hoc, quod ipsis fides adhibetur, nullum subsit periculum formale errandi, ut in casu nostro. Ideo etc. et cetera quae huiusmodi.

Quartum est. 3. *Regum* 6. 11. Reprehenditur Roboam, quod secutus fuerit consilium iuniorum, ex quo regni partem amisit, et reliquerit consilium seniorum, non nisi quia hoc melius, quam illud, hoc probabilius, illud minus probabile; ergo peccat, et imprudenter agit, qui praefert minus probabilem probabiliori.

Resp. In primis, quod in eo cap. non reprehenditur Roboam quasi imprudenter egerit, sed solum dicitur. *Non acquieuit Rex populo, et infelicitas Consilij illius explicatur.* Sed esto, quid contra nos? Consilium illud factum omnino fuit, superbum, et imprudens. Vnde *Ecd. 47.* appellatur Roboam stultus, et imprudens.

Et sane temeritatis opus fuit acerbis verbis, et adeo superbis populum exasperare iam concitatum, et quod caput est, congregatum, ideoque promptum ad seditionem.

Addo, quod Roboam visum est probabilius, & melius consilium iuniorum, qui erant plures in numero, quam illud, quod dabant consiliarii senes, & non erant iuvenes in aetate, nam habebant circiter quadraginta annos, erant enim nutriti cum Roboam. & cetera quae

ipsum,

ipsius, qui tot annos tunc habebat. Quintum est: S. Augustinus, ut refertur *c. in Canonis d. 19.* docet in scripturis, quæ ab omnibus non recipiuntur, præponendas eas, quas plures, grauioresque recipiunt his, quas pauciores, & minoris auctoritatis in Ecclesia admittunt; ergo ex D. Aug. semper iuxta grauiora motiua est iudicandum, ac proinde probabilius tenenda.

Resp. Hanc auctoritatem non esse ad rem; S. Augustinus enim non loquitur de scripturis contrariis, quasi una sit eligenda, altera vero negligenda; sed loquitur de scripturis disparatis, quas omnes dicit debere coli, & in honore haberi; sed præferendas illas, quas plures admittunt: præferendas inquam, non quasi aliæ debeant negligi, sed præferendas in honore, hoc est pluris æstimandas, quàm alias, quæ tamen etiam sunt æstimandæ, & honore afficiendæ. Legatur Archidiaconus *super dictum c.* Vnde hæc auctoritas potius pugnat pro nobis; nam sicut scripturæ minoris auctoritatis sunt honorandæ, recipiendæ simpliciter, licet aliæ magis; ergo opiniones minus probabiles simpliciter possumus admitti, licet probabiliores magis; non magis exclusiue ad illas, sed maiori in honore, & potiori iure.

Sextum est. Ex D. Th. *quodl. 8 a. cit.* Qui facit, quod dubitat, an sit illicitum, peccat. Item volunt omnes requiri iudicium probabile de honestate operis; sed qui sequitur minus probabilem, hoc iudicium non potest habere; habet enim fortiora motiua pro illicito, quia, probabilior est sententia dicens esse illicitum; ergo &c.

Huic argumento iam respondi; iterum dico requiri iudicium euidens, non modo probabile de honestate non materiæ, sed actionis antonomasticè, nempe electionis, quod interuenit etiam sequendo minus probabilem,

habilem, ut probatum est; hæc requiritur iudicium, actualis de honestate materiæ, seu licito obiecti, sed solum, quod possit esse; potest autem esse hoc iudicium, cum probabile simpliciter est materiam esse honestam; liberum enim est opinari, cum sunt valida motiua pro parte opinabili, quælibet semper sunt, cum opinio est probabilis, etiam si pro parte opposita sint motiua fortiora, ut ostensum est. D. Thom. item est intelligendus quoad electionem, non verò quò ad materiam, ut supra.  
 6. Septimum est. S. D. ibidem docet in contrarietate opinionum, si una est eligenda, alteram debere improbabilem videri, & nihil mouere; ergo à fortiori non debet esse probabilior.

Resp. Ut supra S. Th. esse intelligendū quò ad honestatē actionis; alias neq; liceret agere secūdu probabiliorem; etiam si liquidem quando una est probabilior, non proinde altera improbabilis est, & nihil mouet, ideo &c.

Octauum; & nonum legale est. Ex Theodosij edicto a. 435. in sententijs proferendis debebat attendi numerus DD., & in pari numero illa pars vincebat, pro qua stabat excelsi vir ingenij Papinianus, quia censebatur probabilior. Item per vniuersum orbem terrarum iam vsus inualuit, ut controuersie omnes deciderentur per maiorem partem suffragiorum, & nunquam pars minor, & deterior vincat; ergo etiam in causis anime, & in foro conscientie probabiliori semper standum est.

Resp. Quod ut iam dixi, si hoc quoq; pacto nostra præsens quæstio decidenda esset, profecto, vel ex hoc solum causa caderet Candidus, quia multo plures DD. sunt pro nostra sententia, quam pro opposita.

Directè autem dico in primis edictum illud Theodosij non fuisse prudens, vnde abrogatum fuit per Iustinianum sapientissimum legum conditorem l. p. sed neq;

neq; C. de veteri Iure enucl. vbi præcipit Imperator non semper iudicandum iuxta multitudinem Auctorum. Secundo supra ostendi non posse inferri, ex hoc, quod in foro fori debeat ferri sententia iuxta probabiliores, quod idem debeat fieri in foro animæ. Tertiò aliam disparitatem intrinsecam assigno. Nam necesse est in foro fori controuersias finire, & terminari, alias Mundus semper litibus esset plenus; ergo vni sententiæ solum adhærendum; aliàs si contrarijs sententijs possent homines adhærere, vnus quisq; illi, quæ sibi fauet, nõ finirentur profectò controuersiæ; si ergo vni tantum adhærendum, profecto illi, quæ maius habet ius, quæ maiora habet pondera rationum. Vnde qui sequeretur sententiam pauciorum, non peccaret quidem, quia haberet pro se validum fundamentum; tamen non potest illam sequi, & cogitur stare oppositæ, quam scilicet Iudices ferunt, alias sequeretur illud inconueniens, quod lites non finirentur. At verò in causis animæ Deus nullam aliam litem habet nobiscum, nisi quando lædimus honestum peccando; quia ergo sequendo vtramq; partem non peccamus, ideo lis nostra cum Deo vtroq; modo terminatur, & iustitiæ diuinæ fit satis, quæ in nostram partem semper venit, & nostræ sententiæ semper adhæret, cum honestè operamur. Ferant igitur DD. qui sunt Iudices rerum agibilium in moralibus, contrarias sententias, sequamur, quam volumus, ego vnā, Petrus aliam, nullæ lites remanent cum Deo. At in foro fori, si Iudices ferrent oppositas sententias, quarū quālibet vnusquisq; pro libito sequi posset, remanerent omnia sub litibus, vt prius; ideo &c.

Vltimum sit ex D. Io: Chrysost., seu Auctore imperfecto in *Matthæum homil. 44. in c. 23.* habentur hæc verba. *Si vestimenta empiurus giras vnum, & alterum*



*serum negotiatorem: & ubi meliores vestes inueneris, & pretio viliori ab illo comparas; quomodo non oportet populum circuire omnes DD., & inquirere ubi sincera Christi veritas venundatur, & ubi corrupta; & veriorē eligere, plusquam vestimentum? ergo debemus in agendo facere summam diligentiam, & semper sequi probabiliorem.*

Resp. Quod in primis hæc auctoritas potest intelligi de consilio, non de præcepto. Deinde hic textus non est ad rem; ibi enim est sermo de rebus credendis, & de veritatibus fidei; & loquitur ille auctor ad illos, qui sunt in Ciuitate, in qua sunt DD. Catholici, & Hæretici, & dicit illos non debere ad primam tabernam subsistere; sed inquirere, vbi est veritas Christi, & non acquiescere statim primæ doctrinæ inuentæ, quæ potest esse corrupta, & formalis error, eo quia sit contra manifestum scripturæ testimonium, vel definitionē Ecclesiasticam. At in casu nostro doctrina licet minus probabilis non est veritas corrupta, nec error, & probabilior non est vera Christi doctrina: potest esse siquidem & ipsa falsa; Ideo maxima disparitas.

*Corollaria ex dictis.*

**P**rimo, Ex doctrina tradita in hoc opusculo patet totam doctrinam, & conclusiones omnes Candidi Philalethi in sua *disput. de opinionum praxi* corrumpere, per solam negationem illius principij, quo nimium filus est, & quo firmavit conclusiones omnes: nempe, quod non sit liberum opinari, quod principium esse falsum satis superque ostensum est.

Patet secundo, Omne probabile posse opinari, etiam in concursu cum probabiliori: et omne probabile posse in praxim deduci, et solam probabilitatem simpliciter

K k esse

esse regulam operis, & rationem formalem Prudentiæ, per quam Prudentia refundit suam honestatem in actiones morales.

Patet tertio, Ex quacumque sententia de licito seu honestate materiæ sequi evidentiam de honestate electionis, quam per se formaliter Prudentia respicit, & dirigit; unde cum opinione etiam minus probabili de honestate materiæ, non modo subsistere iudiciū actuale probabile de honestate actionis propriè dictæ, sed certum, & evidens: & hinc supra materiam quidem, seu obiectum electionis cadere opiniones probabiles contrarias: circa actiones autem, seu electiones nequaquam.

Patet quarto, Illud argumentum Antiquorum, quod iactat Candidus insolutum corruere, per illam distinctionem adnotandam, & fusè explicatam materiæ, & electionis; obiecti, & actionis circa obiecrum. Nam, etiam sequendo minus probabilem est iudiciū certū, & evidens de honestate electionis, cuius honestas per se intenditur, & in qua solum formaliter potest consistere peccatum, & super quam solum cadit iudiciū practicum prudentiale, & conscientiæ. Iudicia ergo probabilia cadunt supra materiam electionum. Evidētia vero iudicia sunt de honestate electionis: quæ quidē iudicia evidentia interueniunt, siue ab eligente materia iudicetur honesta, siue non; dummodo evidens sit dari opinionem verè probabilem, hoc est cum valido fundamento de honestate materiæ. Quam quidem materiam possumus iudicare honestam, licet fortiora motiua sint in oppositum, dummodo simpliciter valida motiua appareant, facta diligenti inuestigatione pro illius honestate: liberum enim est opinari.

Patet quinto, Ad eligendum prudenter opiniones,  
non

non esse inquirendum, quæ sit tuta, vel tutior, sed sola probabilitas debet considerari: hæc enim sola est regula honestæ actionis, & ubi illa est, omnis opinio tutissima est, & electio certò sequitur sine peccato.

Patet sexto, etiam in casu mortis posse quem sequi opinionem minus probabilem; nam si sequendo illam viuens non peccat, sed certò honestè operatur, quare peccabit moriturus.

Patet septimo, Tàm doctum, quàm indoctum posse sequi opiniones sine peccato; opiniones quascumque, dummodo probabiles simpliciter sint. Doctus autem, facile poterit iudicare de probabilitate simpliciter cuiuscumq; opinionis; indoctus verò debet stare viro prudenti, & sapienti, seu bona fide existimato tali, siuè sit Parochus, siuè non, quod enim ab ipsis accipit, probabile euidenter ipsi est. Parochi autè & etiam Confessarii, non multum in litteris versati sumant sibi librum alicuius Summistæ Classici, præcipuè recentioris, & iuxta illum agant, & consulant, vel iuxta DD. Classitos ab auctore prædicto citatos. Et sic infallibiliter sine peccato agent.

Hinc gaudeant fideles, & scrupulosi præcipuè deposito quocumq; timore, & formidine collerètur. Laudemus omnes nomen Domini, qui fecit nobiscum misericordiam suam. Voluit Dominus Deus iugum suum suaue esse, & onus ipsius leue; ideo varias permittit in Ecclesia sua opiniones, varias sententias, & in quacumq; complacet, ut incedamus. A nobis non exigit summam diligentiam, sed moralem, sed prudentem: & licet in facto erremus, nil curat, nec nobis hoc imputat ad culpam; cum non id, quod in re agimus, sed cor nostrum solum, nostram intentionem respiciat misericors Pater.

Quod eleganter expressit pulcherrimis verbis Hen-

riquez in Proemio Summæ, vbi sic ait. Errare cum Platone, aut insigni Theologo, dum latet ignota veritas speculatiua, non nocet in praxi: in quo Theologus differt a corporali Medico, qui si morbi vim, quamuis sine culpa ignoret, necis occasio solet; sed qui sapientum, aut prudentum sententiæ probabili acquiescit, nullum patitur periculum conscientie. Deus enim ita nobis ignorantibus indulget, ut eam sententiam confirmet ad salutem, ut per medium spirituale, sanet etiam vulnera, quæ inculpabili ignorantia ignota sunt.



## DISPUTATIO VLTIMA.

*De prudenti actione in dubijs, siue ut communiter dicitur, de conscientia dubia.*

**P**RO complemento huius Opusculi superest inquirendum, quid homo agere debeat in dubio formali orto ex insufficientia motiuorum, quando scilicet intellectus hesitat, & neutri parti assentitur, quia non potest, ex defectu rationum, seu motiuorum grauium, quæ necessario requiruntur ad opinandum. In quo casu, non licere quamlibet partem sequi, sed necessario tutiorem esse amplectendam, & in praxim deducenda omnia iura clamant. Quia autem dubium potest esse triplex Iuris, Voti, & Facti; Iuris, cum quis dubitat, an aliqua lex sit, aliquid præcipiens; Voti, cum quis dubitat, an vorum emisit, necne; Facti, cum quis dubitat, an aliquid fecerit. Ideo triplex solet institui questio; qua omnia ad conscientiam dubiam spectantia resoluntur; scilicet, an in dubio Iuris, Voti, & Facti quis teneatur semper tutiorem sequi, hoc est illam partem amplecti, in qua non potest contingere peccatum.

Vt hæc difficultates clariori methodo resoluantur, sit.

## SECTIO PRIMA.

*Quid agendum in dubio Iuris.*

**C**ONCURRENT omnes DD. in hoc, scilicet cum dubio practico ipsam electionem, seu actionem concernente, siue honestatē ipsius, non posse quem agere, ex quocumque capite oriatur dubium, Siue ex dubio speculatio Iuris, siue voti, siue facti: hic enim valet illud Apostoli, *Quod non est ex fide peccatum est.* Solum ergo quærunt, an scante dubio speculatio Iuris,

ris, possit apparere aliqua ratio, qua dubium practicum deponatur, & sic cum tali dubio speculatio possimus agere.

In quo quidem diligentia DD. varias, & eas contrarias inuenit opiniones. Aliqui enim absolute censent in quocumq; dubio partem tutiorem esse sequendam. Alij vero licet id concedant in dubio facti, negant in dubio Iuris, & Voti. Sed meo iudicio in hoc puncto absolute nulla sententia ferri potest, sed cum distinctione maxima procedendum; quod, quia à DD. fortè parum haecenus præstitum fuit; ideo hæc difficultas, quæ aliquin maximi ponderis est, & vsualis, confusa admodum manet. Quibusdam vero adhibitis distinctionibus, fortè omnium sententiæ, quamuis contrariæ videantur, conciliabuntur. Vt autem ab Iure incipiam.

Animaduertendum Ius esse triplex, naturale, diuinum, & positium. Sub hoc comprehendo Ius scriptum, & non scriptum, siue sit particulare, siue sit vniuersale. Dupliciter autem potest intelligi, quod quis sit dubius dubio Iuris. Primo, quia ambigat, an verè detur Ius, præcipiens aliquid agendum, vel omissionem illius. Secundo, quia licet constet de iure, quis dubitat, an tali Iure teneatur.

Primo autem modo dupliciter potest contingere dubium. Primo adæquatè, scilicet ex vtraque parte, siue affirmatiua, nempe asserente dari tale Ius; siue negatiua, scilicet negante, eo quod pro nulla parte sint rationes validæ sufficientes ad opinandum. Secundo, inadæquatè ex vna parte tantum; quia scilicet E. G. pro parte affirmante dari Ius sint quidem rationes validæ, & ponderantes, sufficientes ad opinandum; at vero pro parte negatiua nullæ sint rationes positivæ, quæ positivè ostendant tale Ius non adesse; et tunc pars  
affir-

affirmatiua non erit sub dubio, sed sub opinione: erit enim opinabilis; pars autem negatiua dicetur esse sub dubio. In quo casu potest homo duplici modo se habere: vel quia non solum nullas habet rationes positivas pro parte negatiua, sed etiam nesciat respondere, nec probabiliter, rationibus partis affirmatiuæ, nec sciat ullum illis soluere, licet illæ alioquin euidentes non sint, et absolute conuincentes; vnde ille adhuc formidet de earum veritate. Secundo ita se habere, vt licet pro parte negatiua nullas rationes positivas habeat, probabiliter tamen soluat rationes probabiles partis oppositæ. Pro utroque casu sit.

*Conclusio Prima.*

**D**ubius dubio cuiuscumque iuris adæquatè non tenetur tutiorem sequi, sed pro libito potest, quā voluerit amplecti sinè peccato. Dubius inadæquatè, si probabiliter soluat rationes partis affirmantis, & ius inducentis, esto pro se nullas habeat rationes positivas; potest etiam sine peccato, quam voluerit, sequi. Dubius autem ita inadæquatè, vt nullo pacto soluat, nec sciat ab alijs solui rationes partis affirmantis, esto illæ probabiles tantum sint, et non conuincentes, tenetur tutiorem sequi.

Conclusio procedit supposito, quod prius sit facta sufficiens diligentia, qualis prudenter in moralibus fieri debet; nam antecedenter ad debitam diligentiam, quocumque modo quis esset dubius, non eligendo tutiorem, peccaret, quia se exponeret periculo peccandi temerè, quia non præcessit debita diligentia; & signum esset, quod vellet id agere, siue esset licitum, siue illicitum, quod profecto peccare est. Habet autem conclusio tres partes, quarum quælibet seorsim probanda est.

Prima igitur pars conclusionis probatur, primo quia in cap. *Inquisitioni de sententia excom.* præcipit Pontifex, ut vxor dubia de morte viri prioris, seu quod aliud impedimentum adsit, matrimonium secundo initum dirimens, ita se habeat, ut si dubitet, vel credat adesse tale impedimentum, dubio leui, & credulitate parum, fundata, dictam dubitationem, & credulitatē explodat, & illius nulla habita ratione petat prohibitio debitum, & reddat. Si autem credat, vel dubitet persuasione probabili, & discreta, reddat, sed non petat. Ergo quotiescumq; ad dubitandū mouemur rationibus leuibus, & parui momenti, non sufficientibus fundare persuasionē probabilem, & discretam, talis dubij nulla habenda est ratio, sed agendū nō secus, ac si non esset; ergo & in casu nostro de dubio iuris; cum vel sit eadem ratio de facto, & iure, ut vult Vasq. Vel, ut volunt alij, à fortiori, quod de facto dicitur de iure dicendum sit.

Secundo. Quia ex hoc ipso, quod nullæ sint rationes validæ, quæ ostendunt, & probant tale ius adesse, probabiliter est certus, & cum graui fundamento tale ius non adesse; sanè non obligare. Quia sententia negans dari ius aliquid præcipiens, & oriri obligationem ex illo, probabilis ex hoc ipso est, quod soluat omnes rationes in contrarium, & facta sufficienti diligentia nihil remaneat, quod non soluatur, vel à fortiori, quando nihil occurrit validum iuris assertiuum; cum actore non probante reus absoluator, & asserentis esse ius, sit probare, negantis vero solum respondere, ut ostensum fuisse est d. 2. *sect. p.* Ergo iā poterit quis, quam voluerit partem, amplecti, & opinari, vel secundum ius, de quo dubitat, cum in hoc nullum possit esse peccatum, vel secundū contrariū, cū ad illud habeat opinionē verē probabilem, cum qua certò honestè homo operatur.

Tertio



Tertio quia si nullas haberet dubitationes, posset pro libito agere; ergo si sint tales dubietates, adhuc poterit quoduis agere; patet consequentia, quia istæ sunt friuolæ parui momenti, ac proinde perinde se habent, ac si non essent, unde potius sunt scrupuli, quam dubia, quorum debeat haberi ratio; Vnde contra illa consultum erit agere, præcipuè scrupulosis iuxta communem DD. sententiam.

Quarto, quia pro parte negante esse Ius, vel vllam obligationem ex iure inductam, semper est validum, fundamentum positivum, quando nihil validum est in contrarium, nempe possessio humanæ libertatis; homo enim ad omnia liber est, nisi vbi præceptis restringitur. Cum igitur simpliciter constet de possessione libertatis, adhuc ut hæc non dicatur possidere hic, & nunc, debet assignari aliqua ratio valida ex parte sententiæ Ius asserentis: alias remanet possessio libertatis in suo robore, & per consequens sententia negans non solum probabilis est à negatiuo, sed etiam à positivo.

Secunda Conclusionis pars patet, quia tunc homo non est in dubio, sed in opinione probabilis hinc, & inde: sententia enim asserens Ius esse probabilis est, quia probabilis, & discretio fundamento munitur; sententia negans probabilis est; tum quia probabiliter soluit rationes partis oppositæ, quod sufficit ad constituendam probabilem opinionem negantem esse Ius, vel obligationem vllam ex Iure; tum quia remanet adhuc saltim probabiliter possessio libertatis; rationes enim partis oppositæ, quæ ad illam destruendam adducuntur, non sunt couincentes, sed possunt esse falsæ, quia solû probabiles sunt, & quod caput est, probabiliter solvuntur; ergo probabiliter illæ rationes non efficiunt, ac proinde probabiliter remanet in suo robore possessio libertatis.

Aduerte autē diligenter, quod ego non volo, quod in hoc casu homo non possit remanere dubius formaliter, hoc est neutri parti assentiri; hoc enim ultro cōcedam: sed quod contendo est, quod non remanet dubius dubio, de quo in presenti, orto ex insufficientia rationum, quia rationes prolatae sint parū efficaces, leues, nec sufficientes ad opinandum; de hoc enim dubio *in hac sect.* solum est sermo, cum quo quæro an, & quæ homo possit agere; de primo enim dubio satis egi *d. p. sect. 5.* quod diligenter aduerte, quia in hoc multum æquiocant DD. vnum cum alio dubio confundentes.

Tertia Conclusionis pars probatur, quia ad hoc vti licitè quis possit hoc, vel illud agere, requiritur ad minus iudicium probabile de honestate operis, seu rei agendæ, alias perinde eligeretur licitum, ac illicitū, & nō ageretur ex fide, quod peccatum est; sed quando quis nullo pacto soluit rationes partis affirmantis, inducentis obligationem, non potest habere iudicium probabile de parte opposita; ergo nequit talem partem eligere, & secundum illam agere; ergo tenetur tutiorem sequi. Minor probatur, quia ad hoc, vt habeat iudicium probabile de parte opposita debet habere aliquam rationem validam pro illa; quæ autem ratio hæc erit, si quælam supponitur adesse, nec positiva, nec negativa, aut quæ ratio stante hoc dubio speculatiuo tollit dubium practicum circa electionem.

Dices: Possessio humanæ libertatis, quæ semper viget, quando non est ratio conuincens in contrarium, qualis absolutè non est in casu nostro.

Contra tamen est, quia possessio humanæ libertatis moraliter hoc est sine peccato, ad hoc vt excuset, & possit suffragari debet ad minus probabiliter adesse; si

enim neque probabiliter est; ergo temerè dicitur esse; & per consequens non suffragatur, quin committatur peccatum. Sed quando rationibus in contrarium nulla adhibetur, vel ab alijs scitur adhiberi probabilis responsio, quæ talis videatur, vel nobis, vel alijs, (tunc enim non essemus in casu dubij, de quo in presenti, sed opinionis probabilis, hinc, & inde, saltem ab extrinseco,) neq; probabiliter est possessio humanæ libertatis moraliter; ergo tunc hæc non cohonestat actionem. Minor probatur, quia tunc probabiliter subsistit humana libertas sine peccato, quando validum fundamentum est pro eius subsistentia, siue positivum, siue negativum; sed in casu nostro, nulla valida ratio, nullum fundamentum est tale; non positivum, quia nulla ratio valida supponitur esse, quæ dicat non esse tale Ius, vel talem obligationem; non negativum, quia non solvuntur rationes in contrarium; ergo &c.

Urgeo. Rationes validæ ius inducentes formalissimè tollunt nostram libertatem moraliter; idem enim est poni ius, seu præceptum, & adimi humanam libertatem moraliter citra peccatum; ergo per illas positivè aufertur humanæ possessio libertatis; Illa ergo quare debet perseverare, si aufertur?

Dices, Quia probabiliter tantum aufertur, nec enim evidens est per tales rationes ius adesse; & licet ego nesciam respondere, adhuc formido de illarum veritate.

Contra tamen est, quia licet evidenter non auferatur, & per hoc absolutè possit talis libertas subsistere, ego tamen nullas rationes habeo validas ad hoc opinandum: nec quod subsistat libertas, vlla probabilitas, vlla apparentia veritatis suppetit; ergo absolutè perinde deo agere, ac si non esset, neque enim super eo, quod merè remotè possibile est, possum ego agere sine peccato,

cato, & ibi potest fundari honestas meæ actionis; alias sola euidencia rerum obligaret homines, quæ cum in moralibus nunquam sit, nunquam homo esset obligatus ad aliquid: quod profectò absurdissimum est.

*Insto.* Licet non sit euidens tale Ius adesse, tamen non est probabile tale Ius non adesse: quia pro hac negatiua nulla ratio fundata supponitur esse; ergo absolute neq; est probabile esse humanam libertatem sine peccato. Probo consequentiam. Esse humanam libertatem sine peccato, & non esse Ius, idem est; sed non est probabile non esse Ius; ergo neq; est probabile esse humanam libertatem moraliter, & sine peccato; ergo nullo pacto, neq; probabiliter remanet possessio libertatis.

*Dices.* In materia iustitiæ, si quis possidens rem aliam quam dubitet, an sit sua, itaut nullas rationes habeat ad opinandum, quod sit sua, & ex alia parte habeat rationes probabiles, quibus nescit respondere, quod sit Petri, Petro repetenti non tenetur restituere fundatus in sola sua possessione; ergo, & vniuersaliter homo fundatus in possessione suæ libertatis, poterit cuiuscq; Iuri probabiliter tantum proposito contraire, licet nullas habeat rationes, quibus sibi persuadere possit non esse tale Ius.

*Resp.* Concesso antecedente, de quo nō disputo, præfertim si sit possessor bonæ fidei; nego consequentiam, disparitas est manifesta, quia ibi constat de possessione rei, quæ certo adest; quæ proinde certo euidens, potest contraponi Iuri tantum probabili Petri. At verò in casu nostro de possessione libertatis, non modo non constat, sed neq; probabile est illam adesse; ideo &c.

Supposito autem, quod constet de Iure; quis dubitat, an tali Iure teneatur, necne, quid agendum? In primis loquendo de Iure naturali, & diuino, hæc quæstio non procedit, nam talia Iura esse, & omnes obligari

idem est; quod enim natura sua, vel iure diuino malū est, nullatenus effici potest, nec vlla potest esse causa excusans: sicut, quod iure naturali, vel diuino præcipitur, nullatenus omitti potest, nec vlla in his iuribus potest contingere abrogatio, vlla dispensatio.

Dices. Sanctificatio festorum est de iure diuino, & tamen multi excusantur, vel propter inopiam, vel quid simile; ergo non est idem ius diuinum adesse, & omnes obligari.

Resp. Sanctificationem festorum, vt sic, esse de iure diuino, non verò horum dierum hic, & nunc: sed est Constitutio Ecclesiastica, de qua fateor posse esse dubiū, an aliquando hic, & nunc, & in talibus circumstantijs obliget; Idem dic ad alia exempla, quæ possunt afferri.

Loquendo ergo de iure positiuo, siue ecclesiastico; siue ciuili, siue vniuersali, siue particulari, siue scripto, siue non scripto, dubium potest contingere, an esto, quod de illo constet, hic, & nunc obliget, vel quia sit abrogatum; vel quia super eo sit dispensatum: vel quia homo sit in talibus circumstantijs, in quibus dubitat, an teneatur. In quo casu loquendo de dubio propriè dicto, scilicet, quod pro se, hoc est ad hoc, quod non teneatur quacumq; de causa, nullam habeat probabilem rationem, sed solum parū fundatas persuasiones (alias essemus in casu opinionis probabilis; sed ad summum in dubio orto ex opinionibus probabilibus, cum quo posse quem quamlibet partem sequi statutum est *d. p. sect. 5.*) & leuia motiua; sit.

*Conclusio Secunda.*

**D**Vbius dubio Iuris hoc pacto tenetur semper tutiorem sequi, siuè pro ea parte, quod teneatur tali iure sint rationes probabiles, siuè non.

Expli-

Explicatur Conclusio. Constat aliquo die esse præceptum Ecclesiasticum ieiunandi, quibus dubitat, an teneatur; quia dubitat, an tale præceptum consuetudine sit abrogatum: vel quia dubitat, an vires adeò firmas habeat, ut valeat ieiunare, vel propter quid simile. Motiua autem, quibus dubitat se non teneri leuia sunt; alias si valida, si alicuius roboris, sufficerent ad constituendam opinionem probabilem, & sic non essemus in casu dubij, de quo in præsentia. Ex alia autem parte, quod teneatur, nullas habet firmas rationes; quia E. G. probabiliter non constat de suis viribus, vel de non abrogatione talis præcepti; sed solum per regulam generalem scit se teneri, quia constat de præcepto. In hoc casu dico teneri semper tutiorem sequi. Quòd quidem simul, & nostra Conclusio.

Probatum primo, quia in hoc casu nulla suppetunt motiua valida, & fundata, siuè probabilia, & discretæ; quibus moueri potest ad omissionem ieiunij, quæ est pars minus tuta; ergo si omissionem ieiunij eligit, temerè eligit. Quod enim sinè motiuo valido, & probabili fit, temerè fit; ergo peccat; ergo tenetur tutiorem sequi, ne peccet.

Secundo, quia, quod neq; probabiliter est honestum respectu eligentis prudenter, perinde se habet, ac si esset verè inhonestum. Prudens enim eligens, quia tale, solum quod præconsultatum est honestum, respicit. At non est præconsultatum honestum, quod neq; probabiliter est honestum: sic enim solum temerè apparet honestum; sanè quod refundit honestatem in actus Prudentiæ, est sola probabilitas honestatis materiæ eligendæ, & quidem ad minus; sed si ommissio ieiunij esset verè inhonesta, non posset eligi sine peccato; ergo neq; si non sit ad minus probabiliter honesta. Sed in casu  
Conclu-

Conclusionis nulla ratio probabilis apparet honestans omissionem ieiunij, cum pro illa solum supponantur apparere motiua leuia, & parui momenti; ergo &c.

Infro. Nulla ratio, neque probabilis excusat ab impletione præcepti, quod supponitur esse; ergo nullaratio reddit licitam prædictam omissionem; ergo eligēs illam, eligit id, quod nulla ratione est licitum; ergo vult perinde licitum, ac illicitum; ergo peccat.

Dices. Possessio libertatis humanæ in hoc casu honestam reddit dictam omissionem; si nulla sit ratio convincens, quod teneamur tali iure ieiunium præcipiente, & multo magis, si neque sit probabilis ratio.

Contra tamen evidenter. Primo, quia licet nulla sit ratio siuè convincens absolutè, siuè probabilis, quæ particulariter ostendat hic, & nunc nos teneri tali iure, est tamen ratio generalis convincens; scilicet, quotiescumq; constat de præcepto Ecclesiastico, & nihil excusat, ad illud tenemur; sed in casu nostro constat de præcepto Ecclesiastico, ut supponitur, & nihil alicuius roboris excusat: quæ enim in contrarium sunt supponuntur esse friuola, & non sufficientia ad prudentem, & probabilem assensum; ergo constat evidenter, quod hic, & nunc tenemur. Neque verò ad hoc, ut teneamur aliquo iure, requiritur, quod sit ratio particularis convincens, vel probabilis, qua particulariter ostendatur nos teneri, sed sufficit, quod sit ratio generalis, in qua quilibet includitur, nisi appareat causa exceptionis, quæ debet esse valida, & non friuola, alias sine fundamentot & temerè quis asseritur exceptus. Adde, quod licet, nulla sit ratio positiva particularis, quæ ostendat nulla esse motiua in oppositum, ex hoc ipso, quod friuola illa sunt, evidens est, quod nulla sunt, & non sufficientia deobligare. Unde pars dicens teneri ad impletionem præcepti

præcepti semper saltem ex negatiuo probabilis, immo conuincens est.

Contra secundo, quia Possessio in hoc casu non est pro humana libertate moraliter accepta, sed pro obligatione; constat enim de ademptione libertatis, ex hoc ipso, quod constat de præcepto, quod est libertatis ademptio; ergo quia in dubijs melior est conditio possidentis, in hoc casu standum est, & sententiandum pro præcepto. Item præceptum est causa inductiua obligationis, causa autem semper clamat pro suis effectibus, qui semper supponuntur sequi, nisi probetur oppositum: quod quidem si non probatur, nisi rationibus friuolis, non sufficientibus mouere ad assensum, perinde est, ac si non probetur; sed ita est in casu nostro; ergo &c.

Dices secundo. Licet rationes positivæ pro eo, quod quis non teneatur præcepto, sint parui momenti, tamen rationes negativæ sunt validæ, in quantum scilicet probabiliter soluuntur rationes omnes, quæ probant obligationem.

Sed contra est, quia hoc neque sufficit, neque est ad rem, seu ad casum præsentis questionis. Primum patet, quia per hoc, quod probabiliter solvantur rationes particulares, puta, rationes dicentes, quem esse firmis viribus sufficientibus ad ieiunandum; vel ius huiusmodi non esse abrogatum; adhuc non soluitur ratio generalis, quæ omnes complectitur, nisi appareat causa benè fundata exceptionis: alias temerè asseritur talis exceptio, nimirum constat de iure, & de causa inductiua obligationis, & possessio est pro obligatione. Item non debet esse melioris conditionis, qui probabiliter soluit rationes particulares obligantes, puta asserentes illum habere firmas vires &c. quam, qui prædictas rationes in



contrarium non habet; sanè enim magis urgent, & ligant rationes probabiles, licet probabiliter solutæ, quàm si absolute non sint. Sed si quis nullas habeat prædictas obligationis rationes particulares, per hoc præcisè, quod constat de iure, tali iure tenetur; si nullam habeat causam validam, & benè fundatam exceptionis; ergo multò magis, quando in contrarium sunt etiam rationes particulares obligantes.

¶ Concludo. Sententia excipiens ab aliquo iure, de quo constat, non est probabilis, nisi postionè afferat causam exceptionis: se enim excipienti ab aliquo iure incumbit onus probandi, cum iam asserat, & fiat actor, ut rollat ius à sua possessione; ergo quantumcumque soluat rationes in contrarium particulares ostendentes etiam hic, & nunc nullas esse causas excusantes, non est probabilis; unde cum illa non licebit agere. Quod si probabilis esset, iam non essemus amplius in casu præsentis questionis, quia scilicet iam non essemus in dubio, sed in opinionibus hinc, & inde probabilibus.

¶ Dices tertio. Facit ad excusandum, quod dubitatur, an lex sit abrogata, vel super ea sit dispensatum, vel quid simile. Contra tamen est, quia ad hoc, quod lex sit abrogata, vel super ea sit dispensatum, datur ne aliqua ratio valida, vel friuola, nullius, seu parvi momenti? Si primum: iam non sumus in dubio, sed in opinione probabilis; si secundum; ergo temerè dicitur abrogata, vel quod super illa sit dispensatum. Qui autem operatur fundatus in temeraria assertione, peccat.

¶ Dices quarto. Dum dubitatur de subsistentia legis, lex euadit dubia, & incerta, lex autem dubia, & incerta non obligat; quod à fortiori valet contra primam Conclusionem. scilicet multo magis lex non obligat, quando de illa non constat, sed solum est probabilis opinio de

- illo

M m

illa,

illa; cui nescio respondere, tunc enim lex certa non est; ergo tunc non obligat.

Sed contra est, quia lex non euadit dubia, & incerta, per hoc, quod circa illam friuola insurgit dubitatio; & parui momenti, quæ non nisi temerè diceretur lex nõ subsistere; perinde enim se habet illa, ac si non esset; alias quæ lex aded certa est, quæ dubia non euaderet, & incerta? Quod additur contra *primam Conclusionem*, nihil est; quia licet de lege euidenter non constet, neq; probabiliter tamen apparet non esse lex, quæ enim adducuntur negantia legem, friuola sunt, quibus nequit homo moueri; Vnde ipsi lex perinde est, ac si certa esset; patet, quia nisi temerè non potest asserere legem non esse, quia nulla supponitur habere motiua nec positiua, nec negatiua ad negationem legis.

Sit exemplum. Petrus vult contractum aliquem inire, dubitat de iustitia eius; post diligentem discussionem, & inquisitionem, nihil inuenit nisi friuola pro iustitia contractus, tam ab intrinseco, quàm ab extrinseco; è contra autem pro iniustitia ipsi proponitur ratio validissima, cui nescit respondere nec probabiliter, licet ipsi non euidenter appareat. Quis dicat hunc posse in tali casu talem contractum inire? nullus profecto. Sumus autem in casu, quia Petrus dubitat, an sit Ius naturæ prohibens talem contractum, & quod tale Ius adsit, nõ scit nisi ratione probabili, cui nescit respondere. Idemque dic in alijs Iuribus, est enim par ratio.

Respondebis esse disparẽ rationem; quia in Iure positiuo requiritur sufficiens publicatio; & quod certo innotescat tale ius adesse.

Contra tamen est, quia vniuscuiusq; Iuris requiritur sufficiens publicatio, ad hoc, vt obliget. Vnumquodque enim Ius, quod ignorantia inuincibili nescitur, nõ

obli -

obligat. Sicut è contra, quod ignorantia crassa ignoratur obligat. Eritnè autem ignorantia inuincibilis illa, qua Ius adesse probabiliter adeò constat, vt nesciamus rationibus probabilibus illud inducentibus, nec nos, nec alij respondere; & pro parte negatiua, q̃ scilicet Ius non adsit, solùm rationes friuolæ appareant? Præterea do totum, quod vis; requiritur ad hoc vt Ius posituum obliget, quod innotescat; esto; quomodo debet innotescere? sufficienter, non euidenter; lex enim sufficienter promulgata obligat, licet non euidenter omnibus, & singulis. Quid est autem legem esse sufficienter promulgatam? vt moraliter de illa constet, & prudenter, iudicio scilicet prudentum. Quis autem dicat moraliter iudicio prudentum non constare de tali lege, quæ probatur rationibus conuincentibus, quibus nulli sciūt respondere, & nullæ sunt rationes validæ in contrariū.

Quoad secundam autem Conclusionem hæc instantia locum non habet, quia dùm supponitur constare de Iure posituo, supponitur consequenter constare sufficienter de promulgatione.

Dices quinto. Si quis habens beneficium dubitat, an teneatur ad recitandum officium ob tenuitatem reddituum, non tenetur; ergo licet constet de lege, si simus in dubio, an lex obliget, nō tenemur tutiorē sequi.

Benè Valq. in *primā secundæ d. 65. c. 3.* dicit esse notabilem errorem id, quod assumitur in antecedente; nā leuiter dubitat quis, an teneatur, & includatur sub lege recitationē officij præcipiente, ac proinde rationibus friuolis, & ob hoc vult se de facto à lege eximere? temerè profecto se eximit, dùm sine ratione sufficienti se eximit; quidni ergo peccabit? Idem dic ad quoscumque alios casus hoc dilemmate. Vel habes rationes sufficientes, & alicuius roboris, vel non; si primum iam non

sumus in dubio, de quo in præfenti; sed in casu opinionis probabilissimæ quo casu excepta materia Sacramentorum, Iudice, & Medico dictum est posse quamlibet opinionem eligi. Si verò secūdū; ergo si sic ages, sine sufficienti fundamento ages, & temerè, & per consequens peccabis.

Dices sexto. Dum constat de lege, sed dubitatur, an hic casus hic, & nunc occurrens comprehendatur sub lege, dicendum est non includi: sicut dum constat de lege pœnali imponente excommunicationis pœnam; vel suspensionis &c. & dubitatur, an sit usu recepta, dicendum est non obligare; tūm quia odia sunt restringenda; tūm quia cōmuniter Doctores censent casum reservatum in dubio non esse reservatum; ergo licet constet de lege, & simus in dubio, an lex obliget, non statim sequitur nos obligari.

Sed contra est; quia quando sumus in dubio, de quo in præfenti, quando scilicet pro parte fauorabili non sunt rationes, nisi friuolæ, falsum est absolutè antecedens quod ad omnes sui partes. Ratio est evidens, quia temerè assertitur, & sine fundamento, (quia leve fundamentum, & friuolum pro nullo reputatur,) & casum non esse reservatum, & legem pœnalem esse abrogatā; ergo ad prudenter agendum perinde est, ac si dubium non esset: ad prudenter siquidem agendum perinde se habet nulla ratio, & friuola, seu temerè asserta. Sed si non esset dubium, casus supponeretur reservatus, & lex pœnalis obligare; ergo, & in dubio id censendum, ac proinde secundum tutiorem agendum. Sic in terminis de lege pœnali excommunicationem inducente docet Sanch. in Decal. lib. 1. c. 10. nu. 35.

Ad id, quod dicitur, odia sunt restringenda, fateor, sed non temerè, sed cū fundamento ad minus probabili,

li, in quo casu non erimus in dubio, de quo in presenti.

Quia autem hæc difficultas de casuum reservatione, & de sententia excommunicationis in dubio, grauissima est, operæ pretium erit, ex professo illas exagitare.

## S E C T I O S E C V N D A.

*An Casus reservatus in dubio sit reservatus,  
& quid agendum.*

**M**ULTI DD. absolute sine vlla distinctione asserunt casum esse reservatum, & in praxi omnino sequendam partem tutiorem: & multi alij absolute etiã asserunt non censeretur reservatum, unde liberè posse à quolibet non habente auctoritatem absolui. Legatur Sanch. in Decalib. l. c. 10. n. 73. & 74. Mihi omnino videtur distinguendum; igitur pro resolutione.

Sciendum est, dupliciter posse contingere dubium, an casus sit reservatus; primo itaut dubitetur de alicuius certi peccati reservatione, puta, an blasphemia sit reservata. Secundo itaut, licet constet de alicuius casus reservatione, dubitetur tamen, an hic, & nunc hic casus particularis in his circumstantijs, sit reservatus: & hoc modo dubitatur de inclusione casus particularis in casu vniuersali, an scilicet hic, & nunc contineatur sub illo, an verò excipiat.

Sciendum est, secundo reservationē nihil aliud esse nisi ademptionem, seu ablationem auctoritatis, seu iurisdictionis ab aliquo, in ordine ad absoluendum ab aliquibus peccatis, quam alioquin de se habebat: & quia ablata iurisdictione aliquid faciendi, illud amplius fieri non potest, & si fiat irritum est, & nullum; ideo reservatio est quædam lex adimens auctoritatem Confessarij ab aliquibus casibus absoluendi, & irritans formaliter

ter

ter actus quoscumq; seu absolutionem super his casibus elargitam. Dico formaliter, quia non aliter lex irritat actus, nisi quatenus adimit auctoritatem faciendi; sic lex in tantum irritat contractus pupillorum, in quantum illis tollit facultatem contrahendi.

Sciendum est tertio, reservationem posse esse penalem, vel non penalem; penalis est, quando in odium, seu penam alicuius peccati reservatur absolutio ipsius; non est penalis quando fit in bonum publicum, & fertur, ut medicina, qua praeferuentur homines à peccatis grauioribus. Hanc distinctionem tradunt omnes DD. Legatur Suarez *de legib. lib. 5. Sanch. de matrim. lib. 3. d. 17. n. 10. & lib. 9. d. 32. n. 15. & 18.* Card. de Lugo *de Pœnit. d. 20. sect. prima, in fine.* Regulariter autem Casuum reservatio semper est in bonum publicum, & medicinalis.

Sciendum quarto, ex communi DD. sententia leges irritantes afficere etiam ignorantes, secus ac quascumque alias leges; unde inuincibiliter ignorans legem aliquam irritantem aliquem actum, licet non peccet, si prædictum actum ponat, quia ignorantia excusat à culpa, tamen actus nullus est. Quod limitant aliqui, quando irritatio non est pena; quia pena non contrahitur ab ignorantibus, cum ignorantes non sint culpabiles, ac proinde penæ non obligentur; secus autem quando irritatio est in bonum publicum, seu medicinalis, tunc enim omnes consentiunt ligare etiam inuincibiliter ignorantes. Quod deducitur *ex cap. 1. de concess. Præb. in 6. vers. adijciebatur*, ubi decernitur non valuisse actum factum ab eo, qui non habebat auctoritatem, si uè ignorasset, sibi ademptam fuisse auctoritatem, si uè non. Ita DD. omnes mox citati; Tuschus *t. 2. concl. 117.* ubi multos refert. & Vasq. *in primâ secundæ d. 156. c. 4. n. 29.*

ubi

vbi tamquam certum docet, quod si quis post Concilium Trid. inuincibiliter ignoraret, non posse amplius absolvere Confessarium non approbatum ab Ordinario, sicut antea; quia Concilium ipsi abstulit auctoritatem, quam habebat; & cum ignorantia hac inuincibiliter, Sacerdoti non approbato confiteretur, nulla esset confessio. Idem docet tamquam sine controuersia de reservatione excommunicationis. Quidquid sit postea, an leges reuocatoriae privilegiorum valeant, & annullent actus etiam ignoratæ, de quo disputant DD., qui pro certo postea etiam concludunt leges irritatorias actuum, qui poterant fieri, vel de iure, siue communi, siue particulari, siue ecclesiastico, siue civili, siue de consuetudine, ipso facto obligare, & etiam inuincibiliter ignoratas actus irritare. His positis sit.

*Conclusio Prima.*

**D**Vbius de reservatione alicuius casus, an scilicet fitalis reservatio, necne, adequatè, vel saltem, ex parte affirmatiua, quia nulla motiua sufficientia ad opinandum sunt ad asserendum casum esse reservatū, non debet casum censere reservatum, sed potest quamlibet partem sequi; si autem pro parte affirmatiua sit ratio adeò efficax, vt licet evidens non sit, nesciat illi respondere; nec sciat vllum magni nominis docere casum non esse reservatum, debet casum censere reservatum, & tutiorem sequi.

Prima pars Conclusionis probatur primo, quia si censeret casum esse reservatum, temerè censeret: quia nullo graui fundamento ad id moueretur; cum tale graue fundamentū non habeat, ac proinde imprudenter tutiorem sequeretur, quia nulla probabilitas reservationis apparet, & illa dubia occurrentia scrupuli sunt, quorum

quod ratio habenda non est, ex cōmuni DD. consensu.  
 211. Secundo, quia qd est contra naturā rei nō presumi-  
 tur, his proberetur; & quidē grauib; rationib; aliā cū  
 leues rationes sint nullius momenti, penitus habetur  
 ac non probatum; sed reservatio est contra naturam  
 rei, ergo non debet presumi, nisi grauib; rationib;  
 proberetur. Minor patet, quia sacerdos de se habet au-  
 thoritatem, & iurisdictionem in omnes casus: sequitur  
 enim hæc à potestate ordinis, nisi suspendatur, unde  
 sacerdos de se, & ex natura sui ordinis, possidet aucto-  
 ritatem, & iurisdictionem in quacumq; peccata; ergo  
 non sufficit leue aliquod dubium, ut presumatur talis  
 potestas non adesse: in dubio enim præsertim leui, me-  
 lior est conditio possidentis.

Tertio. Quia dubium, sine causa conceptum, &  
 sine motiuo rationabili, debet deponi, etiam sine vlla  
 ratione, & per hoc præcisè, quod non sit ex motiuo  
 rationabili: Bonac. *de leg. d. 2. q. 4. punct. 6. nu. 30.* &  
 ratio est evidens, quia per eas causas, per quas res nasci-  
 tur, per easdem dissoluitur; ergo dubium de reserva-  
 tione sine fundamento graui conceptum, ac proinde  
 temerè, sine vlla ratione per hoc præcisè, quod nullius  
 momenti sit, deponendum est; ergo perinde agendum  
 ac si tale dubium non esset, & per consequens casus  
 non censendus reservatus, & quodlibet, seu quævis  
 pars eligenda.

Dices. Si talis casus re vera esset reservatus, pœni-  
 tens non absolueretur; ergo ut tutò in rebus animæ in-  
 cedamus, habendus est pro reservato.

Resp. Verissimum esse antecedens, quia ignoran-  
 tia reservationis non excusat, etiam si sit inuincibilis,  
 quin actus irritetur; nego tamen consequentiam, quia  
 semper prudenter est operandum, & scrupulis, seu  
 dubijs



dubijs nulli fundamento graui innixis nō adherendum; alias fieremus ridiculi, si sinē vllo graui fundamento vellemus semper tutiora sequi. Sane non est trepidandum, vbi non est timor, hoc est, vbi non est iusta causa timoris, quæ ad minus probabilis esse debet.

Hic ergo locum habet illud Prophetæ, *Ab oculis meis munda me Domine*. Sed quid? vel actus contritionis elicitus à prædictis peccatis, quorum inuincibiliter ignoratur reservatio, absoluet: vel prima Sacramentalis communio per accidens conferet primam gratiam, & ab illis mundabit: vel prima confessio sequens, absoluet indirectè ab illis etiam, quæ quia putantur sine culpa absoluta, reticentur, & clauibus denuò non subiunguntur, & habentur prò oblitis; præsertim cum hic nullus dolus interueniat.

Secunda verò conclusionis pars probatur, quia per hoc diximus *scilicet. præced. Concl. prima*, debere præsumi adesse Ius, ac ita operandum, ac si esset re vera Ius; ergo etiam censenda est adesse ademptio Iuris, quod est idem, ac reservatio. *Gipt. de Casuum reservat. c. 1. n. 13.* Sanè enim tunc moraliter loquendo certa est reservatio; si enim E. G. decem viri prudentes, & omni exceptione maiores dicant reservationem adesse: & vnus E. G. paruæ auctoritatis, & fidei neget; quis non dicat moraliter certum esse, quod adsit reservatio. Insuper si quis non sequatur tutiorem partē, nonne voluntariè se exponit periculo maximo, & probabilissimo irritandi Sacramentum sine vllo fundamento: quod quidem irritatur, si in re casus sit reservatus; ergo peccat, temerè enim periculo prædicto se exponit. In casu autem opinionis probabilis vtriusq; quid agendum, dicam infra.

Nn

Conclusio

*Conclusio Secunda.*

**D**Vbius, an Casus aliquis hic, & nunc sit referuatus, quia dubitat, an includatur in aliquo casu generali, de quo certa est referuatio, debet casum censere referuatum, & tutiorem sequi.

Probatur Conclusio. Quia qui excipit Conclusionem aliquam particularem ab vniuersali, debet afferre causam exceptionis; excipienti enim incumbit onus probandi: præsertim cum generaliter sit axioma, quod ubi lex non distinguit, nec nos distinguere debemus; quæ quidem exceptio, si friuola sit, nulla est, & eius non est habenda ratio; ergo qui vult excipere casum particularem à generali, sub quo alioquin continetur, debet afferre causam positiuam exceptionis, quæ valida sit; alias nulla est exceptio, & per consequens debet agere perinde, ac si includeretur; sed sumus in casu, cum quis dubitat dubio leui; ergo &c.

Confirmatur. Possessio est pro referuatione, sicut possessio est pro propositione vniuersali, quod sub se comprehendat quamcumque particularem; ergo in dubijs melior est conditio ipsius. Sanè si paruo cū fundamento dicitur non includi, temerè dicitur non includi; ergo secundum hanc partem non est agendum, alias temerè agitur, & cum peccato, ergo sequenda alia pars, quæ tutior est.

Dices. Semper est ista ratio, quæ faciet deponere dubium, quod pænæ sunt restringendæ, & verba referuationis, quia sumus in odiosis, sunt strictè interpretanda.

Resp. In primis, quod referuatio non est pœna, saltè regulariter, sed est medicina; sed esto, debent quidem pænæ restringi, & odia strictè interpretari, sed non temerè,

merè: alias infinita absurda sequerentur, si quæcumq;  
ratio friuola sufficeret ad interpretandam legem pena-  
lem; igitur cum grano salis, debet fieri hæc restrictio;  
& cum matura consideratione, ac proinde cum ratio-  
nibus alicuius roboris, quæ dictent, hic, & nunc debere  
verba reservationis in hoc sensu, & non in alio intelligi.  
Sicut à contrario fauores sunt ampliandi; sed quomodo?  
cum grano salis, quantum patiuntur verba fauorabilia;  
vno verbo, prudenter iudicandum est posse verba, siuè  
fauorabilia, siuè odiosa, hunc sensum præ alio habere;  
ad prudenter autem iudicandum utiq; requiritur ratio  
alicuius roboris.

Quod quidem à fortiori dicendum, quando pro eo,  
quod talis casus includatur in casu generali, esset efficax  
ratio, cui nec probabiliter sciremus respondere.

*Conclusio Tertia.*

**I**dem dicendum, nempe sequenda tutior pars, & ca-  
sus censendus reservatus, si dum constat de refer-  
uatione, dubitetur, an sit valida, quia dubitatur de au-  
thoritate reservantis &c.

Conclusio patet ex dictis; quia temerè dicitur in  
reservante non esse auctoritatem, quando nulla graui  
ratione id dicitur, sed solum cum dubio leui; ergo pru-  
denter censenda est adesse auctoritas; alias temerè nos-  
met exponeremus periculo irritandi Sacramentum;  
quin & possessio stat pro reservante; si similia consue-  
uit agere: & semper in dubio saluendum sententiæ, sem-  
per enim præsumptio stat pro auctoritate Iudicis, quo-  
ad usq; graui ratione non probetur contrarium; alias cui  
sententiæ esset standum, si omnis leuis dubietas suffice-  
ret, ad hoc, ut sententiam, seu legem, negligeremus.

Sed quid dicendum in casu opinionis probabilis; hinc, & inde, DD. ex vna parte affirmantibus casum esse reservatum, negantibus alijs? Sit.

*Conclusio Quarta.*

**S**Tantibus contrarijs opinionibus probabilibus super alicuius Casus reservatione, siue censuræ, vnde cumq; oriatur dissensio, semper casus censendus est reservatus, & secundum tutiorem partem agendum est. Vnum excipe casum, de quo infra.

Probatur conclusio, quia sumus in casu, & materia Sacramentorum; Sacramenti scilicet Pœnitentiæ, quod invalidatur, si casus sit reservatus; ergo licet sumus in dubio probabilis, sequenda est pars tuta, & certa, nec insistendum opinionibus probabilibus; vt vniuersaliter docui *d. 3. sect. 6. Concl. 3.* hic enim sumus in casu, & prudenter possumus opinari Casum esse reservatum, cum sit opinio probabilis hoc asserens; etsi Casus in se sit reservatus, non absoluihur ab illo, licet operemur cum opinione probabilis, dicente illum non esse reservatum; vnde Sacramentum voluntariè exponetur periculo, quod probabiliter, & prudenter dubitatur adesse.

Dices. Qui operatur cum opinione probabilis asserente Casum esse reservatum, perinde est ipsi, ac si inuincibiliter ignoraret Casum esse reservatum, & reservatio non esset ei sufficienter promulgata.

Resp. Esse verissimum totum hoc, sed quid inde? fortene respectu ignorantis, actus, nempe confessio nõ sequetur irrita? hoc est falsum, quia vt supra lex irritans, quando irritatio non est pœna, afficit etiam ignorantes. Quin immò meo iudicio magis essent excusandi inuincibiliter ignorantes, quam probabiliter dubitantes; quia isti prudenter possunt opinari Casum esse reservatum,

uarum, & saltem de hoc aliquid cum fundamento audiunt, secus primi, qui penitus ignorant.

Auctoritates Sacrorum Canonum omnes, quæ possunt afferri ad probandum ignorantes non ligari legibus, intelliguntur à DD. de alijs legibus ab irritantibus, seu etiam de his, quando irritatio est pœna.

Dices. Ecclesia confert iurisdictionem non habenti, quando agitur ex opinione probabili, vel ex errore communi, & titulo colorato; ergo in hoc casu nõ erit periculum irritandi Sacramentum.

Resp. Falsam esse consequentiam, quia antecedens non est certum, sed solum probabile; & quidem præter adducta d. 3. sect. 6. concl. 3. quid senserit in simili Nauarrus audiamus. Fuit ipsi proposita hæc questio. Quidam Prothonotarius Presbiter in quadã Vrbe dixit se habere auctoritatem à Pontifice ordinandi ad quatuor minores: ipsi fides fuit habita, & per quadraginta annos ordinauit. Lapso hoc tempore, Episcopus adueniens dubitauit de hac ordinum collatione, & coegit Clericos impetrare dispensationem. Quæsitum fuit à Nauarro, quid Iuris in hoc casu, & quid agendũ cum istis Clericis. Respondit lib. 1. consil. de tempor. ordin. conf. 9. Ordines minores denuò ipsis esse sub conditione conferendos, & vniuersaliter idem dicit faciendum in casu cuiuslibet Sacramenti. Ex quo patet admodum sub opinione esse, an opinio probabilis, vel titulus coloratus, seu error communis iurisdictionem conferat non habenti; & ideo semper sumus in periculo, ne Sacramentum irritum in re euadat; cuius tamen indemnitati tenemur, quantum moraliter possumus, consulere.

Rogabis. Esto sacerdos non possit ministrare, & conficere Sacramentum iuxta probabilem minus ritum, sulci-

suscipiens poteritne illud accipere, quia nemini videtur facere iniuriam? Item cum attritione cognita poteritne accedere?

Resp. In quibuscumq; casibus, quando non est certum, sed solum probabile Sacramentum confici, non posse nec ministrantem, nec suscipientem sequi probabile, quando certa suppetit, vel nō sumus in casu necessitatis de quo *loc.cit. d. 3.* etiam enim pēnitens peccat cōtra Religionem, si non consulat ex parte sua validitati Sacramenti, quantum potest; item contra charitatem peccat, quia tenetur sibi graue damnum non inferre.

Ad id, quod additur de attritione cognita, si sit certum cum illa Sacramentum validè confici, de quo modo non disputo, utique poterit accedere: secus si hoc sit tantum probabile, quia adhuc potest esse falsum, ac proinde Sacramentum periculo irritationis exponitur; vnde tenetur facere, quantum potest, ut eliciat actum contritionis, vel verum, vel putatum, vel saltem se ponere in statu tali doloris, ut nesciat, an suus actus sit attritio, vel contritio, quod facile est.

Confirmatur totum hoc *ex c. 2. de Baptismo*, ubi Pontifex statuit in dubio graui de Baptismo, rebaptizandum esse quemlibet sub conditione: ibi autem est sermo de dubio probabili; hinc; & inde rationibus grauib; concurrentibus; tūm quia sic summatu' textus prædictus; tūm quia, quando pro parte affirmatiua, quod scilicet quis sit baptizatus, sunt rationes nullius roboris; & leues, ut decernitur absolute quem esse rebaptizandū, non sub conditione. *c. si nulla. de consecr. dist. 4.* ergo rebaptizandus est quis sub conditione quando probabiliter hinc, & inde dubitatur de valida Sacramenti collatione; ergo idem dicendum in Sacramento pēnitentię, nempe sequendam tutiorem partem.

Casus autem, quem volo excipi ab hac conclusione, est iste. An aliquid sit peccatum mortale, sunt contrariæ sententiæ probabiles: Episcopus, qui vel secundum probabilem, vel probabiliorem putat esse peccatum mortale, illud sibi reservat.

Aliquis probabiliter putat illud esse tantum veniale: iste casus respectu huius censendus ne est reservatus? nequaquam, quia respectu huius non est peccatū: nō enim peccat, qui probabiliter aliquid arbitrans non esse peccatum, illud facit. Cum ergo respectu huius hic casus non sit peccatum mortale, neque est reservatus: quia corrumpit reservatio, quando corrumpit formalitas peccati mortalis, sicut corrumpente principali corrumpit accessorium. Certum enim est regulariter non nisi mortalia, qua talia reservari, adeo ut, si non sint mortalia, non sint censenda reservata, cum esset ferè inutilis talis reservatio; quin & sit controuersia, an venalia possint reservari. Vide Card. de Lugo d. 20. de Pœnit. sect. 2.

### SECTIO TERTIA.

*Quid agendum in dubio Excommunicationis.*

**E**Xcommunicationem esse penam, & eam grauissimam certum est apud omnes: quæ proinde ab inuincibiliter ignorantibus non incurritur, ut omnia iura clamant, & est adeo certum, ut de hoc nullus sit dubitandi locus; solum enim disputant DD. an ignorantia vincibilis excuset: crassam enim, & supinam non suffragari, & multo minus affectatam, ex c. Apostolica de Clerico excomm. clarum est.

Ignorantia autem duplex est; alia Iuris, alia Facti: Ignorantia Iuris est, qua quis ignorat aliquod Ius, seu legem adesse, vel obligare, & in casu præsentis est ignorantia,

rantia, quod aliquid sit prohibitum sub pœna excommunicationis, seu quod aliqua lex obligationem inducens aliquid faciendi, vel omittendi, sub pœna excommunicationis, liget, & valida sit. Ignorantia facti est, quando quis aliquid facit, sed ignorat, quid sit illud, & facit, & tamē celebrat: E. G. quis ignorat se esse suspensū, quod exemplū habetur in c. *Apostolica de Cler. excomm.* Vel quis interficit hominem, quem putat non esse Clericum; vt habetur in c. *Si verò. de sentent. excomm.*

Tam autem ignorantia Facti, quam Iuris multiplex est. Prima Inuincibilis, quæ à Canonistis dicitur probabilis. Secunda Vincibilis, quæ & improbabilis, & culpabilis appellatur. Tertia Crassa, & Supina. Quarta affectata.

Prima est, qua quis ita aliquid ignorat, vt non possit ignorantiam vincere, & illud scire, siuè non debeat: nam in moralibus, in quantum ad culpam, perinde est non debere scire, ac non posse scire. Talis ignorantia est, qua quis aliquid ignorat, cuius nullam vnquam habuit notitiam, vel signum aliquod, nec leue: & hæc est etiam physicè inuincibilis. Ad hanc reducitur naturalis inaduertentia, Inconsideratio, & Obliuio. Itē ignorantia Inuincibilis tunc est, cum habita sufficienti notitia alicuius rei, quis facit diligentiam moralem, vt certioretur de illa, non summam, sed prudentem, qualis solet fieri ab hominibus in similibus negotijs, & in specie, mediocris lectio librorum, volutatio legum, Inquisitio à sapientibus, disunctiuè sufficit; tunc enim, si res ignoratur, dicitur inuincibiliter ignorari, saltem moraliter, quia licet maior physicè diligentia fieri possit, nō tamen debet. Ita supponit tamquam certum Suarez l. 5. de Censuris d. 4. sect. 8. n. 19. Item ignorantia inuincibilis probabilis, & iusta illa est, qua quis petit consiliū à viris



à vñs doctrina prædictis, qui tamen in re falsum confu-  
lent; & hic dicitur ignorantia inuincibili ignorare ve-  
ritatem. Naq̃are in *Man. c. 23. nu. 46.* quod idem do-  
cet in *conf. lib. 1. conf. 1. de Confis. nu. 2. in fine.* vbi vl-  
terius ad probandum ignorantiam esse inculpabilem,  
quam quis habet ex ratione probabili, licet altera ratio  
probabilis; sc̃a sententia sit in contrarium, adducit *e.*  
*Capell. de Ferys*, vbi est sermo de opinionibus probabi-  
libus contrarijs; immò de minus probabili concurrente  
eum probabiliori. Ita etiam *Coninch. de Censuris d. 13.*  
*dub. 11.* vbi ignorantiam ex opinione probabili ortam,  
dic̃ inuincibilem; Et propter hoc ignorantia inuinci-  
bilis à Canonistis dicitur probabilis, quia licet possit vin-  
ci, non tamen debet; eo quod probabili ratione sic iu-  
dicatum fuit, vltra quod nullus debet inquirere. Vsq̃  
in *primā secundæ d. 117. c. primo*, *Cordub. lib. 2. q. 11.*

Et sanè opinantem ex ratione probabili, esto in re  
opinio falsa sit, inuincibiliter ignorare veritatem, præter  
quam quod probatur satis manifestè ex adductis, & eo  
quia nullus hoc negat; vltèrius euidenter conuincitur;  
quia sequens opinionem probabilem, etiam si illa in re  
falsa sit, non peccat; ergo ignorat veritatem, & tamen  
non est culpabilis; ergo ignorat ignorantia inuincibili,  
& inculpabili. Item sequens opinionem probabilem,  
non potest absolutè certò inuenire veritatem; ergo nō  
potest absolutè certiorari de veritate; ergo inuincibili-  
ter veritatem ignorat. Antecedens patet, quia inquirō;  
quomodo potest? sequendone oppositam? at illa etiā  
probabilis est, & non certa, & licet probabilior, adhuc  
potest esse falsa, vnde sequendo illam non certioratur  
de veritate.

Dices: Magis certiorabitur, si illa opposita probabi-  
lior est. Sed esto hoc; simpliciter adhuc ignorabit ve-

ritatem, cum probabilior possit esse simpliciter falsa; Ly autem, magis, est in eodē genere; Ideo &c. Quid autem sit ignorantia inuincibilis, consulo prolixius explicauī, vt infra.

Ignorantia vincibilis est, qua quis absolute cum aliqua culpa, aliquid, quod debet scire ignorat, & ideo dicitur culpabilis, & vincibilis, quia vinci etiam moraliter potuit, & ideo culpa non caret.

Ignorantia crassa, & supina est, qua ex summa negligentia aliquid ignoratur, unde hæc importat maiorem culpam, quam ignorantia vincibilis.

Affectata demum est, qua aliquid ignorare consulo quis vult, vt liberius vitijs indulgeat; & hæc præsumat omnium ignorantia est, & est illius, qui *maluit nescire, ut bene ageret.*

Hæc certa sunt apud omnes, sicut etiam est certum ignorantiam inuincibilem, seu probabilem, quod aliquid sit opus peccaminosum, seu sit tale de sua natura, seu quia prohibitum Iure diuino, vel positiuo, excusare illud committentes ab omni culpa, & ab omni pena, quæcumq; illa sit, siue in foro Ciuili, siue in foro Canonico; cum hac tamen distinctione, quod in foro fori excusat, si ignorantia proberetur, in foro animæ, si adsit. Deus enim, quod est; Iudices autem terreni, quod apparet, respiciunt. Deducitur clarè ex c. *Cognoscetis de Consist.* Et ex c. *Nemo* 11. q. 3.

Item perinde ac certum est, scientem aliquid esse malum, seu Iure diuino, seu naturali, nescientem vero esse prohibitum speciali Iure ab Ecclesia, siue sub pœna Excommunicationis, siue sub qualibet alia Censura, adeo vt inuincibiliter non solum ignoret censuram, appositam, sed etiam præceptum, & prohibitionem ecclesiasticam, si illud committat, excusari à censura. De-

ducitur

ducitur ex illo Matth., vbi data est potestas excommu-  
nicandi. *Si autem non audieris Ecclesiam, sit tibi tam-*  
*quam Ethnicus & Publicanus.* Vnde adhuc, vt quis in-  
currat in censuram, præcipue excommunicationem,  
requirit contumaciam, & specialem inobedientiam cō-  
tra Ecclesiam certum est apud omnes. Ignorantem au-  
tem præceptū Ecclesiæ non esse contumacem contra  
Ecclesiā certū est, si illi non obediat. Item ad hoc facit  
c. 2. de Constit. in 6. vbi dicitur, *Vt animarum periculis,*  
*obuietur, ligari nolumus ignorantes, quorūcumq; ordina-*  
*riorum statutis &c.* & super illud c. legantur. DD. qui  
communiter hoc asserunt, siuē Canonistæ, siuē Theo-  
logi. Videatur Suar. 1. 5. d. 4. sect. 8. nu. 20 & 21.

Dixi perindē, ac certum, quia licet Couarruias op-  
positum censeat, non est audiendus; tūm, quia cōtra  
communissimam, & receptissimam est sententiā; tūm  
quia nullum fundamentum suæ assertionis affert, nisi  
hoc vnum, quod ignorantia pænæ non excusat à pœna.  
Sed hoc non est ad rem; quia esto hoc verum sit, hoc  
non est, quod queritur; queritur enim, an ignorantia  
præcepti Ecclesiastici excuset à pœna Ecclesiastica.  
Hanc secundam ignorantiam deberet probare Couarr.  
non excusare, non primam; quia nunc quæritur de se-  
cunda non de prima.

Dices. Potest excommunicari absens, & ignorans;  
ergo non requiritur notitia præcepti.

Resp. Negando consequentiam, quia absens, & igno-  
rans potest quidem excommunicari, sed præuia moni-  
tione Canonica; Vnde iam non ignorat præceptum,  
Ecclesiæ, quin neq; pœnam imponendam, si non resi-  
piscat. Quando autem sufficienter admonitus non vult  
obedire, tunc licet absens potest excommunicari; &  
tunc est verum, quod licet ignorans ligetur vinculo ex-

communicationis, licet ab ipso ignoretur, an sit lata: quia sufficienter ei constat de præcepto Ecclesiastico, & de pœna, quæ ipsi imminet. Vnde illam incurrit, etiâ si nesciat latam esse, quia ligat excommunicatio sic lata, à die promulgationis, non à die notitiæ. Et ita decerni esse communi sententia Canonistarum testatur ipse Couarr. c. *Alma Mater* p. p. l. 10. n. 7.

Et sanè absolutè aliquam monitionem requiri, vt censura locum habeat, patet ex mille locis sacrorum Canonum, vbi non solum monitionem præmittendam esse decernitur; sed etiam modum, quo fieri debet, docemur; & præcipuè excommunicationem, ad hoc vt liget, præsupponere monitionem superioris, absq; vlla controuersia certum esse docet Suarez. l. cit. d. 3. sect. 9. & 10. omnino videndus.

Ex quo inferitur; ergo ad hoc vt quis excommunicationem, vel similem censuram incurrat, debet aliquam notitiam habere præcepti Ecclesiastici: alias ab Ecclesia non admonetur, esto admoneatur à Deo, vel à natura, si id, quod cognoscit illicitum ex iure diuino, vel naturali perpetratur.

Tertio pariter certum est, eum, qui ex ignorantia inuincibili, seu probabili aliquid agit, quod solum ab Ecclesia prohibitum est, & quidem sub pœna excommunicationis, si ignoret tale præceptum Ecclesiasticum, nec peccare, nec incurrere excommunicationem, sed quamuis aliam censuram. Ita certum esse affirmat Suarez, & indubitatum apud omnes l. cit. d. 4. sect. 8. nu. 6. & deducitur ex c. *excellensissimus* 11. q. 3. & ratio est euidens, quia cum tali ignorantia quis non peccat; ergo non afficitur pœna, nec pœna eum ligat, iuxta illud; *Rem, quæ culpa caret, in damnum vocari non conuenit.* c. 3. de *Const.* Adde, quod excommunicatio non incurritur

ritur nisi supponatur peccatum mortale, ex omnium, sententia, sūdata in *c. Nemo Episcoporum*. 1. 1. q. 3. quin & ad illam requiritur contumacia, & dolus, & culpa, vt præceteris Angelus in *Summā*. *Casus excommunicationis* docet, & omnes DD. communiter.

Quarto. Ignorantiam inuincibilem, & probabilem facti excusare ab omni censura, præsertim, quæ oritur ex delicto, clarum est in Iure, & apud DD. *ex c. Si vero* 2. *de sent. excomm.* & *c. Apostolicæ. de Cleric. excomm.* & alijs.

Quinto. Etiam certum est eas censuras, quæ non incurruntur, quādo excusat ignorantia, neq; incurrī, necessitate excusante, quæ cogit, vt opera, quibus adnexa est censura, & in specie excommunicatio, faciamus; neq; vero loquor de necessitate phisica, sed morali, quæ scilicet non potest quis illa omittere, sine graui incommodo, siuè certo imminenti, seu quod iuste timeatur. Et ratio est, quia sicut ignorantia tollit voluntarium, sic necessitas, & timor cadens in contrarium virum; & hoc habetur clarè decisum in *c. Excellentissimus*. 1. 1. q. 3. adiuncta explicatione glossæ communiter recepta, super illa verba, *per se absoluantur*; quæ faciunt hunc sensū, *absoluti declarentur, quia non incurrerunt*; Excipe, quādo metus esset alicuius incommodi, seu damni infligendi in contemptum, seu odium censuræ. Et ratio est euīdens, quia leges humanæ, & Ecclesiasticæ non obligant cum tam graui incommodo, vnde cum tunc non obligent, illis contumaces contra illas agendo non sumus.

Duplex autē solū remanet cōtrouersia. Prima est, an ignorantia inuincibilis ipsius censuræ, cū scientia operis prohiberi ab Ecclesia excuset à censura: in qua communior, & probabilior sententia affirmat. Legatur Suar. *de cens. d. 4. sect. 9. n. 19.* quidquid sentiat Couarr. in contrarium.

Altera

Altera est, an ignorantia vincibilis siue præcepti Ecclesiastici, siue censuræ, excuset à censura; in qua certum puto non excusare cum Suar. qui *loc. cit. sect. 9. n. 10.* ait, se non audere oppositam appellare probabile.

Has controuersias ego in præsens non exagito, quia sunt extra sphaeram præsentis disputationis, in qua solum sufficit has quæstiones, & earum terminos, & quæ sit probabilis, quæ certa, indicare. His autem præsuppositis, quid in dubio excommunicationis sit agendum, explicemus. Potest autem quis duplici modo esse dubius de excommunicatione; vel an sit lata, vel an lata liget. Et hæc dubia possunt contingere, vel ante factum, vel post factum: scilicet antequam quis aliquid agat, potest dubitare, an opus sit prohibitum ab Ecclesia, & sub pæna excommunicationis. Vel post factum, si postquam aliquod opus fecerit, incipiat quis dubitare, an illud opus sit prohibitum sub pæna excommunicationis. Pro clara harum difficultatum resolutione sit.

*Conclusio Prima.*

**D**Vbius ante factum de prohibitione Ecclesiæ sub pæna excommunicationis, an sit, debet facere moral: m diligentiam, vt certioretur & interim se ab opere abstinere.

Probatur conclusio manifestè, tum quia sic agens manifeste contra conscientiam agit, & non ex fide; quo enim motu potest, non dico scire, sed nec opinari se honestè agere? cum dubitet, an id, quod agit sit prohibitum ab Ecclesia sub pæna excommunicationis, nec fecerit ullam diligentiam ad deponendum dubium. Quod enim in dubijs melior sit conditio possidentis, verum est facta sufficienti diligentia. non antea, vt clarum est; tum quia, si non obstante hoc dubio, quod perseue-

rat,

rat, quia non deponitur; illud agit, vult illud agere, siue sit prohibitum sub pena excommunicationis, siue non: ac proinde siue sit licitum, siue illicitum, & per fas, & nefas; tum quia licet isto ignoret, an sit talis prohibitio sub prædicta pœna, ignorantia tamen ipsius tunc est affectata, crassa, & supina, vel ad minus vincibilis, quia cum habeat sufficientia principia ad dubitandum; & ad inquirendam veritatem, ex negligentia, vel dolo non vult inquirere: nulla autem ex prædictis ignorantij excusat à culpa, & quidem mortali, cum simus in re gravi. Vnde absolute hic peccat, quia periculo peccandi, ex negligentia, vel ex dolo, vel ad minus imprudenter se exponit. Quod etiam dicendum est in quocumque dubio iuris, scilicet ante factam sufficientem diligentiam non licere agere, sine peccato.

*Conclusio Secunda.*

**C**VM hoc dubio, ante factam sufficientem diligentiam agens, non modo peccat, sed si censura sit lata, illam incurrit; si non sit lata, ridiculum est dicere, quod censuram incurrat, quæ non est.

Prob. conclusio, quia hic nulla potest assignari causa excusans à censura; nam si quæ potest assignari, maxime ignorantia; sed hæc, esto sit vincibilis, iuxta probabiliorem ad minus (ego enim cum Suar. ubi sup. puto esse certam sententiam) non excusat, cum neque excuset à culpa, ergo &c. Quin si hæc ignorantia regulariter excusaret, maximum sequeretur incōueniens, quod scilicet omnes per fraudem, & dolum nollent certiorari, & sic sua fraus cuique suffragaretur; difficile enim esset, quod in hoc casu ignorantia vincibilis non euaderet dolosa; quia scilicet quisque ante factum, de quo dubitat, diceret, hoc faciam, antequam certiores, quia sic, esto

esto excommunicatio sit infligenda, me non afficiet.

Dices. Est probabilis opinio, quod ignorantia vincibilis excuset.

Esto, sed quid? nonne potest esse falsa? Immo probabilius nonne est, quod sit falsa: si verò hæc falsa sit, nonne incurritur excommunicatio; ergo saltem ad cautelam petatur absolutio, & si sit agendum, non agamus.

Vnicum Casum excipio, casum scilicet necessitatis, quando E. G. alicui dubitanti, an aliquid sit prohibitum sub pena excommunicationis, necesse est agere, nec potest expectare, quod certioretur: vel quia non possit phisicè, vel moraliter, hoc est sine gravi damno.

Et ratio exceptionis multiplex est. Primo, quia hic sic agendo neque peccat, etiam si opus esset prohibitum sub pena excommunicationis, quia leges Ecclesiasticæ non obligant impotentes seu phisicè, seu moraliter. Secundo, quia hic tunc est inuincibiliter ignorans, ignorat enim re vera, cum habeat solum dubium leue, nec potest moraliter certiorari. Tertio, quia ab eo procul abest omnis contumacia, & omnis dolus, quæ tamen necessario requiruntur ad excommunicationem incurrendam; & sane eadem ratio, quæ excusat à culpa, excusat etiam à censura, quæ oritur ex delicto.

Dices. Exceptio bene procedit, quando opus, quod fit, est solum prohibitum iure positiuo, sed quando est etiam prohibitum Iure diuino, vel naturali; quid? tunc enim nulla necessitas excusat à culpa, nec vlla talis ignorantia.

Resp. Etiam in hoc casu exceptionem currere, quantum est ad penam Ecclesiasticam excommunicationis incurrendam; peccabit quidem iste tunc agens contra Ius diuinum, vel naturale, contra quod nunquam debet, vel agere, vel exponere se periculo agendi: nullum enim



enim damnum, nullum incommodum imminens ab his Iuribus excusat; sed profecto non peccabit contra Ecclesiam, nec erit inobediens ipsi, quia tunc nempe cum graui incommodo Ecclesia non censetur impetare; ad non obediendum enim Ecclesiae non sufficit facere, quod in se malum est, & cognoscitur esse tale; sed debet fieri opus, quod cognoscitur esse contra Ecclesiam. Duo enim ibi sunt, & praeceptum Dei, & praeceptum Ecclesiae; Praeceptum Dei obligat, quia nulla est causa excusans ab illo; Praeceptum Ecclesiae non obligat, quia est causa excusans: ideo tunc peccator, dum non obedit, contemnit Deum, sed non Ecclesiam, nec contumax est contra illam; & ideo penam ab illa inflata non incurrit; sine enim contumacia, & inobedientia, contra Ecclesiam non incurritur excommunicatio, seu quaevis censura Ecclesiastica, saltem regulariter.

Si quis autem extra casum necessitatis imprudenter egit, quod dubitabat, an esset prohibitum, sub pena excommunicationis, quid debet peragere? dicam in sequenti Conclusionem, cum de eo, quod debet quis agere post factum, si dubitet, sermo erit.

*Conclusio Tertia.*

**F**Acta autem sufficienti diligentia, & nihil inueniens, quod sufficienter de censura admoneret, potest prohibito, quamuis partem eligere sine ullo timore censuræ.

Probat. Conclusio, quia facta sufficienti diligentia ad quam tenetur, & nihil inueniunt; remanet in possessione libertatis, & dubia illa priora, quæ remanent, debent deponi per hoc præcisè, quod leuia sunt, & parui momenti; nec possunt tollere hominem à suæ libertatis possessione; sanè frivola sunt; ynde, perinde est, ac

si non essent. Urgeo. Per hoc, quod facta sufficienti diligentia nihil inuenerit, si illud agat, excusatur ab omni culpa; ergo & ab omni pena, præcipue excommunicationis, quæ sine peccato mortali non subsistit. In isto. Tunc est inuincibiliter ignorans præceptum Ecclesiæ, & penam illius, nec enim quid amplius debet facere, cum fecerit sufficientem diligentiam, ad quam tenebatur. Sed inuincibilis, & iusta ignorantia excusat ab omni culpa, & censura, quæ oritur ex delicto; ergo, & ab excommunicatione, etiam si alioquin adsit. Vnde certus se non posse excommunicationem incurrere potest libere agere.

*Conclusio Quarta.*

**D**Vbius autem ante factum, an excommunicatio, quam constat latam esse, & promulgatam, sit valida, vel eò quia dubitetur de auctoritate ferentis, vel de materia apta, vel de appellatione facta ante sententiæ excommunicationis, vel ex quibuscumq; alijs capitibus, tenetur prius facere sufficientem diligentiam, antequam opus, cui constat adnexam esse censuram, agat: ut scilicet certioretur de validitate censuræ. Secus agens, & temerè prædictum opus aggrediens peccat, & si in re censura sit valida, ea afficitur.

Conclusio patet ex probatione primæ, & secundæ Conclusionis eadem enim rationes hic applicatæ equaliter militent; & præcipue quia in casu Conclusionis possessio non est pro libertate, sed pro excommunicatione, quæ certò lata est, & in dubio semper præsumitur pro sententia, ut valida sit. & sanè oppositum agens, nonne temerè ageret? nonne temerè sententiam, excommunicationis non timeret? quod enim motiui haberet ad non timendum sententiam excommunicationis

tionis? non nisi motiuum leue, parui momenti. Ergo ne motiuo friuolo ducti possumus contemnere præcepta Ecclesiastica, & Ecclesiasticas censuras? absit hoc. Quæso enim, quæ lex Ecclesiastica, quin & in vniuersum quæ lex timenda est, si rationibus friuolis possumus ipsi illudere?

Dices. Motiua ista non sunt adeo friuola, quia sufficiunt ad dubitandum.

Fateor; & ideo non sufficiunt ad agendum; & ideo friuola, quia non possunt mouere ad operationem, si quidem nec possunt mouere ad assensum prudentem, & probabilem; & ideo nequeunt infringere possessionem sententiæ, & præsumptionem pro illius validitate; alias si possent mouere ad assensum probabilem, iam nõ essemus in dubio leui, sed in dubio probabili, in quo quid agendum sit, dicam infra.

*Conclusio Quinta.*

**F**Acta sufficienti diligentia, & nihil inueniens, quo, vel probabiliter possit opinari sententiam latam, esse inualem, tenetur ab operatione abstinere.

Probatur Conclusio, quia tunc remanet excommunicatio in sua possessione, & Iudex in possessione suæ auctoritatis, & sententia in possessione sui valoris, cum nihil adueniat, quod prædictas possessiones infringat. Motiua enim dubitandi friuola sunt, & magis apparēt talia, quando facta diligētia nihil inuenitur cōtra valorē sententiæ latæ; ergo perinde sunt, ac si nõ essent: sed si nõ essent teneremur ab opere abstinere; ergo etiā si adsint.

Item quis cum illis agendo temerè ageret, & sine vllō fundamento se exponeret periculo certo incidenti in censuram; ergo &c. Applicentur etiā hic rationes adductæ *pro quarta Conclusionē*. Quid autem agendū,

si facta diligentia aliquid inuenitur, vi cuius probabiliter possimus opinari sententiam esse inuvalidam, dicemus sectione sequenti.

Disparitas autē intrinseca, quare cum dubitatur, an sententia sit lata, & facta sufficienti diligentia nihil inuenitur, potest quis opus peragere; tenetur autem abstinere, quando dubitatur de valore sententiæ, quàm constat esse latam: desumitur ex possessione, quæ in primo dubio militat pro libertate humana; in secundo verò pro sententia, & in dubio, facta sufficienti diligentia melior est conditio possidentis. Item non adeo requiritur promulgatio valoris sententiæ, quam requiratur promulgatio ipsius sententiæ, cum sententia eo ipso, quod proferatur, præsumatur valida. Post factum vero, si contingat dubitatio, quid agendum? Si quis aliquid fecit, & post factū dubitat, an tali operi adnexa sit censura excommunicationis, vel alia, quid debet agere?

*Conclusio Sexta.*

**S**I ante factum nullum dubium habuit, nec vllam considerationem ad hoc, quod opus posset esse prohibitum ab Ecclesia sub censura, non est, quod post factum dubitet, se censuram incurrisse.

Probatur Conclusio manifestè, quia egit cum ignorantia inuincibili præcepti Ecclesiastici, & censuræ; ergo non fuit contumax contra Ecclesiam, nec contra Ecclesiam peccauit; ergo certum est hunc non incurrisse censuram vllam, etiam si alioquin talis censura adesset, & opus esset prohibitum ab Ecclesia. Ignorantiā enim inuincibilē præcepti Ecclesiastici excusare à peccato contra Ecclesiā, & à censura, certū esse dictum est; vnde etiam si postea inueniat vere excommunicationem esse operi adnexam, nō est quod timeat, se illam incurrisse.

*Conclusio*

*Conclusio Septima.*

**I**dem dicendum, si ante factum dubitavit, an esset lata excommunicatio, & an adesset præceptum. Ecclesiasticum prohibens opus, sed facta sufficienti diligentia non potuit certiorari.

Probatur Conclusio, quia etiam tunc cum inuincibili ignorantia, opus egit: nec enim facta sufficienti diligentia potuit illam vincere, nec debuit; ergo sine culpa saltem, quantum spectat ad Ecclesiam, egit; unde à pena Ecclesiæ immunis erit, etiamsi talis pena re vera esset inflicta. Quæ autem sit sufficiens diligentia, quàm quis tenetur facere in hoc casu, satis explicatum est supra, cum de ignorantia inuincibili, & probabili actû est.

*Conclusio Octaua.*

**S**i autem dubius, an excommunicatio lata esset, antequam faceret sufficientem diligentiam extra casum necessitatis opus egit; post factum dubitare debet, an sit excommunicatus: quia re vera si excommunicatio lata sit, illam incurrit. Debet ergo facere diligentiam, ut veritatem inueniat, & interim debet abstinere ab omnibus ijs, quæ citra scandalum graue, vel metum alicuius grauis damni, siue in corpore, siue in fama, vel grauem necessitatem proximi potest. Hæc autem sunt receptio, & administratio Sacramentorum.

Probatur Conclusio, quia qui sic egit, quantum est ex se, se exposuit periculo excommunicationis incurrendæ, & si excommunicatio re vera lata sit, illam incurrit; ergo tenetur facere diligentiam, ut inueniat veritatem, cum esse possit, quod in illam inciderit. Interim autem non debet se exponere periculo alterius peccati com-

committendi, vel alterius censuræ incurrendæ; ergo debet abstinere à receptione, & administratione Sacramentorum, quæ si excommunicatus sit, sine peccato non contingit. Quia si Ordines suscipiat, & excommunicatus sit, suspensionem incurrit, & si celebret, irregularitatem.

Cum graui autem incommodo ad hoc non teneatur, vel si timeatur graue scandalum, vel vrgeat necessitas spiritualis proximi. Quod quidem DD. concedunt in excommunicato certo, sed occulto; quanto ergo magis in excommunicato non solum occulto, sed dubio. Ecclesia enim non obligat cum graui incommodo; præsertim si excommunicatus sit dubius, in quocasu præponderat damnum certum excommunicationi incertæ.

Quod vero spectat ad communicationem civilem, non est, quod se abstineat; quia cum occultus sit, in dubio non debet euitari.

Quæres. Si penitentem absoluat, validenè absoluet?

Resp. Quod sic, quia excommunicato occulto Ecclesia non subtrahit iurisdictionem, cum permittat, vt fideles possint cum illo communicare, tam in receptione, quam in administratione Sacramentorum; vt patet in *Extravag. Ad euitanda*; multo ergo minus subtrahit iurisdictionem excommunicato occulto dubio.

### *Conclusio Nona.*

**F**Acta autem sufficienti diligentia, & nihil inueniēs, se gerat tamquam non excommunicatum, re vera enim excommunicationem non contraxit, etiam si alioquin lata esset.

Probatur Conclusio, quia si facta sufficienti diligentia nihil inuenitur, quod certioreret de sententia excommunicationis; ergo licet lata sit, non est sufficienter promul-

promulgata, & facta sufficienti diligentia eius non habeatur notitia; sed excommunicatio non sufficienter promulgata non obligat; ergo &c.

*Conclusio Decima.*

**S**I verò ante factum dubium fuit, an excommunicatio esset valida, & antequam quis certioraretur de valore sententiæ, egit, quod habebat adnexam, excommunicationem: post factum etiam si nihil inueniat, quod positivè probet sententiam esse validam; dummodo ipsi non constet esse invalidam, se gerat tamquam excommunicatum, & absolutionem petat.

Conclusio probatur, quia in hoc casu possessio est pro valore sententiæ, & pro ipsa est sententiandum; cum nihil adsit, quod valorem sententiæ infringat; ergo iste sic agens incurrit excommunicationem, quæ absolutè valida debet iudicari; ergo debet se gerere tamquam excommunicatum, & absolutionem petere.

*Conclusio Undecima.*

**S**CIENTIS opus esse prohibitum ab Ecclesia, sed dubius, vel ante factum, vel post factum tantum, an sit prohibitum sub excommunicatione, faciat sufficientem diligentiam, ut certioretur, an excommunicationis pena verè sit imposita: & si non potest certiorari, post sufficientem diligentiam se gerat tamquam non excommunicatum. Si autem inueniat excommunicationem adesse: si dubium contingit post factum, ad cautelam petat absolutionem: si ante factum, simpliciter petat absolui.

Probatur Conclusio quoad primam partem, quia si facta sufficienti diligentia non potest certiorari de censura; ergo signum est, quod censura non est sufficienter

cienter promulgata, esto præceptū sciatur. Debet enim etiam pēna promulgari populo, cum præsertim excommunicatio feratur, vt remoueat homines à peccato timore sui. *Clement. Si eos. de sententia excommunicationis.* non autem remouet, si non sit sufficienter promulgata. Sit exemplum à pēnis Ciuilibus. Si Princeps aliquod opus prohibeat sub pēna capitali. verū in aliqua ipsius vrbe, promulgetur quidem prohibitio Principis, sed non pēna; quæso Ciues illi rei ne erunt prædictæ pēnæ, si opus prohibitum perpetrent? certè non; ergo etiam in pēnis Ecclesiasticis. Quādo enim facta sufficienti diligentia non inuenitur censura, signum est euident, eo in loco non esse sufficienter promulgatam. Vnde esto excommunicatio lata esset, tunc non afficeret.

Secūda Conclusionis pars probatur, quia idē potest quis excusari, quia post factū cōtigit dubitatio de censura; sed hoc non sufficit, quin ad cautelam debeat absolutionem petere; ergo &c. Probatur minor, quia est opinio probabilis, quod ignorantia inuincibilis solius censuræ non excuset, si sciat opus esse prohibitum ab Ecclesia, & opposita probabilior potest esse falsa; ergo hæc potest esse vera; & per consequens potest esse, quod cēsurā afficiatur; ergo ad cautelam absolutionem petat.

Tertia demum Conclusionis pars patet ex dictis. Quærens. Qualia debent dubia esse, quibus ex timore excommunicationis debemus moueri ad suspendendum opus, & ad faciendam diligentiam, vt inueniatur veritas rei.

Resp. Non debere esse admodum leuia, quia alias scrupuli essent, & inaniter terrerent; nec graua, vt sufficiant ad assensum probabilem; qualia ergo debent esse? hoc difficile est explicare. Dico breuiter esse illa, quæ par est, vt moueant vitum prudentem, cuius iudicio in

con-



contingentia facti standum est, ut ipse iudicet, quæ dubia vana omnino sint, quæ sufficientia ad dubitandum, quæ ad formandum probabilem assensum.

Sed satis de dubio, explicemus iam quid agendum cum opinione probabili.

## S E C T I O Q U A R T A.

*Quid agendum in dubio probabili excommunicationis.*

**S**Tatus quæstionis est; An aliquid sit præceptum sub pœna excommunicationis, vel an excommunicatio sit valida, disputant DD. alijs affirmantibus, alijs negantibus, adeo ut duæ opiniones contrariæ ambæ simpliciter probabiles resultent. In hoc casu quid agendum? timendane est excommunicatio? Et si vera sit sententia affirmatiua, in religabitne, & afficiet operantes secundum opinionem oppositam probabilem, excommunicatio?

Diana p. 5. tract. 9. de sent. excomm. resol. 29. hoc quæsitum proponit, & respondet referendo Vasq. Turr. & Villalobos asserentes excommunicationem ligare, etiamsi in contrarium sit opinio probabilis; vnde etiã in hoc casu esse timendam, vnde tutiorem partem in praxi in hoc dubio probabili esse amplectendam, & pro opposita sententia nullos citat DD. Quod equidem miror; cur scilicet eruditissimus vir, in libris Doctorum adeo versatus, quiq; pro qualibet materia in suis resolutionibus semper consuevit pro utraq; parte DD. qui adsunt asserre, in hoc puncto noluerit DD. qui oppositum censent, & Classici admodum sunt, mentionem faceret.

Contrarium enim docent scilicet in casu opinionis probabilis excommunicationem non esse timendam, nec afficere, Sanch. in Decal. lib. p. c. 10. nu. 35. Azorius

*a. p. instit. mor. lib. 2. c. 19. q. 12.* & Salas apud eosdem, & vniuersaliter in dubio probabili orto ex opinionibus contrarijs probabilibus cuiuscumq; censuræ, Megala. *v. dubium. n. 3.* & alij, qui tamen omnes isti, sicut & DD. pro opposita sententia, summarie nimis hoc punctum tractant.

Immo Diava ipse, qui *p. 4. tract. 3. resol. 14.* admittit tamquam probabilem, & valde tutam in praxi sententiam asserentem; eum, qui dubitat, an lex pœnalis excommunicationem imponens, sit vsu recepta, non teneri legem seruare; nec affici pœna excommunicationis, si non obediat, multò magis deberet sateri posse quemcum opinione probabili, quod præceptum superioris non sit validum, (oriatur inualiditas ex quocumq; capite,) nō parere, & si excommunicationem fulminet, illam non timere; quod sic fortasse euidenter ostendit. In dubio, an lex, quæ præceptum superioris est, sit vsu recepta, non tenetur quis parere, nec debet timere pœnam excommunicationis in inobedientes fulminatam; certè non nisi quia ad hoc, vt lex obliget, non sufficit quod sit lata, sed etiam requiritur, quod sit vsu recepta: acceptatio enim populi est quid requisitum ad valorem legis; ergo in dubio, an præceptum superioris ex alio capite sit inualidum, quia dubitatur, an superior hic, & nunc possit præcipere, vel quia materia, quæ præcipit, non sit suæ iurisdictionis, vel quia illud, quod præcipitur, illicitum sit, non tenebitur quis obedire, ac proinde neq; timere debet excommunicationē præcepto annexam; ergo multò magis id dicendum cum opinione probabili. Hæc secunda consequentia est clara. Primam probo, quia quæso assignetur disparitas, si potest, quare dubius de valore legis, quia dubitat de acceptance, quæ est vnum ex requisitis ad legis valorem, non

non fenetur obedire. Et dubius de valore legis, quia dubitat de alio requisito ad valorem legis; seu præcepti teneatur obedire: & quare in primo casu non debeat timere sententiam excommunicationis, & in secundo debeat.

¶ Dices. Quia in secundo casu præceptum, seu lex possidet, in primo non.

¶ Sed contra euidenter, quia si possidere est legem; seu præceptum esse latum, tam possidet lex in primo casu, quàm in secundo, quia in vtroq; supponitur constare de lege lata. Si verò possidere significat valorem legis possidere, tunc dico, quod sicut in primo casu valor legis nõ dicitur possidere, quia dubitatur de vno ex requisitis ad valorem ipsius: sic in secundo casu dicendum est valorem legis, seu præcepti non possidere, quia dubitatur de alio requisito ad valorem legis, seu præcepti; magis enim pertinet ad valorem legis materia apta, quam acceptatio.

¶ Sed dixi malè, dum dixi magis; absolute dico, quod pertinet ad valorem legis, seu præcepti, quod materia sit apta, & non pertinet ad valorem legis acceptatio; legis inquam Ecclesiasticæ, siuè Pontificiæ, siuè Ordinariorum; quidquid sit de lege Ciuili. Quod tamè quia non est huius loci disputare, breuiter hoc vno dilemmate sic ostendo.

¶ Vel leges Pontificiæ non obligant, (& idem dic de legibus Ecclesiasticis quibuscumq;) sine acceptatione populi, quia independenter ab acceptatione Papa non habet vim ligandi, & præcipiendi: vel quia sic Princeps Ecclesiasticus vult. Si primum, temerarium id est, erroneum, & hæreticum. Legatur Suar. de leg. lib. 4. sect. 17. quia hoc est ponere Ecclesiam, hoc est cõgregationem fidelium supra Papam, & facere, quod Papa non a

Christo Domino potestatem habuerit ligandi, & soluendi, sed à Congregatione fidelium. Si verò secundū, hoc omnino incredibile est, non enim est verosimile, velle Papam suas leges precarias esse, & tantum velle coarctare subditos ad obediendum, si velint obedire. Præsertim in casu præsentis hoc dici non potest, quia contra inobediētes fulminat Papa sententiam excommunicationis; ergo signum est, quod absolutè vult illos parere; alias si expectaret beneplacitum acceptantis, non deberet fulminare penam adeo grauem in inobedientes; & ideo hanc sententiam cum Lorca in *p. 2. tract. de leg. d. 20.* puto euidentem, & contrarium percipi non posse.

Sed quid? Diana ipse *de leg. resol. p. in fine*, concedit leges Ecclesiasticas obligare independentè à populi acceptione; vnde non video quomodo consequenter potuerit dicere *loc. sup. cit.* Dubium de acceptione legis excommunicationē adnexam habentis non teneri legem seruare; nam si acceptatio non requiritur ad valorem legis: ergo lex etiam non acceptata est valida; ergo licet quis dubitet de acceptione, non dubitabit de valore legis, ac proinde lex, seu valor legis possidebit; vnde tenebitur obedire, quod sane omnino verum est.

Urgeo. Nō vsus populi ad hoc, vt infringat valorem legis debet transire in consuetudinem, qua postea posita non amplius obligat lex, licet peccauerint ab initio legem non seruantes; sed consuetudo contra legem in dubio non præsumitur; sed probari debet, cum sit quid facti; Item non debet præsumi antiquos peccasse legem non seruando; ergo in hoc dubio pro lege est possessio, & illa seruanda.

Igitur omnia recolligēdo, si in dubio de acceptione, quæ valorē legis non ingreditur, nec debet præsumi, sed

sed probari, potest per Dianam quis in dubio hoc non sequare legem, & erit immunis ab excommunicatione; ergo ipse id idem debet multò magis concedere in casu, quo probabiliter quis opinetur deesse aliquod constitutum legis in suo valore, & à fortiori; tunc enim lex valida non possidet, cum probabile est legem non esse validam.

Pro decisione autem præsentis difficultatis.

Recolendum est, quod supra fusè probavi *scilicet præced.* cum qui ratione probabili ductus aliquid opinatur licere, inuincibiliter dici errare, & ignorantia inuincibili, seu probabili veritatem ignorare. Vnde opinantem ex motiuo probabili excommunicationem non adesse, vel non esse validam, ignorantia inuincibili dicendum est ignorare excommunicationem, & eius validitatem.

Secundo. Recolendum est ad incurrendam excommunicationem requiri peccatum mortale, seu ut loquitur *Conc. mela. relatum in c. Nemo Episcoporum* 1. 1. q. 3. supponi manifestam causam peccati mortalis; item requiri specialem inobedientiam; & contumaciam contra Ecclesiam, prout ex omnibus iuribus & DD. clarum est.

Tertio. Certum est, esse opinionem admodum probabilem, subditum non teneri obedire superiori, de eius auctoritate, & iurisdictione dubium est, siue vniuersaliter, siue particulariter in aliquo casu, quando scilicet est opinio verè probabilis, quod superior vel absolute auctoritatem non habeat, vel in hoc casu, & ad hoc particulare hic, & nunc agendum. Item subditum non teneri parere superiori, quando subditus habet pro se opinionem probabilem, quod aliquid possit licitè fieri, vel omitti, etiam reclamante superiore. At quia opinionem probabilem in praxim deducere possumus, certum

certum sit in hoc casu subditum non obedientem superiori non peccare. Legatur Io: Sanch. *in selectis* d. 33. an. 28. & deinceps.

*Conclusio Vnica:*

**S**ubditus cum opinione probabili agens, asserente esse licitum opus, quod agit, & non esse prohibitum, vel asserente excommunicationem non esse latam, vel non esse validam, nec peccat, nec excommunicationem incurrit.

Prob. conclusio primo quia deducitur *ex c. p. de Postulatione Prælatorum*, quem textum sic induco. Damnat Pontifex Episcopum Altifiodorensem, qui in sua Diœcesi non seruauerat interdictum fulminatum à Legato Papæ, licet se excusantem, quia non fuisset in sua Ecclesia promulgatum, quia nullam sufficientem excusationem adhibebat, sed omnia erant friuola, quæcumq; adducebantur; quia satis superque illius interdicti ad illum fama certa peruenerat: quin in sua Metropolitana Ecclesia tale interdictum fuerat promulgatum, & seruatum; ex quo subdit Pontifex; *hinc liquido constat eum non posse excusari*. Ergo à contrario cum quis potest sufficienter excusari, non est damnandus, nec incurrit pœnas violatæ obedientiæ, & censuræ Ecclesiasticæ, quam non tenetur timere, quia illa non afficitur. In tantum enim Episcopus Altifiodorensis dicitur debuisse seruare interdictum, quia nullam excusationem sufficientem poterat asserere, quare non teneretur, & illo non afficeretur. Et quidem de hoc liquido constabat; vnde tamquam reus violatæ obedientiæ, & non seruatæ censure, quæ afficiebatur, damnatur, & punitur in eo capite; ergo à contrario, qui excusationem habet sufficientem, non afficitur censura, nec illam tenetur

teneretur seruare, seu se gerere, vt illa affectum.

Modo subsumo. Sed in casu opinionis probabilis, & sufficiens excusatio datur, nec liquidò constat, quem teneri, seu affici censura; ergo in eo casu excusatur à censura, & illa non afficitur.

Secundo. Quia ignorantia inuincibilis præcepti validi, & censuræ adnexæ præcepto verè ligantis excusat à præcepto, & censura; sed in casu opinionis probabilis hinc, & inde, est ignorantia inuincibilis, quod præceptū liget, & censura sit valida; ergo tunc hæc excusat quæq; ab obedientia præcepti, & incurfione censuræ. Maior est euidens, quia est omnium iurium, & DD. axiomæ; minor probatur. Tūc est ignorantia inuincibilis rei, quādo res ignoratur, nec quis potest, aut debet certiorari; sed quādo cōcurrunt opiniones hinc, & inde probabiles, qui ignorat veritatē, ita ignorat, vt fortè absolutè non possit scire veritatem; quia absolutè impossibilis est demonstratio, seu euidens cognitio rei; sane non debet aliud efficere, vt inueniat veritatem, cum in probabili opinione tuto quiescat, nec debeat ad vltiora p̄gredi ex ostensis supra *sect. præced.*; ergo tūc est ignorātia inuincibilis, quæ excusat ab omni pæna, & ab omni culpa.

Tertio. Quia ignorantia non incurritur sine contumacia, & inobedientia, quando Ecclesiæ quis parere debet; sed quando vtrimq; sunt opiniones probabiles, eligens quamcumq; non est contumax contra Ecclesiam, nec inobediens est, cum parere non teneatur; cum nō sit certum tunc præceptū obligare, sed hoc sit sub opinione positū: in quo casu quælibet opinio in praxim deduci potest, nec vllum peccatum incurritur inobedientiæ, & contumaciæ, quæ supponit in subdito debitum parendi: quod in subdito non est, quotiescūq; in superiore non est ius certum præcipiendi, quale  
non

non est, cum est probabilis opinio, quod non sit; ergo cum subditus non teneatur obedire, si non obediat, nec inobediens, nec contumax est, & per consequens corrui etiam censura; tum quia est annexa præcepto, tamquam accessorium principali, & corrue[n]te principali corrui etiam accessorium; tum quia hæc non incurritur sine speciali contrauentione, & violatione præcepti, cui certo parendum sit.

Quarto. Quia ex eo, quod sint opiniones hinc, & inde probabiles, quis alterutram sequens, excusatur ab omni culpa, vt concedit cõmunissima sententia Theologorum, pro qua fusè *d. 3. per totam*, & idem docent omnes DD. quos in hoc puncto pro parte opposita citat Diana vbi supra; ergo in casu hoc, quis non parendo Superiori non peccat mortaliter, cum sit opinio probabilis, quod possit efficere, quod prohibet Superior; ergo neq; incurrit censuram. Patet consequentia, quia hæc non incurritur sine certa, & manifesta culpa mortali, *Conc. Meld. vbi supra*, & omnes DD. vnanimi cõsensu; & sanè est indubitatum axioma, quod id, quod valet excusare à culpa, excusat etiam à pena, cum pena sit pro culpa, & grauissima pena, quæ excommunicatio est, non nisi pro grauissima culpa possit imponi.

Et hic aduerte, quod licet nō sit sub opinione, an cēsuræ sit valida, necne, sed solum sit sub opinione hinc, & inde verè probabili, quod id, quod prohibet Superior, non sit illicitum, vel quod à subdito sine peccato fieri potest, per hoc præcisè excusatur ab omni pena, sub qua Superior præcepit; patet quia per id præcisè, per quod quis excusatur à culpa, etiam excusatur à pena, & quod sine culpa sit, nulla pena puniri potest; Iuxta illud. *Rem, quæ culpa caret, in damnum vocari non conuenit c. Cognoscetes de Conflit.*

Debent



Debent autem opiniones, quibus moti præceptis Superioris resistimus, esse verè probabiles; ne si tales non sint, exponamus nos periculo peccandi, & censuras incurrendi. Debet ergo fieri diligentia sufficiens in materia tam graui; & non cuiq; statim credendum; ne leues simus corde, & temerè procedamus, vnde nobis inobediètia imputetur ad culpam; debet ergo fieri maturata, & deliberata consideratio, qualis requiritur ad cõstituendam opinionem verè probabilem. Quæ qualis esse debeat, dictum est supra d. 2. *sect. prima.*

Vltimò demum probatur Conclusio, quia ignorantia Iuris, in quo sunt opiniones hinc, & inde excusat etiam Iurisperitum à dolo, & à pœna quacumq; etiam ordinaria, quia opiniones DD. rem faciunt dubiam, & solum tenetur de dolo, quando articulus Iuris est indubitatus. *Tusch. t. 4. l. I. concl. 10. n. 13.* qui citat *Alex. conf. 19. nu. 11. v. Non enim debet. lib. 7.* Ergo quando sunt opiniones hinc, & inde, an Superior iuste præcipiat, an excommunicatio, seu alia censure imposita sit valida, si quis contra faciat, etiã si vir doctus sit, non tenetur de dolo, nec de vlla pœna, nec ordinaria; ergo nec peccat, nec pœnam censuræ incurrit, cum præsertim excommunicatio sine dolo non incurratur. *Angelus in Summa v. Casus excommunicationis.*

Confirmatur ex *Nauarr. in Man. c. 23. n. 38.* si quis credat probabiliter Superiorem per errorem iussisse, aut nõ iussurũ fuisse si veritatẽ nouisset, nõ peccat nõ obediendo; sed qui habet opinionem probabilem, quod Superior non possit præcipere id, quod præcipit, credit probabiliter Superiorem per errorem præcipere, & non iussurum si veritatem nosset: si enim nosset se nõ posse præcipere, certè non præciperet; ergo in hoc casu non peccat non obediendo; ergo neq; incurrit censuram,

Rr

cum

cum hæc sine peccato non subsistat; tàm enim per errorem credit probabiliter latum esse præceptum, quàm censuram: vnde nec illi parere tenetur, nec illa adficitur.

Et idem dicatur etiamsi ex parte Superioris esset opinio probabilior: quia etiam minus probabilis in praxim deducitur sine peccato, & tunc adhuc saluatur ignorantia inuineibilis, & corrui contumacia, inobedientia, & quæcumq; culpa.

Dices. Si opinio superioris sit vera, censura est valida, quia potuit superior præcipere; ergo tunc ligabit; ergo simpliciter timenda est: vnde saltem ad cautelam petenda absolutio est, & superiori obediendum.

Resp. negando consequentiam, quia adhuc ut excommunicatio liget, non sufficit, quod habeat ex parte agentis, seu ferentis sufficiens principium sui valoris, sed etiam debet cadere supra subiectum aptum: talis autem non est subditus in isto casu, quia esto opinio superioris sit vera, & superior verè in re possit præcipere; hoc tamen quia non constat, & est sub opinione positum, & opinio verè probabilis dicit superiorem in hoc casu præcipere non posse: ideo subditus non obediendo non peccat, sufficièter enim excusatur ab obediendo; subditus autem non obnoxius peccato mortali non potest ligari censura graui, seu excommunicatione maiori, vnde quantum est de se excommunicatio illa est ligatiua, per accidens autè non ligabit; ac proinde subditus absolutè nec peccabit, nec incurret excommunicationem.

Et hinc patet disparitas, quare in dubio etiam probabiliter reservationis tutior pars sit eligenda, secus in dubio probabiliter excommunicationis; quia adhuc ut casus sit reseruatus non pendet ex vlla qualitate pœnitentis, nec igno.

ignorantia inuincibilis à reſeruatione excuſat, cum lex irritans liget etiam ignorantes; at vero excommunicatione pendet à culpa mortali, quam neceſſario ſupponit in ligando, & à negatione ignorantie inuincibilis in ipſo; ideo &c.

Quęcumq; autem in hac, & in præced. ſect. de excommunicatione dicta ſunt, vniuerſaliter dicantur de quacumq; cenſura, quę ex delicto oritur.

## SECTIO QUINTA.

*Quid agendum in dubio Voti.*

**V**otum eſt lex quædam particularis, quam quis ſibi imponit aliquid faciendi, vel omittendi, qua ligatur; & quidem ſi votum ſit de re graui, ſub culpa graui: iuxta illud *Vouete, & reddite Domino Deo veſtro.* & illud, *melius eſt non vouere, quã promiſſa non reddere.*

In dubio ergo voti idem omnino agendum, ac in dubio iuris; nimirum ſi dubitetur, an votũ ſit factum. necne, facta ſufficienti diligentia, ſi nihil inueniatur, quod de voto certificet, voto quis non tenetur, ſed poſſeſſio eſt pro libertate.

Si vero ſit dubium, an votum factum obliget: tunc ſi facta diligentia nihil inueniatur, quod vel probabiliter ſuadeat votum non obligare, votum quis ſeruare tenetur, alias temere non ſeruaret, cum poſſeſſio tunc ſit pro voto; idem dictum volo de iuramento. Et hæc omnia probantur rationibus ſupra adductis ſect. p. de dubio iuris, proportionaliter applicatis. In dubio autem probabili voti, vel iuramenti poteſt quis quam voluerit partem ſequi. Sequitur & hoc ex dictis.

Quando autem dubium contingit, ad quæ extendat ſe votum, vel iuramentum, plura ſcilicet vel pauciora;

in dubio probabili potest quis quamlibet partem in praxim deducere: in dubio autem leui distinguendum est; si dubium oritur præcisè ex intentione vouentis, vel iurantis, etiam pars minus tuta in praxim deduci potest, quia tunc possessio est pro libertate; vnde semper agere poterit perinde, ac si restrictissimam intentionem habuisset. Si autem dubium oriatur ex significatione verborum, quibus votum, vel iuramentum conceptum est, standum est in eo sensu naturali, in quo communiter apud homines verba significant. Vnde si verba significant de se plura, non potest quis dubio leui motus obseruare pauciora. Et si è contra verba de se significant pauciora, non tenetur quis dubio leui ad plura. Si autem verba sumantur in pluribus sensibus, & solèant apud homines significare plura, vel pauciora: tunc si aliunde ex circumstantijs non constet de intentione, quilibet sensus importatus per verba, in praxi obseruari potest, quia possessio tunc est pro libertate, quæ sufficienter non apparet ablata ad eligendum vnum, vel alterum sensum.

Quod si dubium sit de verbis prolatis, & de intentione simul, an scilicet verè intenderit quis se obligare secundum id, quod verba significant; tunc absolute agendum, prout verba sonant, quia præsumitur fuisse talis intentio adimplendi id, quod verba sonant, ex eo, quod talia verba fuerint usurpata, cum quisq; præsumatur loqui sensatè præsertim coram Deo, & intendere id, quod dicit.

Hinc patet resolutio ad illas difficultates, quæ fieri solent. Prima est. Quis vouit ingredi Religionem; vt adimpleat votum, teneturne ad Religionem strictiorem quam dubitat dubio leui, an intenderit. Respondetur enim, quod non, sed quamcumq; ingreditur, votum implet, quia verba non sonant hanc potius, quam  
aliam,

aliam , & inde remanet in sua libertate quamuis eligendi . Idem dicatur ad similia dubia in hac materia . An scilicet teneatur profiteri &c. negativè scilicet , quia verba hoc non exprimunt , & de intentione non constat . *Nauar. lib. 3. conf. tit. de voto conf. 19. nu. 1. & alij multi apud Sanchez in decal. lib. 4. c. 16. n. 89.*

Tertia difficultas est , quis vouet , vel iurat se nolle amplius ulli fœminæ commisceri : excluditurne per hoc votum , matrimonium . Si de intentione vouentis , quæ facile ex circumstantijs desumi potest , non constat , sed remanet tantùm dubium leue , absolutè cenfeo , quod non possit nubere , quia per matrimonium verè commiscetur alicui fœminæ . Vnde contra votum facit . Sane verba hanc commixtionē negant , qui enim negat omnem commixtionem , seu cum quacumq; fœminâ , commixtionem , negat commixtionem siue legitimā , & sinè peccato , siue cum peccato : siue cum fœmina sibi vinculo matrimonij iuncta , siue non . Qui enim ulli fœminæ non vult commisceri , omnem negat , & quis præsumitur se obligare velle , quantum sonat verba , si aliunde de intentione nō constat . Et licet cōmixtio cū fœmina , quæ vxor sit , sine peccato fiat , tamen potest hæc negatio commixtionis cadere sub voto & iuramento , cum sit de meliori bono , & de actu specialis virtutis ; non enim solum obligat votum , seu iuramentum de non peccando , sed etiam de quocumq; actu virtutis , & de meliori bono , quam sit id , quod relinquitur . Excipe , nisi ex circumstantijs posset deduci probabiliter intentionem vouentis solum fuisse se abstinere à commixtione illicita .

## SECTIO SEXTA.

*Quid agendum in dubio facti.*

**D**Vbium facti est, quando dubitamus, an aliquid in re ita se habeat, vel alio modo; an sit factum, vel non; nobis cooperantibus, vel non; de quo teneamur certiorari, eo quod ex ipso resultet aliqua cēsurā, vel aliqua obligatio aliquid faciendi, vel omittendi. Videntur autem DD. aliqui absolute docere in dubio facti semper tutiorem partem esse sequendam, illam scilicet, in qua non potest contingere peccatum, vel in qua solum est periculum minoris mali, cum in alia sit periculum maioris; iuxta illud *Ex duobus malis minus est eligendum*. Et hæc decisio videtur deduci ex c. *iuuenis de sponsal. ex c. ad audientiam, &c. Significasti 2. de Homicid. volunt. &c. Inquisitioni de sent. excommunicationis*.

Verum meo iudicio neque in dubio facti potest absolute vlla ferri decisio, sed cum distinctione procedendum est secundum multiplicia dubia, quæ circa factum occurrere possunt.

Nam in primis potest dubium contingere circa ipsū factum, eo quia non constet, an in re sit positum nec ne; circa quod factum quis sciat se habuisse aliquem influxum, & aliquam cooperationem, ut poneretur, de quo tamen postea dubitat, an sit positum. Secundo potest quis dubitare, an in factum, de quo constat, quis simpliciter influxerit, vel facto sit cooperatus. Tercio potest quis dubitare, an factum, de quo constat, sit secutum ex eo influxu, vel cooperatione, quam, ut factum poneretur, adhibuit. Demum potest aliquis dubitare, an aliquid in re sic, vel aliter se habeat, in quod licet nullam cooperationem habuerit, teneatur tamen diuersimodè se gere re

se gerere ex eius existentia, quam ex negatione ipsius. Hi autem casus sunt omnino distinguendi, quia non in omnibus æqualiter decidendum est. Hęc autem dubia mens non est ita in genere expendere, & explicare, sed applicata in particulari, & casibus particularibus illa, resolvere; ex his enim postea colligetur facillè, quid circa hæc dubia in genere dicendum sit.

Inter dubia autem facti primum dubium est de homicidio, ex quo contrahitur Irregularitas. Non loquor autem de dubio iuris, quod possit contingere circa irregularitatem, eo quod scilicet quis dubitet, an in aliquo casu sit à iure statuta irregularitas, nam tunc fieri debet sufficiens diligentia, ut veritas inueniatur; facta autem sufficienti diligentia, si quis in dubio remaneat, nec possit certiorari, tunc certum est, quod irregularitatem non incurrit: præsertim si irregularitas sit pœna, quæ ex aliquo delicto oriatur. Si quis inquam in dubio maneat siuè leui, siuè probabili orto ex contrarijs DD. sententijs probabilibus, alijs affirmantibus irregularitatem adesse, alijs negantibus.

Dixi quod certum est, quod tunc non incurritur irregularitas, tùm quia hoc deducitur ex c. *Is qui de sent. excom. in 6.* vbi deciditur nullum contrahere irregularitatem, nisi in casibus à iure expressis; non autem est casus expressus in iure, quod est idem ac dicere manifestus, de quo DD., & Iurisperiti disputant; vel de quo facta sufficienti diligentia, quæ importat consulere peritos, euoluere leges, & decreta, quis nequit certiorari; sed tunc casus est dubius, & non expressus. Tùm quia, qui ignorat inuincibiliter statutum præcipiens sub aliqua pœna, non ligatur statuto, nec incurrit pœnam, iuxta illud, *statutis quorumcumq; Ordinariorum ligari nolumus ignorantes c. 2. de constit. in 6.* quod decretum intelli-

intelligitur communiter de quocumq; iure ; sed dubitans modo prædicto , nec potens certiorari, inuincibiliter ignorat statutum, & pœnam; vt ostensum est *sect. 3.* ergo neque ligatur statuto , neque incurrit irregularitatem , quæ pœna est.

Dico irregularitatem, quæ pœna est ; quia irregularitas, quæ non est pœna , incurritur etiam ab ignorante inuincibiliter. Et ratio est, quia, ideo irregularitas, quæ est pœna, non incurritur ab inuincibiliter ignorante statutum, quia iste, cum non peccet transgrediendo legē, quam ignorat, non debet affici pœna: iuxta illud, *rem, quæ culpa caret, in damnum vocari non conuenit. c. cognoscens. de conslit.* Illa autem, quæ non est pœna, incurritur etiam sinè culpa, & ideo ignorantia ab illa non excusat. Incurritur enim propter specialem indecentiam, quam secum affert naturaliter aliqua actio, siue fiat cum culpa, siue sine culpa. Hęc certa sunt apud omnes.

Quod autem spectat ad dubium facti, quod in præfenti homicidium est. Aduerte diligenter Pontificem clarè decidere in *c. ad audientiam*, & *c. significasti 2. de homicidio*, in dubio homicidij quemq; censendum esse irregularem. Dico censendum, quia non dicitur ibi verè esse irregularem, cum quod verè sit irregularis, pendeat ex eo, quod verè sit interfector; vnde cum in dubio sit, an interfecerit, per consequens in dubio remanet, an in re irregularis sit. Neque enim putandum est, quod Pontifex decernat in dubio homicidij quem esse irregularem, quasi ipsi homicidio dubio imponatur irregularitas: vnde quis incurrat verè irregularitatem, siue interfecerit, siue non, per hoc præcisè, quod de ipso dubitatur, an interfecerit: oppositum enim clarè colligitur ex illis textibus, vbi dicitur. *In dubijs, tutior pars*



*pars est sequenda.* In dubijs scilicet, an quis contraxerit irregularitatem; ergo sub dubio etiam manet irregularitas. Et præcipuè hoc clarè patet *ex c. Significasti* 2. ubi Pontifex clarius assignat rationem, quare in dubio homicidij, quis se gerere debeat irregularem, *quia tutius est cessare, quam temerè celebrare*; ergo adhuc sub dubio est, an sit contracta irregularitas: alias non tutius, sed certum omnino esset, cessandum esse à celebratione. Solum ergo Pontifex relinquens veritatem in suo loco præcipit, vt se gerat tamquam irregularem, ne si re vera interfecit, ac proinde irregularitatem contraxit, malè celebret. Tutius ergo agat, se huic periculo non exponat, & ad cautelam dispensationem petat.

Iam autem videamus, in quo dubio homicidij, quis debeat se gerere, vt irregularem.

#### Conclusio Prima.

**C**ertus se habuisse cooperationem aliquam in homicidium, puta consilium, vel quid simile, quod dubitat, an sit secutum, & de quo etiam facta diligentia sufficienti, nequit certiorari, non debet se gerere tamquam irregularem, aut dispensationem petere. *Sanch. lib. p. in Decal. c. 10. nu. 44.*

Suppono autem tamquam certum, quomodolibet cooperantem posituè ad homicidium, saltem quo ad substantiam, irregularem esse, quæ irregularitas est statuta in *c. de Cætero*; iuncta *Gl. ibidem*, & *c. Significasti* 2. de homicidio: ubi expressè consulentes, inuitantes, sollicitantes, & quauis ope adiuuantes ad homicidium, irregularitatis damnantur.

Dixi quoad substantiam saltem, quia probabile est, quod cooperantes ad homicidium alioquin certò secuturum, cooperantes inquam solum, vt citius, & vt ala-

Si

crius

crius fiat, non sint irregulares, ex allatis à Diana. p. 8. resol. 92.

Probatur Conclusio, quia factum in dubio nunquā præsumitur, sed probatur: tunc præsertim, quando de nulla causa constat, de qua dubitari possit, an sit adæquata, & ex qua, ex eo quod fuerit, possit sequi effectus; tunc enim non est possessio pro causa, quæ ex eo, quod sit, videatur clamare pro suis effectibus, quia de nulla causa constat, quæ adæquatè possit effectum inducere, & effectus ipse, an sit secutus, sub dubio est; ergo tunc effectus non præsumitur, sed potius præsumitur negatio effectus, quæ est in sua possessione certa, à qua non debet tolli, nisi per certam possessionem effectus, non vero per dubiam, quæ non æquivalet ipsius certæ possessioni; certè non præsumitur ablata negatio effectus, nisi possit præsumi positus effectus; sed cum non constat ad minus de causa adæquata effectus, potente effectum producere, non potest præsumi effectus; ergo quando tantum constat de positione causæ inadæquatæ, de se non potentis effectum producere, non potest præsumi ablata negatio effectus; sed sic res se habet in casu nostro; ergo &c.

Probatur assumptum, quia licet certa sit cooperatio, vel consilium in morte in alicuius, de hac tamen cooperatione, vel consilio, nec leuiter dubitari potest, quod sit adæquata causa mortis: cum hæc à voluntate, & executione operantis pendeat, non à consilio solum suadentis; ergo, quantum est ex vi consilij, seu cuiusvis alius similis cooperationis non potest præsumi factum, seu secuta mors, de qua dubitatur, nec possumus certiorari. Vix enim, vel ne vix quidè ex positione certa causæ adæquatæ, vel de qua vehementer dubitetur, an sit adæquata, potest præsumi effectus

effectus securus, præsertim iste, qui accidentalis est, & tot circumstantijs occurrentibus euitari potest; ergo si non potest præsumi mors secuta in hoc casu, neque potest præsumi quis irregularis: præsumptio enim irregularitatis non potest oriri, nisi ex præsumpta morte; ergo neque in hoc casu debet quis se gerere, vt irregularem, si neq; potest præsumi talis. Quis enim dicat debere quem, se gerere vt reum, qui neq; potest præsumi reus.

Confirmatur. Quotiescumq; aliquid est in certa possessione, & nec probabiliter constat, quod ex possessione deciderit, debet præsumi in sua possessione perseverare, licet insurgat dubium super eius possessione; sed in casu nostro negatio mortis est in sua possessione certa, nec est aliquid, quod vel probabiliter ostendat hanc ex sua possessione decidisse; & causa, propter quam dubitatur, de se non est sufficiens ad eam deturbandam de sua possessione; ergo debet præsumi negatio mortis in sua possessione perseverare, ac proinde homicidium non fuisse securum; ergo neq; debet præsumi irregularitas.

Dices. Debet præsumi secuta mors, quia in dubijs tutior pars est eligenda, præsertim in dubio irregularitatis ex homicidio. *arg. c. Ad audientiam, & c. Significasti 2. de homicidio.*

Contra tamen est, quia dubium facti, de quo in textibus allatis, est toto Cælo diuersum ab eo, de quo agimus; nam ibi constabat de facto, nempe de morte secuta: item constabat de tali cooperatione; seu influxu in mortem, qui dubitabatur, an fuisset causa adæquata mortis. Vnde tunc benè poterat præsumi secuta mors ex tali cooperatione, seu influxu: secus autem in casu nostro; ideo &c.

Urgebis. Etiam in casu nostro potest esse, quod sit secuta mors, & quidem ex consilio, seu cooperatione adhibita; ergo potest contingere absolute, quod sit irregularis; ergo cum in dubijs tutior sit pars eligenda, debet se gerere, ut irregularem, ne se exponat periculo peccandi, & indebitè celebrandi, vel Ordines suscipiendi.

Sed contra est, quia si volumus ad omnia possibilia etiam remota advertere, & semper tutiori modo operari, ridiculi euademus: nec Deus, nec Ecclesia hoc à nobis exigit, alias quot scrupulis angeremur, seu melius, quæ nobis relinqueretur agendi libertas.

Dico igitur, quod verè in hoc casu esse potest, quod quis sit irregularis, hoc tamen possibile nimis remotum est, quia de causa adequata non constat, sed nec de causa, de qua, vel leuiter dubitari possit, quod sit adequata. Item de effectu non constat, nec probabiliter, unde, quod mors secuta sit, nimis remotè possibile est. Facta ergo sufficienti diligentia, & nihil inuento, per quod, vel probabiliter de morte constet; huius possibilis nulla ratio habenda est. Et ad hoc probandum applico à sensu contrario textum in c. *Significasti citato*, ubi Pontifex reddit hanc rationem, quare ille, de quo agebatur, deberet se gerere tamquam irregularem; quia, ait, *tutius est cessare, quam temere celebrare*. Rogo modo; In hoc casu, & in hoc possibili adeò remoto temerè ne quis celebraret? sanè non: probabilissimam enim habet rationem, vi cuius se non debeat gerere, ut irregularem, ut ostensum est; ergo non temerè agit, si se non presumat irregularem, & si celebret; ergo in hoc casu non debet cessare, & sequi partem tutiorem.

Addo, quod nulli periculo se exponit, qui cum hoc dubio non se gerit, ut irregularem, esto Sacerdos sit,

& in sacris Ordinibus ministret. Nam irregulari licet certo, in sacris Ordinibus ministranti, vel Ordines suscipienti, nulla pœna est in Iure statuta, unde nullam incurrit. Bonac. *de Cens. d. 7. q. p. punct. 4. prop. p. num. 4.* qui multos citat. Peccat quidem mortaliter irregularis certus, si celebret, vel ordines suscipiat, quin etiam primam tonsuram; sed in hoc dubio quis à peccato omnino immunis est, cum prudenter operetur, nec debeat se præsumere irregularem.

Quod vero spectat ad usum Iurisdictionis in foro Pœnitentiæ, peccat quidem irregularis, si absoluat, valida tamen est absolutio, si denunciatus talis non sit; sed hoc est verum, quando certò est irregularis; vel ad summum, quando debet se præsumere talem. Idem Bonac. *ibidem prop. 3. nu. 19.* sed dubius, de quo in præsentì non peccat, ut supra; & à fortiori validè absoluit. Ideo nulla est ratio, qua obligetur ad se gerendum, ut irregularem.

Confirmo hæc omnia. Reliquæ pœnæ irregularibus statutæ, quæ forum externum respiciunt, infligentur ne alicui in hoc dubio? certè non. Ergo neq; debet affici pœnis, quæ forum animæ respiciunt, quod forum est misericordia plenius, & pietate.

Quæres. Si quis in hoc casu, antequam faceret sufficientem diligentiam temerè ordines susciperet, si postea facta sufficienti diligentia, non possit de secuto homicidio certiorari, debetne ab ordinum ministerio abstinere.

Resp. Quod iste peccauit quidem, eo quod temerè ordines suscepit, sed in nullam pœnam Ecclesiasticam incidit, quia nulla est in Iure statuta huic peccato, & huic temeritati; unde si facta sufficienti diligentia nihil inueniat, est in possessione suæ libertatis; & sicut si fecisset

cisset prius diligentiam, poruisset ordines suscipere, sic ordinibus susceptis, potest in illis liberè ministrare. Bonac. *ibid. punct. v. prop. 2. nu. 5.* & idem dic in quibuscumq; casibus similibus, siuè Iuris, siuè facti.

*Conclusio Secunda.*

**C**ertus se posuisse causam adæquatam homicidij, & dubius de effectu secuto, tenetur se vt irregularem gerere, si causa moraliter à communiter accidentibus semper sit connexa cum tali effectu: secus, si moraliter loquendo contingens est, quod cum effectu sit connexa.

Conclusio ad minus quo ad primam partem communis est omnium DD. teste Diana. *p. 8. tract. 7. resol. 6.* qui tamen assert Io: Escobar vniuersaliter aientem, què non esse censendum irregularem, quando est dubium facti, an scilicet homicidium sit secutum; cuius sententiam probabilè appellat alius Escobar Soc. Iesu, ex Diana ibidem; qui tamen ab opposita sententia auctoritate communi, & praxi Pœnitentiariæ firmata non audet recedere.

Probatum autem, quia causa, quæ moraliter loquendo semper est connexa cum tali effectu, quotiescumq; ponatur, semper præsumitur causare dictum effectum; alias, si sæper quâdo est, nō præsumitur causare dictum effectum: ergo moraliter non est semper connexa cū tali effectu. Sic argumentum à communiter accidentibus vim habet; quia quod à communiter accidentibus accidit semper præsumitur accidere in quocumq; casu particulari, de quo dubitetur; ergo causa, quæ à communiter accidentibus semper moraliter est connexa cum homicidio, quotiescumque ipsa ponitur in re, præsumitur ex ipsa sequi homicidium; ergo quotiescumque quis posuit

posuit causam adæquatam homicidij, ex qua, licet absolute phisicè loquendo possit non sequi homicidium moraliter loquendo tamen semper sequitur, præsumitur omnino commisisse homicidium, nec potest præsumi oppositum, ergo præsumitur irregularis. Sicut enim sese consequuntur hæc duo, commisisse homicidium, & esse irregularem; sic hæc duo, præsumi commisisse homicidium, & præsumi irregularem. Sed qui ita moraliter præsumitur irregularis, ut non possit non præsumi talis, debet se gerere ut irregularem, alias temerè non se gereret ut talem; ergo qui ponit causam adæquatam, moraliter, & a communiter accidentibus semper connexam cum homicidio, tenetur se gerere ut irregularem. Et hic valet illud axioma; *Tutius est cessare, quàm temerè celebrare.*

Confirmatur. Si aliqua causa sit semper phisicè connexa cum suo effectu, semper quotiescumq; ponitur, est etiam talis effectus; ergo si causa semper sit moraliter connexa cum aliquo effectu, semper ac erit talis causa sufficienter applicata, erit etiam moraliter talis effectus. Quid est autem moraliter esse semper talem effectum? Est iudicio prudentum semper esse, semper præsumi, quod sit. Hinc applica ad homicidium.

Urgeo. Causa moraliter semper est connexa cum homicidio; ergo quando est, semper moraliter est in possessione sui effectus, seu homicidij; ergo in dubijs, an talis effectus sit; & consequatur suam causam, pro causa est iudicandum, & pro possessione ipsius, iuxta illud, quod in qualibet materia valet, In dubijs melior est conditio possidentis; ergo si semper præsumitur secutum homicidium, in hoc casu quis se gerat ut irregularem; quia in tantum posset se non gerere ut irregularem, in quantum posset præsumi non secutum homicidium.

Sed

Sed dices, ex Escobar relato à Diana ubi supra. Numquam ob factum dubium quis à iure punitur pœna certa; ergo licet causa sit semper moraliter connexa cum suo effectu, quia adhuc effectus seu homicidium dubium est, non debet affici pœna certa irregularitatis, nec debet se gerere ut irregularem: quia si se gerat ut irregularem, perinde est ipsi, ac si verè irregularitatis pœna puniretur.

Cōfirmatur ex eodem. Dubio facti manente potest quis uti ea possessione, in qua erat ante factum dubium: ex hac enim possessione non tollitur per causam certā facti, sed per factum certum; ergo si factum non constet, non potest tollere certam possessionem, quæ erat ante factum.

Resp. primo, quod ego non dico, quod hic sit verè irregularis in re; nam irregularitas, cum sit certa pœna, & certo delicto, seu facto ut secuto adnexa, in re non contrahitur, nisi effectu secuto: unde ille in re pœna irregularitatis non afficitur, nisi certò secutum sit homicidium. Dico tamen, quod quia moraliter certò præsumitur secutum, ideo par est, ut se gerat tamquam irregularem, & temerè non celebret, seu ordines suscipiat: alias se exponet periculo moraliter certo celebrandi cum irregularitate, & per consequens peccandi mortaliter; cum moraliter certum sit hunc occidisse, & per consequens irregularitatem incurrisse.

Ad id, quod additur, quod si se gerat ut irregularem, perinde est ipsi, ac si verè pœna irregularitatis puniretur. Resp. Hoc non esse absurdum, sicut inductione patet in omnibus alijs pœnis, præcipuè, quæ forum animæ concernunt. An non fortasse qui certò moraliter præsumitur excommunicatus, non debet se gerere ut talem? Qui certò mortaliter præsumitur peccasse, non debet



debet se gerere, vt si mortaliter in re peccasset? Qui certò moraliter præsumitur suspensus, non debet se gerere, ac si in re suspensus esset? Alias, quæ absurda sequerentur, si solum de excommunicatione phisicè certa, de peccato phisicè certo, de suspensione phisicè certa &c. quis curare deberet? Neque hoc iniquè fit, cum alioquin ille, de quo agitur, mereatur hanc pœnam, cum quantum est ex se, factum posuerit, & ex alia parte inflet periculum peccandi, si secus agatur.

Dixi, præcipuè quoad ea, quæ fori animæ concernunt, quia aliæ pœnæ, quæ à Iudicibus solent imponi pro irregularitate; puta, priuatio beneficiorum &c. quis non debet præsumere, quod ipsum afficiant; sicut nec à Iudicibus pro facto dubio debent imponi. Sánchez. in decal. lib. p. c. 10. nu. 45. vbi testatur de communi. Quamuis fortasse in hoc dubio à Iudicibus imponeretur, cum moraliter certò præsumatur delictum fuisse commissum, & factum securum. Cum præsertim in foro fori præsumptiones certæ ipsi veritati equiualeant.

Resp. secundo ad argumentum, quod licet in hoc casu homicidium sit dubium ex parte effectus, in quantum scilicet ipsius homicidij nulla habetur notitia; tamè ex parte causæ homicidium est certum moraliter, quia causa moraliter certiorat de effectu cum ipsa moraliter semper connexo. Vnde timeat quis se incurrisse pœnam, & ad cautelam petat absolui.

Ad cõfirmationē dico, posita causa certò moraliter connexa cum effectu possessionem certò præsumi pro ipso effectu; vnde possessio libertatis, quam quis habebat, amittitur, vel præsumitur amitti ex hoc ipso, quod ponitur causa semper moraliter connexa cum tali effectu. Amittitur ergo tertio effectu secus, sed præsumitur amissa, causa posita, ex qua moraliter semper

T t

sequi-

sequitur effectus, talem tollens libertatem. Et ideo ne quis periculo peccandi se exponat, debet tutiorem partem sequi, & se gerere ut irregularem.

Urgebis ex eodem. Dubius de damno illato absolute non tenetur ad restitutionem; ergo neque dubius de homicidio, tenebitur pœna irregularitatis.

Resp. quod an dubius de homicidio afficiatur in re pœna irregularitatis, Deus scit, qui solum novit, an homicidium in re sit secutum. Dico autem, quod tenetur se gerere ut irregularem ad cautelam, ad evitandum periculum peccandi mortaliter, & temerè celebrandi; cum moraliter in casu conclusionis certò præsumatur effectus secutus. Nullum est autem periculum peccandi, vel temerè inferendi iniuriam alicui, si quis non restituat, nisi certus de damno illato; nam si facta sufficienti diligentia non potest certiorari, an alicui damnum sit illatum, & quæsitæ persona, cui timetur damnum illatum, illa non comparet, nec queritur de damno, quod patitur, cui fieri debet restitutio, seu potius, cui debent compensari damna? Præsumitur ergo tunc nulla persona fuisse offensa, alias petita reclamaret. Secus autem in casu nostro, quia persona de qua queritur, ideo quia non apparet, ideo quia non reclamaret, præsumitur occisa. Ideo disparitas.

Præterea ecce aliam disparitatem. Ego non dico, quod in casu nostro hic sit irregularis, & quod absolute dispensationem petat, sed ad cautelam solum, & sub conditione. At ille, qui debet restituere, cui debet restituere ad cautelam, & sub conditione? Adde, restituere sub conditione est dare cum hoc pacto, quod sit reddendum id, quod datur, si non sit damnum illatum; cui autem debet, aut potest dari pecunia, hoc modo? fortè ne Ecclesiæ, vel alicui in depositum? Benè; sed hoc depositum

depositum seruare quilibet potest apud se, & sic sufficit, quod animum habeat paratum restituendi quotiescumq; constabit de damno illato; quod certe fieri debet, sed non antecedenter restituere, cum nō possit imminere opus, quod necessario exigat, quod quis in re sit immunis à damno illato. Secus autem in casu irregularitatis; ideo &c.

Dices. Non præsumitur factum, sed probatur; ergo non debet quis præsumi homicida, & irregularis.

Resp. Quod absolutè sine sufficienti fundamento factum non præsumitur; sed quando est iuxta causa præsumendi, & quidem adeo valida, ut in casu nostro; factum non solum potest, sed debet præsumi, cum hæc ipsa præsumptio sit valida facti probatio.

Vt autem asseram aliquod exemplum Conclusionis, & non semper in vniuersali loquar, hoc accipe. Si quis venenū, quod hominibus propinarum à communiter accidentibus semper interficit, alicui propinet, & postea dubius remaneat de morte ipsius, debet se præsumere irregularem. Item quis explodit tormentum bellicum in multitudinem simul confertam hominum, habet occasionem dubitandi, an aliqui mortui sint, sed non potest certiorari; se gerat ut irregularem. Sic in facti contingencia, vidi ego actum Romæ cum quodam Religioso, qui cum adhuc sæcularis esset, iussit in Castro suæ Iurisdictionis explodi tormentum bellicum contra quosdam milites illac pertranseuntes, cum quibus populares rixabantur. Dubitans enim hic, an ex dicta explosione aliqui ex illis militibus fuissent occisi, dispensationem petijt, sic consulentibus Doctoribus.

Secunda vero Conclusionis pars probatur, quia causa posita etiam moraliter non nisi contingenter est cō-

nexa cum effectu, & aliquando effectum causet, aliquando non; ergo non minus ex positione ipsius potest presumi effectus, quam negatio effectus, ac proinde non minus potest presumi, quod sit, quam quod non sit irregularis. In pari autem causa, & cum iura partium sunt obscura, reo saueudum potius, quam actori; ergo homini saueudum, quod irregularis non sit, nec se gerat, ut irregularem.

Confirmatur. In hoc dubio possessio est pro immunitate à pena, & pro libertate. Nam hæc possessio per quid aufertur? non per effectum, qui dubius est: non per causam, cum qua non minus etiam moraliter stat effectus, quam negatio effectus; ergo nihil est, quod ullo pacto possit hanc possessionem deturbare. In dubijs autem melior est conditio possidentis.

Dices. Se debet gerere ut irregularem, quia tutius est cessare, quam temerè celebrare: & quia sic deciditur in *c. ad Audientiam. Significasti 2. Et Petitio tua. de homicidio voluntario.*

Resp. Quod in nostro casu quis temerè non celebraret, quia non temerè, sed cum maximo fundamento non presumeret irregularem. Textus, qui afferuntur, non sunt ad rem. Nam in duobus primis est sermo de dubio, an quis occiderit, quando quis certus est de effectu secuto, & de sua cooperatione, à qua solum dubitat, an homicidium oriatur. In casu autem nostro etiam dubitatur de effectu secuto.

Textus item allatus in *c. Petitio tua*, nec est ad rem; non quidem propter id, quod dicit Præpositus apud Dianam *p. 4. tract. 2. resol. 30.* quia scilicet Pontifex ibi loquitur non in dubio, sed quando quis potest formare probabile iudicium, quod occiderit, quia dicit, *si conscientia te remor deat.* Nam hoc dici non potest, loquitur enim

enim

enim ibi Textus clarissimè in dubio, & conscientiam remordere, stare potest, etiam cum dubio vehementi, licet non sufficienti ad opinandum; sed benè ille Textus non est contra nos, quia ibi erat casus de positione causæ, quæ moraliter semper est connexa cum effectu; ait enim Textus, *unde cum pro eo, quod percussisti aliquos, metuas irregularitatem incurrisse*. Ex quo sequitur, quod constabat de percussione plurium, & quidè graui in bello; ex qua à communiter accidentibus moraliter semper aliquis perit, saltem aliquis illorum, qui sunt percussi; hic autem non sumus in casu; ideo &c.

Exemplum autem Conclusionis sit; Quis explodit contra aliquem sclopetum, nescit an vulneratus, vel mortuus remanserit, dubitat, nec potest certiorari, non se gerat ut irregularem.

*Conclusio Tertia.*

**C**ertus de homicidio secuto, dubius autè, an in homicidium simpliciter influxerit, non se gerat ut irregularem, si facta sufficienti diligentia remanet dubius. Si autem sit certus de homicidio secuto, & sit certus de sua cooperatione in homicidium, & solum dubitet, an homicidium secutum, ex sua cooperatione secundum substantiam aliquo modo ortum sit, siue adæquatè, siue inadæquatè, se gerat ut irregularem.

Conclusio quoad primam partem probatur, quia in hoc casu nulla potest esse præsumptio benè fundata, quod occiderit, nec vllum fundamentum, nec probabile habere potest, quod occiderit; ergo temerè se gereret ut irregularem, & sine fundamento; ergo cum fundamento maximo nō se gerat ut irregularem. Quodnam est hoc fundamentum? Possessio suæ libertatis, & immunitatis à pœna, præsertim cum factum hoc est, coope-

cooperatio non præsumitur, sed probari debet. Item, Actore non probante reus absolvitur; ergo nulla ratione valida probante se occidisse, seu ad homicidium cooperasse, absolvatur à culpa, & pœna.

Sit Conclusionis exemplum. Quis dubitat, an consuluerit alicui homicidium, quod postea scit ab illo fuisse commissum; non potest certiorari, non se gerat ut irregularem.

Dices. Tenetur confiteri se dubitare, an homicidio consilium dederit; ergo tenetur se gerere etiam ut irregularem, & sicut petit absolutionem sacramentalem, in hoc dubio, sic petere tenetur dispensationem ab irregularitate.

Resp. Concesso antecedente, quod tamen ab aliquibus negatur; nego consequentiam. Disparitas est manifesta, quia est præceptum confitendi peccata etiam dubia, in ipsa natura confessionis inclusum, quæ hanc obligationem secum affert, quæ iam ex communi praxi, & consuetudine Ecclesiæ immemorabili, & ab ipsis Apostolis transmissa omnes afficit, & ligat. Vid. Cardinalis de Lugo de Pœnit. d. 16. sect. 2. §. 3. Cæterum, quod quis se gerat ut irregularem in hoc casu, nullum est præceptum in Iure; quæ enim sunt præcepta, ut quis se gerat, ut irregularem in dubio homicidij, sunt pro alijs casibus, ut supra. Addo, quod culpa dubia potest quidem absolutioni exponi, etiam si non præsumatur: sed pœna quis non est censendus affici, nisi ad minus probabiliter culpa possit præsumi, cum non videatur Ecclesiam velle punire pœna aliqua illos, qui nec probabiliter sunt culpæ conscij.

Secunda verò Conclusionis pars probatur primo, quia sic est definitum in Iure Canonico c. ad Audientiam, & c. Significasti 2. de homicidio, scilicet certum de homi-

homicidio secuto, in quod quis sufficienter influxit, si dubius sit, an ex suo influxu secuta sit mors, se debere gerere vt irregularem; parum autem refert, quod causa sit totalis, siue partialis, dummodo re vera influat in substantiam actus.

Probatur secundo Conclusio à priori, quia qui ponit causam influentem natura sua in effectum effectu secuto, præsumere debet causam in effectum influxisse. Vnumquodq; enim, quod natura sua aptum natum est agere, sufficienter applicatum præsumitur agere, sicut aget necessario, si non impediatur. Impedimenta autem non præsumuntur; præsertim effectu secuto. Vnde præsumptio semper est pro influxu causæ; ergo qui posuit causam natura sua influentem in homicidiū, siue partialem, siue totalem, præsumitur homicidium commisisse; ergo præsumitur irregularis. Ergo se gerat vt talem; peccaret ergo mortaliter, si se non gereret vt irregularem, quia temerè celebraret.

Ex quo infero, consulentem alicui homicidium effectu secuto, debere se gerere vt irregularem, etiamsi dubitet, an homicidium ex eius consilio sit secutum; quia consilium de se est aptum natum influere in homicidium; & fuit sufficienter applicatum, & homicidium est secutum; ergo præsumitur ex dicto secutum consilio. Sanè præsumptio est contra Consulentem, qui nō solum reus erit irregularitatis, sed tenebitur etiā stante hoc dubio compensare damna secuta ex homicidio, si principalis executor non restituat, & resarciat damna.

Excipe tamen quo ad vtrumq; quando præsumptio bene fundata, & probabilis daretur, quod homicidium ex dicto consilio secutum non sit: quæ præsumptio quando sufficiat, & ex quibus capitibus oriatur, iudicio prudent-

prudentum standum est. Ex occurrentibus enim circumstantijs in contingentia facti hoc decidi debet. Vid. Sanch. *loc. cit. nu. 44 in fine*.

Dices. Pontifex, dum decernit, quem esse censendū irregularem, loquitur in casu cooperantis positiuē ad homicidium vulnerando; ergo quia leges pēnales non sunt extendendæ, non debet trahi hoc etiam ad consulentes.

Resp. Quod, vt adnotaui initio *huius sectionis* Pontifex ibi nihil præcipit, nec vllam pēnam infligit, sed solum docet, quid in aliquo casu sit agendum: nempe in casu dubij homicidij; docet inquam in eo casu, quem esse censendum irregularem, (nō afficit irregularitate) quia in eo casu præsumitur occidisse, vnde temerē celebraret. In quocumq; ergo casu, in quo quis præsumere- tur occidisse, vel ad homicidium, quo ad substantiam cooperasse, debet præsumi irregularis, & non celebrare, ne celebret temerē; quia, ergo etiam in casu consilij quis præsumitur interfector, ideo temerē celebraret, si irregularitatem consulentibus inflictam non timeret, & non peteret prius ad cautelam absolui; ideo &c. Præterea, non debet quis se in illo casu gerere vt irregularē solum, quia Iura id præcipiunt, sed quia etiam ratio vtiget; in quocumq; ergo casu eadem ratio militat, idem dicendum, ac agendum erit.

Quod verò spectat ad dubium irregularitatis, quæ timetur ex abortu. Si quis dubitet, an sit irregularis, quia licet causam dederit abortui, dubitat tamen de facto secuto, nec potest certiorari, eodem modo omnino discurrendum, ac in *duabus primis Conclusionibus* dictum est de dubio homicidij: eedem enim rationes militant; & omnino legatur *Diana p. 7. tract. v. resol. 26.* vbi asserit doctrinam pulcherrimam, quæ mirificè con-

clusiones



clusiones nostras, secundam præcipuè confirmat. Et si-  
militer idem dicatur, *ac in tertia Conclusionè*, si abortu  
secuto, & præstita sufficienti cooperatione ad abortu,  
solum dubitatur, an ex prædicta cooperatione abor-  
tus sit securus, puta ex consilio. Videatur Diana ibidè.

Si autem sit dubium de irregularitate, quia licet sit  
certus abortus, & certa cooperatio, dubitatur tamen, an  
fœtus fuerit animatus, quid dicendum? Cõmunis sen-  
tentia affirmat sic dubitantem debere se gerere vt ir-  
regularem. Multi DD. à Diana relati, tùm p. 4. tract. 2.  
resol. 16. tùm p. 7. tract. 5. resol. 24. negant; & hæc sen-  
tentia probabilis est Aufonio Noctinot viro eruditissi-  
mo, & mihi absolutè videtur vera.

Moueor, quia adhuc vt quis prudenter debeat se  
gerere vt irregularem, debet cum aliquo fundamento  
præsumere posse se occidisse, ac proinde cooperasse, vt  
abortus sequeretur fœtu animato: alijs si non præsu-  
mere potest se occidisse, quomodo potest præsumere  
se irregularem: quando præsumptio irregularitatis  
ex præsumpto homicidio oritur; sed in hoc dubio  
quis non potest præsumere fœtum animatum fuisse;  
nam nec probabiliter de hoc constat, nec suppetit vlla  
causa, vel aliquod signū animationis sufficiens ad aliud,  
quam ad dubitandum; ergo nequit præsumere se ho-  
micidam. Addo. Animatio fœtus est quid facti; ergo nõ  
præsumitur, sed debet probari; ergo quoad vsq; non  
probetur, eius ratio habenda non est; non probatur au-  
tem per hoc, quod dubium de illa occurrat. Insto. Pos-  
sessio est pro negatione animationis fœtus, quam prius  
certum est fœtum non habuisse; ergo in dubijs pro  
illa decidendum est, quia melior est conditio possiden-  
tis, & illa præsumitur perseverare; ergo non præsumi-  
tur commissum homicidium, & per consequens non

bous)

Vu

est

est, quod quis se gerat ut irregularem.

Iura autem, quæ in dubio homicidij volunt, ut quis se gerat ut irregularem, non sunt contra nos, nec in hoc casu militant; quia ibi est sermo de cooperatione certa in mortem hominis re vera viui, & certo viui: at in casu nostro dubium est, an ille foetus, cuius procuratur extinctio viuus sit, an non; unde textus illi hunc casum non comprehendunt: ut benè aduertit Machadus relatus à Diana, ubi supra.

Sed dices. Ergo si quis hominem dormientem vulneribus confodiat, dubius, an verè dormiat, vel sit mortuus, dubio contingente siue ante, siue post factum, non debet se gerere tamquam irregularem, quia similiter dubitat de vita illius, quem alioqui scit se confecisse: hoc autem videtur absurdum; ergo &c.

Resp. Negando consequentiam. Disparitas est manifesta; quia in hoc casu, Possessio est pro vita dormientis: cum enim vita præfuerit, præsumitur durare, quousque; non constat de eius ablatione; unde in dubio, an qui antecedenter viuebat, viuat adhuc, dum reperitur in statu, in quo non constat de morte, quia in eo statu homines viuunt, in statu scilicet dormiendi, præsumptio est pro ipsius vita, & qui illum vulneribus conficit, præsumitur hominem viuum interficere, & per consequens præsumitur irregularis. At vero in casu nostro Abortus, quando dubium contingit, an foetus fuerit animatus, possessio est pro non animatione foetus, quæ antea erat, & nondum constat fuisse ablatam. In dubijs autem melior est conditio possidentis, & hinc in hoc dubio præsumendum est pro non animatione foetus. Unde procurans abortum effectu secuto cum hoc dubio præsumitur non interfecisse hominem, & per consequens neq; debet præsumi irregularis.

Quod

Quod verò spectat ad alias irregularitates, quæ non inquiruntur ex homicidio, sed ex alijs capitibus. quid dicendum?

In primis, quod attinet ad dubium irregularitatis ex mutilatione, seu ex quouis alio facto proprio, ex quo quis irregularitatem incurrat, cenfeo omnino procedendum eo modo, quo in dubio facti homicidij: quod scilicet se gerat tamquam irregularem, quando dubitat de mutilatione à se facta, quando tenetur se gerere ut irregularem in dubio homicidij; & non teneatur se gerere ut irregularem in dubio mutilationis; quando non tenetur se gerere ut irregularem in dubio homicidij; quia eedem militant rationes; & sicut homicidæ statuta est in Iure pœna irregularitatis, sic mutilanti *c. is qui. de homicid. in 6.*

Sed dices. Est speciale in dubio facti homicidij, quod quis censetur ut irregularis, quia hoc expressè; deciditur in Iure, *c. ad Audientiam &c.* ergo non debet extendi ad dubium mutilationis; cum irregularitas nō debeat extendi extra casus in Iure expressos, nec valeat argumentum à paritate rationis.

Rēsp. Quod in hoc argumento est æquiuocatio; aliud enim est, quod irregularitas in vno casu statuta, non possit extendi, nec à paritate rationis ad alios casus, quia pœnæ, & odia sunt restringenda; aliud vero, quod quotiescumq; in aliquo casu quis debet timere, ne pœnā irregularitatis incuterit propter aliquam rationem, ac proinde ad cautelam debet dispensationem petere; Idē etiam non sit dicendum in casibus similibus. Primum est verum; secundum est falsum. Primum quidem est verum, quia irregularitas cum sit pœna, à ratione, non provenit, tamquam à causa efficiente, sed solum à Iudice puniente, seu voluntate ipsius. Etiam si ergo in

uno casu militet eadem ratio, propter quam pœna in alio casu fuit statuta, non proinde pœna in ea est appositâ; quia licet sit eadem ratio, deest voluntas punientis. At vero secundum falsum est, quia ratio præcisè, quare in aliquo casu timeatur contracta irregularitas, non est voluntas imperantis, quæ velit, vt timeatur; sed est ratio, quæ suadet, vt timeatur, & sic ad cautelam petatur absolutio. Sic pendet quidem à iure expresso, quod homicidæ sit statuta pœna irregularitatis: vnde hæc pœna nō potest irrogari furanti; sed quod in dubio homicidij timeatur irregularitas, hoc à ratione pendet, quia nempe hic, & nunc quis præsumitur homicida: Sic in testibus allatis *c. ad audientiam* &c. non est, quod Pōtiffex dubium de homicidio decernat irregularem esse, sed, quod se gerat vt irregularem, decernit, non quia sic velit, & hoc in pœnâ illi imponat, sed quia præsumitur homicida; & cum quis præsumitur homicida, tutius est cessare, quam temerè celebrare; ergo in quocumq; casu quis præsumatur reus alicuius facti, cui sit annexa in Iure irregularitas, debet tutiorem partem sequi, quia militat eadem ratio. Hoc autem benè aduertatur, quia in hoc æquivocarunt multi, sique graves DD.

An verò in dubio, an quis sit illegitimus, censendus sit irregularis; cum distinctione respondeo. Nam vel dubitatur, an quis sit illegitimus ab initio sui ortus, puta, quia expositus fuit, & super ianuam Hospitalis repertus, vel propter quid simile: & tunc dico, quod si à communiter accidentibus, semper expositi hoc modo sunt illegitimi; & hic præsumitur, quod sit illegitimus, & per consequens censendus est irregularis; quia præsumptio est contra ipsum; si autem è contra, qui exponuntur à communiter accidentibus non semper sunt illegitimi, sed etiam consueverunt legitimi expo-

ni propter inopiam, vel quid simile, in hoc dubio habendusest pro legitimo, quia in pari causa semper reo fauendum est, & peccatum parentum non debet præsumi, & per consequens non debet se gerere vt irregularem. Quia tamen communiter, qui exponuntur, illegitimi sunt, ideo sic expositus censeatur illegitimus, & irregularis; vno verbo, qui potest præsumi illegitimus, se gerat vt irregularem: secus qui non potest præsumi illegitimus.

Si autem dubium, an quis sit illegitimus, contingat post aliquod tempus; tunc si facta sufficienti diligentia quis de hoc nequeat certiorari, debet se tenere in ea possessione, in qua erat ante dubium; si enim habebatur pro legitimo, legitimus etiam post dubium censeari debet, & non irregularis; si habebatur pro illegitimo, illegitimus censeatur, & irregularis; quia possessio hanc vim habet, vt ab illa, siue bona, siue mala per præcisum dubium quis non debeat remoueri.

Quando autem contingunt opiniones contrariæ probabiles, an aliquis sit, vel non sit irregularis, seu, an se debeat gerere, vel non gerere vt irregularem, potest quamuis in praxim deducere. Ita de qualibet censura dixi *sect. 4.* censuisse Megalam.

1. Et ratio quo ad primam partem ea est quia, tunc quis remanet in ignorantia probabili facti, an scilicet sit irregularis, quam vincere non potest, nec tenetur ex dictis *sect. 3.* sed cum ignorantia probabili quis excusatur, si non se gerat vt irregularem, & si non se reputet talem. arg. c. *Apostolicæ. de Cler. excomm.* nec sic agens vllam penam incurrit; tùm d. c. *Apostolicæ*; tùm quia nulla in iure statuta pena est irregulari celebranti, seu Ordines suscipienti. A peccato aurem excusatur; tùm quia sequitur opinionem probabilem, vnde

pru.

prudenter operatur; tùm quia ignorantia inuincibilis à peccato excusat; ideo &c. & per hæc etiam manet probata secunda pars.

## SECTIO SEPTIMA.

*Expenduntur alia dubia Facti.*

**A**liud dubium facti est dubium excommunicationis, quam quis dubitat contraxisse, eo quia dubitat se fecisse aliquid, cui scit esse adnexam excommunicationem. In quo dubio duæ sunt grauissimorum DD. sententiæ contrariæ, alijs contendentibus, eum, qui in hoc dubio est, se debere gerere vt excommunicatum, alijs negantibus.

Ego respondeo cum distinctione. Vel qui dubitat, in eo casu est, vt possit præsumi excommunicatus; eo quia potest præsumi commisisse factum, cui est adnexa excommunicatio; & hunc se debere gerere vt excommunicatum petendo absolutionem, pro certo habeo; sicuti supra dixi de Irregularitate *Conclus. 2. & 3. sect. præced.* Quia possessio suæ libertatis huic non suffragatur, cum potius præsumatur amissa libertas; & temerè profectò diceretur hic agere, si se excommunicatum non gerens, vel celebraret, vel quid simile sibi prohibitum ageret; & incurreret omnes pœnas à Iure statutas; si re vera excommunicatus esset; vnde propter hoc periculum graue certò moraliter imminens, cui se temerè exponeret, peccaret mortaliter.

Neque diceretur hic habere inuincibilem ignorantiam, vel probabilem excommunicationis, cum deberet præsumere se excommunicatum; eo quia fecisse id, cui adnexa est excommunicatio, præsumitur: vnde temerè ageret; præsumptio enim valida, quam habet, & moraliter

liter certa, preponderat, seu æquualet scientiæ.

Siautem, qui dubitat, an sit excommunicatus, quia dubitat de facto, cui scit esse adnexam excommunicationem, facta sufficienti diligentia, ita dubitet, ut nullam habeat præsumptionem contra se: certum est, quod tunc in foro fori non debet se gerere ut excommunicatum, quia tunc possidet sua libertas. In foro autem animæ, si dubitat dubio vehementi, licet non sufficienti ad opinandum, arbitror quod debeat se gerere ut excommunicatum, & petere absolutionem; & ratio est, quia licet re vera in hoc dubio sit perinde ac inuincibiliter ignorans; unde alioquin si celebraret, nullam penam incurreret, *arg. c. Apostolicæ. de Cler. excomm.* & alioquin etiam ob hanc inuincibilem ignorantiam posset dici, quod posset absolui à peccatis; quia excommunicatione directe non impedit Sacramenti validitatem, sed solum indirectè, quatenus scilicet, qui excommunicatus accedit, in hoc quod accedit, peccat grauiter; unde ponit obicem Sacramento: in hoc autem casu dubius non peccaret accedendo, quia inuincibiliter ignoraret excommunicationem, quam nesciret adesse, & de qua non posset certiorari; unde temerarius non esset, nec iniuriam faceret Sacramento. Tamen quia si re vera esset excommunicatus, esset re vera priuatus suffragiorum, & bonorum omnium communione; & ideo si absolutionem non peteret ad cautelam, se exponeret periculo voluntariè, quod simpliciter scit adesse, carendi his suffragijs, hinc grauiter videretur peccare contra charitatem, quam sibi debet; unde ne peccaret, teneretur ad petendam absolutionem saltem sub conditione.

Confirmo. Factum, de quo dubitat, tenetur sub mortali in confessione exponere, & de illo absolutionem petere; ergo etiam de excommunicatione adnexa; pa-

ter

ret consequentia, quia sicut est præceptum inclusum in natura confessionis, quod quis exponat peccata dubia: sic est præceptum charitatis, quod quis se non exponat periculo carenti tanto bono, quale est communio Sanctorum.

Si quis autem probabilem opinionem habeat, quod factum, cui est adnexa excommunicatio, non posuerit, quid debet agere?

Sanè, si in ipso opere ponendo ita agat, ut sit nescius talis circumstantiæ, seu etiam probabilem opinionem habeat, quod tunc non adsit in opere illa circumstantia, ob quam incurratur excommunicatio, certum est tunc non incurri excommunicationem; ex c. *Si vero. de sententia excommunicationis.*

Si vero quis post factum, elapso multo tempore, incipiat dubitare, an tale opus simpliciter peregerit, vel an tale opus simpliciter habuerit circumstantiam adnexam, ob quam est lata excommunicatio: & facta sufficienti diligentia, habeat opinionem probabilem, quod tale opus simpliciter, vel talem circumstantiam non posuerit; difficultas gravis esse potest, an se debeat gerere in foro animæ ut excommunicatum, & petere ad cautelam absolutionem.

Videtur autē prima facie respondendū quod non; nam hic cum huiusmodi opinione, quod factum non posuerit, vel circumstantiam illam aggravantem, non tenetur confiteri, nec factum, nec circumstantiam, nec de illis tenetur petere absolutionē; ergo neque tenetur petere absolutionē ab excommunicatione, quæ pœna est adnexa facto. Antecedens conceditur communiter; consequentia patet, quia difficile est, quod si ego non teneor subdere clauibus culpā, teneam subdere pœnam.

Et licet dici possit; illa opinio, qua credis factum nō com-



commisisse, potest esse falsa; si autem falsa sit, & peccasti, & excommunicationem incurristi; peccatum autem etiam si clauibus non subijciatur directè, tamen indirectè remittitur; quia habetur perinde ac oblitum. At excommunicatio durat, ac proinde quis priuatur communione Sanctorum; ergo nullus debet se exponere huic periculo; sed sicut propter hoc periculum in dubio quis debet absolutionem petere; sic etiam in casu opinionis probabilis.

Responderi tamen potest, quod in casu opinionis probabilis periculum est magis remotum; unde non teneri hominem adeo hoc periculum curare, sicut in casu dubij, quia est periculum magis proximum. Secundo, quis in casu dubij tenetur factum, & peccatum subijcere clauibus, unde non est mirum, quod etiam debeat curare, quod absolua- tur à pœna, secus autem in casu præsentis.

Addo, quod sicut peccatum, si commissum est, remittitur indirectè, sic etiam pœna excommunicationis remittitur, etiam si non manifestetur; cum ad non manifestandam habeatur iusta causa: remittitur, inquam, excommunicatio per illa verba, absolutioni à peccatis præuia, *ego absoluo te ab omni vinculo excommunicationis* &c. quæ verba cum ex usu Ecclesiæ semper profertur etiam si nulla manifestetur excommunicatio, debent intelligi cadere super occultas excommunicationes, quæ iuxta de causa non manifestantur; & idem dicendum de excommunicatione oblita,

Quod si excommunicatio esset reueruata, quæ proinde per illa verba non posset absolui à non habente auctoritatem, cum consulto semper Sacerdos addat, *in quantum possum, & tu indiges*, adhuc potest dici periculum esse magis remotum, quam curari debeat præ-

sertim, cum non imminet periculum mortis; & si immineret, tunc; quilibet habet auctoritatem super referuata; inde non remaneret prius semper communione sanctorum. Præterea sequentibus temporibus veniente Iubilæo quis confitebitur Superiori, seu habenti auctoritatem super referuata, & sic absoluetur postea.

Amplia, quod dicta multò magis procederent, si esset vera sententia multorum, quos refert Diana p. 5. tract. 9. de excommunicatione resol. 75; dicentium iustificatum ex hoc ipso reddi communioni Sanctorum, & suffragijs Ecclesiæ.

Verum quia hæc omnia, licet verosimilia multum sint, adhuc tamen absolutè falsa esse possunt, cum non sint certa, sed probabilia, licet admodum; ideo simpliciter periculum non præcauetur, ac proinde consultissimum censeo, etiam in hoc casu absolutionem petere ad cautelam. Sanè admoneantur Pœnitentes de periculo, quod absolutè ipsos manet, & ipsi, opinor, absque vlla hæsitazione absolutionem petent: nolent enim in re tã graui se periculo exponere, quod simpliciter negare quis non potest, nō adesse; appelletur modo remotum, & remotissimum, semper erit, ideo &c.

Dices. Nullus est textus decidens in dubio excommunicationis quem se debere gerere, vt excommunicatum, & multò minus in casu opinionis probabilis.

Resp. quod licet nullus sit textus hoc decidens, est tamen ratio, quæ ad hoc cogit, eadem quidè, ac maior, quàm sit in dubio irregularitatis; quia ibi, si falsa sit opinio probabilis, nullum incurritur periculum: hic autem sic, nempe amissionis communionis sanctorum.

In quantum autem ad dubium suspensionis, pariter distinguendū censeo. Vel iste præsumit solū potest esse

chrisat

cisse

cisse id, cui est adnexa suspensio; vel non; si primum; se gerat omnino vt suspensum; alias temerè non se gereret talem, & se exponeret periculo certo moraliter incurrendi pœnas, quæ suspensis infliguntur, si suspensionem negligant; si verò secundum; nec in foro animæ se gerat vt suspensum; ratio est, quia suspensio tunc est inuincibiliter ignorata; vnde esto illum in re afficiat, nullo damno, nulla pœna inde consequente illum afficit: cum inuincibiliter ignorans suspensionem, non incurrat vllam pœnam suspensionis inflictam, si suspensionem negligat; argumento *c. Apostolicæ de Cler. excommunicato.* & consequenter idem dicendum, & multo magis cum opinione probabili, quod suspensus quis nō sit.

Quando autem quis dubitat, an fecerit aliquid, quod scit esse reservatum, si facta sufficienti diligentia remaneat dubius, censeo, quod debeat tutiorem sequi, nec possit absolutionem petere ab ordinario Confessore non habente auctoritatem super casus reservados; nec possit Confessor non habens prædictam auctoritatem illum absoluer.

Moueor, quia illud peccatum debet exponi clauibus: certè, vt remittatur, si adsit; sed si adest, nō remittitur; ergo illuditur Sacramento, dum tale peccatū exponitur; ergo peccat, tam qui exponit, quā qui excipit; quod vnus proponat, alter recipiat materiam ineptam; & sic inualidatur Sacramentum. Præterquam, quod iam Sacramentum manet inualidum, si casus in re adsit, de quo dubitatur.

Minor assumpta probatur, quia si adest, super illud peccatum non habet auctoritatem Confessarius; ergo non remittitur: directè ad minus, quia nihil directè remitti potest in Sacramento penitentiae, ad quod non habeat auctoritatem Confessarius. Sed neq; indirectè,

quia indirectè remittuntur peccata oblita, & quæ clauibus non subiiciuntur sine culpa; quæ autem clauibus subiiciuntur, non nisi directè remitti possunt, cum iam sint materia directæ. Addo, scit hoc periculum Confessarius, scit hoc penitens; quare voluntariè volunt peccata talia exponere, quæ indirecta habeant opus remissionis? Ex hoc ipso, quod negligunt directam remissionem, iniuriam faciunt Sacramento, & non merentur neq; indirectam.

Dices. Illud peccatum esto sit commissum, quia sub dubio proponitur, non est reservatum, ex dubio enim suspenditur reservatio, & ideo directè remittitur.

Sed contra est, tùm quia, quod suspendatur reservatio, hoc est sub opinione, vnde potest esse falsum, & per consequens non evitatur periculum, de quo supra; ac proinde peccat, qui huic periculo se exponit; tùm quia, quare dubium meum debet suffragari peccato meo, quod non sit reservatum; præsertim si dubium meum non suffragatur mihi, quin debeam peccatū confiteri.

Dices. Est opinio probabilis, quod tunc casus non sit reservatus, vnde iuxta illam prudenter quis potest agere, & sic potest tutiorem non sequi.

Resp. Quod, quia omnino opinio probabilis potest esse falsa, ideo in materia Sacramentorum dixi supra d. 3. sequendam sententiam tutiorem, & certam, & prudenter non agere, qui probabilem sequitur; Ideo &c.

Cum opinione autem probabili, quod quis delictum, quod est reservatum, non egerit, concedo vltro non teneri quem tutiorem sequi; & ratio manifesta est, quia non tenetur simpliciter illud in confessione manifestare: vnde neq; Confessarius quærendus est, qui habeat auctoritatem super reservata peccata. Etiam si ergo peccatum commiserit, non imputatur ei ad culpam, si in

con-

confessione illud non aperiat, & habetur pro inuincibiliter obliuio, & sic indirectè remittitur.

Quod spectat ad dubium matrimonij, siuè ex consanguinitate, siuè ex vita prioris coniugis, est resolutio firma in iure, quod coniux sic dubius teneatur reddere, sed non possit petere, & quidem si sit dubium uehemens, & bene fundatum, & discretum; alias dubia, leuia ad consilium Prælati sunt deponenda, & illis depositis potest coniux licitè, & reddere, & petere, *c. Inquisitioni. de sententia excomm.* & hinc sequitur cum hoc dubio non posse quem transire ad secundas nuptias, vt habetur in *c. Dominus. de secundis nuptijs.* Rationes huius resolutionis hic non appono, quia legi possunt apud Vasq. *p. 2. d. 66. c. 4. Et seq.* vbi acutissimè hanc materiam explicat, sicut & alia dubia circa hoc possibilia contingere.

An autem cum opinione probabili mortis prioris viri possit nubere mulier; ex *Gl. v. alij super c. in presentia. de sponsal.* videtur decidi posse, quod sic, iunctis auctoritatibus, & allegationibus Barbosa *super d. c.* Et ratio meo iudicio esse potest, quia mulier sic agens prudenter agit, & non peccat. Item esto, vir eius mortuus non sit, adulteratur quidem in re; sed merè materialiter, quod ipsi non imputatur ad culpam.

Sed quia sumus in materia Sacramentorum, placet oppositum sustinere, quia cum illa opinio possit esse falsa, exponit se mulier periculo irritandi Sacramentū matrimonij, quod secundo vult contrahere; vnde facit iniuriam Deo, vt institutori huius Sacramenti; & ideo contra Religionem peccat.

Facilius dicerem, quod nupta iam secundo Viro, si habeat opinionem probabilem de morte prioris Viri, possit reddere, & petere; quia iam petendo non peccat,

cat, & esto in re adulteraretur, adulterium ipsi non imputaretur ad culpam. Sed de hoc iudicent Viri docti, si cut eorū iudicio etiam relinquo, quando mulier possit dici sufficienter certiorata de morte Viri, ex Barbosa *ubi supra*.

Aliud dubium facti potest contingere in hoc casu. Quis dubitat, an sit elapsa media nox, seu an punctum medię noctis aduenerit; dubitat proinde, an prosequi possit comedere carnes, vel simpliciter comedere, cum die sequenti sit ieiunandum. Seū hodie est dies ieiunij, dubitat, an punctum medię noctis sit elapsum, vt possit carnes comedere, quia dies sequens non est dies ieiunij; vel dies sequens est communionis, dubitat, an sit elapsum punctum medię noctis, ac proinde, an possit prosequi manducare, cum debeat ieiunus ad sacram communionem accedere.

Breuitur ad primum dubium censeo respondendū; quod tenetur facere sufficientem diligentiam; si tamen post illam adhuc remanet dubius, potest sine scrupulo prosequi comedere carnes: nō quidē propter illas friuolas rationes, quibus mouetur ad dubitandū, quod nō sit elapsū punctū medię noctis; sed propter hāc validissimā, quia scilicet ille quoad vsq; nō certioretur de lapsu medię noctis, est in possessione comedendi: toto enim die antecedenti potest comedere carnes, & ideo semper manet in possessione sua, quoadusque ab illa non deturbetur; dubium autem incertum non potest tollere possessionem certam; ideo hic adhuc potest in sua possessione & libertate commorari. Sanē enim in dubijs melior est conditio possidentis; ergo cum possessio in illo die sit pro sua libertate, quoadusque non sufficienter certioretur de amissione suae libertatis, potest in illa manere, & secundum illam operari.

Dices.

Dices. An dies, in quo potest manducare, sit in sua possessione, dubius est; ergo etiam de possessione suæ libertatis dubius est; ergo illa, utpote dubia, non potest ipsi suffragari.

Resp. Quod licet quis dubitet de possessione diei, eo quia dubitat, an dies sit elapsus: non tamen debet dubitare de præsumptione possessionis diei; quia licet nesciat, an dies duret, scit tamen præsumi, quod duret, cum sit certa possessio, quâ dies habebat, & dubitatur solû, an aduenerit instans, in quo suam possessionem amittit; in hoc enim dubio præsumitur pro illa, quæ certa antea erat; sicut enim possessio, quæ certa est, non tollitur, nisi per certum adimens illam super adueniens: sic possessio, quæ erat certa, numquam præsumitur ablata, nisi constet de aduentu eam possessionem auferentis. Esto ergo similiter quis dubitet, an sua libertas comedendi duret, certè præsumi debet durare; cum qua præsumptione potest agere, ac si re vera possessio suæ libertatis duraret, & sic hæc præsumptio tam benè fundata ipsi suffragatur.

Hinc esto re vera punctum mediæ noctis esset elapsum, & hic prosequeretur comedere, certè non peccaret; & illa comestio licet materialiter esset mala, & illicita; ipsi tamen non imputaretur ad culpam, quia, prudenter agit, agendo cum tam benè fundata præsumptione.

Hinc pariter ad secundum dubium respondeo, dubitantem, an sit lapsa dies ieiunij, teneri abstinere à comestione, quoad usq; certioretur de lapsu diei; quia in hoc dubio standum est pro possessione diei, in qua ieiunium obligat, & cum durante illa præceptum ieiunandi sit in sua possessione, & nondû constet, an hæc possessio sit abrogata, quia non constat de aduentu sequentis diei, quæ est causa abrogans, & tollens ieiunium à sua posses-

possessione , pro præcepto sententiandum est.

Ad tertium verò dubium respondeo similiter, posse quem proficui manducare , quia possessio est pro die antecedenti. Mane autem sequenti, si facta sufficienti diligentia adhuc quis remaneat dubius, an reuera, cum profecutus est comedere, fuisset elapsa media nox: dico, quod potest sine scrupulo communionem recipere, quia præsumptio est pro die, quod non fuisset elapsa, unde præsumitur ieiunus; & esto in re ieiunus non esset, non peccaret, quia cum inuincibili ignorantia ieiunij accedit: ignorat enim se non esse ieiunum, non potest certiorari, & hanc ignorantiam vincere, & ex alia parte debet præsumere se ieiunum. Vnde iniuriam non facit, nec transgreditur cum culpa præceptum Ecclesiasticū: Ignorantia enim à culpa excusat. Addo. Inuincibiliter, seu probabiliter ignorans, se esse excommunicatum, vel suspensum, sacram Communionem recipiens, vel celebrans non peccat contra Ecclesiam; ergo neq; inuincibiliter non ieiunus accedens ad sacram communionē. Quod autem dubius non potens certiorari sit inuincibiliter ignorans, dictum est supra fusè.

Aliud dubium facti est circa dominium rei possessæ. In quo dubio certum primo sit, possidentem re aliquam, & dubitantem, an sit sua, nec facta sufficienti diligentia, certioratum, quod res sit alterius, posse illam rata conscientia retinere, quin & illa uti, quia in dubijs melior est conditio possidentis; hoc autem ius retinendi, & utendi non oritur ipsi ex dubio, quod res sit sua, seu ex illis rationibus leuibus, quibus, quod sit sua, suadetur; sic enim temerè, & cum paruo fundamento moueretur, sed oritur hoc ius ex possessione, quæ certa est, & facit in dubijs meliorem conditionem suam.

Potest quidem retinere, & uti, sed semper cum animo



mò illam restituendi, vel æquiualens proximo, si vniquam futuris temporibus comperiat, quod proximi sit; qui quidem animus non requiritur, quod positiuè sit, & formaliter; sed sufficit, si sit implicite, seu negatiuè, in quantum non habeat intentionem contrariam; alias peccaret, intenderet enim furari. Excipe tamen, si transactum esset tempus præscriptionis, pro qualitate rei requisitum; nam tunc non debet habere animum restituendi, quia iam facta est sua vi legis, præscriptionem concedentis; vt tandem aliquando iura hominũ certa sint. Quæ quidem procedunt non solum in possessione ab initio bonæ fidei; sed in eo, qui ab initio mala fide possedit, sed postea processu temporis factus est possessor bonæ fidei. E. G. Quis ab initio rem arripit, quam suam esse nescit, sed dubitat; postea facit diligentiam, vt inueniat dominum rei, vt rem restituat: non potest inuenire, tunc incipit bona fide possidere, quia non est certus, quod non sit sua, & nescit cuius sit; in hoc casu possessio ipsi suffragatur, vt possit rem retinere, sit enim tunc illa res velut prius occupantis.

Dubius autem, an res sit sua, quæ in manu alterius est, non potest illam rapere; nec sibi occultè compensare. Nam quo titulo id faceret? propter rationes dubitandi? non; illæ enim friuolæ sunt, & non sufficientes ad prudentem assensum, quod res sit sua. Possessio ipsi non suffragatur, ideo &c. si autem rem expositam inueniret, posset utiq; illam arripere, quia tunc sit prius occupantis; semper tamen debet habere animum domino restituendi, si compareat.

Dices. Si qui rem possidet, qui dubitat, an sit sua; pauper sit, potest timere, ne si vtatur illa, non possit postea propter inopiam restituere; ergo tunc non poterit illa vti.

Yy

Yy

Resp.

Resp. negando consequentiam, quia ius vtendi habet à possessione, quæ ipsi suffragatur eo modo prorsus, ac si res esset verè sua; esto autem possit timere, se non futurum habilem ad restituendum, hoc non obstat; quia non proinde malo titulo consumit, & si non poterit restituere, non tenebitur, quia nullus ad impossibile obligatur; vnde esto possit timere se non restitutum: tamen non potest timere se peccaturum, quia si poterit, restituet: si non poterit, non tenebitur; pro tunc autem non debet illud ius amittere, quod ex possessione illi oritur. Legatur Vasq. *in p. 2. d. 66.*

Si autem plures dubitent, an aliqua res sit sua, & illa sit in manu tertij, qui illam in depositum habeat; tunc si nullus potest agnosci, vt verus Dominus, inter litigantes res diuidatur, vniciq; pro qualitate suorum iurium.

In casu autem opinionis probabilis, quid agendum? In primis si quis possideat, idem dicatur ac in dubio, & quidem à fortiori; siue inceperit possidere bona fide, siue mala fide. Iustificatur enim possessio, à puncto, in quo insurgit opinio probabilis. Si autem res sit in manu tertij depositarij, & duo litigent, expectent sententiam Iudicis, qui iuxta dicta *d. 3. sect. 6. concl. 2.* debet fauere parti probabiliori: vel si æqualia iura habeant, diuidenda res est.

Si autem res sit ab alio possessa, supra quam quis habet probabile ius, potestne illam arripere? si sint priuato homines, & non Principes, certum est nulla violentia vti posse, sed rem ad Iudicem deferendam; si autem sint Principes supremi, qui Iudicem non agnoscant in causis temporalibus? quid dicendum?

Negat Vasq. *in p. 2. d. 64. c. 3.* & alij multi illum sequuntur. Suarez *de bello 2. 2. d. 13. sect. 6.* concedit posse

posse Regem recuperare bello Urbem, seu Prouinciã, ad quam habet probabilius Ius, quam possessor; secus, si habeat Ius minus probabile, vel eque probabile. Mouetur, quia Rex in adiudicando sibi Regno Iudex est; ergo tenetur sequi probabiliorẽ partem. Val. l. 3. d. 3. sect. 16. punct. 2. docet absolutè cum opinione probabili posse Regem inire bellum contra possessorem. Io: Sanch. in selectis d. 44. nu. 55. & sequentibus distinguit, & cum opinione probabili iuris posse quem bellum gerere contra possessorem concedit; secus cum opinione facti.

Ego in primis censeo Regem non esse Iudicem de Iustitia, seu de Iure Regni, ad quem pertineat, cum duo Reges sunt, qui Regnum prætendunt ipse, & possessor Regni. Moueor quia Iudex debet habere partes à se distinctas, & sibi subiectas, saltem quoad ipsius iudicium, sed hic Rex, qui dicitur Iudex, est in propria causa, & ipse etiam pars. Item alius Rex non illi subiectus est, nec debet stare eius iudicio.

Secundo censeo, quod opinio facti verissima opinio sit, quia ex illa vt plurimũ, confurgere opinionẽ iuris, supra ostendi fuisse d. 3. sect. 6. & sanè quotidie videmus omnes opiniones iuris, quibus mouentur Principes ad bellũ gerẽdũ tandẽ resolui in opiniones facti. Sic videmus quotidie rationes Principum, quibus ostendunt Orbi se iure vel vsurpare, vel velle vsurpare aliquod Regnum, fundari in eo, quod ius Regni ad ipsos pertinet; quod probant ex arboribus familie, & hæreditatibus: his enim ostensis non conantur postea ostendere, quod sit opinio DD. quod possint bello Regnum vindicare: sed supponunt; quia ex eo ipso, quod res ostenditur esse mea, ius habeo ad illam mihi vendicandam.

Hinc fortasse non cum limitatione Sanch. sed abso-

lutè dici potest cū Val. vbi supra, Regem cum opinio-  
ne verè probabili posse bello res ab alijs possessas usurpa-  
re: qui quidem res suas poterunt iustè defendere, &  
sic erit bellum vtrinq; iustum: materialiter non; hoc  
enim est impossibile, sed formaliter, quia vnusquisque  
agit cum sufficienti ratione. & ratio est; quia ex hoc  
ipso, quod quis Princeps probabiliter scit Regnum ali-  
quod sibi deberi, habet ius ad illud, non friuolum, sed  
validum, sed benè fundatum; huic iuri suo debet posse  
aliqua forma satisfacere, alias ridiculum, & nullum,  
ius esset; sed nulla forma suppetit, nisi bello; ergo bello  
rem potest sibi vindicare. Vrgeo, & hoc est argumen-  
tum Valentiae. Posset à Iudice repeterè, si haberet Iu-  
dicem superiorem, ergo cum non habeat, potest aliquo  
modo vtì, vt repetat, quod suum est: non nisi bello;  
ergo &c. Et licet alter Rex possidens habeat probabile  
ius, hoc nihil refert; quia etiam ipse habet ius, & tene-  
tur consulere magis iuri proprio, quam alterius; et si  
fortasse eius opinio possit esse falsa, hoc nihil refert; quia  
bona fide pcedit, & causa motus fuit inuincibiliter pu-  
tata iusta, quam ignorantiam non tenebatur deponere,  
cū probabili opinioni simpliciter possit acquiescere.

Regnum autè, quod possessore caret, posse à quo-  
libet opinionem probabilem habente armis occupari,  
vt certum docet Suar. *loco citato*.

Hinc probabiliter etiam dici potest, eum, qui ius pro-  
babile habet ad aliquā rem, quæ ab alio detinetur, quod  
ius in iudicium deferre non potest, posse licitè occultè  
compensationem facere; quia suo iuri adeo bene fun-  
dato, quomodo potest alia via satisfacere? debet ne er-  
go illud ius haberi pro nullo? in dubio quidem non pos-  
set, quia in dubijs melior est conditio possidentis, sed in  
casu opinionis probabilis nonne debet quid plus posse  
facere?

facere? certe videtur idem posse facere ac Rex, & eo quidem magis, quod ex hac occulta compensatione, non possunt sequi ea damna, quæ ex bello oriuntur, vt sunt desolationes Urbium, excidia Prouinciarum, & clades hominum. Semper tamen intelligo, supposito, quod ex opinione probabili facti, nempe, quod res sit sua, possit habere opinionem probabilem, quod sibi illa sit adiudicanda, adeo vt verè sibi deberi, probabiliter opinetur; & licet communis sententia DD. videatur esse in contrarium, tamen Cardinalis de Lugo multum, propendet in hanc sententiam, *de Iustitia, & Iure d. 16. sect. v.* vbi etiam notat DD. contrarium asserentes inconsequentiae, quia id negant in vniuersali, & in genere: concedunt autem compensationem occultâ cū opinione probabili in particularibus materijs. Videatur dictus Cardinalis *loc. cit.* vbi soluit omnia argumenta in contrarium.

VRgeo. Si probabilius est rem esse illius, qui non possidet, re delata ad Iudicem poterit Iudex, quin debebit à possessore ereptam illi adiudicare; dictum est enim *d. preced. sect. 6. concl. 2.* teneri Iudicem sententiare pro parte probabiliori; Ergo si non possit lis ad Iudicem deduci, ne, qui non possidet, priuetur suo iure, poterit occultè compensationem facere. Insto; Potest Iudex, vel debet pro illo sententiare. Quare? quia illi debetur res ab alio possessa; alias si non deberetur, non posset Iudex rem illi adiudicare. Neque verò solum debetur post sententiam; sententia enim non facit, quod res alteri debeat, sed rem adiudicat alteri. Supponit rem deberi, & ex hoc supposito, tamquam ex motiuo iustificante rem adiudicat. Si ergo res mihi debetur, iam habeo opinionem iuris pro me; ergo potero hac opinione Iuris uti, & occultam facere compensationem.

Claudo;

Claudo; res mihi debetur; & quare non poterò; ea via, quæ sola superest, citra scandalum iuri meo satisfacere?

Hic autem obiter addo, hinc patere, quam verum sit, quod toties innui, nempe ex opinione facti, ut plurimum confurgere opinionem iuris; ex eo scilicet, quod sit opinio, quod res mea sit, sequi rem mihi deberi. Et sane ideo litiganti cum probabiliori opinione, quod res sit sua, debet à Iudice adiudicari res ab alio possessa, quia ex eo, quod probabilius sit sua, sequitur eam sibi deberi; Inquiro enim, ex quo alio capite sequitur eam illi deberi? non nisi quia melius probat rem esse suam.

Item, Iudicem, quādo partiū iura sunt æqualia, posse prohibito, cui voluerit, rem adiudicare, quin immo etiā ferre sententiam pro eo, cui minus probabilis opinio fauet, docent gravissimi DD. omnes scilicet illi, qui volunt posse Iudicem ferre sententiam pro parte minus probabili: quæ sententia saltem ab extrinseco admodū probabilis est; ergo in hac sententia, qui super aliqua re ab alio possessa habet ius, vel æquè, vel minus probabile, dummodo probabile simpliciter illud sit, si rem in iudicium deferat, poterit licitè sententiam accipere favorabilem. Inquiro: quare iusta erit hæc sententia? certè, non nisi quia cum ille ius ad rem simpliciter sufficiens habeat, res ipsi debetur saltem probabiliter, alias si neque probabiliter deberetur, nullo modo pro illo posset iusta ferri sententia. Ergo ex hoc, quod quis simpliciter ius probabile ad rem habeat, statim habet probabilem opinionem, quod sibi debeatur; ergo ex opinione facti, etiam minus probabili, sequitur opinio iuris. Modo sic; si ergo cum opinione etiam minus probabili, quod res sit sua, sequitur, quod licet

ab

ab alio possessa sibi probabiliter debeat, quidni poterit quis occultam compensationem facere? quando præsertim iuri suo non potest alia via satisfacere?

Dices. Est veluti axioma in materia iustitiæ, quod à non liquido ad liquidum non datur compensatio; sed ius probabile ad rem non est ius liquidum; ergo non potest fieri compensatio accipiendo rem liquidam.

Resp. Illud axioma absolutè prolatum, si comprehendat etiam iura probabilia, nec in sententia aduersariorum esse verum; nam concedunt aduersarii, quod si alicui legatum relinquatur in testamento non solenni, licet non possit in foro fori legatum repetere, posse tamen occultam facere compensationem; quia probabile est, quod tale legatum de iure naturæ sit validum, ac proinde probabile est, quod sibi debeat. Neque enim certum est tale legatum sibi deberi, quia probabilis est aliorum sententia negantium in hoc casu ullam obligationem oriri ex iure naturæ, ac proinde asserentium non deberi. Igitur ius ad hoc legatum est tantum probabile, ac proinde non liquidum; & tamen potest occulta fieri compensatio; ergo &c. Dicendum igitur est illud axioma valere in dubijs propriè dictis: sicut in iisdem tantum valet, quod melior sit conditio possidentis, est enim moraliter sufficienter liquidum ius, quod probabile est.

Si quis autem sciat se debere alicui, & dubitet, an restitutionem fecerit; si non potest ad minus probabiliter certiorari, tenetur restituere; quia in hoc dubio possessio est pro obligatione restituendi, quæ non nisi temerè per illas rationes dubitandi potest dici ablatam. Ideo illarum rationum nulla ratio habenda est,

&

& agendum, ac si tale dubium non esset, ac proinde restituendum.

Et hæc, quæ S. R. E. Censuræ humillimè subijcio, pro præsentis Opusculo dicta sufficiant. Faxit Deus, ut in ipsius gloriam, & salutem animarum cedant.

*F I N I S.*



**INDEX**





# INDEX

RERVM NOTABILIVM,

Quæ in hoc Opusculo continentur.



## A



Actus indeliberati, unde dicantur tales. **5**

Assensus & dissensus ad minus sunt actus contrarij. **148**

Ex uno sequitur connaturaliter negatio alterius. **149**

Advocatus peccat, si minus probabilibus rationibus defendat causam Clientis, dum habet probabiliores. **234**

Potest autem minus probabilem causam contra probabiliorē tueri. **235**

Actore non probante reus absolvitur. Et assertentis est probare i negativis vero est respondere. **264**

Absens & ignorans, quando possit excommunicari. **291**

Argumentum à communiter accidens, quā vim habet. **326**

In pari causa, & cum partium

iura sunt obscura, Reo favendum potius, quā Actori. **332**

## B

Bonum est duplex, aliud absolutum, aliud respectivum. **4**

Licet bonum respectivum. **5**

## C

Conscientia quid **12**

Idem ac prudentia. **13**

Practica est. **ibidem**

Habet pro obiecto prosecutionem, & fugam, hoc est actus voluntatis, electionem, & reformationem. **ibidem**

Syllogismus conscientia quis. **14**

Conscientia quot modis potest esse erronea. **ibidem.**

Conscientia indiscreta quosumplex. **16**

Cum conscientia erronea quando liceat agere. **18**

Conscientia nullo pacto potest esse dubia. **18**

Z Z

Neque

Neque nullo pacto potest esse probabili. 23

Coniux dubius dubio graui de validitate Matrimonij ex affinitate, vel vita prioris coniugis debet reddere debitum, sed non petere. 46

Conscientia est applicatio scientie ad actum, quem imperat. Et quā scientiam applicet. 52

Captiatio quid sit. 109

Utraque contradictoria probabilis potest licite eligi sine peccato etiam collectiue. 180

Causa semper clamat pro suis effectibus. 272

Censuram quamcumq; necesse est, præcedat aliqua monitio. 292

Consuetudo contra legem in dubio non presumitur, sed probari debet. 308

Cooperans positiue ad homicidium quoad substantiam irregularis est, secus quoad modum. 321

Illud axioma, Aliquid ad nōli quidum non datur compensatio, quomodo sit intelligendum. 359

## D

Dubium quid est. 18

In quo differat à formidine. ibidem

In quo à scrupulo. ibidem

Qua dubia possint contingere circa electionem. 21

Dubium quocumplex. 40

Cum dubio practico, si daretur, an liceret operari. ibidem

Dubium speculatiuum, seu circa materiam electionis duplex. ibidem

Differentia inter hæc dubia expenditur. 41

Cum quo dubio speculatiuo non liceat agere sine peccato. ibidem

Cum quo liceat. 43

Dubium positiuum non est mera suspensio assensus. 115

Ad honestè operandum quale dubium debeat deponi. 144

Cum opinione probabili de honestate materie stat quidem dubium de honestate ipsius, sed nō de honestate actionis. 205

Dubium est triplex, Iuris, Voti, & Facti. 261

Quocumplex potest intelligi, quod quis sit dubius dubio iuris. 262

Dubius an sit aliqua lex, seu iussus quando possit pro libito agere, & quando teneatur tutiorem sequi. 263

In dubijs antecedenter ad agendum debet fieri sufficiens dilige[n]tia, ut quis certioretur de veritate rei. ibidem

In dubio an lex, seu ius, de quo constat, obliget, semper tutior tenenda est. 269

Possessio humana libertatis in hoc dubio non suffragatur. 271

Dubius ex beneficij tenuitate an teneatur ad recu[n]dum Officium, omnino generatur. 275

Dubium, an casus sit resemnatus, non potest contingere dupliciter, & quo

Et quomodo. 127  
 Dubius an aliquis casus sit reser-  
 uatus, quando debes casum  
 conferre reservatum, Et quan-  
 do non. 279  
 Dubius an casus aliquis particu-  
 laris includatur in casu uni-  
 versali reservato, quid debeat  
 agere. 282  
 Dubius an reservatio, de qua con-  
 flat sit valida, quomodo se  
 debeat gerere. 283  
 Dubium de excommunicatione  
 dupliciter potest contingere,  
 Et quomodo. 294  
 In quocumq; dubio excommuni-  
 cationis, siue ante, siue post fa-  
 ctum, quomodo quis se gerere  
 debeat. Siue dubitetur, an ex-  
 communicatio lata sit, siue, an  
 sit valida. ibidem. Et seq.  
 Dubius an sit excommunicatus, à  
 quibus debeat abstinere, Et à  
 quibus non. 302  
 An possit penitentem absol-  
 vere. ibidem  
 In dubio, an Votum factum obli-  
 get, quid agendum. 315  
 Et quid si dubitetur, an votum  
 factum sit. ibidem  
 Dubius ad quae se extendat votum,  
 vel Iuramentum, ad quid  
 teneatur. 315  
 Certus se vouisse Religionem,  
 dubius an vouerit strictiorē,  
 ad quam teneatur. ibidem  
 An teneatur in aliqua profi-  
 teri. 317

Dubium circa factum quot modis  
 possit contingere. 318  
 Dubius dubio iuris de Irregulari-  
 tate, nec potens certiorari, in-  
 currere non potest irregulari-  
 tatem. 319  
 In dubio homicidij quid statuatur  
 agendum in C.C. ad Aud. Et  
 significasti 2. de homici-  
 dio. 320  
 Certus de aliqua cooperatione in  
 homicidium, Et dubius de  
 effectu secuto, an se debeat ge-  
 rere ut irregularem. 321  
 Quid faciendum illi, qui dubius  
 de irregularitate temere or-  
 dines suscipit, Et postea facta  
 diligentia nequit certio-  
 rari. 322  
 In dubio de effectu secuto, quan-  
 do quis posuit causam ade-  
 quatā homicidij, quid debeat  
 facere. 326  
 In dubijs melior est conditio possi-  
 dentis. 327  
 Pena qua irregularitatem conse-  
 quuntur profecto dubio à iudi-  
 cibus non debent imponi. 329  
 Dubius de damno illato non re-  
 nectur ad restitutionem. 330  
 Certus de homicidio secuto, du-  
 bius an in illud influxerit, vel  
 an ex suo influxu sit secutum,  
 quid debeat agere. 333  
 Dubius an consuleris homicidij  
 secutum, an se debeat gerere  
 ut irregularem. 334  
 Tenetur tamen confiteri se dubi-  
 tare

rare, an homicidio consilium  
 dederis, & quare. *ibidem*  
 Consulens alicui homicidium ef-  
 fectum sequi, si dubitet an ex  
 eius consilio sit secutum, ad  
 quid teneatur. **335**  
 In dubio Abortus quid dicen-  
 dum. **336**  
 Certus de Abortu, dubius autem  
 an factus fuerit animatus, ad  
 quid teneatur. **337**  
 In dubio irregularitatis ex mu-  
 tilatione, seu quouis alio facto  
 proprio quid agendum. **339**  
 In dubio an quis sit illegitimus,  
 quid agendum **340**  
 In dubio Excommunicationis ex  
 facto quid agendum. **342**  
 Quid in foro fori, & quid in foro  
 anima. **343**  
 In dubio suspensionis ex facto  
 quid agendum. **347**  
 Et quid in dubio reservationis ex  
 facto. *ibidem*  
 In dubio Matrimonij quid. **349**  
 Dubium ieiunij ex facto triplex,  
 & quid in quolibet dubio  
 agendum. **350. & seq.**  
 Dubius an res, quam possidet, sit  
 sua, quid facere possit. **352**  
 Dubius an res sit sua, qua in ma-  
 nu alterius est, an possit illam  
 rapere, vel sibi occulte com-  
 pensare. **353**  
 Sciens se debere alicui, & du-  
 bius an restitueris, ad quid te-  
 neatur. **359**

## E

Electio, & refutatio sunt actus,  
 quos per se respicit Prudentia,  
 Conscientia, & recta ratio. **13**  
 Materia electionis est distinguen-  
 da ab electione. **36**  
 Ad hoc ut electio sit actus Pru-  
 dentia, non requiritur quod  
 eius materia ab ipso operante  
 opinetur honesta. **44**  
 Exceptio firmat regulam in non  
 exceptis. **189**  
 Ad licite agendum non sufficit  
 quidem iudicare, quod proba-  
 bile sit electionem esse bone-  
 stam: licet sufficiat iudicare  
 probabile esse, quod materia  
 electionis sit honesta. **203**  
 An Ecclesia conferat auctorita-  
 tem agenti cum opinione pro-  
 babili, vel titulo colorato, vel  
 errore communi, adhuc sub du-  
 bio est. **241**  
 Excipienti incumbit onus pro-  
 bandi. **223**  
 Excommunicatio est pena, qua  
 ab ignorantibus non incurri-  
 ritur. **287**  
 Excommunicatio non incurritur,  
 nisi supponatur peccatum mor-  
 tale. **293**  
 Excommunicatus, si ordines su-  
 scipiat, et si celebret, quas pe-  
 nas incurrat. **302**  
 Excommunicatio ad hoc, ut af-  
 ficiat, requirit subiectum ap-  
 tum, & quomodo. **314**  
 Excom.

*Excommunicatio quomodo im-*  
*pediat Sacramenti valo-*  
*rem.* 343

*Excommunicationes occultaeque,*  
*et qualiter in Sacramento*  
*Penitentiae remittantur.* 345

## F

*Fides quid est.* 17

*In quo differt ab opinione. ibidē*

*Affensus fidei sine humana, sine*  
*Divina liber est, etiam quoad*  
*specificationem.* 102

*Praeceptum fidei est praeceptum*  
*positivum.* 118

*In materia fidei qualibet oppositio*  
*quomodo probabilis sit, sine*  
*peccato eligitur.* 161

*Quare in foro fori semper standū*  
*est sententiae plurium, et non*  
*in foro animae.* 256

*Favores sunt ampliandi, sed quo-*  
*modo.* 283

*Factum in dubio nunquam presumi-*  
*tur, sed probatur.* 322

*H*

*Homo ad omnia liber est, nisi ubi*  
*praeceptis restringitur.* 263

*I*

*Iudex potest esse certus se iuste*  
*agere, etiamsi non credat ius*  
*esse illi, pro quo iudicat.* 45

*Intellectus non potest assensum*  
*alicui obiecto sine ullo mo-*  
*do.* 102

*Intellectus quoad apprehensiones*  
*non est liber, nec circa prima*  
*principia.* 105

*Imaginatio quid sit, et differen-*  
*tia inter ipsam, et opinio-*  
*nem.* 122. et seq.

*Intellectus quomodo distinguit*  
*verum à falso.* 125

*Intellectus opinando quomodo*  
*pendeat à motu.* 129

*Intellectus in iudicando, an se*  
*habeat resistens.* 136

*Quare sequendo imperium vo-*  
*luntatis, non fingat.* 249

*Nequit intellectus simul veram-*  
*que contradictoriam iudicare*  
*veram.* 147

*Veramque autem contradictoriam*  
*potest iudicare probabilem;*  
*quin etiam veram, et alter-*  
*am probabilem.* 150

*Intellectus semper movetur à ve-*  
*ro etiam sequendo minus pro-*  
*babilem.* 204

*Iudex non potest sententiaré iux-*  
*ta minus probabilem, nec*  
*in questione facti, nec iu-*  
*ris.* 219

*Alias peccat contra iustitiam ibidē*  
*Ius est triplex naturale, Divinum,*  
*et positivum.* 262

*Ius Divinum, et naturale esse,*  
*et omnes obligari ibidē est.* 263

*Uniuscuiusque iuris, ad hoc ut*  
*obliget, requiritur sufficiens*  
*promulgatio.* 274

*Quid sit ius esse sufficienter pro-*  
*mulga.*



ut opinione minus probabili,  
dum superius probabilior. **224**  
Alias peccat contra Iustitiam,  
& Caritatem. ibidem  
Quod specificat electionem Me-  
dici. quoad medicamenta est  
ratio tui, non probabilis. **228**  
Mundus vult diligentius geri  
negotia sua quam Deus. **234**  
Ex duobus malis minus est eli-  
gendum. **317**

**O**  
Opinio quid est. **17**  
Opinio non est virtus intelle-  
ctualis. ibidem  
Opinio eligenda sine peccato de-  
bet esse probabilis, & talis  
evidenter cognosci. **51**  
Opinio, quae potest opinari proba-  
bilis, potest ex hoc ipso indi-  
cari evidenter probabilis. **60**  
Purans se opinari tantum, &  
non scire opinionem eligen-  
dam esse probabilem, peccat  
si illam eligit. **62**  
Differentia inter veritatem, &  
probabilitatem opinionis. **63**  
Probabilitas opinionis quid, &  
in quo consistat. **64**  
Nulla opinio est in se probabilis,  
sed probabilitas est tantum in  
ordine ad cognoscentem, &  
quidem imperfectum. **65**  
Non est idem indicare propositio-  
nem esse probabilem, & ei-  
dem assentiri. **66**

Probabilis potest subesse falsum,  
& quare. **67**  
Quotuplex sit motuum, ex quo  
desumitur probabilitas. ibidem  
Opinio quae censurari nequit, eui-  
denter probabilis est. **68**  
Non tamen omnis censura propo-  
sitionis extrahit illam à spe-  
cie probabilis. **70**  
Opinio singularis potest esse pro-  
babilis etiam contra commu-  
nem. **72**  
Probabilitas desumitur plus à ra-  
tione quam ab auctoritate.  
Ex quo modo auctoritas con-  
currat ad probabilitandam  
sententiam. ibidem  
Lex vel Decretum Pontificis pro  
aliqua sententia tollit proba-  
bilitatem oppositae. **73**  
Quae sit firma ratio. **74**  
An sola auctoritas unius sine  
ratione probabiliter senten-  
tiam. **75**  
Quid si Doctor singularis dicat  
aliquid in responsione ad Ar-  
gumenta. ibidem  
Opinio inducens obligationem  
faciendi, vel omittendi ad  
hoc ut sit probabilis, requirit  
aliquod fundamentum positi-  
uum, vel auctoritatis, vel  
rationis. Secus si collat obli-  
gationem. **76**  
Limita tamen in quibusdam ca-  
sibus. **78**  
Opinio potest esse probabilis etiam  
illi

illi, qui nescit respondere argu-  
mentis in contrariū. *ibidem*  
Secus si opinio sit noua, & sin-  
gularis. 80

Eadem propositio iudicata pro-  
babiliter falsa potest iudicari  
euidenter probabilis. 83

Probabile debet posse gignere  
assensum cum quocumq; actū  
antecedente. 88

Quæ opinio sit probabilis simpli-  
citer, & quæ secundū quid. 89

Opinio minus probabilis simplici-  
ter probabilis est. 92

Duarum propositionum contradi-  
ctoriarum utraque potest esse  
simpliciter probabilis. 93

Etiā minus probabilis concur-  
rens cum probabiliori remanet  
simpliciter probabilis. 95

Non ideo aliquid est simpliciter  
probabile, quia intellectus illi  
assentiatur actu. 99

Omnis quicumque assensus opina-  
tius liber est tam quoad exter-  
citium, quā quod ad specifica-  
tionem. 101

Obstinatio quid sit. 119

Opinio singularis viri dummodo  
probabilis sit in praxim dedu-  
citur sine peccato. 162

Opinio etiā opinata falsa quādoq;  
potest eligi sine peccato. 162

Obedientia superiori debita nō  
iustificat actionem. 174

Facit quidem illam magis meri-  
toriam, sed non licitam sal-

tem vniuersaliter. *ibidem*  
Ex opinionibus contrarijs proba-  
bilibus potest qualibet pro li-  
bito eligi quin, & modo hac,  
modo illa. 175

Opinio minus probabilis etiā in  
concurso cū probabiliori licite  
eligitur sine peccato. 188

Opinio de immaculata concep-  
tione licet sit probabilior, oppo-  
sita tamen non est temeraria,  
nec improbabilis. 191

Sequi opinionem minus probabilem  
ex natura rei, vel est lici-  
tum vel illicitum. 197

In eligendis opinionibus homo nō  
tenetur facere summam dili-  
gentiam, ut inueniat verita-  
tem, sed sufficit diligentia mo-  
ralis sufficiens. 206

Opinio facti verissima opinio est,  
non secus ac opinio iuris. 219

Ex opinione facti ut plurimum  
sequitur opinio iuris. 222

Licet quandoq; non. 223

Ex duabus opinionibus, licet una  
probabili, & altera probabi-  
liori neutra est tutior alia in  
ordine ad honeste agendum si-  
ne peccato. 230

Etiā in casu mortis potest quis  
sequi minus probabilem. 232

In eligendis opinionibus quam  
proxim seruari debeant do-  
cti, & quam indocti *ibidem*

Odia sunt restringenda, sed quo-  
modo. 276

Stan-



Stantibus opinionibus contrarijs  
probabilibus super reservatio-  
ne casus, vel censura quid  
agendum. **284**

Cocurrentibus opinionibus verim-  
que probabilibus, an aliqua  
censura lata sit, vel an sit  
valida, quid possit subditus  
facere. **310**

Concurrentibus opinionibus con-  
trarijs probabilibus an aliquis  
sit, vel non sit irregularis quid  
agendum. **341**

In dubio ex opinione probabili  
excommunicationis ex facto  
an quis teneatur iusticiam se-  
qui. **344**

Cum opinione probabili quod quis  
delictum non egerit, quod cō-  
stat esse reservatum, quid agen-  
dum. **348**

Cum opinione probabili Mortis  
prioris viri an mulier possit  
secundo nubere. **349**

Cum opinione probabili quod res  
sit sua quid quisque facere  
possit. **354**

Quid Reges. **355**

Et quid priuatus. **356**

## P

Prudentia quomodo sit virtus  
intellectualis. **26**

Est certa de honestate sui obiecti  
in se, & per se formaliter. **34**

Explicatur syllogismus Pruden-  
tia. **35**

Certitudo Prudentia cadit supra  
electionem non supra mate-  
riam ipsius. **36**

Aristoteles quomodo intelligen-  
dus dum docuit Prudentiam  
non demonstrare, & esse ha-  
bitum partis opinatiue, **27**

Qui operatur prudenter, est certus  
de honestate electionis, seu  
sue operationis anonomastice,  
licet non materia electio-  
nis. **39**

Potentia rationales sunt indis-  
ferentes ad contraria. **103**

Determinatur autem à volun-  
tate. **ibidem**

Nulla Potentia inclinare potest  
ad impossibile. **111**

Propositio non euadit mihi proba-  
bilior per hoc, quod ipsi assen-  
tiar. **146**

Probabilitas simpliciter de hone-  
state materie eligenda hone-  
stat actus voluntatis. **157**

Formalitas Prudentia non est ra-  
tioni, sed probabilis. **158**

Peccatum proprie solum consistit  
in actione nostra hoc est ele-  
ctione, vel omissione. **173**

Omne speculatiue verè probabile  
licite in praxim deducibile  
est. **185**

Probabilitas alia proxima, alia  
remota, & quomodo. **222**

Possessio humana libertatis in  
quo dubio suffragetur, & in  
quo non. **265. 266.**

Quæ.

Q  
Quæstio duplex, alia iuris, alia facti. 218

Quomodo in his questionibus ad honestè agendum debeat se gerere voluntas. ibidem

R  
Recta ratio est actus intellectus practici. 2

Quis actus sit. 3

Non est actus dictans aliquam rem esse honestam, vel inhonestam: sed est actus dictans talem rem hic, & nunc posse eligi sine peccato. ibidem

Recta ratio non desumitur ex veritate rei enunciata per iudicium speculativum antecedens. 7

Nec in ordine ad rectum appetitum. ibidem

Sed ex convenientia cum iudicio speculativo ad ipsam præsupposito. 9

Est idem ac conscientia, & Prudentia, & quomodo. 12

Reservatio casuum nihil est aliud, quam lex adimens auctoritatem absolventi ab aliquibus casibus. 277

Reservatio alia est panalis, alia non panalis, & explicatur. 278

Reservatio regulariter non est pena, sed medicina. 282

Reservatio non cadit nisi supra

mortalia.

287

S  
Scientia quid est. 16  
Subditus potest superiori præcipienti parere, etiam si imperet id, quod probabilius iudicat inhonestum. 196

In materia Sacramentorum sine suscipiens, sine ministrans tenetur sequi Sententiam certam si suppetit: sin secus semper probabiliozem. 231

Intellige, quando est periculum irritandi Sacramentum. 236

Alias peccat contra Religionem. ibidem

Est Parochus vel Confessorius etiam contra Iustitiam. 237

Quilibet alius contra Caritatem. ibidem

In casu necessitatis potest quis etiam in materia Sacramentorum minus probabilem sequi. 238

An imminente gravi damno possit quis in materia Sacramentorum minus probabilem sequi. 244

Sanctificatio Festorum ut sic est de iure Divino, non vero hic, & nunc. 269

T  
D. Thomas in articulo 13. quodlibeto 8. quomodo intelligendus. 48

Volun.

<p>V Voluntas quo ad specificationem solum necessitatur ab obiecto summè bono. 117</p>	<p>per se formaliter honesti; alij autem à voluntate solum de- nominatiue. 153</p>
<p>Ex duobus bonis aequalibus quod libet potest eligere; quin, &amp; eligere minus bonum relicto maiori bono. ibidem</p>	<p>Vxor dubia de morte viri prio- ris quomodo se debeat ge- rere. 264</p>
<p>Soli actus voluntatis sunt for- maliter liberi meritorij, &amp;</p>	<p>Vtutum quid sit. 315 Vouens, vel iurans, se nolle ul- li femina commisceri, an possit nubere. 317</p>

F I N I S.

---

G E N V AE,  
'Apud Petrum Ioannem Calenzanum.'  
M D C X X X V I I L  
*Superiorum Permissu.*

1. The first part of the paper is devoted to a general discussion of the problem of the existence of solutions of the system of equations (1) for arbitrary values of the parameters  $\alpha$  and  $\beta$ . It is shown that the system has solutions for arbitrary values of the parameters  $\alpha$  and  $\beta$  if and only if the condition  $\alpha + \beta = 1$  is satisfied. In this case the solutions are unique and are given by the formulas

$$x = \frac{1}{\alpha} \ln \frac{1}{1 - \alpha} \quad (2)$$

---

where  $\ln$  is the natural logarithm. The solutions (2) are valid for arbitrary values of the parameters  $\alpha$  and  $\beta$  if and only if the condition  $\alpha + \beta = 1$  is satisfied. In this case the solutions are unique and are given by the formulas





6-4

